

MENNONITE LIBRARY & ARCHIVES



3 0531 01052 8709

# LOMÁTUAWI

MATTHEW

MARK

LUKE

JOHN

General Conference of the Mennonite Church  
of North America

HISTORICAL LIBRARY

Accession Number

**1273**

Donor John P. Suderman

Date Received \_\_\_\_\_

Fund \_\_\_\_\_

This book should be returned at the end of two weeks; otherwise a fine of 2 cents a day is charged for each additional day.

2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100

5351







IMUY MATTHEWT, MARKT  
LUKET, PU JOHNT PUMUY  
LOMÁTUAWIAMU

Translated by  
J. R. Duerksen &  
Otto Lomavien

7B

AMERICAN BIBLE SOCIETY

INSTITUTED IN THE YEAR 1816

NEW YORK

[Hopi Gospels, 12mo]

Mennonite Library & Archives  
North Newton, KS 67117

M  
226.0597458  
B471i

IMUY MATTHEWT MARKT  
LUKET PU JOHN PUMUY  
LOMAUAWIAMU

*[Faint, illegible handwritten text]*

AMERICAN BIBLE SOCIETY  
NEW YORK

Mennonite Library & Archives  
North Newton, KS 67117

[Small, illegible text]

# ST. MATTHEW

## LOMÁTUAWIATA

### 1. QALÁLNI

1 It Jesus Christ David tíyat, it Abrahamt tiyat, yūpahaqw sinómuyatuy tuáwi'taqa tutúveni.

2 Abraham Isaact ti'va, noqw Isaac Jacobt ti'va, noqw Jacob Judast pumuy nānatupkomuy tímuiva;

3 Noqw Judas Phārēst nikañw Zārat pumuy Thāmart áhpiy ti'va, noqw Phārēs Esromt ti'va, noqw Esrom Aramt ti'va;

4 Noqw Aram Amínadabt ti'va, noqw Amínadab Nāás-sont ti'va, noqw Nāásson Sálmont ti'va;

5 Noqw Sálmon Bōozt Rāchabt áhpiy ti'va, noqw Bōoz Obēdt it Rutht áhpiy ti'va, noqw Obēd Jēsset ti'va;

6 Noqw Jēsse it moñwit Davidt ti'va, noqw moñwi David Solomont it Uriast nōmayatniñwuqat áhpiy ti'va;

7 Noqw Solomon Robóamt ti'va, noqw Robóam Abiāt ti'va, noqw Abia Asat ti'va;

8 Noqw Asa Jósaphát ti'va, noqw Jósaphát Jōramt ti'va, noqw Jōram Ozīast ti'va;

9 Noqw Ozias Jōathamt ti'va, noqw Jōatham Achazt

ti'va, noqw Achaz Ezékīast ti'va;

10 Noqw Ezékias Manas-sēst ti'va, noqw Manasses Amont ti'va, noqw Amon Josiast ti'va;

11 Noqw Josias Jéchoniast nikañw pu put túpkomuyatuy énañ tímuiva, pumuy Babylont aqwhaqami tsāmiwyaqat éphaqamo.

12 Pu pumuy Babylont aqwhaqami tsāmiwyaqw put átsva Jéchonias Salāthielt ti'va, noqw Salāthiel Zoróbabelt ti'va;

13 Noqw Zoróbabel Abiudt ti'va, noqw Abiud Eliakimt ti'va, noqw Eliakim Azort ti'va;

14 Noqw Azor Sādoct ti'va, noqw Sādoc Achimt ti'va, noqw Achim Eliudt ti'va;

15 Noqw Eliud Eleāzart ti'va, noqw Eleāzar Mátthant ti'va, noqw Mátthan Jacobt ti'va;

16 Noqw Jacob Josepht, it Maryt púwsuñwayat, ti'va, noqw Maryt áhpiy Jesus tíytiwa, Christ yan mātsiwhqa.

17 Noqw ōviy Abrahamt añqw David aw páhsavo sóhsoyam nānañ qatsívaptu-



yaqam pakwt nālōq síykaita-sikipwatya, noqw pu Davidt aňqw Babylont aqw tsāmiwyaqat aw páhsavo pakwt nālōq síykaitasikip nānaňk qatsívaptuyaqamya, nit pu Babylont aqw tsāmiwyaqat aňqw Christ aw páhsavo pakwt nālōq síykaitasikipwat nānaňk qatsívaptuyaqamya.

18 ¶ Noqw Jesus Christ tíy-tiwłpuat yánwata: Put yuat Mary, Josepht amum namívasiwni'taqw, nāto pumuy qa nāmatiqw, pam Qahová-riwtaqat-Hikwsit átsviy nō-yiwkaňw mātaqti.

19 Noqw put púwsuňwaat Joseph súantaqé, put súh-putsnaniqéy qa súhtaqèwniý-qé put nanáuyvé mātapniqéy unáňwti.

20 Noqw nāto pam iit wūwantaqw, mé, Tutūyqawh-qat hōnviayaat put tūmok-lawhqw aw mātaqtiqé paňqawu: Joseph, um David tíata, um uhnōmay Maryt nāmi pitsínani, um qa nānaphin wūwantani, pi pam put áhsonvé aníwhitiqa it Qahová-riwtaqat-Hikwsit atsviý'o.

21 Noqw pam ason tiyóhyat tíytani, noqw um hapi put Jesus, yan túnwani, ispi pam ason sinómuy qaántipuyamuy aňqw ayo óyaniq'ö.

22 Noqw sohsoy ii yáníwhiti, yan Tutūyqawh-qat la-váiyat Susöqaltutuyqawh-

qat énēm yuáataqa hin la-váytiqat ántiniqw öviy'o. Pam ura paňqawu:

23 Mè, qanawhvalni'taqa māna nō'yiwtani, nèn tiyóhyat tíytani, noqw puma put Emanuel, yan tuňwáyani. Pam hapi námtökqé, Susöqaltutuyqawhqa itámuma, íi.

24 Paňsat pu Joseph tātayqé, Tutuyqawh-qat hōnviayaat put aw hin tutápta-qat ántiqé pu nōmay nāmi pitsína.

25 Niýqé pas pam put sús-mohti tiy tiyóhyat tíytaqw, pu put yuyat tuwí'va. Niýqé pam tiyóhyat, Jesus, yan túnwa.

## 2. QALÁLNI

1 Noqw moňwit Herod qatsíyat ép Jesus it Judeat ép Bethlehemt ép tíytiwhqw, mé, a'nō wūwni'yunqam hōpaqw Jerusalemt ép ökiýqé paňqaqwa:

2 Ya haqam Jew-sinmuy amumi moňwtíytiwhqa? Pi itam put sōhuyat hōpaq tūt-waqé put pas híytaikaňkaňw aw okíwlalwaniqé öviy aňqwya.

3 Noqw moňwi Herod it navótqé qa súyan unáňwti, pu Jerusalemt ép sinom sōhsoyamu.

4 Noqw pam sohsoymuy Susöqaltutuyqawh-qat aw-wat súsmomñwituy nikaňw pu sinmuy amúnaqw tutú-

venlalwaqamuy tsoválaqé, pu haqam Christ týtiwniqat pam pumuy tūviñta.

5 Noqw puma put aw pañ-  
qaqwa: Pay Judeat ép Beth-  
lehemt ép'è. Pi Súsöqaltu-  
tuyqawhqat eném yuáataqa  
yan pēna:

6 Pu um'i, it tútskwat  
Judeat ép Bethlehem, pas um  
Judat ép núhtumi tūyqawi'-  
yuñqamuy amúñaqw qa hin  
súshinèway'o, pi ūñaqw hapi  
nāto hak núhtumi tūyqawi'-  
taniqa aníwhtini. Pam hapi  
hak isínmuy, Israel sinmuy,  
amumi tunátyawmani.

7 Pahsat pu Herod a'nö  
wūwni'yuñqamuy nanáuyvè  
wánwayqé, pu hísatniqw sō-  
hu mātaqtigat pam pumuy  
pās tūviñta.

8 Nit pu pumuy Bethle-  
hemt aw hōnaqé pañqawu:  
Uma awyè' it tsākw pās hēp-  
yani, nēn ason uma tútwè' pu  
ahoy nuy añqw āawnawisni,  
noqw nu tuwat awnēn put  
pas híytaikañw aw okíw-  
lawni.

9 Noqw puma moñwit añqw  
yan nanáptat pu áhpiya,  
noqw mé, it sōhut puma hō-  
paq tútwaqw pam amúpye-  
vèniýqé, pu haqam tsākw  
qátuhqat aw pítuñqé pu  
átsvè hurúhti.

10 Noqw puma sōhut tút-  
waqé pahsat pas hínhaqam  
háhlaytoti.

11 Noqw öviy puma kíhut

áhpami yuñqé, pu puma  
tsākwheyat nikañw pu put  
yúyat Maryt pumuy tútwa,  
niýqé puma munúmtotit pu  
put pas híytaikañw aw  
okíwlalwa; pu puma kāhaki-  
way añ hótáhtotaqé pu put  
na'mañwuy húytota, it palá-  
sivata, pu frankincenst nit  
pu myrrht piwu.

12 Noqw puma Herod qa  
aw áhoyyaniqéy Susöqaltu-  
tuyqawhqat añqw tumókna-  
votniwyaqé, pay puma háqé'-  
wat tutskway aqwhaqamiya.

13 ¶ Noqw pumuy áhpi-  
yaqw, mé, Tutuyqawhqat  
hónviayaat Josepht aw tu-  
mókmataqtigé pañqawu: Um  
qatúptut tsākw yúyat enañ  
wíkkañw Egypt aqw wāyani,  
nēn um hapi hāk pēpēq qá-  
tuni, ason nuy uñ āawnani-  
qat páhsavoo, taq Herod  
tsākwheyat hoválaniqé öviy  
hēpni.

14 Noqw pam qatúptut pu  
tsākwheyat yúyat énañ wík-  
kañw míhikpuva Egypt aqw-  
haqamii.

15 Niýqé pam Herod mok-  
qat aw pahsavo pēpēq qatu.  
It Susöqaltutuyqawhqat en-  
ém yuáataqat añ Tutuyqawh-  
qa hin laváytigat ántiniqw  
öviy'o; Ura pañqawu: Nu  
Egypt añqw Itiy wánwayi.

16 ¶ Pahsat pu Herod, kurs  
a'nö wūwni'yuñqam pāysoqw  
put yūyuynayaqat, māmats-  
qé, pu pas a'nö itsívuti, niýqé



pam ura a'nö wūwni'yuñqamuy pās tūvintaqé hisat paníwhtiqat navótqe, pu hakímuy ayátaqé Bethlehemt ép nikañw pu áqlaqlaqé sohókumuy totímhoymuy löqmuy yáhsañwni'yuñqamuy añqw áhpiy nāto tsātsakwmuy áqwahaqami qöya.

17 Pañsat pu Susöqaltutuyqawhqat enēm yuáataqa Jeremy hin laváytiqat ánti. Pam pañqawu:

18 Ramat ép tōna nanáptiwa, wukótsaykitiwhqa, pu tsāykitiwhqa pu pas pávan hiýta ép qaháhlaytsaykitiwhqa, Rachel timuy öviy pákmumuyqé pas qa ókniqéy nāwakna, puma qaháqamyaqw öviy'o.

19 ¶ Nikañw Herod mokqw, mé, Tutuyqawhqat hónviaaat Josepht aw Egypt épéq tumókmataqtiqé pañqawu:

20 Um qatúptut tsākwhoyat nikañw pu put yuyat wíkkañw Israel-sinmuy tútskwayamuy aqwni, pay ima tsākwhoyat qatsíyat túnlayuñqam so'a.

21 Noqw pam qatúptut tsākwhoyat nikañw pu put yuyat wíkkañw Israel-sinmuy tútskwayamuy ép pitu.

22 Noqw Archelaus, nay Herod qeníyat ép Judeat aw mónwiwtaqat, pam navótqé, pam pánsoniqéy maqásti, nit pay pam Susöqaltutuyqawhqat añqw tumóknawotniwh-

qé, pam Galileet ép haqámiwat aw láhsi.

23 Niýqé pam ép pítuñqé pu kitsókit Nazareth, yan mātsiwhqat, ép qatúptu. Susöqaltutuyqawhqat enēm yuáatotaqam hin laváytotiqat ántiniqw öviy'o: Pam Nazareth-sino yan túnwantiwniqat, it'a.

### 3. QALÁLNI

1 Noqw éphaqam John, kuyit akw tūtuvoylalawhqa, Judeat ép qayēsiwhpuvé pítuñqé, yuáataqé pañqawlawu:

2 Uma umúhtunatyay añqw nánamtökyani, taq övéqatsit añqw moñwtunatya pēw pitsíwiwta.

3 Pi i' hapi Susöqaltutuyqawhqat enēm yuáataqa Isaiast áhpiy laváytotiwhqé pañqawiwa: Qayēsiwhpuvé tsa'tinumqat tōnáata, uma Tutuyqawhqat pöhúyat hin hínianiqat ántsatsnani, nāpvöphuyat suwípò'yan.

4 Noqw i' John pölaitaqat pöhóyat añqw yūwsi'kañw kolāsat kwēwta, noqw put nōsiwhqaat tötölt niqw pu mómohtuy nāphaqé yésqamuy momóspalaamu.

5 Pañsat pu Jerusalemt añqw put awya, noqw pu sólshovik Judeat añnikañw Jordant aqlaq sólshovik tútskwañaq'ö.

6 Niýqé qaántipuy ép na-



hóslalwakahkañw put áhpiy Jordant aqw kūyit akw tuvóylatiwya.

7 Nikañw kāysiwhqam Pharissee-sinom niqw pu Sadducee-sinom kūyit akw tuvóylatiwyaniqué awyaqw, pam pumuy túwahqé, pu amumi pañqawu: Is uma tsütsu'tuy tímatsu, ya hak umuy itsívut, nāto pítuniat, añqw wátqaniqat umuy navótna?

8 Oviy uma, tunátyay añqw námtökqat himu a'tsipqat aaniwnayani.

9 Pu uma qa nápqölpé pan wūwankahkañw pánqaqwani: Itam Abrahamt náiyuñwa. Pi nu umumi pañqawni: Pay Susöqaltutuyqawhqa it o'wat añqw Abrahamt tímuivananiqéy nāwakné' kurshin qa pántini.

10 Noqw pay himútsotskit nayat aqw pikáñwa taviwta, noqw öviy himu himútski qalólmat aníwnañwuqa tsáqniwé' qöhit aqw túwiñwu.

11 Pay nu pas antsa as kuyit akw umuy umuh'tunatyay añqw nánamtökyaqat ép tuvóylalawu, nikañw añqw inúnkniyqa pas pavan öqála, noqw nu put tótsiyat yáwmaniqéy aw qahímuu. Ason pam umuy Qahováritaqt-Hikwsit nikañw pu qöhit akw tuvóylatani.

12 Pam wuhíypiy yawta, niyqé pam muríviykay ép pás wúwhini, nèn söhövosiy

tuóykiy aw tañátani, nikañw pam tsíyput qöhit qatókñwuqat akw táqtsokni.

13 ¶ Pahsat pu Jesus Galileet añqw Johnt aw Jordant ép pitu, put áhpiy pam kūyit akw tuvóylatiwniqué öviy'o.

14 Noqw John pas qanákwhanaqé pañqawu: Pi as nu úhpiy kūyit akw tuvóylatiwni, noqw ya piw um añqaww inúmii?

15 Noqw pay Jesus hu'waqé aw pañqawu: Pay um nákwhani puu, pi itam sohsok súantaqat ántininiqw, pam itáhmakiwa. Pahsat pu pam put nákwhana.

16 Noqw Jesus kūyit akw tuvóylatiwh't pu pahsat pay pānaqw yama, noqw mé, nānañumo tókpéla put aw hötsíltoti, noqw pam Susöqaltutuyqawh'qat Hikwsiyat hōwit ánkañw háwtoqat tuwa, pu put átsmi tsokíltiqata.

17 Noqw mé, Ovéquatsit añqw hakiy tónáat pañqawu: I' hapi awiúnañwa Itii, it hapi nu ép pas háhlayi.

#### 4. QALÁLNI

1 Pahsat pu Hikwsí Jesust qayēsiwhpumi wíki, Nukpana aw tuwántaniqat öviy'o.

2 Noqw pam löp sunátsikis tāwanawit nikañw pu áhsakis tókilnawit qa nösqué, pahsat pam tsöñmoki.

3 Noqw unátwi'taqa put aw pítuhqé pu aw pañqawu:

Kurs um Susöqaltutuyqawh-qat Tiatnén, um it o'wat pölavikiniwhtiniqat pañ-qawqwni.

4 Noqw pam hu'waqé aw pañqawu: Pay yan péita: Sino qa pölávikit sa akw qátuni, nikañw sohok laváyit Susöqaltutuyqawh-qat moáñaqw nöñantaqat akwni.

5 Pahsat pu Nukpana Jesus súpwaiwtaqat wúhkoki-tsokit aw wíqé pu pép pam Susöqaltutuyqawh-qat kiyat ömiq tsukúyat aqw put tsóka.

6 Nit pu put aw pañqawu: Kurs um Susöqaltutuyqawh-qat Tiatnén, um átkamiq nātuvani, pi yan ura péita: Pam hónviaymuy uném ayátani, noqw puma un may akw hölölni'yuñwni, taq nāphhisat sēn um owat aqw úhkukuy sáviknani.

7 Noqw Jesus put aw pañqawu: Pay piw yan péita: Um Tutuyqawh-qat Uhsusöqaltutuyqawh-qay qa aw tuwánlawni.

8 Pu piw nat Nukpana put pas wupátukwit aqw wíki, niyqé sohok túwaqatsit añ moñwtutnatyat nikañw pu put núknwayat put aw máhtakna.

9 Nit put aw pañqawu: Iit hapi sohok nu un máqani, kurs um múnukt pu nuy pas híytaikañw inúmi okíwh-taq'ö.

10 Pu Jesus put aw pañ-

qawu: Yupa áhpiy'o, Satan, pi pay yan péita: Um Tutuyqawh-qat Uhsusöqaltutuyqawh-qay pas híytaikañw aw okíwlawni, pu put sa um tumálaitani.

11 Pahsat pu Nukpana put mātavi, noqw mé, Susöqaltutuyqawh-qat hónviaymat put aw ökiyqé pu put aw unáñwtapya.

12 ¶ Noqw John sivi'kimi túwiwh-qat Jesus navótqé, pu pam pañqw ahpiy Galileet aw'i.

13 Niyqé pam Nazaretht añqw áhpiyniyqé, pu pātu-waqatsit qalávèq kitsókit Capernaumt ép pítuhiqé pép qatúptu. Pam Zebulont nikañw pu Naphtalimt pumuy qalávèq'a.

14 Susöqaltutuyqawh-qat eném yuáataqa, Isaias hin laváytiqat ántiniqw öviy'o; Pam ura pañqawu:

15 Zebulont tútskwaata, pu Naphtalimt tútskwaata, wúhkovatuphat qalávaqé pöhu, Jordant yúpqöyvée, Galilee qajew-sinmuy himúam,

16 Sinom qatálpuva yès-qam qaánewakw tálát tút-wa, pu mokíwuy qalávani-kañw pu kíysiwniyat añ yès-qamuy, pumuy amumi tála yama.

17 Pahpiy pu Jesus yuáati-vaqé pañqawtiva: Uma umuh-tunatyay añqw nánam-

tökyani, pi òvèqatsit ép moñwtunatya pèw pitsíwiw-taq'ò.

18 ¶ Noqw Jesus wúhko-vatuphat Galileet qalávaqé kwilálatakañw nātupkomuy pakíwmaqtutsayay pāmiq páhpanqamuy tuwa; it Simont, Peter, yan túnwan-tiwhqat nikañw pu put túpkoyat Andrewt, pumuyu, puma pakíwmaqnumqamniýqé òviy'o.

19 Niýqé pam pumuy amumi pañqawu: Uma inúnkni, noqw nu umuy sinmuy máqnumqamuy pan yúkuni.

20 Noqw puma pahsat pay pakíwmaqtutsayay mātapt, put añki.

21 ¶ Pu pam páhpiynikañw, pu piw hakímuy löqmuy nātupkomuy tuwa, Zebedeet tiyat Jamest nikañw pu piw put túpkoyat Johnt, pumuyu. Puma nay amum pākihut añqw pakíwtaqw, puma pakíwmaqtutsayay aw yúy-kuya; noqw pam pumuy wáñwayi.

22 Noqw pay pahsat puma pākihut nikañw pu nay mātapt, put añki.

23 Pu Jesus Galilee-tutskwat añ sóhsovik nákwసుqé tsótsvalkikiyamuy añ pumuy tutúqaynatinuma, pu lomātuawit moñwtunatyat áhpiyniýqat yuáatinuma, pu soh-sok tūyat nikañw pu sinmuy amúhpa soh-sok hiýta akw

toko núksiwiwyuñqat qaláptsintima.

24 Noqw put híntsakpiat Syriat añ áhsupoqw nanáptiwa. Noqw puma soh-sokmuy hihíyta tūyat nikañw pu kānavotpit akw tūtuyyaqamuy put aw tsámvaya, pu piw imuy nūnukpantuy akw áhsaliwyuñqamuyu, pu imuy muyhonaqíwyuñqamuyu, pu piw amúhpa-qatāyuñqamuyu, noqw pumuy pam qaláptsinata.

25 Noqw qaánewakwhintaqam Galileet añqw put añkya, pu Dikapolist añq'ò, pu Jerusalemt añq'ò, pu Judeat tútskwat añq'ò, pu Jordant yúpqöyñaqö.

## 5. QALÁLNI

1 Pu pam qaánewakwhintaqamuy sinmuy amumi yórikqé pu tūkwimiq'a, noqw put qatúptuqw, put aw nánatuwnayaqam put aw öki.

2 Pu pam yuáaykuqé pumuy tutúqaynativaqé pañqawu:

3 Pas Hikwsit añ öokiwyaqam háhlaypit épya, pi òvèqatsit añqw moñwtunatya hapi pumuy himúamniq'ò.

4 Pas ima qaháhlaiyyaqam háhlaypit épya, pi puma hapi ökníwyaniqéé.

5 Pasí'nañwaiyuñqam háhlaypit épya, pi puma hapi tūwaqatsit himúivayaniqéé.

6 Pas súantaqat tsöñsoiw-



kaħkañw pu pānaqsoiwyuñqam haħlaypit ĕpya, pi puma hapi ōōyaniqēē.

7 Pas ima nūnōkwat haħlaypit ĕpya, pi puma hapi ōkwa-tuwiwyaniqēē.

8 Pas ima kwāñwèwakw unāñwaiyuñqam haħlaypit ĕpya, pi puma hapi Susōqaltutuyqawhƣat aw yōrikyaniqēē.

9 Pas ima nānakwhani'yuñqam haħlaypit ĕpya, pi puma hapi Susōqaltutuyqawhƣat tīmatniyqēy pan tūñwantiwyaniqēē.

10 Pas súantaƣat átsviy o-kiwsaħsanwaqam haħlaypit ĕpya, pi ōvēqatsit añƣw moñwtunatyā hapi pumuy himuámniq'ō.

11 Uma haħlaypit ĕpyani, sinom inútsviy umúmiq nā-naphin hínƣaqwaq'ō, pu umuy okiwsaħsanyaƣ'ō, pu soħsok hiyta ƣalólmat umuy nēveltotoynayaƣ'ō.

12 Uma haħlaytotini, nēn pas hínhaqam haħlayani, pi ōvēqatsit ĕp umúhaħsati pas ƣa ōwi'èwniq'ō, pi pay Susōqaltutuyqawhƣat eñēm yuá-atotaqamuy umúpyevèyaqamuy pan puma okiwsasna.

13 ¶ Uma hapi tūwaqatsit ōñaata, nikañw kurs ōña suhúviwé', ya sēn hiyta akw pam suhútiwni? Pay pi pāpu pam ƣa ápiniyqē panis más-piwhƣ, sinom put aw wukú-kuykuyani.

14 Uma hapi tūwaqatsit tunátyayat hínwisqamuy amumi tálni'yuñqamu. Tsó-mot ĕpēƣ wúħkokitsoki wúnuhƣa kurshin tūpkiltiñwu.

15 Piw sinom wíyqōhit ú-wiknayat tuwānpit sīvut akw put ƣa kúħtayañwu, nikañw puma put tsotsokpiyat aƣw tsokáyaƣw, pu pam kīvé ta-ñáwtaqamuy soħsokmuy amumi tálni'tañwu.

16 Noƣw pan uma sinmuy amútpik umúħtalay tálni'yuñwni, noƣw puma lolmat umúħtumálay aw tāyuñwni, nēn ōvēqatsit ĕp Umúnay tayáwnayani.

17 ¶ Nu it tutávot sen it nātoniqat yuáatiwhƣat sáħ-puknaniqē pituhƣat, uma ƣa pan wūwayani; nu put ƣa sáħpuknaniqē pitu, pi nu put ántiniqē ōviy pitu.

18 Pi pas antsa nu umumi pañƣawni: Ovēqatsit niƣw pu tūwaqatsit súlawħtiniƣat aw páħsavo sūka tsóħkokpu niƣw pu súshiysay pas soon tutávot añƣw súlawħtini, pas soħsok ántiniƣat aw páħsavoo.

19 Paniƣw ōviy nāphaqawa súshiysakw it tutávot ƣa ántit, sinmuy pan tutúwna-ƣa, ōvēqatsit añƣw moñwtunatyat ĕp súsqahimu-tuñwantiwni, nikañw haqawa ántsakmakañw put tūtutukaynaƣa, ōvēqatsit añƣw

moñwtunatyat ép pávanniý-qéy, pan túñwantiwni.

20 Pi nu umumi pañqawni: pas umúhsuantsakpi imuy tutúvenlalwaqamuy nikañw pu Pharisee-sinmuy súantsakpiyamuy épniýqé qa pavan pas súantaqw, pas kurs-hin uma ôvéqatsit ép moñwtunatyat aw yuñni.

21 Uma nanáptaqw, ura hisátsinmuy amumi yan laváytotiwa: Um hakiy qa nīnamantani, pu haqawa hakiy nīnaqa hin-yukúniwniqéy aqw unáhintini.

22 Nikañw nu umumi pañqawni: Pay haqawa túpkoy pāvay aw as qahíýta ép itsívuiwtaqa hin-yukúniwniqéy aqw unáhintini; pu nāphaqawa túpkoy pāvay aw, Qahíýkaitaqa, kítañqa, súsmoñwtsovawtaqamuy amumi unáhintini; pu nāphaqawa, Um núanhimu, kítañqa, qōhit sivíýpit aqw unáhintini.

23 Paniqw ôviy kurs um qatsínatwanpit aw uhkuwahtipuy kwusívakañw pép uhpavay uhtupkoy ūmi hiýta ép hīntaqat u'né',

24 Um pép uhkuwahtipuy mātap pu um mohti áhpiy-nén uhpavay uhtupkoy amum namívōhikt pu pahsat um awnén uhkuwahtipuy távimantani.

25 Um uhpéwìwtaqat súh-añvatamantani, nāto um amum áqwnikañwo, taq nāp-

hisat sen úhpéwìwtaqa un hin-tūyuykunaqat aw nóani, noqw hin-tūyuykunaqa un solawat aw nóaqw, um sivi-kimi tūviwni.

26 Pas antsa nu umi pañqawni: Pas um soon pañqw yámakni, ason pas um sútsakw sivat núhtuñkniýqat sísvé' pu pántini.

27 Uma nanáptaqw, ura hisátsinmuy amumi yan laváytotiwa: Um tókot ép qa nāu-uyni.

28 Nikañw nu umumi pañqawni: Pay nāphaqawa wuhtit aw nuvōtaytaqa pay un-áñwpéq put kwañwaiñwu.

29 Noqw kurs pútvaqwat uhposi un qaántsangw, um put hóroknat náhpiy put tūvani, pi pay sūka ūñaqwvi súlawhitiqw, qapas pas sol-soy uhtoko qōhit sivíýpit aqw tūviwhqw, pam unēm híýkaitani.

30 Pu kurs pútvaqwat uhmay un qaánhintsangw, um put ayo tukut náhpiy put tūvani, pi pay sūka ūñaqwvi súlawhitiqw, qapas pas sol-soy uhtoko qōhit sivíýpit aqw tūviwhqw, pam unēm híýkaitani.

31 ¶ Pu ura yan laváytotiwa: Haqawa nōmay mātap-niqa put nāmatap-tutuvenit máqamantani.

32 Nikañw nu umumi pañqawni: Pay haqawa nōmay mātapqa put alōñōt tokot

tuwítóynañwu, hal pas tokot ūuyqwniýqasaa, pu haqawa it mātaviwhqat amum qatúptuqa, tokot ūuyñwu.

33 Pu piw uma nanáptaqw, ura hisátsinmuy amumi yan laváytotiwa: Um hiýta pasíwné' qa atsátamantani, nikañw um hiýta pasíwné' Tutuyqawhقات aw put ántimantani.

34 Nikañw nu umumi pañqawni: Uma pas pávan öqálat laváyit akw umúhlavayiý pasíwnayaniqéy qé'yani; uma qa övèqatsit akw pán-tsatskani, pi pam Susöqaltutuyqawhقات moñwàtsvewaatniq'ö,

35 Piw qa tūwaqatsit akw'a, taq pam put wuwúkpiatniq'ö, piw qa Jerusalem akw'a, pi pam a'nö moñwit wúhkokitsokiatniq'ö,

36 Piw um qa uhqötöy akw uhlavayiý pavan öqálat pasíwnani, ispi um soon sūkw hōmit qōtsataniqéé, piw qōm-vitani.

37 Nikañw pay umuy, owi, kitótaqw, pammantani, pu piw, qae, kitótaqw, pammantani; pi himu laváyí imuy amúhpèniýqé hóyokiwtāqa qalólmat añqwniñwuniq'ö.

38 Uma nanáptaqw, ura yan laváytotiwa: Pōsit ép pōsimantani, pu tāmāt ép tāmamantani.

39 Noqw nu umumi pañ-

qawni: Uma qalólmat ép qa rohómtotimantani, nikañw nāphaqawa pútvaqwat úh-tayway wuvahtaqw, pay um piw ayáñqwat put aw nám-tōknamantani.

40 Pu kurs haqawa tutávot aw yánkañw uhnappay hím-taqat, pay um piw aw úhu-símniy mātāpmantani.

41 Pu kurs nāphaqawa sūp tútskwatuwanit páhsavo uñ put ámumniqat ūmi núantuyqawvaqw, um lōp tútskwatuwanit páhsavo put ámummantani.

42 Umi hiýta tūvintaqat um máqamantani, pu hakiy ūmi hiýta nasímokahtaniqat um ápyevé qa wāyamantani.

43 Uma nanáptaqw, ura yan laváytotiwa: Um uhsinósñway aw unánwaikañw uhtúwqay aw pas itsívuiwtani.

44 Nikañw nu umumi pañqawni: Uma umúhtuwqamuy amumi unánwaiyuñwni, umúnēm qalólmat unánhwvas-totaqamuy amúnēm uma háhlaypit tunátyaltotimantani, umúmi qayán unánwaiyuñqamuy amumi lólmat hín-tsatskani, pu umúhunañway tūhototaqamuy amúnēm uma nānawaknamantani, pu umuy okíwsanyaqamuyu.

45 Nén uma Umúnay övèqatsit ép qátuhqat tímatni; pi pam qalōlolmatuy nikañw pu lōlolmatuy amúnēm tā-way yámaknañwuniq'ö, pu



súanyuñqamuy nikañw pu qasúanyuñqamuy amumi yóknañwuniq'ö.

46 Ispi kurs uma umúmi unáñwaiyuñqamuy sa amumi unáñwaiyuñwé', ya uma hiýta áhsati'yuñwni? Ya sivátsovalantotaqam qa piw pán-yuñwa?

47 Pu kurs uma umúhpavamuy umúhtupkomuy sa amumi yuáatoté', ya uma mímuy amúhpéníyqé híýta alónöt híntsatska? Ya qa híkispí sívátsovalantotaqam pányuñwa?

48 Paniqw öviy uma pás pasiwyuñwni, övéqatsit ép Umúnay pás pasiwtaqat pan'i.

## 6. QALÁLNI

1 Uma tunátyaltotini, nèn sinmuy umumi táyuñwniqat öviy amútpik lolmat umúhtumalay híntsatskaniqéy qé'yani, taq uma pántsatské' övéqatsit ép Umúnay qatúh-qat aw qahiýta áhsatotani.

2 Paniqw öviy um úhlomatumalay híntsaknik, qa nátpik tötöqpít añ tóqtimantani, nawípèwtuptsiwni'yuñqam sinmuy amunaqw tayáwniwyaniqéy öviy tsótsvalkinawit nikañw pu kítpiknawit pántsatskañwuniqw, qa pán'i. Pas antsa nu umumi pañqawni: Pay puma áhsatiy ömáhtota.

3 Nikañw um uhlomátumalay híntsakq, pútvaqwat uh-

ma hiýta híntsakqat súyvaqwat uhma qa navóti'taman-tani.

4 Noqw uhlomátumala qa súsmataqpuvani, noqw Una qasúsmataqpuva tuwáitaqa put ép uñ súsmataqpuva tayáwnani.

5 Pu um nāwakné' um nawípèw tuptsiwni'yuñqamuy qa amúnni, taq sinom amumi táyuñwniqat öviy puma tsótsvalkinawit| nikañw pu kítpik tütuyqava hónkañw nānawaknaniqéy pas nānawakna. Pas antsa nu umumi pañqawni: Pay puma áhsatiy ömáhtota.

6 Nikañw um'i, um nāwaknanik, um uhkiy ép áhpap-hoyat aw pakít, pu um uhát, pahsat um Unay qamātaqpuvaniyqat aw nāwaknamantani, noqw Una qamātaqpuva tuwáitaqa, put ép uñ súsmataqpuva tayáwnani.

7 Nikañw uma nānawakné', híhiýtuy sinmuy qa amun pāysoq pūvutsa yuáatotamantani, pí puma wūhaq laváytotiqéy ép nanáptiwyaniqéy wūwayañwu.

8 ¶ Paniqw öviy uma pumuy qa amúnyuñwni, pí uma hiýta háqni'yuñqw Umúna put pay navóti'tañwu, nāto úmuy qa tūviñtotaq'ö.

9 Paniqw öviy uma yánwat nānawaknamantani: Itánaa, övéqatsit ép qátuhqa, nam uhñatñwani pas súpwaiwtaa,

10 Uhmónwtunatya pas páynam pituu, uhtunatya tūwaqatsit ép pas paynam pasíwhtii, ovéqatsit ép pasíwhti qéy an'i.

11 Um pu'talónvaqat ép nõsiwḥqat itámuptsiwtaqat itamuy húytani.

12 Pu um itáhqaántipuy itámumi qé'watani, itámumi qaántotiqamuy amumi itamuy put ép qé'watotaq'ö.

13 Pu um unáhéppit qa añitamuy tsāmi'mani, nikañw um qalólmāt añq̄w itámuy ayo'öoytimani, pi moñwtunatya uhhimuniq'ö, pu öqála, pu lolma tālawñwa, sutsép-saa. Okiw antani.

14 Pi uma sinmuy qaántipuyamuy ép amumi qé'watotaq̄w, övéqatsit ép Umúna piw umumi qé'watani.

15 Nikañw uma sinmuy qaántipuyamuy ép amumi qa qé'watotaq̄w, pay soon piw Umúna umúhqaántipuy ép umúmi qé'watani.

16 ¶ Pu piw öviy uma nānapwalé', uma nawípèw túptsiwni'yuñqamuy qa amún-yamantani nèn qa qaháhlaysoniwyani, pi puma pitsañway alóñtotañwu; nānapwalaqéy an sinmuy amumi mātaqyaniqéy öviy'o. Pas antsa nu umumi pañqawni: Pay puma áhsatiy ömáhtota.

17 Nikañw um'i, um nāpwalé' um uhqötöy lélwiman-tani pu posímavaqtamantani;

18 Nèn um nāpwalaqéy qa pan sinmuy amumi mātaqnit, Unay qamātaqpuvèniyqat aw mātaqmantani, noqw Una qamātaqpuva tuwáita-qa put ép un súsматаqpuva tayáwnani.

19 ¶ Tūwaqatsit ép kwáh-ya niqw pu sikáñputañwuqa hiyta hoválañwuniqw pu pép uúyiñwt hañwáyé' pórokna-yat pu ūuyañwuqat, uma qa ép nénnèm kāhakiwat koyó-lalwani.

20 Nikañw uma övéqatsit ép nénnèm kāhakiwat koyóto-tani, pép kwáhya niqw pu sikáñputañwuqa qa hoválañwu, pu pép uúyiñwt qa póroknañwu pu qa ūuyañwu.

21 Pi haqam uhkakahakiway-niqw, pép piw uhunañwa hínnumni.

22 Pōsi hapi tokot tálñiata, kurs paniqw öviy uhposiy sūk tālatniqw, áhsupoqha-qami uhtokoy añ tālani.

23 Nikañw kurs uhposiy pas qalólmaniqw, áhsupokhaqami uhtokoy añ qatālani. Pāniqw öviy kurs tāla úpqöl-pèniyqa qatālatniqw, isùti qatālani.

24 ¶ Kurshin hak sino pas löqmuy mónwituy tumálaita-ni, pi pam soon qa sukwat aw qayan! unáñwaikañw pu sukwat sa aw unáñwaitani, pu pay sen híytawat sa aw pas yuki'kañw pu mitwat

qapas pas hiýtaitani. Kurshin uma Susöqaltutuyqawhqat tumálaikahkañw piw pay kâhakiwatyani.

25 ¶ Paniqw öviy nu umumi pañqawni: Uma umúhqatsiy eném qa nânaphin wūwantotani, hiýta uma nōnovaniqéyu, pu hiýta uma hihikwaniqéyu, pu piw umúhtokoy eném'i, hiýta uma yūyahniqéyu. Puyaw qatsi nōsiwhqat épniýqé qa pavan pas'i, pu toko yūwsit épniýqé qa pavan pas'i?

26 Uma tókpelat añ masái-yuñqamuy amumi táyuñwni, puma qa ūyauñwu, piw qa hōqyañwu, piw qa tunōsna'sastotañwu, noqw òvèqatsit ép Umúna pumuy nōnopna. Noqw ya uma pumuy amúhpéniiyé qa pávan pas hiýkaiyuñwa?

27 Ya haqawa uma wúptiniqéy tunátyawkañw, sèn pam nāp sūp tsövit aw pah-savo mātuwanit nāmi wúptani?

28 Noqw hinoqw uma yūwsit öviy tunátyawyuñwa? Uma tutskwat añ lily-sishut hin wúnwiwwisqat aw wūwayani, puma qa tumálaiyuñwu, piw puma qa tóntotañwu.

29 Noqw nu umumi pañqawni: Híkispi Solomon soh-sok hiýta lolmat pitsánway añ qahíytawat imuy an lomáyuwsi'ta.

30 Noqw öviy kurs Susöqaltutuyqawhqa tutskwat añ tūsaqat, nat pu pánkañw qāvo pay qōpqōmiq más-piwniqat yūyuwsiné', puyaw pam tis umuy qa pas pavan yūwsinani, uma ókiw hihíntuptsiwni'yuñqamu?

31 Paniqw öviy uma qa nânaphin wūwantotani pañqawkañkañwo: Sèn hiýta itam nōnovani, pu sèn hiýta itam hihikwani, pu sèn hiýta itam yūyahiwtani?

32 Pi soh-sok iit yāyantaqat hihíytu sinom tunátyawyuñwa; pi umuy soh-sok iit hiýta háqni'yuñqw òvèqatsit ép Umuna navóti'ta.

33 Nikañw uma móhti Susöqaltutuyqawhqat mónwtunatyayat tunátyaltotimantani, pu piw súantaqayata, noqw soh-soy ii himu umumi énañtini.

34 Paniqw öviy uma qāvoniqat qa nânaphin wūwantotani, pi qāvonika hiýta hintaniqat aw nāp tunátyaltimantaniq'ö. Paypi talōñvaqat ép qalolma put ép níýtiwtañwu.

## 7. QALÁLNI

1 Uma hakiy qa hinwat yukúnayamantani, nèn uma qahínwat yukúniwyani.

2 Pi uma hakiy hiýta akw hinwat yukúnayé' put akw uma hinwat yukúniwyani; pu uma hiýta tuwánpit akw

hakiy hin tuwántoynayé' pan uma piw tuwat tuwantoy-niwyani.

3 Noqw hinoqw um uhtup-koy pósveq kohóhyat pakiw-taqat tuwáikañw pas nāp uhposveq léstavit pakiw-taqat qa wūwanta?

4 Hal ya sēn uhposveq lés-tavit pakiwtaqw, hin um uhtupkoy aw pañqawni: Hi-mu nu as uhposñaqw kohóh-yat hóróknani, susmataqpi uhposveq léstavit pakiw-taq'o?

5 Um nawípèw túptsiwni'-taqa, um mohti uhposñaqw léstavit hóróknani, nēn páh-sat pu um pas súyan tālat táykañw uhtupkoy pósñaqw kohóhyat hóróknani.

6 Uma hiýta pas híyta-niqw pópkotuy amumi qa taviyani, piw a'nō híýkai-yuñqat tūkwaptiwnwut án-yuñqat umúhhimuy uma pi-tsōtimuy amumi qa máspa-yani, taq nāphisat sēn puma put aw wukúkuykuyat ahoy nānamtōkyat umuy tsíýtsik-totani.

7 ¶ Uma tūviñtotani, noqw umumi noíwni, hépyé' uma tútwani, pōññōykinayaqw, umumi hōtsíltini.

8 Pi nāphaqawa tūviñtaqa kwúsuñwu, pu hépqa tú-wañwu, pu pōññōykinaqat aw hōtsíltini.

9 Ya sēn umúñaqw haqáwat sinot tiyótiat put aw pólávi-

kit tūviñtaqw, sēn pam put owat máqani?

10 Pu sēn pam pākiwuy ōviy tūviñtaqw, sēn pam put tsūat maqani?

11 Noqw kurs uma qalōlol-mat nikañw umúhtimuy lol-mat kuwahtiput húytotani-qéy tuwí'yuñqw, puyaw tis ōvéqatsit ép Umúna qátuhqa put épniyqé put aw tūviñto-taqamuy, hīhiýta lōlolmat qa húytani?

12 Paniqw ōviy soh sok hiý-ta sinom umumi hin hín-to-tiniqat uma nānawakné', pan uma piw pumuy amumi hín-tsatskani, pi i' hapi tutávo nikañw pu Susōqaltutuy-qawh qat enēm yuáatota-qamu.

13 ¶ Uma híysa pūtsit hō-tsíwat añ yuñni, pi hōtsíwa wúhkoqniniqw pu pōhu a'nō pūtsi, nāwhvalantiwh qat aqw pōhu, noqw kāysiwh-qam pañ yuñta.

14 Ispi qatsit aw hōtsíwa híysaq qéniniqw, pu aw pō-hu híysa pūtsiniq'ō, noqw híkiyom put tuwáinumya.

15 ¶ Uma nawípèw Susōqal-tutuyqawh qat enēm yuáato-taqamuy kanéltuviktañaw-kañkañw ápqōlpa kwē-kwewht tsōñhonaqíwyuñqa-muy umumi ōkiniqamuy ép nāmi tunátyaltotini.

16 Pay uma pumuy hiýta aníwniyamuy akw māmats-yani. Ya sinom ōvat kūtaita-



qat añqw máwyañwu, pu piw nōnvospalat hiyta anáhaat tūsaqat añqw máwyañwu?

17 Qa panta hápiniqw, òviy solsoy lolma tsóki lomási-palat aníwnañwu, nikañw qalomátsoki qalomásipalat aníwnañwu.

18 Pas kurshin lolma tsoki qalolmat sipálat aníwnani, pu piw kurshin qalólma tsoki lolmat sipálat aníwnani.

19 Solsoy tsoki lolmat sipálat qa aníwnañwuqa tsáq-niwé' pu qōhit aqw máspiw-ñwu.

20 Yantaqw hapi òviy uma pumuy aníwniyamuy akw māmatsyani.

21 ¶ Qa solsoyam, inúmi, Tutuyqawhqa, Tutuyqawhqa kitótaqam, òvéqatsit añqw moñwtunatyat aw yuñni, nikañw òvéqatsit ép Inay qátuhqat tunátyayat hín-tsakmaqa hapi aw pákini.

22 Put talōñvaqat ép kāy-siwhqam inumi pañqaqwani: Tutuyqawhqa, Tutuyqawhqa, ya itam qa úhnatñwaniy añ nātoniqat yuáaykuya, pu piw qa úhnatñwaniy añ nū-nukpantuy ípwaya, pu piw qa úhnatñwaniy añ nýtiw-taqat kātumaltota?

23 Pahsat pu nu pas sús-mataq pumuy amumi pañ-qawni: Nu qahísat umuy tuwi'ta, inúhpiy ayo'yaa, u-ma qaántsatskaqamu.

24 ¶ Paniqw òviy nāphaqa-

wa iit ilávayiy navótkañw pu put ánmaqa, it hakiy tāqat wūwni'taqat, it owat ép kīta-qat, pam ántaqat nu pañ-qawni.

25 Noqw yókvaqw pu wu-kómunvaya, noqw húkvaqé pu put kihut aw a'nō yēvan-taqw, pam qa sálpu, pi pam owat ép kītiwhqéé.

26 Pu nāphaqawa iit ilá-vayiy navótkañw put qaán hinmaqat, put nu qawūwni'-taqat tāqat, písávé kītaqat, ántaqat pañqawni.

27 Noqw yókvaqw pu wukó-munvaya pu húkvaqé pu put kihut aw a'nō yēvantaqw, pam sálpu, niyqé pam wu-kósahpu.

28 Noqw Jesus solhok iit laváyyukuqw, qaánewakw-hintaqam sinom put tutúqay-piyat ép kātayuñwa.

29 Pas pam tutúvenlalwa-qamuy qa amun nit, pas pa-van òqálat yántaqéy pan pu-muy tutúwnaqw òviy'o.

## 8. QALÁLNI

1 Pupam tūkwiñaqwhawhqa, qaánewakwhintaqam sinom put añkya.

2 Noqw mé, hak tokóplelet tūtuyqa pítuhqé put pas híy-taikañw aw okíwlawhqe pañ-qawu: Tutuyqawhqa, kurs um súhtaqèwnén, pay kurs um hin nuy qa kwanwèwakw-tani.

3 Noqw Jesus put aw māv-

yaltiqé aw tónokkañw pañqawu: Pay nu súhtaqèwa, um kwáñwèwaytini. Noqw pahsat pay pam tokópleley añqw kwáñwèwayti.

4 Noqw Jesus put aw pañqawu: Um tunátyaltini, nèn qahákiy āawnani, nīkañw um áhpiynèn Susöqaltutuyqawh̄qat awwat mónw-it aw nāmahtaknani, nèn hin Moses tutáptaqat pán um kuwáhtiput Susöqaltutuyqawhat aw mātapni, pan um put pumuy amumi máhtaknani.

5 ¶ Noqw Jesus Capernaumt aw pákiqw, hak tsivótsikip súnatniýqamuy amumi mónwīwtaqa put aw pítuhqé aw naókiw̄hkwa ö'qalqé

6 Pu pañqawu: Tutuyqawh̄qa, itúmalàya kīvé túyqatsq áhpa-qatāyuñwa, noqw pas kānavoti'ta.

7 Noqw Jesus put aw pañqawu: Pay nu unknèn put qaláptsinani.

8 Noqw tsivótsikip súnatniýqamuy amumi moñwi hu'waqé pañqawu: Tutuyqawh̄qa, pay soon nuy hínèwakwniqw, um íkiy aw pákini, pay um panis laváytiqw pay itúmalàya qaláptuni.

9 Pi nu öqálat yántaqa tāqa, soláwamuy amumi tutúyqawi, niýqé nu itwat aw, yupá, kitaqw, pam áhpiyniñwu, pu súkwat aw, péw'i, kitaqw, pam péwniñwu, pu itúwikiy

aw, yántii, kitaqw, pam pán-tiñwu.

10 Noqw Jesus it navótqe, kātaytaqé pu put áñkyaqamuy amumi pañqawu: Pas antsa nu umumi pañqawni, pas nu qahaq yántaqtat pas pavan qapēvēwnit tuwa, qae, Israel sinmuy amúhpé nu qaháqam tuwa.

11 Noqw nu umumi pañqawni: Kāysiwh̄qam hōpaqw nikañw pu tāvañqw ökini, nèn Abrahamt nit pu Isaact nit pu Jacobt pumuy amumum övēqatsit añqw moñwtunatyat ép yēsvani.

12 Nikañw moñwtunatyat timat íypo qatālat aw mās-piwyani, pép pu tsāykitiwni pu tama nūrítiwni.

13 Pu Jesus tsivótsikip súnatniýqamuy amumi moñwit aw pañqawu: Yupa, pay un hinhaqam túptsiwh̄qw, pan ūmi yukíltini. Noqw put tumálàyaat súhpahsat pay qaláptu.

14 ¶ Pu Jesus Petert kiyat aw pákiýqé pam put nōmayat yuyat wáökiwkañw mukiiwtaqat tuwa.

15 Niýqé pam put māyat aw tónokqw, pu mukítuya put mātavi, noqw pam qatúptut pumuy amúnēm hiýta híntsana.

16 Pu masíphiqw puma kāysiwh̄qamuy nūnukpantuy akw túyqawiwyuñqamuy put aw tsámvaya, noqw pam

laváyit akw hīhikwsit ípwa, niyqé sohokmuy tūtuyyaqamuy qalaptšina.

17 Yan it Susōqaltutuyqawh̄qat eñem yuáataqat Isaiat, añ lavaytotiwh̄qat ántiniqw ōviy'ō. Pam nāp pañqawu: Pam itáhqaōqalay kwusúkañw, pu itáhtuyay ikwiwta.

18 Noqw Jesus put áqlaq qaánewakwhintaqamuy sinmuy túwahqé ayóqwat áqwyaniqat pañqawu.

19 ¶ Noqw hak tutúvenlawh̄qá pítuhiqé put aw pañqawu: Tutuyqawh̄qá, pay un nāphaqaminiqw, nu únkni.

20 Noqw Jesus put aw pañqawu: Pay sisíkahtayt as ki'yunwa, pu masáiyunqam as totókpi'yunwa, nikañw Sinot Tiat haqam qótöy nāsunwnaniqéy nástaa.

21 Pu piw súhka put aw nánatuwnaqa put aw pañqawu: Tutuyqawh̄qá, um nuy nákwahanaqw, nu mohti áhpiynén pu inay ámni.

22 Noqw Jesus put aw pañqawu: Um inúnkni, paypi so'pum nāp so'pumuy ámyani.

23 ¶ Pu pam pākihut aqw pakiqw, put aw nánatuwnaqaqam put añkya.

24 Noqw mé, pas wukóvatuphavaqé a'nö hukva, pas a'nöniqw ōviy pākihu pāhut wúnwnuptuyaqat akw nōmiliti, nikañw pam pūwi.

25 Noqw put aw nánatuwnayaqam put áwyaqé pu put tātaynaya, pañqawkahkañwo: Tutuyqawh̄qá, itámuy ayo' oyaa, itam kīqōtotini.

26 Noqw pam pumuy amumi pañqawu: Ya uma hinoqw tsawíniwyunwa, ókiw uma hihíntuptsiwni'yunqamu? Pu pahsat pam wunúptut hūhukañwtuy nikañw pu wúhkovatuphat mēwa, noqw pas sútmakma.

27 Noqw sinom kurshin wūwayaqé pañqaqwa: Isùti ya sèn i' hak taqa hímuu, ōviy híkispí pas hūhukañwt niqw pu wúhkovatupha put aw tuqáyvasta?

28 ¶ Noqw pam ayoqwat yámakqé imuy Gergese-sinmuy tútskwayamuy aw pítuqw, pépéq löyöm núkpanat akw tūyqawiwtāqam put áhsawva, tuámqölnaqö, pas honáqhovars-itsívuiwtāqamu, noqw ōviy kurshin hak páñqé haqámini.

29 Noqw mé, puma a'nö tóqtíqé pañqawu: Ya itam un híntsanni, Jesus, um Susōqaltutuyqawh̄qat Tiat! Ya um, nāto tuwánit aw qa pítuqw, pay itámuy okíwsanniqé ōviy péw pitu?

30 Noqw pép pumuy amúñaqw yāphaqam pitsōtim wukótonawtaqam nōnova.

31 Noqw ōviy nūnukpant put aw öqáltotiqé pañqaqwa: Kurs um itámuy ípwe', um



itámuy pitsōtimuy tōnawta-qamuy amúpqōlmiyaniqat nákwani.

32 Noqw pam pumuy amumi pañqawu: Yupavé; noqw puma nōñakt, pu pitsōtimuy tōnawtaqamuy amumi yuña. Noqw mé, sohsoyam pitsōtim tōnawtaqam a'nō túhpelat añ wúhkovatuphamiq a'nō yúhtukqé paōyso'a.

33 Noqw pumuy nópni'yunqam watqa, niýqé wuhkoki-tsokimiyaqé pu sohsoy laváyta, pu ima núkpanat akw túyqawiwtam hin hiniwh-tiqata.

34 Noqw mé, sohsoyam wúhkokitsokivé yésqam pañqw Jesust áhsawvawisqé nōña, niýqé puma put tútwaqé, pam pumuy tútskwayamuy añqw áhpiyniqat aw öqáloti.

## 9. QALÁLNI

1 Pu pam pākihut aqw pa-kit, pu ayóqwat aqw yá-makqé, nāpkitsokiy aw pitu.

2 Noqw mé, puma hakiy áhpa-qatāyunqat tūtuyqat, áhpat añ wáōkiwtat, put aw wíkvaya, noqw Jesus pumuy qapēvewniyamuy māmatsqé, áhpa-qatāyunqat tūtuyqat aw pañqawu: Itii, um qahin unánwaitani, pay uhqaántipuy ép ūmi qé'watiwa.

3 Noqw mé, haqawat tutú-venlalwaqam nāpqōlpé pañ-

qaqwa: I' Susōqaltutuyqawh-qat qahíyталawu.

4 Noqw Jesus pumuy tunát-yayamuy mātsi'taqé pañqawu: Ya uma hinoqw umuhunañwpéq qalomáwuwantota?

5 Ya himúwa qahíntaqw öviy'o, sen, Pay uhqaántipuy ép ūmi qé'watiwa, kitaq'ö, sen, Wunúptut nákwusu, kitaq'ö?

6 Noqw paypi Sinot Tiat qaāantiput ép hakiy aw put qé'wataniqéy tūwaqatsit ép öqálat yántaqat uma nanáptaniqw, öviy (pahsat pam áhpa - qatāyunqat tūtuyqat aw pañqawu) Wunúptuu, um uhañpay ömáhtat uhkiy aw-ni!

7 Noqw pam wunúptut pu kiy áwhaqamii.

8 Noqw qaānewakwhintaqam sinom put aw yórikyaqé kātayunwa, niýqé Susōqaltutuyqawh-qat sinmuy pas pánhaqam öqálat má-qahqat pas híytatota.

9 ¶ Pu Jesus pañqw áhpiynikañw it hakiy sinot, Mattheu yan mātsiwhqat, moñwit enēm sivátsovalankivé qātuqw tuwa, niýqé aw pañqawu: Inúnk'i. Noqw pam wunúptut, put áñki.

10 ¶ Noqw áhpiy pántaqw Jesus kivé tunōsvoñat aw qātuqw, mé, kāysiwhqam moñwit enēm sivátsovalantotaqam niqw pu qaánhinwisqam ökiýqé pu put

nikañw pu put aw nánatuwnayaqamuy amumum yésva.

11 Noqw Pharisee-sinom put tútwaqé, put aw nánatuwnayaqamuy amumi pánqawa: Ya hinoqw umuy tutúqaynaqa moñwit enèm sivátsovalantotaqamuy nikañw pu qaánhinwisqamuy amumum tūmoyta?

12 Noqw Jesus put navótqé pañqawu: Paypi pasiwyuñqam tūqaláptsintaqat qaháqni'yuñwa, náuuspi ima tūtuyyaqam put háqni'yuñwa.

13 Nikañw yupavé, uma it híñqawhíqat tuwí'vayani: Nu núokwat nāwakna, qa hómōyita, it'a; pi imuy súanyuñqamuy qa pumuy nu wánwayniqé pitu, pi nu qaányuñqamuy tunátyay añqw nánamtök-yaniqat ōviy wánwayniqé pitu.

14 Pañsat pu Johnt aw nánatuwnayaqam put aw ōkiyqé pañqawa: Ya hinoqw itam niqw pu Pharisee-sinom piép nānapwalañwu, noqw ūmi nánatuwnayaqam qa nānapwalañwu?

15 Noqw Jesus pumuy amumi pañqawu: Ya sen nānu-iwhíqat ép sinom híysavohaqam mööñañw pumuy amumumniqw, puma tsāykitani? Nikañw pay ason tuwánit aw pítuqw, ép pu mööñañw pumuy nāwhkiwni, noqw pahsat pu puma nānapwalani.

16 ¶ Piw qahaq pi hak sino

puhútsatsakwmötsaput tsáhi-kwakput yūwsit ép píytakin-ta, pi pam ép úhtaniqa yūwsit añqw tsíkaqw, pu pas ép wukóprokñwu.

17 Piw sinom puhúovavalat hisátwiwkorot qa añ kúkyañwu, pi pántotiqw, soon wíwkoro qa patómtini, noqw ovávala wéhéqw, pu wíwkoro sakwítotini. Nikañw puma puhúovavalat puhúwiwkorot añ kúkyañwu, noqw puma nāma qahíntiñwu.

18 ¶ Noqw nāto pam iit amumi yuáataqw, mé, hak moñwi pítuñqé, put pas híy-taikañw aw okíwlawhíqé pañqawu: Imánti 'nāt pu' mōki, nikañw pay um aqwnén aw híntsanqw, pam soon qa qátuni.

19 Noqw Jesus wunúptut put añki, pu put aw nánatuwnayaqamuy.

20 Noqw mé, hak wúhti pakwt lōq síykaitaqat yáhi-sañwuy añ únway qahurúh-taqa put áhkwayñañaqw aw pítuñqé, pu put yūwsiyat qaláwñwayat aw toño.

21 Pam nápqōlpé pañqawhíqé ōviy'o: Paypi nu nāmahin yūwsiyat sa aw tónokt pay nu soon qa qaláptuni.

22 Noqw Jesus nám tökkañw put túwahíqé pañqawu: Um qahín unánwaitani, iti wúhti, pay uhqapévéwni un qaláptsina. Noqw wúhti páhpi pay qaláptu.

23 Pu Jesus moñwit kiyat aw pítuhqé, pam lēlenyaqamuy nikañw pu qaánèwakwhintaqamuy sinmuy saáa-totaqw túwahqé,

24 Pu amumi pañqawu: Huvam qénítotaa, pi manáwhya qa mōki, pi pam pūwi. Noqw puma put aw tutsíwtsuyti.

25 Nikañw pay sinom pañqw lālayiwyaqw, pam aw pákiyqé pu put máyat nua, noqw manáwhya qatúptu.

26 Noqw pam pép paníwh-tiqá put tútskwat añ sóhso-vik nanáptiwa.

27 ¶ Pu Jesus pañqw áh-piyniqw, hakim löyöm qapóstalqat put añk tsa'timaqé pañqawma: Um David tiata, itámuy òkwatuwaa!

28 Noqw pam kīmi pakiqw, qapóstalqat put aw pitu. Noqw Jesus pumuy amumi pañqawu: Ya nuy kurshin qa yántiniqat uma qapēvēwna? Noqw puma put aw pañqawu: Owi, Tutuyqawhqa.

29 Pahsat pam pōsiyamuy aw toño, pañqawkañwo: Pay umuy hínhaqam qapēvēwnaqw, pan umumi yukíltini.

30 Noqw pumuy pōsiam tālawva, noqw Jesus pumuy pās mēwaqé pañqawu: Uma hapi tunátyalté' qahákiy it navótnani.

31 Noqw pay puma áhpiy-niyqé put paníwh-tiqat put tútskwat ép sohsovik kúruk-na.

32 Noqw pumuy yámaq, mé, puma hakiy qayuáataqat núkpanat akw tūyqawiwtat put aw wíkvaya.

33 Noqw Nukpana ayo' tūviwhqw, qayuáataqa yuá-ayku. Noqw qaánewakwhintaqam sinom kātayuñwa, pañqawkañkañwo: Pas qahísat Israel-sinmuy amúhpé yántaqa aw yórikiwa.

34 Nikañw Pharisee-sinom pañqawu: Pay pam nūnukpantuy moñwiyamuy akw nūnukpantuy ípwanta.

35 ¶ Noqw Jesus pañ sohsovik wúhkokitsokinawit nikañw pu pay kitsókinawit nákwsw, pumuy tsotsvalkikiyamuy añ tūtutuqaynatima-kañw pu moñwtunatyat áh-piy lomátuawit yuáatinuma, nikañw pu sohsovik tūyat nikañw pu sohsovik hiyta akw toko núksiwiwyuñqat qaláptsintima.

36 Nit pay pam qaánewakwhintaqamuy sinmuy túwahqé pumuy òkwatuwa, māmañuaqw òviy'o, niyqé kanélmuy amumi qahak tunátyawtaqw, pumuy amun áhtsawaliwtaqw òviy'o.

37 Pahsat pu pam put aw nánatuwnayaqamuy amumi pañqawu: Pas hōqtumala as qa òwíewa, noqw tumálaiyuñqam híkiyomu.

38 Paniqw òviy uma hōqtumalat aw moñwit aw nānawaknaqw, pam hōqtumalay



aw tumálaiyuṅqamuy hō-nani.

### 10. QALÁLNI

1 Pu pam pakwt lōq síykaitaqamuy put aw nánatuwnayaqamuy nāmi wāñwayqé, qakwāñwèwakw hīhikwsi-muy amumi pumuy öqálat maqa, puma pumuy ípwayaniqat öviy'o, pu sohsok tūyat nikañw pu sohsok hiy-ta akw toko núksiwiwyuṅqat qaláptsinayaniq'ö.

2 Noqw pakwt lōq síýkaitaqam ayáiwyuṅqam yan māmatsiwyā. I' móhti'maqa, Simon, Peter yan túnwantiwhqa niqw pu put túpkoat, Andrew; Pu Zebedeet tiat, James niqw pu túpkoat John;

3 Pu Philip niqw pu Bartholomew, pu Thomas niqw pu moñwit enēm sivátsovalantaqa, Matthew; Pu Alphaeust tiat James niqw pu Labbaeus, Thadaeus yan piw mātsiwhqa;

4 Pu Canaan-sino Simon niqw pu Judas Iscariot, put aw núkpantiqé nuhtumi lālayqa.

5 Imuy pakwt lōq síýkaitaqamuy Jesus ayátaqé pumuy amumi tutáptaqé pañqawu: Uma imuy qajew-sinmuy pōyamuy qa ányani, pu Samariat ép sinmuy wúhkoki-tsokiyamuy qa híytawat aw uma yuñni.

6 Nikañw uma qa pányat,

uma Israel-sinmuy, kanél-muy qanātuwiwyuṅqamuy, amumiyani.

7 Pu uma áñqé'yé', uma yuáatinumyé' pañqaqwani: Ovégatsit ép móñwtunatya péw háyiñwni'ta.

8 Uma tūtuyyayaqamuy qaláptsintiwiñni, tokóplelet tūtuyyayaqamuy kwāñwèwakwtiwiñni, pu so'pumuy tātaynatiwiñni, pu nūnukpantuy ípwanwiñni. Uma pāysoq makíwyaqé öviy uma pāysoq tūhuýtotani.

9 Uma qa nēññēm máskaiwiñni, umuhsivamomokpiy aqw palásivat piw qötsásivat piw sikásivata,

10 Piw nítkatukputa, piw löqmuy yūwsita, piw tōtsita, piw natōñpita, pi tumálaitaqa nösiwhqéy híýkaitañwuñi'ö.

11 Pu nāphaqami wúhko-kitsokimi sen pay kitsókimi uma yuñé', uma haqam hakiy épyé' súépyaniqéy öviy tūviñtotamantani, nēn uma hísat pañqw áhpiyaniqéy aw páhsavo pép yésmantani.

12 Pu uma kīmi yuñé', uma pumuy amumi háhlaytotimantani.

13 Pu kurs pép kīvit pay umúhkwakwhay híýkaiyuñqw, pam amúmimantani, nikañw kurs pumuy qapányuñqw, pay umúhkwakwha ahoy umumi pítumantani.

14 Pu nāphaqawa umuy qa

ömáhtakañw piw umúhla-vayiy qa navótq, uma pañqw kiñaqw sen wúhkokitsóki-ñaqw áhpiyé' umúhkukuy añ qóat ayo' tsátswiyamantani.

15 Pas ántsa nu umumi pañqawni: Hinyukíltiniqat aw talónvaqat ép put wúh-kokitsokit épniýqé tútskwat Sodomt pu Gomorrhat pu-muy amuñem qapas pas núh-tseléwayni.

16 Mè, nu hapi soñáwnén umuy kanélmuy kwékwewh-tuy amúhsonmi hōnanta, ō-viy uma tsūtsu'tuy amun qaūunatni piw hōwiýtuy a-mun qa nūnukpantni.

17 Nikañw uma sinmuy ép nāmi tunátyaltotini, taq pu-ma mōnwtsovawtaqamuy amumi umuy noáyani, nēn tsótsvalkiy añ umuy wuváh-pit akw a'nō wuváh̄totani.

18 Pu uma inútsviy mom-ñwituy nikañw pu pas sús-momñwituy amumi tsám-vaniwyani, noqw pam pán-taqa-nikañw pumuy nikañw pu qajew-sinmuy amúhpéwi tuáwi'tani.

19 Nikañw puma umuy núh-tumi noáyaqw, uma hín-ni-kañw pu hiýta yuáaykuyani-qéy qa wuwánvisototiman-tani, pi pay ason uma hiýta yuáaykuyaniqat pam ép u-mumi noíwmantani.

20 Pi qa uma yuáaykuya-ñwu, pi Umunay Hikwsiat umúhsonaq yuáaykuñwu.

21 Pu nātupkomuy amú-ñaqw himuwa súkwat mokí-wuy aw nóamantani, pu náat tiymantani, pu timat námuy pu yumuy pumuy amúh-péwh̄toté' pumuy mokiwyu aw okínayamantani.

22 Pu inátñwaniy ép soh-soyam umumi qayan unán-waiyuñwni, nikañw so'ñwa-miqwhaqami añ kúytaqa ha-pi ayo' yámakni.

23 Nikañw ason puma u-muy it kitsókit ép okíwsas-naqw, uma hiýtawat aw wát-qani; pi nu pas antsa umumi pañqawni: Pay uma soon nāto Israel-sinmuy kitsóki-yamuy añ kūkuyvaqw, pay Sinot Tiat pituni.

24 Pay nánatuwnaqa put tutúqaynaqat épniýqé qa pa-van pásniñwu, pu piw tūwiki tutuyqawh̄qay épniýqé qa pavan pásniñwu.

25 Paypi nánatuwnaqa put tutúqaynaqat ántaqw, pam a'nōniñwu, pu tūwiki piw tutuyqawh̄qayu. Noqw kurs puma ki'taqat Beelzebub, yan tuñwayé', kurspi hin pu-ma tis put sinómuyatuy qa pan tuñwáyani.

26 Paniqw ōviy uma pumuy qa mámqasyani, pi qahímu nākwaptaqa qa hōlōkniwni, pu qahimu túpkiwtaqa qa nanáptiwni.

27 Hiýta nu qatálpuvé u-mumi laváytiqw, put uma tál̄at ép yuáaykuyamantani,

pu himu umúhnaqvumiq yu-  
áatiwhq, put uma kíykitsòva  
tsa'tinumyani.

28 Pu imuy tokot nīnaya-  
kañw kurshin tāytoynaqat  
nīnayañwuqamuy uma qa  
mámqasyani, nīkañw uma it  
tāytoynaqat tokot enañ qō-  
hit siviýpit aqw qahíytatani-  
qéy aw öqálat himúitaqat,  
put uma mámqasyani.

29 Puyaw qa löyöm kwé-  
véw'hyat sūkw palávotonat  
nāsamiq yántaqat öviy hu-  
yíwñwu? Noqw pas soon  
puma himúwa Umúnay qa-  
hu'waniyat akw tútskwami  
posni.

30 Noqw pi híkispī umúh-  
qötöva umúhhömi sohsoy  
póhtoylaniwta.

31 Paniqw öviy uma qa nál-  
mamqasyani, pi uma kāy-  
siwhqamuy kwékwévéw'hya-  
muy sumíyantaqamuy amúh-  
péniýqé pas pávan híýkai-  
yuñwa.

32 Paniqw öviy nāphaqawa  
sinmuy amútpik nuy nákw-  
haqat put nu piw Inay övé-  
qatsit ép qátuhqat átpip  
nákw'hani.

33 Nīkañw nāphaqawa sin-  
muy amútpik nuy qanákw'ha-  
qat, put nu piw Inay övéqa-  
tsit ép qátuhqat átpip qa-  
nákw'hani.

34 Nu tūwaqatsit aw suyá-  
nisqatsit táviniquéy öviy pí-  
tuhqat, uma qa pan wūwan-  
totani, nu qa suyánisqatsit

nit sípwuváh'pit táviniqué  
pitu.

35 Pi nu sinot nayat éhpéwi  
taviniqué öviy pitu, pu tiyat  
mānat yuyat éhpéwi távi-  
niqéé, pu mö'wit púwsuñwa-  
yat yuyat éhpéwi put távini-  
qéé.

36 Pu pay sinot túwqamat  
hapi put nāpsinomatyaman-  
tani.

37 Haqawa inumi unáñwai-  
taqéy épniýqé nay sen yuy  
pumuy amumi pas unáñwai-  
taqa, hapi nuy qahíýkaita,  
pu haqawa inumi unáñwai-  
taqéy épniýqé tiyótiy sen  
mántiy aw pas unáñwaitaqa,  
hapi nuy qahíýkaita.

38 Pu haqawa nahóyléhtsiy  
qa kwusut pu qa inúnkniýqa,  
hapi nuy qahíýkaita.

39 Haqawa qatsiy túwahqa  
put kwayhni, pu haqawa  
inútsviy qatsiy kwayhqa ha-  
pi put tuwani.

40 Haqawa umuy ömáhtaqa  
hapi nuy kwúsuni, pu haqa-  
wa nuy kwúsuhqa hapi nuy  
añqw táviýqat kwúsuni.

41 Haqawa Susöqaltutuy-  
qawh'qat eném yuáataqat  
Susöqaltutuyqawh'qat eném  
yuáataqat túnwniyat añ put  
pās táviýqa hapi Susöqaltu-  
tyqawh'qat eném yuáataqat  
áhsatiyat kwúsuni, pu haqa-  
wa súantaqat sinot, súanta-  
qat sinot túnwniyat añ put  
pās táviýqa hapi súantaqat  
sinot áhsatiyat kwúsuni.



42 Pu nāphaqawa nānatuwnaqat tūnwniyat añ imuy tsā-tsakwmuy hiýtawat pāysoq as súhsuñwat kuyápkuyit híkwnaqat, pas antsa nu umumi pañqawni, pas soon pam áhsatiy kwayhni.

### 11. QALÁLNI

1 Pu Jesus pakwt löq síy-kaitaqamuy put aw nānatuwnayaqamuy amumi tutáplawhqe yúkut, pu pam pañqw áhpiy nákwusu, pumuy kitsókiyamuy añ tutúqaynakañw yuáataniqèè.

2 Noqw John siviáivé pákiwkañw Christ tútmalayatsavotqé, pu pam löqmuy put aw nānatunaqamuy ayáta.

3 Niýqé put aw pañqawu: Ya um hak pítoniqa, sen itam nāto súkwat hakiy núhtayyuñwni?

4 Jesus hu'waqé pumuy amumi pañqawu: Yupavé, nèn uma hiýta navótkañw pu aw yórikqéy put uma piw Johnt āawnani.

5 Qapóstalyaqam pōsiy tál-lawnayaqata, pu tutúhapt nánkwusaqata, tokóplelet tútuýyaqam kwáñwèwaytotiqata, pu nanáqsövím nanáptaqata, so'pum tátayaqata, pu ōokiwyaqamuy amumi lomātuawi yuáatiwhqata.

6 Noqw pas nāphaqawa inúhpé qaunánwmokqa hapi háhlaypit épniýqata.

7 ¶ Noqw pumuy áhpiyniqw

pañsat pu Jesus pumuy qaá: newakwhintaqamuy amum<sup>1</sup> Johnt yuáaykuqé pañqawu: Ya uma qayēsiwhpumihaqami hiýta aw kúyvawisa? Sēnpi pāqavit hūkañwuy akw wayáyataqat aw'i?

8 Noqw ya uma hiýta aw kúyvawisa, sen lomáyūwsi'taqat sinot aw'i? Mē, pi lomáyūwsi'yunqam mómñwituy kikiyamuy añ yēse.

9 Noqw ya uma hiýta aw kúyvawisa, senpi Susōqaltutuyqawhqtat enēm yuáataqat aw'i? Owi, nu umumi pañqawni: Pas Susōqaltutuyqawhqtat enēm yuáataqat épniýqé pas pávanniýqata.

10 Pi i' hapi pam'i, it hapi pēni yan yuáata: Mē, nu uhtayway ápyevé itúawáyay ayáita, pam hapi úpyevé uhpōhuy añ qēnítani.

11 Pas antsa nu umumi pañqawni: Pas momóymuy amúhpiy tiýtiwyaqamuy amúnaqw qahak kūyit akw tūtuvoylalawhqtat Johnt épniýqé pas pávanniýqa mātaqti. Nikañw pay nāmahinpi yántaqw, ōvéqatsit añqw moñwtunatyat ép súsqahimuniýqa put épniýqé pas pávani.

12 Nikañw kūyit akw tūtuvoylalawhqtat Johnt qatsíyat añqaw pēw páhsavo ōqálat akw ōvéqatsit añqw moñwtunatyá hímlalwiwa, noqw

ö'qalt öqálay akw put túyqawya.

13 Pi sohsoyam Susöqaltutuyqawhقات eném yuáato-taqam niqw pu tutávo Johnt aw páhsavo yuáatota.

14 Noqw kurs umuy kwusú-yaniqw, i' hapi Elias, ura hak pítuniqa.

15 Navótniqèy öviy náqvuitaqa, navótni.

16 Ya sen nu hiyta énañ pu'qatsívaptsiwyuñqamuy namímahtaknani? Pi puma tsátsakwmuy kitpik qèqnit añ yéskahkañw suñwamuy amumi páñqaqwaqamuy amunyuñwa:

17 Itam umúmi lēlenyaqw, uma qa tiva, itam umumi tsāykitaqw, uma qa tsāyku.

18 Pi John pituñqé qa tū-moyta, piw qa hihiko, noqw puma pañqaqwa: Pam Nukpanat akw áhsaliwta.

19 Noqw Sinot Tiat pítuñqé tūmoykañw pu hihikwq, puma pañqaqwa: Mē, i' sino hunúктаqa, ovávalat qaöy-ñwuqa, sivátsovalantotaqamuy nikañw pu qaan-hin-wisqamuy kwātsiam. Noqw pay pi súanwuwni tímuy amúhpiy súantsaniwñwu.

20 ¶ Páhsat pu pam haqé' kitsókit añ put kātumalaat súswuhaq tumáltiwhqat qōh-qōytiva, puma tunátyay añqw qa nánamtökyaqw öviy'o.

21 Isòhi um'i, Chorazin!

isòhi um'i, Bethsaida! Pi as kātutmala umúhpè tumáltiwhqat Tyret nikañw pu Sidont pumuy amuhpè tumáltiwhq, soon puma qahísat anáha'yūwsit qōtsvit enañ yūwsi'kahkañw tunátyay añqw nánamtökyañi.

22 Nikañw nu umúmi pañ-qawni: Pay hinyukíltiniqat aw talōñvaqat ép Tyret nikañw pu Sidont pumuy amunēm umúnēm híntaniqat ép-niýqé qapas pas núhtselè-wayni.

23 Pu um'i, Capernaum, um òvèqatsit aqw tsokániwtaqa, um nāto máskimiq tūviwni. Pi as kātutmala uhpè tumáltiwhqat Sodont ép tumáltiwhq, soon as pam nāto pu'-haqam qa wúnuni.

24 Nikañw nu ūmi pañqawni: Pay hinyukíltiniqat aw talōñvaqat ép unēm híntaniqat épniýqé Sodont enēm qapas pas núhtselèwayni.

25 Ep pu Jesus laváytiqé pañqawu: Kwakwhay Inaa, òvèqatsit nikañw pu tūwa-qatsit aw Tutuyqawhqa, um iit yāyantaqat wūwni'yunqamuy nikañw pu qaūunatuy amumi tūpkat titípostuy amumi máhtakna.

26 Owi, Inaa, pi pay pán-taqat um nápyevè náhyoñ-waqèè.

27 Sohsoy himu Inay añqw inúmi noíwa, noqw qahak Tiyat tuwi'ta, pas Naat saa,

piw qahak Nayat tuwi'ta, pas Tiat saa; pu Tiat hakiy aw put máhtaknaniqéy nāwaknaqw, pam piwu.

28 ¶ Pêw inúmiyaa, sohsoyam uma máqsoni'yuñqamu niyqé nāmañiwi'yuñqamu, noqw nu umuy nāsuñwnanani.

29 Uma itúmalyūwsiy yūw-yahni, nèn uma inúhpiy tuwi'vayani, pi nu nānakwhani' kañw okíwunañwaita, nèn uma umúhtaytoynaqay enèm nanásuñwpit tútwani.

30 Pi itúmalyūwsi qa anáhaa, pu íkwilni qaputu.

## 12. QALÁLNI

1 Noqw éphaqam Jesus nasuñwintalönnit ép úysonaq yámakto, noqw put aw nānatuwnayaqam tsöñso'qé pu pahsat pay üyit taláyat máwtivayaqé put nōnoptiwiisa.

2 Noqw pay Pharisee-sinom put tútwaqé put aw pañqaqwa: Mè, ūmi nānatuwnayaqam nasuñwintalönnit ép hiyta méwniwtat qat híntsatska.

3 Noqw pam pumuy amumi pañqawu: Ya David niqw pu put ámumyaqam tsöñsoqw, ura pam hin híntiqat, it péitaqat uma qa añ tuñwáya?

4 Hin pam ura Susöqaltutuyqawhقات kiyat aw pákiyqé pu pölávikit poñáiwtaqat nōsa, soon as ura pam niqw

pu put ámumyaqam put nōñösaniqw pam súantani, pas imuy Susöqaltutuyqawhقات awwat momñwituy sa amúnèm pam súanta.

5 Hal ya uma tutavot añ it qa tuñwáya? Ura nasuñwintalöñvaqat ép Susöqaltutuyqawhقات awwat momñwit Susöqaltutuyqawhقات kiyat ép nasuñwintalöñnit sokóptotat qahínyuñwuqat?

6 Nikañw pay nu umumi pañqawni: Pay yép it ép suhka Susöqaltutuyqawhقات kiyat épniyqé pas pávanniýqa.

7 Noqw pay pi as uma it híytaniýqat navóti'yuñwé', soon imuy qahíytaqw hínyuñqamuy qahíytatotani, it'a: Nu núokwat nāwakna, qa hómòyita.

8 Pi pay Sinot Tiat hikis piw pas nasuñwintalönnit aw tutüyqawi.

9 ¶ Pu pam pañqw áhpiy-niyqé pumuy tsótsvalkiyayumuy aw paki.

10 Noqw mè, hak pép sino mālakiwtaqa qatu. Noqw puma hiyta ép put aw híñqaqwaniqéy öviy put túviñto-taqé pañqaqwa: Ya nasuñwintalöñwintiwhقات añ hak hákiy qaláptsinaniqw pam súanta?

11 Noqw pam pumuy amumi pañqawu: Ya sen haqawa umúñaqw sūkw kanélvoñkoi-taqw, pam nasuñwintalöñva-

qat ép qölömiq posqw, sen pam put qa nuat pañqw hórokni?

12 Noqw puyaw sino kanēlot épniýqé qa pavan pas hímuu? Paniqw öviy nasúnwintalöwintiwhqat añ lolmat híntsakniqw pam súanta.

13 Pahsat pu pam sinot aw pañqawu: Uhmáy tsíýkwaa. Noqw pam put tsíýkwaqw, pay pam pováltiqé mitwat anti.

14 Noqw pay pahsat Phari-see-sinom nõñakqé pu hin put nínayniqéy tsováwkañw yuáatota.

15 ¶ Noqw Jesus put navótqé pay pañqw áhpiy'ó. Noqw qaánewakwhintaqam put añkya, noqw pam pumuy sóhsokmuy qaláptsina,

16 Nit pu puma put túnvot-nayaniqat pam pumuy pás mēwa.

17 It Susöqaltutuyqawhqat enēm yuáataqat Isaiast añ laváytotiwhqat ántiniqw ö-viy'ó. Pam ura pañqawu:

18 Kurs itúmaláyay, nuy hakiy namórstaqat, aw yórik-yaa, awiúnáñway, ép itáy-toynaqay pas háhlayqat, aw'i, put nu aw ihíkwsiy tavi-ni, noqw pam qajew-sinmuy amumi hin yukíltiniqat máh-taknani.

19 Soon pam nāñwuitani, piw soon a'nö híñqawlawni, piw soon hak put tónáyat kítpik navotni.

20 Pu hinyukíltiniqat tūañ-wutaniqat páhsavo pam pā-qavit nõhikput soon qõhik-nani, pu pösöpkwitet kwí-kwitsqat soon pam tókani.

21 Pu put náñwaniyat aw imā qajew-sinom taqa'nañ-waiyuñwni.

22 ¶ Pahsat pu Nukpanat akw áhsaliwtaqa qapóstal-kañw pu qayuáataqa put aw wíkwaniwa. Noqw pam put qaláptsina, noqw pas öviy i' qapóstalkañw pu qayuáata-qa yuáayku pu pōsiy tālaw-na.

23 Noqw sohsoyam sinom kātayuñqé pañqaqwa: Ya qa i' David tiat?

24 Noqw pay Pharisee-sinom put nanáptaqé pañ-qaqwa: Pay i' pas nū-nukpantuy moñwíyamuy, Beelzebubt sa akw nūnuk-pantuy ípwanta.

25 Noqw pay Jesus pumuy tunátyayamuy mātsi'taqé amumi pañqawu: Qahímu moñwtunatya nēhpēwhitiqa qa kíqötiñwu, pu sohsoy ki-tsoki, sen kīvit nēhpēwhitoti-qam soon hoñni.

26 Noqw kurs Nukpana Nukpanat ayo' tūvé' pam náhpēwiwtani, noqw ya hin sen pahsat put moñwtunat-yaat wúnuni?

27 Noqw kurs nu Beelze-bubt akw nūnukpantuy íp-wantaqw, ya umúhtim hakiy akw pumuy ípwantota? Ya-



niqw òviy pay puma umuy hínyukúnayaqamyani.

28 Nikañw kurs nu Susöqaltutuyqawhقات Hikwsiyat akw nūnukpantuy ípwantaqw, pay súsmataq hapi Susöqaltutuyqawhقاتmónwtunatyaaat umumi pitsíwiwta.

29 Hal ya sen hín hak haqawat hónvit kíyat paké' put hiyta himúyat náwhkini, hal pas móhti hoñvit sóme'saa, nèn pas pahsatsa pam put ki-yat ép hiyta put nawhkini.

30 Pay qa inúmumniyqa inúhpéwiwta, pu qa inúmum tsowáwtaqa áhtsavalanta.

31 ¶ Yaniqw òviy nu umumi pañqawni: Pay sohók qaántiput ép nikañw pu qahíytaalawilavayit ép sinmuy amumi qé'watiwni, nikañw Qahováriwtaqat-Hikwsit éhpéwi qahíytaalavayit ép sinmuy amumi pas qa qé'watiwni.

32 Pu nāphaqawa Sinot Tiat éhpéwi laváytiqat pay aw qé'watiwmantani, nikañw haqawa Qahováriwtaqat-Hikwsit éhpéwi laváytiqw, pam put aw pas qa qé'watiwmantani, it qatsit ép'é piw sukw qatsit nātoniqat ép'é.

33 Um sipálùyit lólmatani noqw sipálaat lolmani, qa pántinik, um sipálùyit qalólmatani noqw sipálaat qalólmani; pi sipálùyi sipálay akw navótniwtañwu.

34 Is uma tsūtsu'tuy amúh-

piyvitú, ya sen uma hin qalólolmat nikañw lólmat yuáatatani? Pi unánwpéq óhpokiwtaqat añqw móa yuáatañwu.

35 Pi lomásino unánwpéq lolmat kaháktañay añqw lolmat hiyta ipwantañwu, pu qalólmasino qalólmat kaháktañay añqw hiyta qalolmat ípwantañwu.

36 Nikañw nu umumi pañqawni: Sinom sohók pāysoqw laváytotiqéy ép nātuh-tualyani, sinmuy hinyukúniwyaniqat aw talónvaqat ép'é.

37 Pi um úhlavayiy akw súantsaniwni, piw úhlavayiy akw um tūviwni.

38 ¶ Pahsat pu haqawat tútúvenlalwaqam niqw pu Pharisee-sinom put hu'wayaqé pañqaqwa: Tutuyqawhqa, itam hiyta súsmataqpuva hiyta tuáwi'taqat úhpiyniy-qat aw yórikyani.

39 Noqw pam hu'waqé amumi pañqawu: Qahópsinom túskapsinom hiyta súsmataqpuva hiyta tuáwi'taqat hēvi-yuñwa, noqw pay soon himu súsmataqpuva hiyta tuáwi'taqa pumuy amumi noíwni, pas panis i' Susöqaltutuyqawhقات enēm yuáataqa Jonas saa.

40 Pi ura Jonas wukóvakiwuy ponóvéq pāyis tālō'navit nikañw pu pāyis tōkilnavit pakíwtaqw, pay pán

piw Sinot Tiat tútskwat áh-sonvé pāyis tālō'nawit nikañw pu pāyis tōkilnawit pakiwtani.

41 Ninevit añqw sinom hin-yukíltiniqat ép pu'qatsívaptsiwyuñqamuy amumum hón-vani nèn pumuy qahíýtatotani, pi Jonas pumuy amumi yuáaykuqw, puma tunátyay añqw nánamtökya, noqw mé, pas Jonat épniýqé pas pávan-nyqa yép'è.

42 Tatkaqw wuhti moñwi hín-yukíltiniqat ép pu'qatsívaptsiwyuñqamuy amumum wunúptuni nèn pumuy qahíýtatani, pi pam Solomont a'nō wūwniyat aw tūqay-taniqé ōviy tūwaqalñahaqaw pitu; noqw mé, Solomont épniýqé pas pávanniý-qa yép'è.

43 ¶ Pay tuyóyèway hikwsi sinot añqw yámaké', pam haqé' qapáitaqat añ hínun-ñwu, nanásuñwpit hépnun-kañwo, nit qa túwañwu.

44 Pahsat pu pam pañqaw-ñwu: Pay nu ikiy, añqw yá-makqéy, aw áhoyni. Pu pam ép pité' put súnalkoiwtaqat, máspiwtaqat, pu hiýta akw sóniwniqéy pás yukiwtaqat túwañwu.

45 Pahsat pu pam áhpiynèn tsáné'niýqamuy pētuy, hī-hikwsimuy nahpēniýqé pas nūnukpantuy tsámñwu, noqw aw yuñé' puma pép kíiyuñwñwu, noqw put sinot

qatsíat núhtuñkniýqa mohti-nyqat épniýqé pas qalólma-niñwu. Noqw pántani hapi, imuy pu'qatsívaptsiwyuñqamuy qahópiýtuy amumii.

46 ¶ Noqw nāto pam sin-muy amumi yuáataqw, mé, put yuat niqw pu túpkomat qalávèhaq hónkañkañw put aw yuáaykuyaniqéy nāna-wakna.

47 Noqw haqawa put aw pañqawu: Mé, uñu niqw pu uhtupkom qalávèhaq hón-kañkañw ūmi yuáaykuyani-qéy nānawakna.

48 Noqw pam hu'waqé put āawnaqat aw pañqawu: Ya hak inuu, pu ya hakim itúp-komya?

49 Pu pam put aw nānatuwnayaqamuy amumi māvuyal-tit pu pañqawu: Kurs inuy nikañw pu itúpkomuy amumi yórikyaa.

50 Pi nāphaqawa ōvèqatsit ép Inay qátuhqat tunátyayat hínmaniqa, pam hapi itúp-koni pu isiwani pu inuni.

### 13. QALÁLNI

1 Noqw ép talōnvaqat ép Jesus kíñaqw yámakt pu wúhkovatuphat qalávè qatuptu.

2 Noqw qaánewakwhinta-qam sinom put aw tsovalti, noqw ōviy pam pākihut aqw pakit pu qatúptu, noqw soh-soyam qaánewakwhintaqam pāhut qalávaqé hōñi.

3 Noqw pam pumuy amumi wūhaq hiyta ányuñqat akw yuáaykuqé pañqawu: Mé, úylawhqa úyto.

4 Noqw pam úylawhqa, pēhu póshumi pōqlava yēvaya, noqw masáiyuñqam ōkiyqé put sósua.

5 Noqw pēhu pikaqlōva, tsapōnalat tútskwaitaqat, añ yēvaya, niyqé āpiy pay kūkuyva, qapōnalat tútskwaitaqé ōviy'o.

6 Nikañw tāwat yámaqwa pay pam tsáhkwi, niyqé puma qa náiyuñqé ōviy lakya.

7 Pu pēhu kútqōlpa yēvaya, noqw kūta wúnwqé put lak-na.

8 Pu pēhu lolmat tutskwat añ yēvaya niyqé aníwna, pēhu tsivótsikip sunat hōyokiwtata, pu pāyp sunátsikisi, pu pēhu sunat pakwt síykaistasikisi.

9 Navótniqéy ōviy náqvuitaqa, navótni.

10 Noqw put aw nánatuwnayaqam put aw ōkiyqé aw pañqaqwa: Ya um hínoqw pumuy amumi hiyta ányuñqat akw yuáata?

11 Noqw pam pumuy hu'waqé amumi pañqawu: Ispi uma ōvéqatsit añqw moñwtunatyat āmiwtaqat navóti'yuñwniqat pam umumi noíwhq'ō, nikañw pumuy amumi pam qa noíwa.

12 Pi nāphaqawa himúitaqw, put piw aw noíwni,

noqw pam hōyokiwtataqat himúitani, nikañw nāstaniyqat hikis pi hiyta himúitaqw, pam put nāwhkiwni.

13 Yaniqw ōviy nu pumuy amumi hiyta ányuñqat akw yuáata, puma aw tāykañkañw qa tútwaq'ō, pu tūqaykañkañw puma qa nanápta'ō piw qa māmatsya.

14 Noqw pumuy hapi amúhpe Isaiast nātoniqa laváyat anti, pam pañqawu: Tūqaykañkañw uma nanáptat qa māmatsyani, pu aw tāykañkañw uma tútwani nikañw qa māmatsyani.

15 Pi imuy sinmuy unánwaam tunáti, pu pumuy náqvuaqwa qa suyan nánvotya, pu puma uvíyuñwa, nāphisat pi sen puma pōsiy akw tútwakañw pu naqvuy akw nanáptakañw pu unánway akw māmatsyē', tunátyay añqw nánamtōkyaqw, nu pumuy qaláptsinaniqw ōviy'o.

16 Nikañw umúhposi pas háhlaypit epya, pi puma tútwaqéé, pu umúhnaqvū, pi puma nanáptaqéé.

17 Pi pas antsa nu umumi pañqawni: Kāysiwhqam Susōqaltutuyqawhqaqat enēm yuáatotaqam niqw pu súanhinwisqam hiyta umuy aw yórikyaqat aw yórikyaniqéy nānawaknañw qa aw yórikyā, pu hiyta umuy nanáptaqat nanáptaniqéy nānawaknañw, qa nanápta.

18 Paniqw ōviy uma it úylawh̄qat an himu híntaqat laváyit aw tūqayyunwni.

19 Pay hapi nāphaqawa it laváyit mōñwtunatyat áhpiynīqat navótkañw qa mā-matsqw, pahsat pu Nukpana pité' pu it hīyta put unánw-péq ūyiw̄h̄qat put nāwh̄kiñw; I' hapi pōqlava ūyiw̄h̄qa.

20 Nikañw i' hapi pikaqlōmi pōshumit ōmáhtaqa, pam hapi laváyit navótkañw pahsat pay háhlaykañw put kwúsun̄wuqa.

21 Nikañw pay nāpqōlpé qa náivañwu, nīyqé híysavoniñwu, nīyqé ōviy laváyit átsviy kānavotpit sen okíwsaḥsanwaqat aw pituqw, haqáhp̄iy pay pam sóontin̄wu.

22 Pu piw i' kútqōlpé pōshumit ōmáhtaqa hapi it laváyit navótqa, noqw yēp qátsit ép nāphin-tunatya niqw pu kāhakiwat unátwiat laváyit láknaqw, pam qahíyta aníwnañwu.

23 Nikañw i' lomátutskwat aw pōshumit ōmáhtaqa hapi it laváyit navótkañw pu put māmatsqa, nīyqé pam hīyta aníwné' pu hīyta himúivañwu; pēhu tsivótsikis sunátsikis hóyokiwtataqata, pu piw pēhu payhp sunátsikis hóyokiwtataqata, pu pēhu sunat pakwt síykaitasikis hóyokiwtataqata.

24 ¶ Pu piw sukwat hīyta ántaqat laváyit pam pumuy

amumi mātapqé pañqawu: Ovēqatsit añqw moñwtunatya sinot pāsay ép lolmat pōshumit úyqat anta.

25 Noqw sinmuy tokq put tuwqaat pítuḥqé pu sōhōvosit amuḥtsava sōhōvostusaqat uyt pu áhpiy'o.

26 Noqw pay nahpiat kúyvakañw pu hīyta himúivaqwa pahsat pu sōhōvostusaqa súsmataqti.

27 Noqw ōviy ūyi'taqat tumálāymat ōkīyqé put aw pañqaqwa: Tutuyqawh̄qa, puyaw as um qa lomávoshumit uḥpasay ép ūya? Noqw ya haqam pam sōhōvostusaqata?

28 Noqw pam pumuy amumi pañqawu: Pay tuwqa it yántšana. Noqw tumálà'yat put aw pañqaqwa: Noqw ya itam awyē'qa añ tsoválayaniqat um nāwakna?

29 Noqw pam pañqawu: Qae, taq nāphisat sen uma sōhōvostusaqat tsoválantotakañw uma put enañ sōhōvosit síysikwtotani.

30 Pay pi hāk tsoválaniwniqat aw páḥsavo sohsoy wúnwiwwisni, noqw ason hōhōqsattiqw ép pu nu hōhōqyaniqamuy amumi pañqawni: Uma sōhōvostusaqat moḥti tsoválayani nēn táq-tsokyaniqéy ōviy put sōmtotani, nikañw uma sōhōvosit itúoykiy aw tañátotani.

31 ¶ Pu piw sukwat hīyta



ántaqat laváyit pam pumuy amumi mātapqé pañqawu: Ovèqatsit añqw moñwtunaty mustard-uyit pōsyat sino kwusut pāsaiy ép úyqat ánta.

32 Pam hapi pas antsa sohok pōvoshumit amúnaqw súshiysay'o, nikañw pam wúnwé' pas tusáqtsotskit amúnaqw súswuyoqniñwu nèn himútskiniwhtiñwu; noqw òviy súmawuy añ masáiyuñqam aw òké' pu put nantaqayat añ yésñwu.

33 ¶ Pu piw sukwat hiyta ántaqat laváyit akw pam pumuy amumi yuáayku: Ovèqatsit añqw moñwtunaty pēkenit anta; put wuhti kwusut pu ñumnit payp tuwánit enañ namíqrila, noqw pam sohsoy pēke.

34 Iit yāyantaqat sohok Jesus qaánewakwhintaqamuy sinmuy amumi hiyta ányuñqat laváyit añ yuáayku, niyqé hiyta ántaqat sa laváyit akw pam pumuy amumi yuáata.

35 It Susòqaltutuyqawhqat enèm yuáataqat hin laváytiqat ántiniqw òviy'o. Pam ura pañqawu: Nu hiyta ányuñqat laváyit añ yuáaykuni, nu tūwaqatsit yáyniwhpuyat añqaw hihiyta tūpkiwyuñqat pañqawni.

36 ¶ Pahsat pu Jesus qaánewakwhintaqamuy sinmuy lālayt pu kīmi paki. Noqw put aw nánatuwnayaqam put aw

òkiyqé pañqawu: Um pásvé sòhòvostusaqat akw hiyta laváytiqéy itámuy āawnani.

37 Pam hu'waqé pumuy amumi pañqawu: I' lolmat pòshumit úyqa hapi Sinot Tiata.

38 Noqw pása hapi sinomu, pu lomávoshumi hapi moñwtunatyat tímatu, nikañw sòhòvostusaqa hapi Nukpanat timatu.

39 Pu tuwqa, pumuy úyqa, hapi i' Nukpana, pu hòhòqyanika, pam hapi qatsit so'ñwaata, pu tsoválayaniqam hapi Susòqaltutuyqawhqat hòñviaymatu.

40 Noqw sòhòvostusaqa tsoválaniwhit pu táqtsokiwhqw, pan hapi it qatsit so'ñwavèq híntani.

41 Sinot Tiat hòñviaymuy ason ayataqw, pu puma put moñwtunatyayat añqw sohok hiyta unáñwat hoválan-totaqat tsoválayani, pu imuy qaántaqat híntsatskaqamuyu.

42 Nèn pumuy koysömiq qōhit aqw máspayani, pēp a'nö tsāykitiwni pu tama ñurítiwni.

43 Pēp pu súanyuñqam Nay Moñwtunatyayat ép tāwat an tālawñwaiyuñwni. Navót-niqéy òviy náqvuitaqa, navótni.

44 ¶ Pu piw òvèqatsit añqw moñwtunaty hiyta a'nö híykaitaqat pásvé tuptiwtat

anta; put sino túwahqé put túpkat pu put ép kwánwtoy-nakañw áhpiyniyqé sohsok hiýta himuy húyahqé pu put pásat tui.

45 ¶ Pu piw òvéqatsit añqw moñwtunatya húhyaqat, lolmat tükwaptiwnwut hép-numqat anta.

46 Pam hak sūkw tükwap-tiwnwut a'nö híykaitaqat túwahqé pu áhpiyniyqé sohsok hiýta himuy húyahqé pu put tui.

47 ¶ Pu piw òvéqatsit añqw moñwtunatya tutsáyat, wúhkovatuphamiq tūviwhqé sohsok hínyuñqat intaqat, anta.

48 Put aqw óhpoqw puma pāhut qalávoqw láñaknayat pu yésvaqé añ núnukñwat tatánpit añ tañátotat, pu pay hínè'wakw máspaya.

49 Noqw pantani hapi it qatsit so'ñwavéq'a. Susóqal-tutuyqawhقات hónviaymat añqwyé', pu núnukpantuy imuy súanyuñqamuy amú-ñaqw tsikayani.

50 Nèn pumuy kóysömiq qōhit aqw máspayani, pēp pu a'nö tsāykitiwni pu táma nūrítiwni.

51 Jesus pumuy amumi pañ-qawu: Ya uma iit sohsok mā-matsya? Puma put aw pañ-qaqwa: Owi, Tutuyqawhقات.

52 Pahsat pam pumuy amumi pañqawu: Yaniq òviy sóhsoyam tutúvenlalwaqam

òvéqatsit añqw moñwtunat-yat aw nāmaskalalwaqé tutúqayyaqam, sinot ki'taqat kahákhimuy añqw pūhut nikañw pu hisátwat ípwanta-qat, ányuñwa.

53 ¶ Noqw Jesus iit hiýta ányuñqat akw yuáaykuqé yukut, pu pañqw áhpiy'o.

54 Niýqé pam nāptutskway ép pítuhiqé pu pumuy tsóts-valkiyamuy ép pumuy pas pavan tutúqayna, noqw òviy puma kātayyuñqé pañqawa: Ya i' haqam it súanwuw-nita, pu iit kātutmalata?

55 Ya qa i' wunávutstumá-laitaqat tiat? ya yuat qa Mary, yan mātsiwa? pu túp-komat qa James niqw pu Joses niqw pu Simon niqw pu Judas, pumaya?

56 Pu put siwámat, ya puma qa sohsoyam itámumya? Noqw ya haqaqw i' sohsok iit hiýtaa?

57 Niýqé puma put ép qayan unañwtoti. Noqw Jesus pumuy amumi pañqawu: Paypi Susóqaltutuyqawhقات eñem yuáataqa qahisat qa káptsitiwa, hal pas nāptutskway sa ép qa káptsitiwnwu, piw nāp kiy ép'é.

58 Niýqé pam pēp qa wūhaq kātumalta, puma pēvewna-yaq'ö.

#### 14. QALÁLNI

1 Noqw tútskwat nālövo tukíwtaqat sukwat aw moñ-

wi, Herod, Jesust hiyta akw mātaqtīqat navóta.

2 Niýqé tumálàymuy amumi pañqawu: Pay i' John, kūyit akw tūtuvoylalawhqa, pam mokiwuy añqw ahoy. tātayi, noqw paniqw ōviy kātumala put ép nāmahtakni'yuniwa.

3 Pi ura Herod Johnt núahqé pu put somt, pu túpkoy Philipt nōmayat Herodiasť ōviy put sivíkimi pānahqé ōviy'o.

4 Pi ura John put aw pañqawu: Um pútniqw, pam qa súanta.

5 Noqw pam as put nīnaniqéy nāwaknakañw, sinmuy māmqasi, puma put Susōqal-tutuyqawhقات enēm yuāataqatniýqat pan aw wūwan-totaq'ō.

6 Nikañw Herod tiýtiwhpuyat aw pítuḥqat ép hín-tsatskaqw, Herodiasť mán-tiat pumuy amútpik wunímaqé Herod náhyoñna.

7 Noqw ōviy pam paḥsat ōqálat laváiyi akw pañqawhqé, nāphiyta ōviy pam tūviñtaqw, pam put put máqaniqéy pañqawu.

8 Noqw pay pam hín-tiniqéy mohti yuy añqw navótqé pu pañqawu: Um Johnt, kūyit akw tūtuvoylalawhقات, qōtōyat tsaqáptat ép íniwtaqat nuy yép máqani.

9 Noqw moñwi pas qaháḥlayti, nikañw ōqálat laváiyit

akw paśiwnit atsviy nikañw pu put amum tunōsvoñat aw yēsquamuy amútsviy pam put aw noíwniqat pañqawu.

10 Niýqé pam tūayataqé pu sivíkivé Johnt qōtōtku.

11 Noqw put qōtōat tsa-qáptat ép íniwkañw kwusípnihqé pu mānat aw noíwa, noqw pam put yuy aw kwusíva.

12 Noqw put aw nánatuwnayaqam ōkiýqé tokóyat kwusúyat pu put ámya, nit áḥpiyaqé Jesust āawnaya.

13 Noqw Jesus put navótqé pam pañq pākihut akw qayēsiwhpumi qalávohaqamii. Noqw sinom put nanáptaqé áqwhaqami kitsókiñaqw nāp put añkya.

14 Noqw pam amumi nákw-suqé pas qaánēwakwhintagamuy tuwa, niýqé pumuy ōkwatuwhqé pumuy amúñaqw tūtuyyaqamuy qaláptsina.

15 ¶ Noqw tapkiqw put aw nánatuwnayaqam put aw ōkiýqé pañqaqwa: Yép qahaqam yēsiwa, noqw pay pas hísatniqwti, um qaánēwakwhintagamuy sinmuy mātapni; noqw puma kitsókinawit náñkwusé' nēñnēm hiyta tūnōstuiyani.

16 Noqw pay Jesus pumuy amumi pañqawu: Pay soon pas puma áḥpiyani, uma pumuy nópnayani.

17 Noqw puma put aw pañ-

qaqwa: Itam panis tsivot pólávikí'yuñwa, pu lõqmuy pākiwh̄tuyu.

18 Noqw pam pañqawu: Uma péw inúmi put kiwísni.

19 Pu pam qaánewakwhinta-qamuy sinmuy tūsaqat añ yésvaniqat amumi pañ-qawh̄t, pu tsivot pólávikit ò-mahtat pu lõqmuy pākiwh̄-tuy kwusut, pu pam òmiq tā-tayt pu put ép háhlayti; pu pam pólávikit yōnoytat put aw nánatuwnayaqamuy a-mumi put oya, noqw put aw nánatuwnayaqam qaánè-wakwhinta-qamuy sinmuy a-muh̄pa put o'ya.

20 Noqw puma soh̄soyam nōnōsaqé òōya, noqw puma yōnoyvut ákwsiñwqat pakwt lõq síykaitaqat yuñápsivut añ óhpokiwtaqat tsoválaya.

21 Noqw ima nōnōsaqam tsivótsikip sōmorit páhsaha-qam táhtaqtya, pu momó-yam niqw pu tsātsayom piw nātōya.

22 ¶ Noqw nāto Jesus qaá-newakwhinta-qamuy sinmuy hōnantaqw, put aw nánatuw-nayaqam pay pah̄sat pākihut aqw yayvat, put áhsavo pay ayóqwat áqwyaniqat pam pumuy amumi tūyqawva.

23 Pu pam qaánewakwhinta-qamuy sinmuy hōnat, tū-kwimiqaqami sunálaa, nā-waknaniqéé, niýqé mihiqw pam pépéq sunálaa.

24 Noqw pākihu pay wúh-

kovatuphat nāsavéq pāhut hōnvantaqat akw wawáōkla-wu, amúhpéwi hūhuqw òviy'o.

25 Noqw míhiqw tūtuwala-qamuy amuñaqw nalōsni'-maqatniqw, Jesus wúhkova-tuphat añqé wāymakañw pu-muy amumii.

26 Noqw put aw nánatuw-nayaqam put wúhkovatup-havaqé wāymaqw tūtvaqé, puma tsātsawnaqé pañqaq-wa: Pam tuálañwu; niýqé puma tsātsawnaqé tōqtoti.

27 Noqw pah̄sat pay Jesus pumuy amumi laváytigé pañqawu: Uma qahin unán-waiyuñwni, pay nuu, uma qa tsawíniwyuñwni!

28 Noqw Peter hu'waqé pañqawu: Tutuyqawh̄qa, kurs umnén, um nuy pāvaqé ūmini-qat pañqawni.

29 Noqw pam pañqawu: Péw'i. Noqw Peter pākihut añqw yámakt, Jesust áwniý-qé pāvaqé wāyma.

30 Nikañw pam a'nō hū-hukqat túwah̄qé pay tsāwna, niýqé pam pakítóqé tsa'-lawh̄qé pañqawu: Tutuy-qawh̄qa, nuy ayo' távii!

31 Noqw pah̄sat pay Jesus put aw māvuyaltigé put nuat pu put aw pañqawu: Isókiw um hihíntuptsiwni'taqa, ya um hínoqw pévēwinti?

32 Noqw puma pākihut aqw pakiqw hū'kañw qé'ti.

33 Noqw ima pākihut añqw



tañáwtaqam aw ökiýqé pu put pas híýtatotaqé pañqaw: Pay pas antsa um Susöqaltutuyqawhقات Tiata.

34 Noqw puma ayoqwat nõñaqé, puma tutskwat Gennesaret aw öki.

35 Noqw pép sinom put nanáptaqé sóhsovik pánqé tutskwat anqé tütuwáyatotaqé pu solhokmuy tütuyyaqamuy put aw tsámvaya.

36 Niýqé pay panis puma put yúwsiyat qalávaqéniýqat aw tónokyanigéy put aw ö'qalya, noqw híysaniýqam put aw tónokyaqam pás qaláptuya.

## 15. QALÁLNI

1 Pahsat pu tutúvenlalwaqam niqw pu Pharisee-sinom Jerusalem t anqwyaaqam Jesust aw ökiýqé pañqaw:

2 Ya hinoqw ūmi nánatuwnayaqam wūwukwmuy tutávoyamuy qaán hínwisa, öviy pi puma nõnovanik qamāvaqtotatyañwu?

3 Noqw pam hu'waqé amumi pañqaw: Ya hinoqw uma piw öviy umúhwukwnavotiy akw Susöqaltutuyqawhقات tutávoyat qaan hínwisa?

4 Pi ura Susöqaltutuyqawhقات tutáptaqé pañqaw: Um unay pu uhuy pumuy káptsi'tani, pu haqawa nay pu yuy pumuy pas qalolmat laváytiqa, pay pas mokíwuy mokni.

5 Noqw umawat pañqaw: Pay nāphaqawa nay pu yuy sen aw pañqawni: Pay as ka híýta akw um inútsviy paánwniwniqw, pam Susöqaltutuyqawhقات aw noiwa, kite',

6 Pu nay pu yuy pumuy qa káptsi'té' pay qahíntaman-tani. Yan uma umúhwukwnavotiy akw Susöqaltutuyqawhقات tutavoyat qahíýtata.

7 Uma nawípèw túptsiwni'-yúnqamu, pas pi öviy Esaias añwu pay umuy suan laváytiqé pañqaw:

8 Ima sinom moay akw inumi ökiwta, pu pañíypuy akw nuy káptsilalwa, nikañw pumuy unánwaam inúñaqw háqúrsvéhaq'a.

9 Nikañw puma pāysoq inumi naókiwlalwa, sinmuy tutávoyamuy pas ántsa tutávotniýqat pán tütutuqaynaya.

10 Pu pam qaánewakwhintaqamuy wañwayt, pu pumuy amumi pañqaw: Uma nanáptani nèn māmatsyani;

11 Pay hapi himu moat aqw pákiýqa qa pam sinot tuyóyèwakwtañwu, nikañw himu moat anqw nõñakqa, i' hapi sinot tuyóyèwakwtañwu.

12 Pahsat pu put aw náanatuwnayaqam put áwyaqé pu aw pañqaw: Ya it yántaqat laváyit Pharisee-sinom na-

náptaqé qatsúytiqw, um navóti'ta?

13 Noqw pam hu'waqé pañqawu: Pay pi hiýta üyiwtat qat òvèqatsit ép ki'taqa Ina, qa uyq, pam náipwaniwni.

14 Pay pi pányuñwni, pay pi puma qapóstalyaqam qatátála'vomuy tsāmi'wisqamya. Noqw kurs qapóstalqa qatála'vot wiki'maqw, soon puma qa nāma qölōmiq posni.

15 Pahsat pu Peter hu'waqé pañqawu: It hiýta ántaqat laváyit itámuy āawnāa.

16 Noqw Jesus pañqawu: Ya uma nāto piw qa mātsi'yuñwa?

17 Puyaw himu moat aqw paké' pu ponómiqnén pu kwayñavéhaqam tūviwñwuqat uma nāto qa mātsi'yuñwa?

18 Nikañw pi himu moat añqw nōñakqa unáñwat añqwniñwu, niýqé pāvam hapi sinot tuyóyèwakwtañwu.

19 Pi unáñwat hapi añqw qalomátutnatya nōñanta, túqyantutnatya, tokot ép nāuuyiñwtutnatya, nuvōmōktutnatya, uyíñwtutnatya, tūatsátotoynatutnatya, pu Susōqaltutuyqawh̄qat-qakáptsi'ta-lavayi.

20 Ii hapi sinot tuyóyèwakwtañwu, nikañw qa māvaqtat tūmoytaniqw, pam pántaqa sinot qa tuyóyèwakwtañwu.

21 ¶ Pu Jesus pañqw áhpiy-niýqé Tirat nit pu Sidont pumuy qalávohaqamii.

22 Noqw mé, hak Canaan-wuhti pañqw yámakqé put aw tsa'lawh̄qé pañqawu: Um nuy ōkwatuwni, Tutuyqawh̄qa David tiata, iti māna nūkpanhikwsit akw túyqawiwtaqé okíwhinta.

23 Noqw pam put aw qa nāsèw hiñqawu. Noqw put aw nánatuwnayaqam aw ōkiýqé put aw ōqáltotiqé pañqawu: Put hōnaa, taq pam panis itámuñk tsa'tinuma.

24 Noqw pam hu'waqé pañqawu: Pay nu kivituy Israel-sinmuy amúñaqw sa kanél-muy kurshaqámiyaqamuy amumi ayátiwa.

25 Pahsat pu pam pítuñqé put átpip nāqahiýtatat pañqawu: Tutuyqawh̄qa, ókiw inúmi unáñwtavii.

26 Noqw pam hu'waqé pañqawu: Pas tsātsakwmuy nōsiwh̄qayamuy nāwh̄kit, put pópkotuy amumi māsapaniqw, qa súanta.

27 Noqw pam pañqawu: Pas antsaa, Tutuyqawh̄qa, noqw paypi as povokohyam moñwímuy nōñōspiyaqamuy añqw hiýta piñput lōhōhōtaqat nōnovañwu.

28 Pahsat pu Jesus hu'waqé put aw pañqawu: Isùti um hak wuhti, pas úhqapevèwni qa ōwiewa, paynam uñ hin nāwaknaqw pántaa. Noqw

put tiat māna páhpiy pay qaláptu.

29 ¶ Pu Jesus pañqw áhpiy-niýqé wúhkovatuphat Galileet áhaypo pitu, nit pu tūkwimi qniýqé pu pépéq qatúptu.

30 Noqw qaánewakwhintaqam sinom put aw öki, imuy qayáktaqamuy, qapóstalyaqamuy, qayuáatotaqamuy, tsínökiwyuñqamuy pu kāysiwhqamuy pētuy tsámkañkañwo, niýqé puma pumuy Jesust kúkmiq o'ya, noqw pam pumuy qaláptsina.

31 Noqw pas öviy qaánewakwhintaqam imuy qayuáatotaqamuy yuáaykuyaqw tútwaqé, kātayuñwa, pu tsínökiwyuñqamuy qaláptu-yaq'ö, pu qayáktaqam nánkwusaq'ö, pu qapóstalyaqam pōsiy tālawnayaq'ö, niýqé puma Israel-sinmuy Susōqaltutuyqawh qayamuy pas hiýtatota.

32 ¶ Pahsat pu Jesus put aw nánatuwnayaqamuy wáñwayqé pu pañqawu: Pas nu qaánèwakwhintaqamuy ökwatuwa, pi puma pu' hapi pāyis talōñvaqat añ inúmun hínnumyaq'ö, niýqé qahíýta nōvaiyuñwa. Noqw pay soon nu pumuy qanōsaiyuñqamuy hōnani, taq nāphisat sen puma áñqé'yakahkañw māmānuani.

33 Noqw put aw nánatuwnayaqam put aw pañqaqwa:

Ya sen itam qayēsiwhpuvé' haqam haqam pölávikit a'nō tutwé', qaánewakwhintaqamuy öynayani?

34 Noqw Jesus pumuy amumi pañqawu: Ya uma híysahaqam pölávikí'yunwa? Noqw puma pañqaqwa: Pay tsáñéé, piw híkikwmuy pavákihoymuyu.

35 Noqw ima qaánewakwhintaqam tútskwava yésvaniqat pam amumi pañqawu.

36 Pu pam tsáñé' pölávikit nit pu pāvakiwhituy ömáhtat pu háhlaytit pu put yōñoytaqé aw nánatuwnayaqamuy amumi oya, noqw put aw nánatuwnayaqam qaánèwakwhintaqamuy put húytota.

37 Noqw puma sohsoyam nōnōsaqé ööya. Noqw puma yōñoyvut ákwsinwqat tsañé'sikip yuñápsivut añ öhpo-kiwtaqat tsoválaya.

38 Noqw nōnōsaqam nālöp sōmorit pahsa táhtaqtya, pu momóyam niqw pu tsātsayom nāto piwya.

39 Pu pam qaánèwakwhintaqamuy lālayt, pu pam pākihut aqw pákit pu Magdalat qalávoq pitu.

## 16. QALÁLNI

1 Noqw Pharisee-sinom Saducee-sinmuy amumum aw ökiýqé pu put unáhépyaqé, pam övéqatsit añqw hiýta pas súsmataqpuva hiýta

tuáwi'taqat pumuy amumi máhtaknaniqat, put aw nānawakna.

2 Noqw pam hu'waqé pumuy amumi pañqawu: Tapkiqw uma pañqaqwañwu: Kurs kwánqatni, òviypi tók-pela pālañpu.

3 Pu talávay uma pañqaqwañwu: Pu hin sóniwni, òviypi tókpela pālañpu piw añ himu pās óhpokiwta. Uma nawípèw híntsatskaqamu, pay as uma tókpelat pitsáñwayat hinwat híntaqw māmatsyañwu, nikañw pu ya uma soon qatsit haqé qaláwmaqat añ hiníwmaqat tuáwiyat māmatsyani?

4 Pay qahopísinom, túskap-sinom súsmataqpuva hiýta tuáwi'taqat hēvi'yuñwa; noqw pay soon himu súsmataqpuva hiýta tuáwi'taqa pumuy amumi noíwni, pas i' Jonas Susöqaltutuyqawh̄qat enēm yuáataqa susmataqpuva hiýta tuáwi'taqa pam saa. Pu pam pumuy mātapt áhpiy'o.

5 Noqw put aw nánatuwnayaqam ayóqwat aqw nõñakt, kurs puma nít kay suhtokya.

6 ¶ Noqw pañsat Jesus pumuy amumi pañqawu: Uma Pharisee-sinmuy nikañw pu Sadducee-sinmuy pēkeniyamuy ép tunátyaltoté' qa ūnaiwyuñwni.

7 Noqw puma nánap hihin wūwanvayaqé pañqaqwa:

Paypi itam qa nít kaiwisq òviy'o.

8 Noqw Jesus put māmats-qé pumuy amumi pañqawu; Isòkiw uma òwítuptsiwni'yuñqamu, ya uma hinoqw pāysoq pi qa nítkaivayaqé òviy nánap hihin wūwantota?

9 Puyaw uma nāto pas qa māmatsya, piw urā tsivótsikip sōmorit páhsaniýqam tsivot pólávikit nāhuyvaqw, pu híysakip yuñápsivut añ óhpokit uma tsoválayaqéy qa u'ni'yuñwa?

10 Pu piw nālöp sōmorit páhsaniýqamuy amúhpé tsáñnē pólávikit nikañw pu híysakip yuñápsivut añ áhpo-kiwtaqat uma tsoválayaqéy, qa u'ni'yuñwa?

11 Ya hinoqw, nu umumi qa pólávikit pañqawh̄qé, umuy Pharisee-sinmuy nikañw Sadducee-sinmuy pēkeniyamuy ép qa nāunaiyuñwniqat pañqawh̄q, uma qa māmatsya?

12 Pañsat pu puma māmatsyaqw, pam kurs qa pólávikit pēkeniyat pañqawh̄qt, kurs Pharisee-sinmuy nikañw Sadducee-sinmuy tutúqaypiyamuy ép qa nāunaiyuñwniqat pam pumuy amumi pañqawu.

13 ¶ Pu Jesus Caesarea Philippit qalávoq pítuñqé, pam put aw nánatuwnayaqamuy tūvintaqé pañqawu: Ys



nu, Sinot Tiat, hakiyniyqat sinom pañqawwa?

14 Noqw puma pañqawwa: Haqáwat un John, kūyit akw tūtuvoylalawh qaniyqat pañqawwa, pu pētuyniqw, um Elias, pu haqáwatuy-niqw, um Jeremia sen pay haqáwa Susōqaltutuyqawh-qat enēm yuáataqa.

15 Pam pumuy amumi pañ-qawu: Noqw úmuyniqw nu hák'i?

16 Noqw Simon Peter hu'-waqé pañqawu: Um hapi Christ Susōqaltutuyqawh-qat qátuhqa Tiata.

17 ¶ Pu Jesus hu'waqé put aw pañqawu: Simon, Jonat tiata, um pas antsa háhlaypit ép'è, pi qa toko pu uñwa ūmi put mātaqta, pi Ina ōvēqatsit épniyqa ūmi put mātaqta.

18 Noqw nu tuwat ūmi pañ-qawni: Um hapi Peter, noqw it owat hapi nu ép qalávo-wañwayniwyaqamuy sumí-yantaqamuy ihímuy wunúp-tsinani, noqw máskimiq hō-tsíwa soon put áñwutani.

19 Noqw ōvēqatsit añqw moñwtunatyat aw hōtáhpit nu ūmi óyani, noqw nāphiy-ta um tūwaqatsit ép somqw, pam óvēqatsit ép sómilti-mantani, pu nāphiyta um tūwaqatsit ép nahqw, pam ōvēqatsit ép nāhiwmantani.

20 Paḥsat pu pam put aw nánatuwnayaqamuy mēwa-

qé, puma put Jesus pas Christniyqat qahakiy āaw-nayaniqat pañqawu

21 ¶ Paḥpiy pu Jesus pas pay soon Jerusalem qa aqw-niqéy put aw nánatuwnaya-qamuy āwinva, nèn wūwukw-muy nikañw pu Susōqaltu-tuyqawh-qat awwat súsmom-ñwituy nikañw pu tutúven-lalwaqamuy amúñaqw hī-hiyta kānavot pu nīniwh̄t pu payístalqat ép ahoy tātay-niwniqéyu.

22 Paḥsat pu Peter put nú-ahqé pu put sūmewaqué pañ-qawu: Pay pas um qa pán-haqam hintini, Tutuyqawh-qa, soon um yántsaniwni.

23 Noqw pam nám-tökké Petert aw pañqawu: Inúh-kwayñavohaqamii, Nukpana, um inumi súsitsi, pi um qa Susōqaltutuyqawh-qat hih-múyat tunatyawta, pi sin-muy hihmúyamuyu.

24 Paḥsat pu Jesus put aw nánatuwnayaqamuy amumi pañqawu: Pay nāphaqawa kurs inúnkniqéy nāwaknaqa, pam nāqahíytatat pu nahóy-léhtsiy kwusut, inúnkni.

25 Pi nāphaqawa qatsiy nūitaniqa put kwáyhni, pu nāphaqawa inútsviy qatsiy kwayhqa, put túwani.

26 Ispi, ya sen sino tūwa-qatsit sohsok himúivakañw táytoynaqay nāphimuy kwa-hé', sen hin put akw mōñ-vasni? Hal ya sen pam hiyta

enañ tãytoynaqay nãhoy-  
ñwani?

27 Pi pay nãto Sinot Tiat  
Nay tãlawñwayat pitsãñwai-  
kañw hõñviaymuy tsámkañw  
pituni, nèn pañsat pu pam  
nãnap sinmuy hínstakpiya-  
muy an amumi sísvini.

28 Pas antsa nu umumi pañ-  
qawni: Pay haqawat yép  
hoñqam soon nãto mokiwy  
añqwu yukúyaqwu, pay Sinot  
Tiat moñwtunatyay añ pi-  
tuq, yórikyani.

### 17. QALÁLNI

1 Pu ahipiy naváytoktiqlw,  
Jesus Petert nit pu Jamest  
nit pu put túpkoyat, Johnt,  
pumuy tsámkañw haqami  
qalávo wupátukwit aqw  
wupto.

2 Niýqé pam pumuy amút-  
pik alónti, noqw put tãy-  
waat tãwat an tãlawñwai-  
vaqw pu put yũwsiat tãlat  
an qõtsati.

3 Noqw mé, pépéq Moses  
Eliast amum pumuy amumi  
mãtaqtiqé put amum yuáata.

4 Noqw Peter laváytiqé  
Jesust aw pañqawu: Tutuy-  
qawhqa, pas itam yépya-  
niqw pam lolma. Kurs uñ  
pan nãwaknaniqw itam yé-  
péq pãyhkomuy kítotani, uñ-  
ém sukwat nit pu Mosest  
eném sukwat nit pu Eliast  
eném sukwata.

5 Nato pam yuáataqwu, mé,  
õmaw suyan talqa pumuy

nãkwapna, noqw mé, õma-  
wuy áñqaw hakiy tónáat  
pañqawu: Í hapi pas awiú-  
nañwa Itii, it nu ép pas  
háhlayi. Uma aw tũqay-  
yuñwni!

6 Noqw ima nãnatuwna-  
yaqam put nanáptaqé puma  
tãyway akw munúmtoti, niý-  
qé pas tsawíniwyuñwa.

7 Noqw Jesus pumuy amu-  
mi pítuñqé amumi tónokt pu  
pañqawu: Hoñvaa, nèn uma  
qa tsawíniwyuñwni.

8 Pu puma kwuhpukyaqé  
puma qahakiy tutwa, it Je-  
sust saa.

9 Noqw puma tũkwiñaqw  
hanwisqw Jesus pumuy mē-  
waqé pañqawu: Uma hapi  
hin yórikyaqéy hãk qahákiy  
ãawnayani, ason Sinot Tiat  
so'pumuy amúñaqwu ahoy tã-  
tayqwu pu umayani.

10 Noqw put aw nãnatuwna-  
nayaqam put tũvintotaqé  
pañqawu: Noqw ya hinoqw  
õviy tutúvenlalwaqam Eliast  
mohti pítuniqat pañqawu?

11 Noqw pam hu'waqé pu-  
muy amumi pañqawu: Pay  
pas antsa Elias mohti pítuni,  
nèn sohsok hiýta aw súan-  
tsantani.

12 Nikañw nu umumi pañ-  
qawni: Pay Elias pitu, noqw  
puma put qa mãmatsya, niý-  
qé hin nãnawaknaqé pan  
put híntsatsna. Noqw pan  
hapi piw Sinot Tiat pumuy  
amúñaqwu okíwsaniwni.

13 Pahsat pu put aw nána-tuwnayaqam māматыаqw, kurs pam Johnt, kūyit akw tūtuvoylalawhqat pañqawu.

14 ¶ Noqw puma qaánè-wakwhintaqamuy sinmuy amumi ōkiqw, hak sino put aw pítuhqé aw tamōtswnuptut pu pañqawu:

15 Tutuyqawhqa, um ókiw itíyotiy ōkwatuwni, taq pam múyhonaqíwta, niýqé pas kánanvota, pi piép pam qō-hit aqw pósñwu pu piép pā-miq pósñwu.

16 Noqw nu put ūmi nána-tuwnayaqamuy amumi wik-va, noqw puma kurshin put powátotani.

17 Noqw Jesus hu'waqé pañqawu: Isòhi, uma qatūtuptsiwañwuqam, nānaphinyuñqamu, puyaw nu hiysavohaqam umumum yantani, puyaw nu híysavohaqam umuy máqsonlawni? Péw inumi wíkyaa.

18 Noqw Jesus Nukpanat mēwa, noqw pam put añqw yama, noqw tsay pahpiy pay powálti.

19 Pahsat pu put aw nána-tuwnayaqam nánalt Jesust aw ōkiýqé aw pañqaqwa: Ya hinoqw ōviy kurshin itam put hóroknayani?

20 Noqw Jesus pumuy amumi pañqawu: Ispi uma qa túptsiwni'yuñqéé, pi pas antsa nu umumi pañqawni: Pi as uma sūkw mustard-ūyit

pōsiyat an qapēvewnayé' uma it tūkwit aw pañqaqwani: Um ayo'haqami náhlakni, kitótaqw, pam soon qa náhlakni. Pu qahimu umu-nēm qa pasiwtani.

21 Nikañw pay i' yántaqa pas nāwakinpit sa nikañw pu nāpwalnit sa akw yámakñwu.

22 ¶ Noqw nāto pumuy Galileet ép yēsqw, Jesus pumuy amumi pañqawu: Sinot Tiat sinmuy māyamuy aw noíwni.

23 Noqw puma put nīnayani, noqw payístalqat ép pam piw ahoy tātayniwni. Noqw puma pas qaháhlaya.

24 ¶ Noqw puma Capernaumt ép ōkiqw, ima náhpé-sivit tsoválantotaqam Petert aw ōkiýqé pu pañqaqwa: Ya umuhmoñwi náhpé-sívit qa sívíma?

25 Pam pañqawu: As'a. Pu pam kīmi pakiqw, Jesus put átpiktaqé pañqawu: Ya um hin wūwanta, Simon? Ya tūwaqatsit ép momñwit hakímuy amúñaqw hiýta himúi-tiwhqat añ sívit ōmáhtiwiisa, pu nahpé-sivita, sen nāptimuy amúñaqw, sen pay pas a'löntuy amúñaq'ō?

26 Peter put aw pañqawu: Pay pas a'löntuy amúñaq'ō. Jesus aw pañqawu: Noqw kurs pay timat ayo' nōña-kiwta.

27 Noqw paypi nāphisat

sen itam pumuy unáñwmok-naniqw, òviy um wúhkova-tuphaminen aqw pakíwhu-huwłpit tūvani, nen um hiyta pākiwuy mołti hórok-né' put um nuani, nen um put tsáñwtapné' um sivat tu-wani, put um kwusut pu inúném nikañw pu nēném pumuy put maqani.

### 18. QALÁLNI

1 Noqw pēp pahsat put aw nánatuwnayaqam Jesust aw ōkiyqé pañqawa: Ya hak ōvéqatsit añqw moñwtunatyat ép pas súspavani?

2 Noqw Jesus tsākwvoyat nāmi wáñwayt pu put pumuy amúhsonmi tavit,

3 Pu pañqawu: Pas antsa nu umúmi pañqawni, pas uma qa ahoy nānamtōké' tsātsakwmuy qa amúntoté' soon uma ōvéqatsit añqw moñwtunatyat aw yuñni.

4 Paniqw ōviy nāphaqawa it tsākw an qa nākwivi'-nañwtaqa pam hapi ōvéqatsit añqw moñwtunatyat ép súspavani.

5 Haqawa sūkw yántaqat tsākwvoyat itúnwniy añ kwúsuhqa hapi nuy kwúsulantani.

6 Nikañw haqawa imuy tsātsakwmuy inúmi túptsiw-ni'yunqamuy hiytawat unáñwayat hoválaqat, pay kwápkagé mata hāyiltiqw, pu pam wúhkovatuphat

a'nō hōtsit aqw paōymokq, pam put enēm násèwni.

7 Isòhi sinmuy amúnēmi, u'nañwat hoválantiwhqat atsviy'o; pi unáñwa soon qa hoválantiwñi, nikañw it hakiy sinot añ unáñwat hoválantiwhqat enēm isòhini.

8 Paniqw ōviy kurs uhmay sen uhkukuy uhunañway hoválaqw um put ayo' tūkuni, nen nāñaqw ayo' tūvani, pay-pi um tátam qawāynumkañw sen qapasíwkañw qatsit aw paké', qa lōqmuy máikañw pu qa lōqmuy hokaíkañw qaso'taqat qōhit aqw tūviwhq, pam unēm pay pavan lolmani.

9 Pu kurs uhposiy un unáñwmoknaqw, um put hórok-nat nāñaqw ayo'tūvani. Pay pi um tatam sūkw pōsi'kañw qatsit aw páké', qa lōqmuy pōsi'kañw qōhit siviýpit aqw tuviwhq, pam unēm pas pavan lolmani.

10 Uma tunátyaltotini, nēn imuy tsātsakwmuy qahiý-tawat qahiýtatotani, pi nu umumi pañqawni: Pumuy hoñviaymat ōvéqatsit ép Inay qátuhqat tāywayat aw sú-tsép tāyuñwa.

11 ¶ Pi Sinot Tiat kursha-qaminiýqat ayo' táviniqé ō-viy pitu.

12 Ya uma hin wūwantota? Ya sen hak sino tsivótsikip sunat kanelvokmuitaqw, kurs sūka amúhpiy lasqw, ya pam



pumuy sūkw akw qa tsivó-tsikip súnatniýqamuy qa mā-tapt pu túhtukwimihaqami nen, amuhpiy lasqat qa hēp-ñwu?

13 Noqw kurs pam put tuwē, pas antsa nu umumi pañqawni, pam imuy sūkw akw qa tsivótsikip súnatniýqamuy qahaqámiya-qamuy amúhpē háhlaytiqéy, épniýqé it sūkw ép pas háhlaytiñwu.

14 Noqw pay pan piw òvèqatsit ép Umúna imuy tsā-tsakwmuy hiýtawat hoválniwniqat qanāwakna.

15 ¶ Pu kurs piw uhpava uhtupko uhpéwi qaántiqw, um put awnen, umuy nālaniqw, um put qaántipuyat āawnani, kurs pam ūmi tuqāyvastaqw, um hapi uh-pavay uhtupkoy pay túy-qawva.

16 Nikañw kurs pam ūmi qa tuqāyvastaqw, pahsat pu um sūkw sen lōqmuy wikañw awmantani; noqw lōqmuy sen páykomuy tūqay-ynqamuy laváiyamuy akw sohsoy lavayi pasíwhtimantani.

17 Pu kurs pam pumuy amumi qa tuqāyvastaqw, pu um sūtsvowañwayniwyaqamuy tsowawtaqamuy āawnani, pu kurs pam sūtsvowawayniwyaqamuy tsowawtaqamuy amumi qa tuqāy-vasté', pam ūmi qatúptsiwni'-

taqat pu sivátsowalantaqat ántamantani.

18 Pas antsa nu umumi pañqawni: Nāphiýta umuy tūwaqatsit ép sómyaqw, pam òvèqatsit ép sómiltimantani, pu nāphiýta umuy tūwaqatsit ép nahyaqw, pam óvèqatsit ép nāhiwmantani.

19 Pu piw nāto nu umumi pañqawni: Kurs lōyöm uma tūwaqatsit ép hiýta òviy tūviñtaniqéy ép sūnan unañwtiqw, pam òvèqatsit ép Inay añqw pumuy amúnēm ántimantani.

20 Pi haqam lōyöm sen pāyomhaqam itūñwniy añ tso-wáwtaqw, pēp nu pumuy amúhsonvéniñwu.

21 ¶ Pahsat pu Peter put aw pítuñqé pañqawu: Tūtuyqawñqa, ya nu ivávay itúpkoy inúhpéwi qaántsakmaqat aw híysakishaqam put ép qé'watani, sen tsañé'sikis-tiq'ó?

22 Jesus put aw pañqawu: Nu, tsañé'sikistiq'ó, ūmi qakita, nikañw payp sunat pakwt síykaitasikis tsañé'sikistiq'ó.

23 Paniqw òviy ovèqatsit añqw moñwtunatyá hakiy moñwit, tumálāymuy amumi hiýta añ póhtaniqat anta.

24 Noqw pam hiýta añ póp-tativaqw, suhka put aw pak-wutsikip sōmorit tuwánit sivat yoníwtaqa put aw wíkvaniwa.

25 Nikañw pam kurs hiýta

sísviníq̄w, put tutuyqawh-  
qaat put huyiwniqat pañ-  
qawu, pu put nōmaat niq̄w  
pu timat niq̄w pu sohsoy himu  
put himúata, noq̄w sisvini.

26 Noq̄w tumálàya múnukt  
pu put aw naókiwh̄taq̄e pañ-  
qawu: Tutuyqawh̄qa, um hāk  
qapas inúmi písociwtani,  
noq̄w nu ūmi soh̄sok sísvini.

27 Paḥsat pu tumálàyat  
tutuyqawh̄qaat put ōkwa-  
tuwh̄q̄e pu put mātapt pōiw-  
taqayat ép aw q̄'wata.

28 Noq̄w pay i' tumálàya  
pañq̄w yámakt pu sukw tu-  
málsun̄way, put aw tsivótsi-  
kip sunat denariont pōiwa-  
qat tuwa, niȳq̄e pam put aw  
máitaq̄e put tōnp̄eq̄ nua pañ-  
qawkañwo: Um inúmi pōiw-  
taq̄e sísvini.

29 Noq̄w put tumálsun̄waat  
put kukmiq̄ munukt put aw  
naókiwh̄taq̄e pañqawu: Um  
hāk inumi qapas písociw-  
tani, noq̄w nu soh̄sok ūmi  
sísvini.

30 Noq̄w pam qanāwaknaq̄e  
pu pay put sivíkimi tūva,  
ason pam pōiwaq̄e añ túts-  
kwataniqat páhsavoo.

31 Noq̄w ōviy put tumál-  
sun̄wamat hiníwh̄tiqat aw  
yórikyaq̄e pas qaháhl̄aytoti-  
q̄e ōkiȳq̄e pu tutuyqawh-  
qay soh̄sok hiníwh̄tiqat āaw-  
naya.

32 Paḥsat put tutuyqawh-  
qaat put wāñwayq̄e aw pañ-  
qawu: Pas um núkpan-tu-

málàya, um nuy pan unáñw-  
toynaq̄w ōviy nu ūmi soh̄-  
sok put uhp̄öiy q̄'wata.

33 Puyaw nuy un̄ ōkwa-  
tuwh̄qat, ya um soon tuwat  
an piw uhtumálsun̄way ō-  
kwatuwni?

34 Noq̄w put tutuyqawh-  
qaat pas kwañwáitsivutiq̄e  
tūokiwsah̄sanyaqamuy amu-  
mi put noa, soh̄sok pōiwa-  
q̄e añ tútskwataniqat páh-  
savoo.

35 Noq̄w pan hapi ōv̄eqa-  
tsit ép Ina qátuh̄qa piw umuy  
híntsanni, kurs umuy soh̄so-  
yam umúhpavamuy umúh-  
tupkomuy qaántipuyamuy  
ép amumi umúhunañwñaq̄w  
qa q̄'watotaq'ō.

## 19. QALÁLNI

1 Noq̄w Jesus iit laváyit yú-  
kuh̄q̄e pu pam Galileet añq̄w  
áhpiyniȳq̄e Judeat qalávoq̄w  
pitu, Jordant yúp̄q̄öyv̄é.

2 Noq̄w qaán̄ewakwhinta-  
qam put añkya, noq̄w pam  
pép̄eq̄ pumuy qaláptsina.

3 ¶ Noq̄w Pharisee-sinom  
put nuhtum aw ōkiȳq̄e put  
unáhevi'kañkañw aw pañ-  
qaqwa: Ya pay sino nāphīyta  
ép nōmay mātapmantaniq̄w,  
pam súanta?

4 Noq̄w pam pumuy hu'wa-  
q̄e amumi pañqawu: Ura  
i' hak pumuy yániwh̄puv̄eq̄  
yúkuh̄qa, pam pumuy tāqat  
nikañw pu wuhtit yúkuh̄qat,  
uma qa añ tuñwáya?

5 Niýqé ura pañqawu: Yañiqw òviy sino nay nikañw pu yuy pumuy mātapt pu nōmay aw hūrstimantani, noqw puma lōyōm sūka tókoman-tani.

6 Paniqw òviy puma pāpu qa lōyōm nit sūka tókoniñwu. Noqw òviy Susōqaltutuyqawhqa hiyta namitskaqw, put sino pas qa nāhoy távini.

7 Puma put aw pañqaqwa: Noqw hinoqw pantaqw, hak nāmataptutuventat pu put hōnamantaniqat Moses tutápta?

8 Noqw pam pumuy amumi pañqawu: Uma anáhaat unáñwaiyuñqw òviy uma umúhnōmamuy mātapyaniqat Moses umuy nákwahana, nikañw yáyniwhpuñaqw as qa panta.

9 Noqw nu umumi pañqawñi: Nāphaqawa nōmay qanáwhvalaqat ép put mātapt, pu sukwat amum qatúptuqa, pam hapi tokot ūuyñwu, pu haqawa wuhtit mātaviwhqat amum qatúptuqa, hapi tokot ūuyñwu.

10 Put aw nánatuwnayaqam put aw pañqaqwa: Kurs tāqa mōmay amum pāntaniqw, kurs nōmataniqw qa nukñwa.

11 Noqw pam pumuy amumi pañqawu: Pay kurshin sóhsoyam it laváyit kwusú-

yani, pay imuy hakímuy amumi noíwhq, púmayani.

12 Pi haqawat nōmáqtsit aw qa apíiwkahkañw yumuy típkayamuy añqw tíytiwya, pu haqawat nōmáqtsit aw qa apíiwyuñqam sinmuy amúhpiy pántsaniwya, pu haqawat òvéqatsit añqw moñwtunatyat atsviy nōmáqtsit aw nāqaapítóynaya. Kurs haqáwa it kwúsuniqa, paypi kwúsuni.

13 ¶ Pañsat pēp put aw tsatsáyhohyam tsámvaniwya, pam pumuy amumi mātawhñt pu nāwaknaniq'ò, noqw put aw nánatuwnayaqam pumuy mēwaya.

14 Noqw pay Jesus pañqawu: Pay uma tsatsákwhoy-muy nákwahanayé' inumi qa mēwantotani, pi pányuñqamuy hapi akw òvéqatsit añqw moñwtunatya pasiwta.

15 Pu pam pumuy amumi mátyawhñt pu pañqw áhpiy'ò.

16 ¶ Noqw mē, haqáwa pí-tuhqé put aw pañqawu: Lolma Tutuyqawhqa, ya nu hiyta lólmat hínitini, nen qaso'taqat qatsit himúivani?

17 Noqw pam put aw pañqawu: Ya um hinoqw nuy lólmalawu? pi qahak lolma, pas sūka, Susōqaltutuyqawhqa nála saa. Noqw pay pi um qatsit aw pákinik, um tutávot ánmani.

18 Pam put aw pañqawu: Híytawata? Jesus pañqawu:

Pay it'a, Um qahakiy nīnani, um tókot ép qa nāuuyi, um qa ūuyi, um hakiy qa atsá-toynani.

19 Um unay pu uñuy pumuy káptsitani, pu um nāmi hin pas unánwaitaqéy pan um uhsinósñway aw unánwaitani.

20 Noqw tiyo put aw pañqawu: Pay nu sohsok iit yāyantaqat itsákoy añqaw an hinma. Ya nu hiyta nāto qaánti?

21 Jesus put aw pañqawu: Pay um pas pasíwtaniqéy nāwakné' um áhpiynén hiyta himúité' put húyani, nén hiyta himúivaqéy ōkiwyaqamuy húytani, nén um ōvéqatsit ép kāhakiwat himúivani, nit um añqwnen inúnkni.

22 Noqw pay tiyo put laváyit navotqé qaháhlaykañw áhpiy'o, pam hiyta níyti'taqé ōviy'o.

23 Pañsat pu Jesus put aw nānatuwnayaqamuy amumi pañqawu: Pas antsa nu umumi pañqawni, pas kaháksino ōvéqatsit añqw moñwtunatyat aw qatúvosniyqat añ pákini.

24 Pu piw nu nāto umumi pañqawni: Pay pōlaitaqa tsakómostat añ pórokput añ pákininiqw, pam kaháksinot Susōqaltutuyqawhqat moñwtunatyayat aw pákiniqat épniyqé qapas pas hinta.

25 Noqw put aw nānatuwnayaqam put nanáptaqé puma pas hin kurs wūwayaqé pañqawu: Noqw hak sen ayo' yámakni?

26 Noqw Jesus pumuy amumi tātayt pu amumi pañqawu: Pay sinmuyniqw i' qapasíwta, nikañw Susōqaltutuyqawhqatniqw sohsoy himu pasíwta.

27 ¶ Pañsat pu Peter laváyitqé put aw pañqawu: Mé, itam hapi sohsok hiyta tátamtatat unkyá, noqw ya itam put ép hiytayani?

28 Noqw Jesus pumuy amumi pañqawu: Pas antsa nu umumi pañqawni, pay úma hakim inúnkyaqam qatsit pūhutiwhqat ép Sinot Tiat lolmat tālawñway mōñwātsveway ép qatuqw, pay uma tuwat pakwt lōq siyčkaitaqat mōñwātsvewat añ yéskahkañw Israel-sinmuy pakwt lōq siyčkaitasikivo sinóiwtaqamuy hin yúykunayani.

29 Pu sóhsoyam inátnwaniy átsviy kikiy sen pāvamuy túpkomuy sen qōqamuy siwámuy sen nay sen yuy sen nōmay sen timuy sen tūtutskway tatámtotaqam tsivót-sikip sunátsikis hóyokiwtatqat ōmáhtotani, pu qaso'taqat qatsit himúivayani.

30 Nikañw kāysiwhqam móhti'wisqam núhtuñkyani, pu nuhtuñkyaqam mohti-yani.



## 20. QALÁLNI

1 Pi òvèqatsit ańqw mońw-tunatya ki'taqat, súits talá-vay ováuuiy aw tütumalàyá-tatoqat, anta.

2 Niýqé sűkw denariont òviy tápkinayaniqat amum namíyukut pu pumuy ováuuiy aw lálayi.

3 Pu pam táwat pāyis qöníwmaqhaqam piw nakwsu, niýqé pētuy húyankivé qahíntsakkahkańw hónq tu-wa,

4 Niýqé pumuy amumi pańqawu: Pay uma piw ováuuit áwyani, noqw pay ason hin súantaqw, nu pan umuy máqani. Noqw puma áwhaqamiya.

5 Pu pam piw, táwat naváy-sikishaqam pu piw peve'sikishaqam qöníwmaqw piw nakwsuqé, piw anti.

6 Pu pam táwat pakwt suk w síykaitasikishaqam qöníwmaqw nákwuqé, pu pētuy qahíntsakkahkańw hónqamuy túwahqé, pumuy amumi pańqawu: Ya uma hínoqw qahíntsakkahkańw tēvėp yėp hōñi?

7 Puma put aw pańqaqwa: Ispi qahak itamuy ayátaq'ò. Pam pumuy amumi pańqawu: Pay uma piw ováuuit áwyani, noqw ason hin súantaqw, pan uma ömáhtotani.

8 Noqw òviy tápkíqw ováu-yi'taqa tumálmońwiw aw pańqawu: Um tumálaiyuńqa-

muy wáńwayni, nen pumuy áhsatiamuy pumuy húytani, um núhtuńkniýqat ańqw hoyóyoykukańw móhti'maqat aqw yúkuni.

9 Noqw ima táwat pakwt suk w síykaitasikishaqam qöníwmaqwayátiwyaqam ökiýqé, puma sohsoyam súskomuy denariont ömahtota.

10 Nikańw móhtiyaqam ökiýqé, puma wúhaq ömáhtotaniqéy wúwaya, nit puma amun sóhsoyam súskomuy denariont ömáhtota.

11 Noqw puma ömáhtotaqé ki'taqat aw qa tsúyak-unañway híńqaqwaqé,

12 Pańqaqwa: Ima núhtuńkyaqam panis táwat sūs qöníltiqat ań tumálaiyuńqw, um itámuy táwanawit máqsontotaqamuy, tōñit kánanaptaqamuy, amun pumuy yukúna.

13 Noqw pam pumuy amúńaqw hiýtawat hu'waqé pańqawu: Ikwatsi, pay nu uń qahin qasúantsana, ya um qa sűkw denariont òviyniqéy inúmun pan yuku?

14 Pay um uhhimuyniqat kwusut áhpiyni, pay nu uń hin máqahqéy an it nuhtuńkniýqat máqaniqéy nāwakna.

15 Ya nu hiýta nāp ihímuy híntsanniqéy nāwakné' pán-tiniqw, pam qa súanta? Ya nuy lolmatniqw òviy um inumi qa kwanwátayta?

16 Noqw òviy nuhtuñkyaqam móhtiyaní, pu móhtiyaqam núhtuñkyañi; pi pay as kâysiwhqam wánwayniwya, nikañw híkiyom namórs-tiwyá.

17 ¶ Noqw Jesus Jerusalemt aqwnikañw pakwt lōq siy-kaitaqamuy put aw nánatuwnayaqamuy pōqlavo tsamt pu pumuy amumi pañqawu:

18 Mé, itam hapi Jerusalemt aqwyá, noqw Sinot Tiat Susōqaltutuyqawhqt aw-wat súsmomñwituy nikañw pu tutúvenlalwaqamuy amumi lālayiwni, noqw puma put mokíwuy aw tūvayani.

19 Noqw puma put aw tutútsiwyaniqat òviy put qajew-sinmuy amumi noáyani, pu wuváhtotaniqata, pu put nahóylēhtsit ép háhyaniqata, noqw payístalqat ép pam ahoy tātayni.

20 ¶ Pañsat pu Zebedeet tí-muyatuy yuam tiyótímuy wikkañw put aw pítuhqé put pas híytaikañw aw okíwlawu, híyta túnlaikañwo.

21 Noqw pam put aw pañqawu: Ya um híyta nāwak-na? Pam put aw pañqawu: Pay as ima lōyōm itíyotim uhmoñwtunatyay ép, suhka úhputvaqéwat qatuqw pu mi'wa úhsuyvaqéwat qátu-niqat um nákwhani.

22 Noqw Jesus hu'waqé pañqawu: Uma híyta qamā-tsi'kahkañw put òviy tūviñ-

tota. Ya sen uma kuyápkuyit nuy añqw híkwniqat añqw híkwyaniqué òviy'o? pu piw it kūyit akw tuvóylat nuy akw tuvóylatíqat, akw tuvóylatoti-niqué òviy'o? Noqw puma put aw pañqawu: Ōwi.

23 Noqw pam pumuy amumi pañqawu: Pay uma pas antsa ikúyapkuýiy añqwsoon qa híkwyani, pu kūyit akw tuvóylat akw nuy tuvóyla-tíqat akw tuvóylatotini, nikañw hakiy ipútvaqéwat pu isúyvaqéwat qatuníqat qa nu put pan yúkuni, nikañw ason pay Inay áhpiy pam hakímuy amúñēm yukíwhq, pumuy amumi pam noíwni.

24 Noqw ima pakwtñiyqam put nanáptaqué pumuy nā-tupkomuy amumi qayánu-nañway itsívutoti.

25 Noqw pay Jesus pumuy nāmi wánwayqé pumuy amumi pañqawu: Uma navó-ti'yunqw, imuy qanamórstiw-sinmuy amumi momñwit pumuy amumi tutūyqawya, pu pávanyaqam öqalay nānvot-natiwisqata.

26 Nikañw umúñaqw qapántani, nikañw nāphaqawa umúñaqw pas pávanníqa pam umúhtuwikini.

27 Pu nāphaqawa umúñaqw súspavanníqa pam umúh-nuantuwikini.

28 Pi pay Sinot Tiat qa aw-u'nañwtaviwniqué òviy pitut, núhtumi u'nañwtavi'taniqéy

paniqw pítuhqat pan'i, pu kâysiwqhâmu siviâmnigé ôviy qatsiy táviyqata.

29 ¶ Noqw pumuy Jerichot añqw áhpiyyaqw qaánèwakwhintaqam sinom put añkya.

30 Noqw mè, löyöm qapóstalqat tâqat pöhut qalávè qatúkañw Jesust pañqé'niqw navótqé tsa'lawhqué pañqawu: Isókiw itamuy ôkwatuwaa, Tutuyqawhqa, um David tiat!

31 Noqw qaánèwakwhintaqam pumuy mēwaya, pumuy qahínqawlawniqw ôviy'o, noqw pahsat pas puma pāpu a'nō pañqawu: Isókiw itamuy ôkwatuwaa, Tutuyqawhqa um David tiat!

32 Noqw Jesus sun wunúptut pu pumuy wánwayqé pu pañqawu: Ya nu umuy hín-tsanniqat uma nāwakna?

33 Puma put aw pañqawu: Tutuyqawhqa, itáhposi as tálawvani.

34 Noqw Jesus pumuy ôkwatuwhqué pu pumuy pôsiyamuy aw hínstana, noqw pahsat pay pumuy pôsiam tálawva, noqw puma put añki.

## 21. QALÁLNI

1 Noqw puma Jerusalem taw háyhkalayaqé Bethphaget, tükwit Olivet, aw ôkiqw, pahsat pu Jesus put aw nānatuwnaqamuy löqmu ayátqé,

2 Amumi pañqawu: Uma kitsókit umúpyevéniyqat awni, nen pay uma morówuhtit sómiwtaqat suhtuwani pu moróhyat put ámumniyqata, pumuy uma naht añqw inūmi wíkni.

3 Ason kurs hakiy umumi hiñqawhq, uma hapi kítani: Pay Tutuyqawhqa imuy nāwakna. Noqw pahsat pay pam pumuy añqw lālayni.

4 Sohsoy i' yaníwhiti, Susōqaltutuyqawhqa enēm yuáataqat laváiyat ántiniqw ôviy'o. Pam pañqawu:

5 Uma Siont mántiyat āawnayani, mè, uhmoñwi ūmi pitúto, pasi'nanwaikañw morówuhtit akw tsokíwkañwo, pu tiyat moróhyat aqw'a.

6 Noqw put aw nānatuwnaqam áhpiyniyqé pu Jesus hin pumuy amumi laváytiqat anti.

7 Niýqé morówuhtit nit pu moróhyat pumuy wikva, niýqé pumuy amútsmiq yūwsiy oyat pu put pánsoqw tsoka.

8 Noqw pas qaánèwakwhintaqam sinom yūwsiy pōnawit áhpatota, pu pētu himútsotskit nántaqayat tsáhiqayaqé put pōnawit áhsaqa-laya.

9 Noqw qaánèwakwhintaqam sinom ápyevéyaqam niqw pu put añkyaqam tsa'tiwisqé pañqawwisa: Nam ayo'nōñakiwniqa aníwhiti,

David tiata! Pas Tutuyqawh-qat tūnwiniyat añ pitútoqa háhlaypit ép'è. Nam ayo'-nōnakiwniqa aníwhitii, Súsōvēqniyqa!

10 Noqw pam Jerusalemt aw pituqw, sohsoyam pēp ki'yunqam hin táyakniwyaqé pañqaqwa: Ya i' hak'i?

11 Noqw qaánèwakwhintaqam sinom pañqaqwa: I' hapi Jesus Súsōqaltutuyqawh-qat enēm yuáataqa, Galileet ép Nazaretht áñqwniyqa.

12 ¶ Pu Jesus Súsōqaltutuy-qawh-qat kīyat aw pákiyqé pu sóhsokmuy imuy Súsōqaltutuyqawh-qat kīyat ép húhyayaqamuy pu túhtuiyaqamuy iypoqw maspat pu sīvat nāhoynwantotaqamuy húhyanpiyamuy nikañw hō-wiytuý húhyayaqamuy átsve-wayamuy takúmnatat,

13 Pu pumuy amumi pañqawu: Pay ura yan pēniwta, Iki nawákinpikihu, yan mā-tsiwni; noqw pi uma put uúyīnwtuy kivátoynaya.

14 Noqw qapóstalyaqam niqw pu qayaktaqam Súsōqaltutuyqawh-qat kīyat ép put aw ōki, noqw pam pumuy qaláptsina.

15 Noqw Súsōqaltutuy-qawh-qat awwat súsmomñwit niqw pu tutúvenlalwaqam put hīhiyta kātumaltaqat nikañw pu tsātsakwmuy Súsōqaltutuyqawh-qat kīyat ép saáataqé: Nam ayo'-nōnakiw-

niqa aníwhitii, David tiata, kitótaqw, puma tútwaqé pas qa tsúyti.

16 Niýqé put aw pañqaqwa: Ya um imuy hínqaqwaqw navóta? Noqw Jesus pumuy amumi pañqawu: Owi. Ya uma it qa añ tuñwáya, Um titípostuy nikañw pu yō-yoñyaqamuy moáyamuy ahpiy tayáwinpit aníwna, ita?

17 Noqw pam pumuy mā-tapt pu kitsókit añqw Bethanyt aw'i, niýqé pēp pam qatúptu.

18 ¶ Noqw pam talávay ahoy kitsókimi nikañw tsōnmoki.

19 Niýqé pam pōqlavo sukw nōnvospalùyt túwahqé put aw nákwsuqé put ép qahíyta tuwa, panis náhpiyat saa; niýqé put aw pañqawu: Paynam pas yahpiy qahísat uhpe sipala aníwhitii. Noqw pahsat pay nōnvospalùyi súlaki.

20 Noqw put aw nánatuwnayaqam put tútwaqé puma kātayunqé pañqaqwa: Isùti, nōnvospalùyi súlaki!

21 Jesus laváytiqé pumuy amumi pañqawu: Pas antsa nu umumi pañqawni, pi uma qapēvewnit himúiyunwé', pas qapēvewnayé', soon uma it nōnvospalùyt híntsaniwh-qat panis putsa pántotini, nikañw soon uma piw it tūkwit aw qa pañqaqwani: Um náhlakni, nit pu pātuwaqatsit aqw tū-



viwni, kitótaqw, soon pam qa ántini.

22 Pu sohok hiýta, nāphiy-ta ōviy uma nāwakinpit añ tūviñtoté' tūptsiwni' kah-kañwyé', soon uma qa ōmáh-totamantani.

23 ¶ Noqw pam Susōqaltutuyqawhqat kiyat ép pakiqw, Susōqaltutuyqawhqat awwat súsmomñwit niqw pu sinmuy amúñaqw wūwuyom, put tūtutuqaynaqw, aw ōkiyqé pañqawa: Ya um hiýta ōqálat akw iit híntsaki? pu-yaw hak uñ it ōqalat maqa?

24 Noqw Jesus hu'waqé pumuy amumi pañqawu: Pay nu piw umuy sūkw hiýta tūviñtani, kurs umuy nuy put āawnayaqw pu nu piw tuwat, hiýta ōqálat akw iit híntsak-qéy, umuy āawnani.

25 I' kūyit akw tuvóyla, Johnt áhpiyniyqa, ya pam háqaq'ō, sen ōvéqatsit añqw sen sinmuy amúñaqw? Noqw puma nānap wūwantotaqé pañqawa: Pas ka itam, ōvéqatsit añq'ō, kitotaqw, pam soon itámumi qa pañqawni, noqw ya hinoqw uma put qa tūtuptsiwa?

26 Pu kurs itam, sinmuy amúñaq'ō, kitótaqw; nīkañw pi itam sinmuy mámqasya; pi sohoyam Johnt Susōqaltutuywawhqat enēm yuáata-qaniyqat pan mātsi'yunwa.

27 Noqw puma Jesust hu-wayaqé pañqawa: Kurs

itam hin pañqawani. Noqw pam pumuy amumi pañqawu: Pay nu piw hiýta ōqálat akw iit híntsakqéy, soon umuy āawnani.

28 ¶ Nīkañw ya uma hin wūwantota? hak tāqa lōqmuy tiyótimuita, niyqé pam wūyoqwat awniyqé pu pañqawu: Itii, um pu' ióvauiy ép tumálaitani.

29 Pam hu'waqé pañqawu: Sooni, nit pay híysavoniqw pam wūwniy alóntaqé pu aw'i.

30 Pu pam añkniyqat áwniyqé pu put aw an laváyti. Noqw pam hu'waqé pañqawu: Nu awni, itánaa, kitat, pay qa aw'i.

31 Ya imuy lōqmuy amúñaqw himúwa nay tunátya-yat anti? Puma put aw pañqawa: Pay móhti'maqa. Jesus pumuy amumi pañqawu: Pas antsa nu umumi pañqawni, Ima sivátsovalantotaqam niqw pu tókoy húhyayaqam umúpyevé Susōqaltutuyqawhqat moñwtunatyayat aw yunta.

32 Pi John súantaqat añ umumi pituqw, uma put qa tūtuptsiwa, nīkañw sivátsovalantotaqam niqw pu tokoy húhyayaqam put tūtuptsiwa. Noqw pu úmawat, pas as uma put pántaqat aw yórikyakahkañw as aw tūtuptsiwanikahkañw, uma umúh-wuwniy qa alóntota.

33 ¶ Piw sukwat hiyta ántaqat laváyit aw tūqayyuñwaa. Ura hak ki'taqa ōvat ūya, niyqé put aw nōyaknat pu pép haqam ōvat pālayat yúykuyaniqat hánwat, pu wupákitat, pu ováuyit tumálayuñqamuy amumi put mātapt, pu haqami yāvoqw tútskwamiqhaqamii.

34 Niyqé ōvat kwánwtiniqat aw háyhkaltiqw, pam nāptuwíkàymuy ováuyit tumálayuñqamuy amumiq hōna, puma ōvat ōmáhtotaniqw ōviy'o.

35 Noqw ováuyit tumálayuñqam put tuwíkàymuyatuy núatotaqé pu hiytawat wuváhtotat pu hiytawat nīnayat pu hiytawat tatátupya.

36 Pu piw pam pētuy tūtuwiktuy, móhtiyaqamuy amúhpēniyqé hōyokiwtaqamuy, ayáta. Noqw pay puma pumuy mímuywatuy amúntsatsna.

37 Pu núhtuñk pam nāptiy pumuy amúmiq tavi, pañqawkañwo: Pay puma soon itiy qa káptsitotani.

38 Noqw pay ováuyit tumálayuñqam tiyat tútwaqé nānami pañqaqwa: I' hapi ákpétaniqa, taa, itam nīnayani, nen hiyta himúyatniqat nāwhkiyani.

39 Niyqé puma put nuáyaqé pu put ováuyit añqw qalávo tūvayat pu put nīnaya.

40 Noqw ya ōviy ováuyi'taqa pité' pam pumuy put aw tunátyawyuñqamuy hín-tsani?

41 Puma aw pañqaqwa: Pay kurshin pam pumuy nūnukpantuy qapaspas okíwsanqōyani, nen pas pu piw pētuy tumálayuñqamuy amumi ováuyiy nōani, puma hakim áhsattiqw put aníwniyat put aw o'yamantaniqamuy amumii.

42 Jesus pumuy amumi pañqawu: Ya uma tutúvenyukit añ qahísat yan tuñwáya, Kīlalwaqam owat qahímuyaqw, pay pam túyqaatniwhti: I' yántaqa Tutuyqawhqat híntsakpiata, niyqé itamumi kātataypi, it'a?

43 Yaniqw ōviy nu umumi pañqawni: Susōqaltutuyqawhqat moñwtunatyaat umuy nāwhkiwni nen híytuywatuy sinmuy, put aníwniyat aániwnayaniqamuy amumi noíwni.

44 Noqw haqawa it owat aw pósqa yoyni, nīkañw haqawat aw pam pohsé', pās put tóstani.

45 Noqw Susōqaltutuyqawhqat awwat súsmomñwit niqw pu Pharisee-sinom put laváiyiat hiyta ántaqat nānáptaqé, kurshin qa pumuy pam laváytiqat puma mā-matsya.

46 Noqw puma as aw máiyuñwniqéy tunátyaltotikañw,

puma qaánèwakwhintaqamuy sinmuy amumi túhtusya, puma put Susöqaltutuyqawhقات enèm yuáataqaniyqat pan mātisi'yuñqw ò-viy'o.

## 22. QALÁLNI

1 Pu Jesus hu'waqé piw pumuy amumi hiyta ányuñqat laváyit akw yuáaykuqé pañqawu:

2 Ovéqatsit añqw moñwtunatyá hakiy moñwit tiyó-tiy nānuaniqat ép hin hín-taniqat yúkuhqat anta.

3 Niýqé tuwíkàymuy, nā-nuiwhqat aw tūtsamiwyuñqamuy wānwayyaniqat, ayá-ta. Noqw puma qa áwyani-qéy nānawakna.

4 Pu piw pam pētuy tūtu-wiktuy ayátaqé pañqawu: Uma tūtsamiwyaqamuy amumi pañqaqwani, Taa, nu pās nováyuku, iwákasvohkom pu ivókom wíytoyni-wyaqam qōqyaniwya, noqw sohsoy himu pās yukiwta, uma nānuiwniqat awyani.

5 Noqw puma put qahíy-tota, niýqé tunátyay ántoti, súhka pās ay áwhaqaminiqw pu suhkawa húhyanpiy áwhaqamii.

6 Noqw mímawat put tu-wíkàymuyatuy núatotaqé pu pumuy amumi tutútsiwyat pumuy qōqya.

7 Noqw moñwi put navótqé itsívuti, niýqé pam solāwamuy pumuy amumi hōnaqé

pumuy, sinmuy qōqyaqamuy, kíqōtat pu pumuy ki-tsókiyamuy táqtsoka.

8 Nit pahsat pu pam tuwík-àymuy amumi pañqawu: Pay as nānuiwniqat ép hín-taniqat pās yukiwta, nīkañw ima tūtsamiwyaqam put qa híykaiyuñwa.

9 Oviy uma pōnawit nānkwusani, nen híysaniyqamuy uma tutwé' nānuiwniqat ép hín-taniqat aw tūtsamtotani.

10 Noqw òviy puma tūtu-wikt pōnawit nānkwusaqé pu híysaniyqamuy tūtwaqé sóh-sokmuy tsoválaya, qalōlomatuyu pu lōlōlomatuyu. Noqw nānuiwhqat ép sinom óhpo.

11 Noqw moñwi tsováltoti-qamuy amumi kúyvatoqé pēp pákiyqé, pam hakiy sinot, nānuiwhqat ép hiyta yūwsi'yuñwñwuqat qayūw-si'taqat tuwa.

12 Niýqé pam put aw pañqawu: Ikwátsi, ya um hin pēw paki, nānuiwhqat ép yūwsit qa yūwsi'kañwo? Noqw pam kurs hínqawni.

13 Pahsat pu moñwi tūtu-wiktuy amumi pañqawu: Put mayat nit pu kúkyat somyat ayo'haqami yúpqöy-miq qatálpumi tūvayaa; pēp pu tsāykitiwni pu tama nūritiwni.

14 Pi pay as kāysiwhqam wānwayniwya nīkañw híki-yom namórstiwya.

15 ¶ Paḥsat pu Pharisee-sinom áhpiyaqé, pu hin put laváiyat ép put winé'to-taniqéy ôviy yuáatota.

16 Niýqé puma pumuy amumi nánatuwnayaqamuy Herod ańk wísiwtamuy enañ put aw hōnayaqé pańqaqwa: Mońwi, pay itam navóti'yuńqw um pas qaátsa, niýqé Susōqaltutuyqawh̄qat tunát-yayat pas suan tūtutuqayna piw um qahakiy pas híy-talawu, pi um sinmuy hiýta akw hin láiyuńqat qahíy-taitaqéé.

17 Noqw ôviy um itamuy āawnani: Ya um hin wūwanta, ya mońwit aw náhpé-sivit sísviniqw pam súanta sen qa súanta?

18 Noqw pay Jesus pumuy núkpanayamuy māmatsqé pu pańqawu: Ya hinoqw umay nuy unáhevi'yuńwa, nawíp-èw-híntsatskaqam?

19 Kurs nahpé-sivit sivat inumi máhtaknayaa. Noqw puma put aw denariont máhtaknaya.

20 Noqw pam pumuy amumi pańqawu: Ya i' hak yép péita, pu i' ań pēni hakiy himúata?

21 Puma put aw pańqaqwa: Pay mońwita. Paḥsat pam pumuy amumi pańqawu: Uma turs mońwit himúyat mońwit aw noáyani, pu Susōqaltutuyqawh̄qat himúyat

Susōqaltutuyqawh̄qat aw noáyani.

22 Noqw puma yan nanáptaqé kátayuńwa, niýqé puma put māta-pyat pu áhpiya.

23 ¶ Noqw ép talōnvaqat ép put aw Sadducee-sinom ôki, ima hakim ahoy yésvaniwniqat qaháqamniýqat pańqaqwaqamu, niýqé put tūvinto-taqé,

24 Pańqaqwa: Mońwi, Moses pańqawh̄qé, kurs haqawa qa tímuikańw mokq put pāvaat sen túpkokatniqa put nōmayat amum qatúpté' pu put eńem póshumtamantaniqat, pańqawu.

25 Noqw hakim as tsáńé'-niýqam nānatupkom itamum yēse, noqw móhti'maqa as nōmatat pay mōki, niýqé qahíyta ti'taqé pam túpkoy aw nōmay māta-vi.

26 Noqw ańkniýqa pay piw anti, noqw pu ańkniýqa piwu, pu tsáńé'-niýqam pantoti.

27 Pu pumuy sóhsokmuy amúńk pu wuhti tuwat mōki.

28 Noqw ôviy ahoy yésvaniwh̄qat ép pumuy tsáńé'-niýqamuy híytawat pam nōmaatni? pi puma as soḥsoyam put himúivaya.

29 Jesus hu'waqé pumuy amumi pańqawu: Uma nā-naphaqé hínnunya, uma tútúvenyukit pu Susōqaltutuyqawh̄qat ôqálayat qatuwi-yuńqéé.

30 Pi ahoy yésvaniwh̄qat ép



puma qa nānōmatotoyna-  
yani piw qa nāvuwsuñwto-  
toynayani, nikañw puma  
Susōqaltutuyqawh̄qat hōn-  
viaymuyatuy amúnyuñwni,  
ōvēqatsit ép'è.

31 Nikañw so'pumuy ahoy  
yēsvaniqat Susōqaltutuy-  
qawh̄qa umuy hin āawnaqw,  
ya uma put qa añ tuñwáya?  
Niýqé pañqawu:

32 Nu hapi Abrahamt Sus-  
ōqaltutuyqawh̄qaata, pu I-  
sac̄ct Susōqaltutuyqawh̄qa-  
ata, pu Jacobt Susōqaltu-  
tuyqawh̄qaata, it'a? Pi pam  
qa so'pumuy Susōqaltutuy-  
qawh̄qaamu, pi tāyuñqamu-  
yu.

33 Noqw qaánèwakwhinta-  
qam it nanáptaqé puma put  
tutúqaypiyat ép kātayuñwa.

34 ¶ Noqw pam Sadducee-  
sinmuy moávóltaqat Phari-  
see-sinom nanáptaqé, puma  
sūmi tsoválti.

35 Noqw pumuy amúnaqw  
suh̄ka tutávot-tuwi'taqa put  
unáhép̄qé tūvintaqé pañqa-  
wu:

36 Moñwi, ya himúwa tutá-  
vot ép pas súspavanniýqa?

37 Pu Jesus put aw pañ-  
qawu: Um Tutuyqawh̄qat  
Uhsusōqaltutuyqawh̄qay aw  
sohsok uhunañway akw u-  
nāñwaitani, pu sohsok uh-  
tāytoynaqay akw nikañw pu  
sohsok uhwuwniy akw'a.

38 I' hapi súsmohti nikañw  
pu súspavanniýqa tutávo.

39 Pu i' añkniýqa piw anta,  
Um nāmi hin pas unāñwaita-  
qéy pan uhsinosñway aw  
unañwaitani.

40 Imuy lōqmuy tutávotuy  
amúmi hapi sohsoy tutavo  
tōhāniwyuñwa, pu Susōqal-  
tutuyqawh̄qat eñēm yuáato-  
taqamu.

41 ¶ Noqw nāto Pharisee-  
sinom tsováwtaqw, Jesus pu-  
muy tūvintaqé,

42 Pañqawu: Ya uma Christ  
aw hin wūwantota? Ya pam  
hakiy tíat? Puma put  
aw pañqawa: Pay David  
tiata.

43 Pam pumuy amumi pañ-  
qawu: Noqw ya hinoqw pán-  
taqw, David Hikwsit añ put  
Tutuyqawh̄qalawh̄qe pañqa-  
wu:

44 Nāpnatsviyqatuh̄qa Itú-  
tuyqawh̄qay aw pañqawu:  
Um hāk ipútvaqéwat qa-  
tuqw, nu uh̄tuwqamuy uñ  
wuwúkpitoynani.

45 Noqw kurs David put  
Tutuyqawh̄qalawh̄qw, ya hin  
pam put tiat?

46 Noqw soon kurs hak  
put aw hínqawni, piw qahak  
páhpiy pāpu put hiýta tū-  
vintaniqéy aw nātaqkwaha.

## 23. QALÁLNI

1 Pañsat pu Jesus qaánè-  
wakwhintaqamuy sinmuy ni-  
kañw pu put aw nánatuwna-  
yaqamuy amumi laváytiqé

2 Pañqawu: Ima tutúven-

lalwaqam niqw pu Pharisee-sinom Mosest qéníyat épya.

3 Paniqw öviy sohsok hiýta, nāphiýta umuy ántotiniqat umumi tutáptotaqw, put uma tunátyawkahkañw pāntotimantani, nikañw uma qa tumálayamuy ántsatskani, taq puma as hiýta pānqaw-wiskahkañw put qa pāntsak-wisa.

4 Pi puma ikwilnit a'nö pup-tut, ikwílnuhtselé'wakw sómlalwakahkañw put sinmuy sukáksiva kwáplalwa, nikañw soon puma násèw sūkw malátsiy akw put aw hín-tsatsnani.

5 Nikañw puma sinmuy amumi mātaqyaniqéy öviy sohsok put hiýta híntsakpiy híntsatska, puma tutúven-yukit añ pēniwyuñqat mōkiwyuñqat-himuy a'nö púts-lalwakahkañw pu yūwsiy qalávaqé nōmōkiwtaqat aw a'nö hóyokintota.

6 Pu nōwiwhqat añ súsnu-kñwat qéqnit háhlaya, pu tsótsvalkiva súsmoñkaqé āatsvewata.

7 Pu kitpik pumuy amumi yuáatiwniqata, pu sinom pumuy amumi, inaa, inaa, kito-taniqata.

8 Nikañw uma, inaa, qa yan túnwantiwyani, pi pay sūka umúhmoñwi, i' wíhut akw moñwàsi'taqa, (Christ) noqw uma sohsoyam nāna-tupkomu.

9 Pu uma qahakiy tūwa-qatsit ép nālalwani, pi sūka umúnaniq'ö, övèqatsit ép-niýqa.

10 Pu piw uma, tūtsami'-wisqamu, qa yan túnwan-tiwyani, pi pay sūka umuy tsāmi'maqaniq'ö, i' wíhut akw mōñwàsi'taqa (Christ).

11 Nikañw hapi umúñaqw súspavanniýqa pay umúhtu-wikini.

12 Pu haqawa mómiq nā-tsokahqa qahímuniwhitini, pu haqawa nāqahiýtataqa, pam mómiq taviwni.

13 ¶ Nikañw isóhi umaa, tutúvenlalwaqam pu Phari-see-sinom nawípèw-hintsats-kaqamu, pi uma övèqatsit añqw moñwtunatyat sinmuy amumi úhtsi'yunwa, pi uma qa aw yuñkahkañw aw yuñ-niqamuy qanákwphantoy-na-ya.

14 Isóhi umaa, tutúvenlal-waqam pu Pharisee-sinom nawípèw-hintsatskaqamu! pi uma koñnanálvutuy kikiya-muy sowáwatotakahkañw pu qapas pas ántsaiyuñqw, u-muy pas ántsaiyuñqat pan umumi wūwantotaniqat öviy uma wūpat nānawaknañwu, paniqw öviy uma pas súsqa-lomáyukuniwyani.

15 Isóhi umaa, tutúvenlal-waqam pu Pharisee-sinom, nawípèw-hintsatskaqamu! Pi uma sūkw nāmi sinótotani-qéy öviy pātuwaqatsit pu

tūwaqatsit aň áhsupoqha-  
qami nánkwusañwu, nen put  
pántiqw, uma put umúh-  
pèniýqé lős hóyokiwtaqat qō-  
hit siviýpit tiatniýqat pan  
put yukúyañwu.

16 Isóhi umaa, qapóstalya-  
qam-tútšami'wisqam, pañ-  
qaqwaqamu: Pay haqawa  
Susöqaltutuyqawh̄qat kiyat  
aw yánkañw öqálat laváy-  
tiqw, pam qahíntañwu, nī-  
kañw haqawa Susöqaltutuy-  
qawh̄qat kiyat palásivayat  
aw yánkañw öqálat laváy-  
tiqa pam hapi nāsoontsan-  
ñwu.

17 Uma núanhiýtuu, qapós-  
talyaqamu! Ya himuwa pas  
pávanniqw öviy'o, sen palá-  
siva, sen Susöqaltutuyqawh̄-  
qat kiyat, átsviy pam pa-  
lásiva pas hímuniqw, sen  
pamwa?

18 Pu haqawa qatsínatwan-  
pit aw yánkañw öqálat la-  
váytiqw, pay pam qahínta-  
ñwu, nīkañw haqawa put ép  
kuwáhtiput qátsqat aw yán-  
kañw öqálat laváytiqa, pam  
hapi nāsoontsanñwu.

19 Uma núanhiýtuu, qapós-  
talyaqamu! Ya himu pas pá-  
vanniqw öviy'o, sen kuwáh-  
tipu sen qatsínatwanpi, put  
átsviy pam kuwáhtipu pas  
hímuniqw, sen pam'i?

20 Paniqw öviy haqawa  
qatsínatwanpit aw yánkañw  
öqálat laváytiqa, hapi put aw  
yánkañw öqálat laváytikañw

pu sohsok hiyta put ép  
öyiýqat aw yánkañwo.

21 Pu haqawa Susöqaltu-  
tuyqawh̄qat kiyat aw yán-  
kañw öqálat laváytiqa, hapi  
put aw yánkañw öqálat la-  
váytikañw pu put ép ki'ta-  
qat aw yánkañwo.

22 Pu haqawa övèqatsit aw  
yánkañw öqálat laváytiqa,  
pam hapi Susöqaltutuyqawh̄-  
qat monwàtsvewayat aw  
yánkañw öqálat lavaytikañw  
pu put ép ki'taqat aw yán-  
kañwo.

23 Isóhi umaa, tutúvenlal-  
waqam pu Pharisee-sinom  
nawípèw-hintsakaqamu! Pi  
uma hótöqlañañat pu kolán-  
rot pu cummint pakwútsiki-  
vo patsón-oyit añqw súspò-  
yit öoyakañw, it tutavot añ  
pas pávanyaqat qé'ya, it  
súanyukita, nūokwata, pu  
qapèvewnita. Iit soon uma as  
qapántotini, nen mítwat soon  
qaántotini piwu.

24 Uma qapóstalyaqam tū-  
tsami'wisqamu, pas uma to-  
tóphoyat atsviy kūyit tsáh-  
kwakinkahkañw pōlaitaqat  
kwukwu'yaqamu!

25 Isóhi umaa, tutúvenlal-  
waqam pu Pharisee-sinom,  
nawípèw-hintsatskaqamu! pi  
uma kuyápit nikañw pu tsa-  
qáptat övaqé sa kwáñwè-  
wakwlalwa, nīkañw pi puma  
ápqölhaqwat túqwyantun-  
yat pu qanamítuyqawit akw  
óhpokiwyuñwa.

26 Um himu qatála'vos-pharisee-sino, pi um mohti kuyápit pu tsaqáptat ápqöl-naqwat. kwáñwèwakwtaqw puma òvaqé piw kwáñwè-wayni.

27 Isóhi umaa, tutúvenlal-waqam pu Pharisee-sinom, nawípèw-hintsatskqamu! pi uma tūamit qōtsálwiwyuñ-qat, suóvaam antsa lomásos-niwhqat ányuñwa, nikañw pam áhsonvé másöōqat pu sohok tuyóyèwakw akw óh-pokiwyuñwa.

28 Noqw pan uma suóvaam sinmuy amumi súanyuñqéy pan mātaqya, nikañw uma umúpqölpa nawípèw-hintsatskiwhqat pu tutávot qaántsatskiwhqat akw tūy-qawiwyuñwa.

29 Isóhi umaa, tutúvenlal-waqam pu Pharisee-sinom, nawípèw-hintsatskaqamu! is-pi uma Susōqaltutuyqawh-qat enēm yuáatotaqamuy amu-nēm tūtuamit yūykuyakañw súanyuñqamuy haqé tūa-miwyuñqat añ sōnilanto-taqé

30 Panqaqwa: Pay as itam itánamuy qatsíyamuy épha-qam yēse, soon as itam pu-muy amumum Susōqaltutuyqawh-qat enēm yuáatotaqamuy unwáyamuy aw mái-yuñwni.

31 Niýqé òviy uma imuy Susōqaltutuyqawh-qat enēm yuáatotaqamuy qōqyaqa-

muy tímatniýqéy nāsuhputs-ni'yuñwa.

32 Oviy uma umúnamuy hiníwhtipuyamuy ántotini.

33 Uma tsūtsu'tu, tsūtsu'-tuy aniwnimatu! Puyaw uma hin qōhit siviýpit aqw más-piwyaniqéy añqw ayo'yani?

34 Paniqw òviy mé, nu umumi Susōqaltutuyqawh-qat enēm yuáatotaqamuy hōnani, pu a'nō wūwni'yuñ-qamuyu, pu tutúvenlalwaqamuyu, noqw pētuy uma qōq-yani pu nahóylēhtsit añ háy-totani, pu pētuy uma umúh-tsotsvalkiy añ a'nō wuváh-totani pu nānañumo kitsó-kinawit okíwsasnani.

35 Noqw tūwaqatsit ép súantaqa unwa múnvaniwh-qa sohsoy umúmiwatniwh-tini, it súantaqat Abelt un-wáyat añqw Barachiashtiyat Zachariasht unwáyat aw páh-savoo; put ura uma Susōqaltutuyqawh-qat kíyat nikañw pu qatsínatwanpit pumuy amúhtsavé nīnayaqat, put'a.

36 Pas antsa nu umumi pañ-qawni: Pas sohsoy īi yantaqa pu'qatsívaptsiwyuñqamuy amumi pítuni.

37 ¶ Isóhi, Jerusalem, Jerusa-lem, Um Susōqaltutuyqawh-qat enēm yuáatotaqamuy qōyahqa, pu ūmi ayátiwya-qamuy tatátupqa, híysakis-haqam kurs nu as uhtimuy tsoválani, kowákowuhti timuy másay átpikaqé tsová-



lañwuqat, pan'i. Noqw uma qanānawakna.

38 Mè, umúhki umumi sú-nalkoiwkañw mātaviwa.

39 Pi nu umumi pañqawni: Pay uma yáñpiy haqáñpiy soon imumi yórikyani, ason pas hísat uma, Tutuyqawh-qat náñwaniyat añ pítuhqa háhlaypit ép'è, kitótaniqéy, pañso pahsavoo.

## 24. QALÁLNI

1 Pu Jesus yámakqé Sus-öqaltutuyqawh-qat Kíyat añqw áñpiy'o, noqw put aw nánatuwnayaqam Susö-qaltutuyqawh-qat kíyat hin yukíwyuñqat put aw máh-taqnayaniqé put aw öki.

2 Noqw Jesus pumuy amumi pañqawu: Ya uma soh'sok iit aw táyunwa? Pas antsa nu umumi pañqawni: Pay nāto yép pas qa himúwa owa suk-wat átsvé akwsinwqa qa sáh-pukiwni.

3 Noqw pam tūkwit Olivst épéq qátuqw, put aw nána-tuwnayaqam aw nálökiýqé pañqawu: Um itamuy āaw-nani hisat ii yaníwh'tiniqata, pu un hisat pítuniqat nikañw pu qatsit sóhtiniqat hímu tuáawi'taniqata.

4 Noqw Jesus hu'waqé pumuy amumi pañqawu: Uma tunátyaltotiqw, qahak umuy ūnatoynani.

5 Taq kāysiwhqam nāto itúnwniy añ ökini pañqaw-

kañkañwo: Nu Christ, nen kāysiwhqamuy ūnatoy-nayani.

6 Pu uma nāqöyiwuy nán-votyani, pu nāqöyiwuy yuáa-totaqata, uma tunátyaltoté' qahin unañwtotini, pi soh'soy ii pas soon qa pántini, nī-kañw pay nāto so'ñwamiq qa pítuni.

7 Híýtuwat sinom sup híy-tuywatuy sinmuy amumum namímamkayani, pu moñw-tunatya sup mónwtunatyat amum namímamkani, pu hā-haqé tsöñösqatsiniwmani, pu wukótuyqatsiniwmani, pu tútskwa tayáyatani.

8 Soh'soy ii hapi kānanvot-pit yáyniata.

9 Pép pu uma okíwsaniw-yaniqat öviy puma umuy nuhtumi lālayyani, nen u-muy qöqyani, pu uma sóh-sokmuy hiýtuy sinmuy amú-ñaqw qaháñlaywani, inat-ñwaniy átsviy'o.

10 Pahsat pu kāysiwhqam itsívutotini nen pu núhtumi nālalaylalani, pu nānami qasuhtaqéwyani.

11 Pu kāysiwhqam nawíp-èw Susöqaltutuyqawh-qat enēm yuaátotaqam mātaq-totini, nen kāysiwhqamuy ūnatoynayani.

12 Pu qaánhintsatskiwhqa a'nö öqáwh'taniqw öviy kāy-siwhqamuy nami'nañwaam hūkani.

13 Nikañw so'ñwamiq añ

kúytaqa pam hapi ayo' yá-makni.

14 Pu i' moñwtunatyat ah-piy lomátuawi tūwaqalvoq-haqami sóhsokmuy sinmuy amumi tuáwi'taniqéy ōviy yuáatiwhq, pép pu sóhtini.

15 ¶ Paniqw hapi ōviy ason kiquōtwit núhtselèwakwyat, ura Susōqaltutuyqawhqat enēm yuaátaqa Daniel put laváytigat, káptsitiwhqat ép wúnuqw, umuy tutwaqw, (Haqawa añ túnwahqa pay-pi māmatsni).

16 Pahsat pu ima Judeat añ yesqam túhtukwimi wát-qani.

17 Pu i'kitsókivèqniýqa hiýta kiy aw kwístoniqé, qa-pániqw pañqw hāhawni.

18 Pu i' pásvéniýqa, yūwsiy ōviy qa áhoyni.

19 Nikañw isòkiway, imuy nō'yiwyuñqamuy pu yōyoñ-nayaqamuy amūñēm'i, ép'è.

20 Nikañw uma wátqaniqat qa tōmō aw pítuniqat ōviy tūvintiwisni, piw qa nasún-wintalōñnit épniqata.

21 Ispi pép pu pas qaánè-wakw kānavotpini, hisat tū-waqatsit yáyniwhq áñqaww péwhaqami páhsavo qahísat paníwhiqat pan'i, pas qae, soon hisat piw pánhaqam híntani.

22 Pu as ép talōñwintiwh-qat qa pélvotiwniniqw, pas soon hak ayo yámakni, nikañw namórstiwyaqamuy

amútsviy ép talōñwintiwhqa pélvotiwni.

23 Pép pu ason kurs hakiy umumi, Mé, yép Christ, sen, ayámo, kitaqw, uma qa tū-tuptsiwani.

24 Pi nāto kāysiwhqam Christ-natñwani'yunqam pu Susōqaltutuyqawhqat enēm yuáatotaqéy nātñwani'yunqam pay átsa pūmayakah-kañw mātaqtotini, nen hī-hiýta tuáwi'yunqat pas qa ōwíhinyunqat nikañw pu hī-hiýta kātataypit híntsats-kani, pas qa ōwíhintaniqw, ōviy kurs as hin pasíwtaniqw, puma hikis pas namórstiwyaqamuy ūnatoynayani.

25 Mé, nu hapi pay añwu umuy āawna.

26 Paniqw ōviy kurs puma, mé, kurs pam qayēsiwhpuvé qatu, umumi kitotaqw, uma qa áwhaqamiyani; mé, pam yūpavéq qatu, kitótaqw, uma qa tūtuptsiwani.

27 ¶ Pi pay tálwiýpiki hō-pahaqaqw yámakkañw tē-veñehaqami mātaqtñwu, noqw pan hapi piw Sinot Tiat pitútoqw híntini.

28 Pi pay haqam hiýta mók-putniqw pañso kwātu tsovál-tini.

29 Pu ép hapi kānavotqatsit añ panis ayo rúhpaqw pahsat pay tāwa qatālaw-vani pu mūyawuy añqw qatālawvani, pu sōtu tókpelat añqw lōhōkni, pu nānañumo

tókpelat añ ö'qala tayáyay-kuni.

30 Noqw pahsat pu himu Sinot Tiyat tuáwi'taqa tókpelat ép mäsiltini, noqw pahsat pu túwaqatsit ép sóhsoyam nanāpwat sinom tsäy-kikiykuni, pu puma Sinot Tiyat öqálat pu pas lolmat tälawnwat qaánèwakwhintaqtat yánkañw tókpelat añ òomawhtuy akw pitútoqw tútwani.

31 Pu pam tötöqpít a'nö tönáitaqtat akw hónviaymuy ayátani, noqw puma put namórayamuy nalónanivaqw tsoválayani, tókpelat átpikaqé sútsvaqw so'nwayat añqw ayóqwat so'nwayat aqhaqami pahsavoo.

32 ¶ Uma nönvospalùyt hiyta ántaqèy akw hiyta tuáwi'taqtat nanáptani. Pay nāto put natáqaat sákwwasanen náhpi'maqw, tálàñwuy hayiñwni'taqtat uma navóti'-yuññwu.

33 Noqw pan hapi uma iit yāyantaqtat aw yórikyé', uma put hayiñwni'taqtat navóti'-yuñwni, híkispí pay pas hötsíwmiq pitsíwtaqata.

34 Pas antsa pu umumi pañqawni: Ima pu'sinóiwtaqam soon tūtuwayaqw, pay ii sohsoy yaniwhitini.

35 Pay òvèqatsi niqw pu tūwaqatsi tūwayani, nikañw ilávayi pas soon tūwayani.

36 Nikañw put talóñnit pu

haqé qaláwmaqwháqamniqat qahak navóti'ta, qae, òvèqatsit ép hónvia'yat qa navóti'yuñwa, pas Ina nāla put navóti'ta.

37 Nikañw ura Noat qatsíyat ép híntaqw, pay hapi piw pántani Sinot Tiyat pítniq'ò.

38 Pi ura nāto qa pātsikq, éphaqam puma nōnova pu hihikwya pu nōmalalwa pu nānōmatotoynaya, hisat Noat pākihut aqw pákiyqat aw páhsavoo.

39 Niýqé qanavoti'numyaqw pātsikqé pumuy sohsokmuy haqami híntsana. Noqw piw pantani hapi Sinot Tiyat pítniqat ép'è.

40 Pèp pu hapi löyöm pás-vèni, suhka wikiwhq mi'wa ákwsinwni.

41 Pu löyöm matávaqé numantani, suhka wikiwhq mi'wa ákwsinwni.

42 Yaniqw öviy uma tunát-yawyuñwni, pi uma hísatniqw Umúhtutuyqawhíqay pítniqat qa navóti'yuñwa.

43 Nikañw pi mè, pi as ki'taqa hísatniqw uyíñwut pítniqat navóti'té' soon qa tūwalani, nen soon kíyat pákiniqw pánani.

44 Paniqw öviy uma piw pás mónwvasiwyuñwni, pi uma hísatniqw put pítniqat qa pan wūwantotaqw, Sinot Tiat pítni.

45 Taay, noqw hak sen pas

qa nunúkpanqa wūwni'taqa tumálàyaniqw, put tutuy-qawhqaat timuy amumi put moñwtapni, pam pumuy áñsakis nōnopnaniqat òviy'o?

46 Pas pam tumálàya hahlaypit èpni, put tutuyqawhqaat pitè' put pántsaqw túwaq'ò.

47 Pas antsa nu umumi pañqawni: Pas kurshin pam put qa sohsok hiyta himuy aw moñwtapni.

48 Nikañw kurs i'wa qahopítumalàya, Pay itutuy-qawhqa nāt soon pítuni, unánwpèq kite',

49 Pu pahsat tumálsunwamuy wuváhtivé' pu hōnaqiwyuñqamuy amumum tūmoyvakañw pu hihikwtivaqw,

50 Put tumálàyat tutuy-qawhqaat, hisat pam put qa núhtaytaqw, pítuni, pu hisatniqw put pítuniqat pam qa navóti'taq'ò.

51 Nen pam put nāhoi túkuni, nen nawípèw-hintsatskaqamuy enañ put sūvo qénítóynani; pèp tsāykitiwni pu tama nūrítwni.

## 25. QALÁLNI

1 Pahsat pu òvéqatsit añqw moñwtunatyá pakwtñiýqamuy māmantuy wíyqōhiy òmáhtotat möōnañwuy èhpèwwisqat antani.

2 Noqw pumuy amuñaqw tsíivotniýqam wūwni'yuñqw

pu tsíivotniýqam qawūwni'-yuñwa.

3 Ima qawūwni'yuñqam wíyqōhiy kiwískahkañw qa tövúkuyi'wisa.

4 Nikañw wūwni'yuñqam wíyqōhi'wiskahkañw wikóroy añ tövúkuyi'wisa.

5 Noqw möōnañw nawútsnaqw, puma sohsoyam púwso'qè tokva.

6 Noqw súhtokihaq tsa'lal-wiwhqè pañqawu: Taa, möōnañw añq'ò, uma áhsawvawisni.

7 Pahsat pu sohsoyam puma māmant tātayaqè wíyqōhiy aw híntsatsna.

8 Noqw qawūwni'yuñqam wūwni'yuñqamuy amumi pañqaqwa: Uma itamuy umúhtövukuyiy añqw maqáyani, taq itáhwiýqōhi tōkiwwisa.

9 Noqw wūwni'yuñqam hu'wayaqè pañqaqwa: Qae, taq ka itámumi qa áptsiwtani piw umúmi, tispí uma húh-yayaqamuy amúmiyé' nén-nèm tuíyani.

10 Noqw nāto pumuy tuíwisqw, möōnañw pitu, noqw ima mōñwvasiwyuñqam put amum nāñuiwniqat aw yuña, noqw hötsíwmiq úhtsilti.

11 Pantiqw pu mímawat mamant tuwat òkiýqè pañqaqwa: Tutuyqawhqa, Tutuyqawhqa, itámumi hōtaa!

12 Noqw pay pam hu'waqè pañqawu: Pas antsa nu umu-



mi pañqawni, pay nu umuy qa tuwímuita.

13 Paniqw öviy uma tunátyawyuñwni, pi uma hiýta talõñvaqat pu haqé qaláwmaqwu Sinot Tiat pítuniqat qa navóti'yuñwa.

14 ¶ Pi övéqatsit añqw moñwtunatya sinot, yāvoq tútskwamiqhaqaminiqé tumálāymuy wánwayqé pu amumi hiýta himuy nóahqat, anta.

15 Niýqé súkwat aw tsivot tuwánit sivat oyat, pu sukwat aw lõpo, nit pu sukwat aw sūp tuwanita, hin puma nánap hiýta añ kūyuñqat pan'i; nit pahsat pay aqwhaqamii.

16 Pahsat pu i' tsivot tuwánit sivat ömáhtaqa áhpiyniýqé put akw húhyaqé, put aw tsivot tuwánit sivat hókna.

17 Pu piw pay pán i' lõpwat kwúsuhqa, pam piw aw lõp wat hókna.

18 Nikañw i' sūp wat kwúsuhqa áhpiyniýqé pu tútskwavé qölõtaqé tutuyqawhqay sīvayat pañsoqw tupka.

19 Pu áhpiy hísattiqw, tumálā'yatuy tutuyqawhqaam pítuhqé pu pumuy amumi put ép póhta.

20 Noqw öviy i' tsivot tuwánit sivat ömáhtaqa pítuhqé, piw pēhut tsivot tuwánit sivat kíwahqé pañqawu: Tutuyqawhqa, um ura

as tsivot tuwánit sivat inumi oya, mé, nu put aw tsivot tuwánit sivat hókna.

21 Put tutuyqawhqaat aw pañqawu: Lolma, um lolma qa nunúkpanqa tumálāya, um híkikw hiýta ép qa nunúkpankañw híntsaki, nu uñ níytiwtaqat híhiýta aw moñwtapni, um uhtutuyqawhqay háhlaypiyat aw pákini.

22 Pu i' lõp tuwánit sivat kwúsuhqa pítuhqé pu pañqawu: Tutuyqawhqa, um ura as lõp tuwánit sivat inumi tavi, mé, nu lõp tuwánit sivat put aw hókna.

23 Put tutuyqawhqaat put aw pañqawu: Lolma, um lolmaqa nunúkpanqa tumálāya, um híkikw ép qa nunúkpankañw híntsaki, nu uñ níytiwtaqat híhiýta aw moñwtapni, um uhtutuyqawhqay háhlaypiyat aw pákini.

24 Pahsat pu i' sūp tuwánit sivat kwúsuhqa pítuhqé pu pañqawu: Tutuyqawhqa, nu navóti'taqw um a'nö unánwaitaqé, haqam qa uyt ép höqnwu, pu haqé' qa áhsaqa-lat pañ hiýta tsoválañwu.

25 Noqw nu uñ mámqasqé pu nu áhpiyniýqé uhtuwaniy sivat tútskavé túpka; mé, yép i' uhhimu.

26 Put tutuyqawhqaat hu'waqé put aw pañqawu: Um núkpana, naöntumalāya, pi as nu haqam qa uyt ép höq-

ñwunikañw pu haqé qa áhsa-qalat añ hiýta tsoválañwuqat um navoti'kañw,

27 Himupi um pániqw sívá-nahoyñwantotaqamuy amumi isívay oyaqw, nu hisat pité' pu as nāp ihímuy, put ép sívit enañ, ömáhtani.

28 Uma öviy tuwánit sivat put náwhkiyani, nen it pakwt tuwánit sivat himúitaqat put maqáyani.

29 Pi haqáwat himúitaqat aw noíwni, noqw pam a'nö hóyokiwtat himúitani, nīkañw it nástaniýqat híkispi hiýta himúitaqw, pam put náwhkiwni.

30 Pu uma it nasta ápit tumálàyat yúpqöymiq qatálpumiw tūvayani; pép tsāykitiwni pu tama nūrítiwni.

31 ¶ Hisat Sinot Tiat lolmat tálawnwaikañw pituqw, pu sohsoyam qahováriwyuñqam hónvia'yat amum ökiqw, pép pu pam lolmat tálawnway moñwàtsvewat ép qatúptuni.

32 Noqw sohsoyam hīhiýtu sinom put átpip tsováltini, noqw pam pumuy nāhoy óyani; kanélmuy amumi tunátyawtaqa kanélvokmuy kakápirstuy amúnaqw tsīkañwuniqw, pan'i.

33 Nen pam kanélmuy nāp putvowat óyani, nīkañw kakápirstuy súyvowata.

34 Pahsat pu moñwi pútvaqéwatyaqamuy amumi pañqawni: Pēwyaa, uma I-

nay añqw pas háhlaywaqamu, nen it túwaqatsit yáy-niwhqat añqaqw umúnēm moñwtunatyat na'sasiwtatqat uma makíwyani.

35 Pi ura nuy tsōnmokiwtatqaw uma nuy nópnaya, ura nuy pānaqmokiwtatqaw uma nuy híkwnaya, ura kurs nuy hákiyniqw, uma nuy panáya,

36 Qayūwsi'taqw, uma nuy yūwsinaya, nuy tūtuyq, uma nuy póhtaya, nuy sivíkiwé pakiwtatqaw, uma inúhpé öki.

37 Pahsat pu súanyuñqam laváytoté' pañqaqwani: Tutuyqawhqa, ya hisat itam un tsōnmokiwtatqaw un tútwaqé un nópnaya, pu un pānaqmokiwtatqaw, un hikwnaya?

38 Ya hisat un kurs-hákiyniqw itam un tútwaqé un panáya, pu un qa yūwsi'taqw un yūwsinaya?

39 Pu yaw hisat itam un tūtuyqw pu sivíkiwé pakiwtatqaw un tútwaqé uhpé öki?

40 Noqw moñwi hu'wé' pumuy amumi pañqawni: Pas antsa nu umumi pañqawni, pi pay uma imuy itúpkomuy amúnaqw hiýtawat súsqahiýtaniýqat pántotiqé, uma nuy pántoti.

41 Pahsat pu pam súyvaqéwatyaqamuy amumi pañqawni: Yupavé inúñaqw áhpiyaa, qalomáyukiwyaqamu, it Nukpanat nikañw pu put hónviaymuyatuy amúnēm

qōhit qaso'taqat na'sasiwta-qat aqw'a.

42 Pi ura nuy tsōnmokiwtaw, uma nuy qa nōpnaya, nuy pānaqmokiwtaw, uma nuy qa hiknaya,

43 Nuy ura kurs-hakiyniqw, uma nuy qa panáya, qayūw-si'taw, uma nuy qa yūwsinaya, tūtuyq pu sivi'kivé pakíwtaw, uma nuy qa póhtaya.

44 Pahsat pu puma tuwat hu'wayé' pañqawani: Tutuyqawhqa, ya hisat itam un tsōnmokiwtaw sen pānaqmokiwtaw, sen kurs-hakiyniqw sen qa yūwsi'taw sen tūtuyqw sen sivi'kivé pakíwtaw, un tútwakañw ūmi qa unánwtapya?

45 Pahsat pu pam pumuy hu'wé' pañqawni: Pas antsa nu'umumi pañqawni, pi pay uma imuy amúnaqw sús-qahiýtaniýqat aw qa pántotiqé, uma inumi qa pantoti.

46 Pu ima hapi siviýpit qaso'taqat aqwyani, nikañw sú-anyuñqam qatsit qaso'taqat awyani.

## 26. QALÁLNI

1 Noqw Jesus sohok iit laváytit pu put aw nánatuwnayaqamuy amumi pañqawu:

2 Uma navóti'yuñwa, lōtok añ-rúhpakiwhqat ép nōviwhqat aw pítuniquata, noqw Sinot Tiat nahóyléhtsit ép hā-

yiltiniqéy ōviy hapi aw nūkpantiwhqat akw nuhtumi lālayiwa.

3 Pahsat pu Susōqaltutuyqawhqat awwat súsmomñwit niqw pu tutúvenlalwaqam niqw pu sinmuy amúnaqw wūwuyom Susōqaltutuyqawhqat awwat súsmomñwit hakiy Caiaphas, yan mātsiwhqat, kíyat aw tsoválti.

4 Niýqé hin puma natúhistuwit akw Jesust nuáyé' pu nīnayaniqéy yuáatota.

5 Nit pay puma pañqawani: Pay nōviwhqat qa épni, taq nāphisat sen sinom qanamítuqayvastotani.

6 ¶ Noqw Jesus Bethanyt ép hakiy Simont tókoplelet tūtuyqat kíyat épniqw,

7 Pēp hak wuhti sitsōñōpsivut añ wíykuyit a'nō híýkaitaqat kūyiwtawtaw yáwkañw put aw pituhqé pu put qōtōmi put wūta, put tunōsvoñat aw qátuq'ō.

8 Noqw aw nánatuwnayaqam put tútwaqé pas qayán unánwtotiqé pañqawani: Ya i' hiýta ōviy hoválniya?

9 Ispi ka as i' wíykuyi wūhaq ōviy huyíwé' ōokiwyaqamuy amumi nōltini.

10 Noqw Jesus put māmatsqé pumuy amumi pañqawu: Ya uma hinoqw wuhtit unánwmokintota? pi pam inúhpe lolmat tumálta.

11 Pi uma ōokiwyaqamuy sútsép oyí'yuñwani, nikañw

nuy uma qa sutsép tavi'-yuhnwi.

12 Pi pam it wíykuyit itókoy aw wūtaqé, pam nuy tūamiltiniqat aw nuy yūw-sina.

13 Pas antsa nu umumi pañqawni: Pay tūwaqalvoq-haqami nāphaqam it lomá-tuawit yuáatiwhq pép piw i', i' wuhti hin yúkuhqat, pam yuáatiwmantani, akw pam u'niwtaniqat öviy'o.

14 ¶ Pahsat pu pakwt löq síykaitaqamuy amúnaqw suhka, Judas Iscariot yan mātsiwhqa, Susöqaltutuy-qawhqat awwat súsmom-nwituy amumii.

15 Niýqé amumi pañqawu: Ya uma hiýta nuy maqá-yaqw, nu put umumi nóani? Noqw puma sunat pakwt síykaitaqat qötsásivat put maqáyaniqéy aw pasíwnaya.

16 Noqw pañpiy pam put aw núkpanté' put núhtumi lālayniqéy qénihévi'ta.

17 ¶ Pu qapekéndyvut pö-lávikit nōviwhqat mohti talönniyat ép put aw nánatuw-nayaqam Jesust aw ökiýqé put aw pañqaqwa: Ya itam haqam qénítotaqw ép um añ-rúhpakiwhqat nōvatiwh-qat nösniqéy nāwakna?

18 Noqw pam pañqawu: Uma kitsókimi hákiy awyé' pu put aw pañqaqwani: I' moñwi yan laváyti, Itúwaniy aw pitu, nu inúmi nánatuw-

nayaqamuy amumum uhkiy ép añ-ruhpañhiwhqat ép hin-tañwuqat ántini.

19 Noqw put aw nánatuw-nayaqam hin Jesus pumuy amumi tutáptaqat ántoti, niýqé puma añ-ruhpañhiwh-qat ép hin hínaniqat an yu-kúya.

20 ¶ Noqw mihiqw pu pam pakwt löq síykaitaqamuy a-mumum tunösvoñat aw qa-túptu.

21 Noqw pumuy nōnovaqw, pam pañqawu: Pas antsa nu umumi pañqawni, uma ha-qawa pas suyan inumi núk-panté' nuy núhtumi lālayni.

22 Noqw puma pas qaháh-laytotiqé pu sohsoyam put aw pañqawtivaya: Tutuy-qawhqa, ya nū?

23 Noqw pam hu'waqé pu pañqawu: Pay i' inúmun tsa-qáptat aqw may mórstoy-naqa, pam hapi inumi núk-panté' nuy núhtumi lālayni.

24 Pay pi Sinot Tiat hin péitaqéy an hinma, nikañw Sinot Tiat hakiy sinot áñpiy núhtumi lālayiwhq, pas put eném isòhini, pay as pam qa tíytiwhq, pam put eném lol-mani.

25 Noqw Judas, put aw núkpantiqé núhtumi lālayqa, hu'waqé pu pañqawu: Moñ-wi, ya nū? Pam put aw pañ-qawu: Pay panta.

26 ¶ Noqw pumuy nōno-vaqw, Jesus pölávikit kwu-



sut pu put ép háhlayti, nit pu yōnoytat pu put aw nánatuwnayaqamuy put húylawkañw pañqawu: It òmáhtotat nōñösaa, i' hapi itóko.

27 Pu pam kuyápkuyit kwusut pu put ép kwakwhatat, pu pumuy put mámqa-kañw pañqawu: Uma sohsoyam it añqw híkwyani.

28 Pi it hapi iúnway añ puhúvasiwni yukiwta, pam kāysiwhqamuy amúnēm múnvaniwa, qaántiput hōniwniqat òviy'o.

29 Nikañw nu umumi pañqawni: Pay nu yáhpuy háqhpiy it ováuyit aníwniyat añqw soon hikwni, Inay moñwtunatyayat ép pūhut umumum hikwniqéy páhsavoo.

30 ¶ Pu puma tāwit tayáwinpit tuñwáni'yunqat tāwlalwat pu pañqw nōñakt pu tūkwit Olivet awya.

31 Pañsat pu Jesus pumuy amumi pañqawu: Pu mihiqw hapi uma sohsoyam inútsviy unáñwso'ni, pi pan ura pēniwtaq'ò: Nu kanélmuy amumi tunátyawtaqat wuváhtani, noqw kanēlom tōnawtaqam áhtsavalni.

32 Nikañw ason nu ahoy tātayt pu nu umúpyevē Galileet awni.

33 Peter laváytiqé put aw pañqawu: Pay pi nāmahin as sohsoyam útsviy unáñwso'-

niqw, nu pas soon unáñw-mokni.

34 Jesus put aw pañqawu: Pas antsa nu ūmi pañqawni, pay pū' it míhikqat ép nāto taqákowako qa tōqtiqw, um pāyis nuy qanákwhani.

35 Peter put aw pañqawu: Pay nāmahinpi as kurs nu umum móknikañw soon nu uñ qatuwi'taqéy pañqawni. Noqw sohsoyam put aw nánatuwnayaqam put an laváytoti.

36 ¶ Pañsat pu Jesus pumuy amumum haqami, Gethsemane yan mātsiwhqat, aw'i. Nit pu put aw nánatuwnayaqamuy amumi pañqawu: Hāk uma yép yēsni, noqw nu ayo'nen ép nāwaknani.

37 Pu pam Petert nit pu Zebedeet lōqmuý tiyótimuyatuy pumuy tsámkañw pañsoo, niyqé pañsat pu pas qaháhlayiwmakañw pás tsáhkwi.

38 Pañsat pu pam pumuy amumi pañqawu: Pas itāytoynaqa qáhahlayi, pas mómokqat pan'i. Hāk uma yēpyani, nen inúmum tunátyawyunwni.

39 ¶ Pu pam hihin yūmonit pu táyway akw munukt pu nāwaknaqé pañqawu: Taay Inaa, kurs pay hin pasíwtanqw, pay i' kuyápkuyi inúhpiy ayo'ni, nikañw pay qa itúnatyay antat, uhtunatyay ántani.

40 ¶ Pu pam put aw nána-tuwnayaqamuy amúminiýqé pumuy tókqamuy tuwa, niýqé Petert aw pañqawu: Isòhi, ya sen pas soon uma híysavo inúmum tunátyaw-yuñwni?

41 Uma tunátyawkahkañw nānawaknani, nen uma unáhèppit qa aw òkini, pay hikw-si pas antsa as su'qawta, noqw toko núksiwa.

42 ¶ Pu pam piw áhpiy-niýqé pu nāwaknaqé pañqawu: Taay Inaa, kurs pay it kuyápkuyit pas nuy hikq sa pam inúhpiy ayo'niniqw, paynam uhtunatyay antii.

43 Pu pam pítuñqé pumuy piw tokqamuy tuwa, pumuy pōsiam púwmanìwyuñqw òviy'o.

44 ¶ Noqw pam pumuy mātapu pu piw áhpiyniýqé pu pāyisni'makañw tūviñta-qé pay piw an laváyti.

45 Pahsat pu pam put aw nānatuwnayaqamuy amúminiýqé pu amumi pañqawu: Taay tōkaa, nen nānasuñwnaa, mé, tuwánit hapi aw pitu, noqw Sinot Tiyat aw núkpantiwhqat akw pam qaánhinwisqamuy māmaya-muy aw lālayiwa.

46 Yēsuaa, itam áñwuyani, mé, inúmi núkpantiqé nuy núhtumi lālayniqa pitsíwta.

47 ¶ Noqw nāto pam yuáa-taqw, mé, i' Judas, imuy pakwt lōq síykaitaqamuy

amúñaqvi, pitu, noqw qaáne-wakwhintaqam sinom sípwu-vahpi'kahkañw muríkhoi-kahkañw put amum òki, Susòqaltutuyqawh̄qat aw-wat súsmomñwituy nikañw pu sinmuy amúñaqw wū-wukwmuy amúñaqö.

48 Noqw i' put núhtumi lā-layqa pumuy amumi tuwán-taqé pañqawu: Hakiy hapi nu tsóhtsonaqw, pam hapini, uma put hurs nuáyani.

49 Pu pahsat pay āpiy pam Jesust aw pítuñqé pu pañqawu: Öqáwmaa, moñwi, nit pu put tsohtsona.

50 Noqw Jesus put aw pañqawu: Ikwatsi, ya um hín-tsanto? Pahsat pu puma òkiýqé Jesust aw máiyuñqé put nuáya.

51 Noqw mé, Jesust ámum-yaqamuy amúñaqw suhka sípwuvañpiy aw yóhtokqé put hóroknat pu Susòqaltu-tuyqawh̄qat awwat súsmo-ñwit tūwikiyat wuváhta-qé put náqvuyat ayo' tuku.

52 Pahsat pu Jesus put aw pañqawu: Um uhsipwuvah-piy qéníyat aqw pánani, pi sohsoyam sípwuvañpit òmáh-totaqam sípwuvañpit akw súlawhtotini.

53 Ya un wūwantaqw, nu soon pu' Inay aw tūviñtaqw, pam āpiy pay pakwt lōq siý-kaitasikip legiont amuhpé-niýqé hóyokiwtaqamuy hón-via'yatuy inúmi óyani?

54 Noqw ya pántaniqw, sen hin tutúvenyukit ántini, kurs qa yántaniq'ö?

55 Noqw pay pahsat Jesus qaánewakwhintaqamuy amumi pañqawu: Puyaw uma hiyta uyínwut áwyaqé öviy sípwuváhi'kahkañw pu muríkhoikahkañw nuy wíkwisa? Pi nu nāqavo umumum qáqtukañw Susöqaltutuyqawhqat kíyat ép tūtutuqaynaqw, uma inúmi qa máiyuñwa.

56 Noqw sohsoy i' himu yáníwhti, kurs hapi imuy Susöqaltutuyqahqat eném yuáatotaqamuy tutúvenyukiya-muy ántiniqat öviy'o. Pahsat pu put aw nānatuwnayaqam sohsoyam put tatámto-tat wátqa.

57 ¶ Noqw ima Jesust nuáyaqam Susöqaltutuyqawhqat awwat súsmoñwit Caiphast aw put wíkyá, pép tutúvenlalwaqam niqw pu wūwuyom tsovawtaqw, pañsoo.

58 Nikañw Peter Susöqaltutuyqawhqat awwat súsmoñwit íypoviyat aw páhsavo yāvahaqaww put añk hinma, niyqé pu aw pakit, pu hóhoñviayatuy amumum qatúptu, hin hínianiqat aw yórikniqéé.

59 Noqw Susöqaltutuyqawhqat awwat súsmomñwit niqw pu wūwuyom niqw pu sohsoyam tsováwtaqam Jesust nīnayaniqéy öviy hīhiy-

ta put atsátoynayaniqéy héptotat,

60 Qahiýta tutwa. Owí, nāmahinpi as káysiwíhqam átsat yuáaykuyaniqam as ökiqw, puma qa hiyta tutwa. Noqw nawísèw pu löyöm átsat yuáaykuniqam pítuhqé,

61 Pu pañqawu: I' pañqawu, Nu Susöqaltutuyqawhqat kíyat sáhpuknat pu pāyis tālat añ put aw yúkuniqéy aw áptsiwta, kita.

62 Noqw Susöqaltutuyqawhqat awwat súsmoñwi wunúptut pu put aw pañqawu: Ya um qa hínqawni? Ya ima hiyta uñ tsokána?

63 Noqw pay Jesus qa hīñqawu. Noqw Susöqaltutuyqawhqat awwat súsmoñwi laváytiqé put aw pañqawu: Nu Qátuhqat Susöqaltutuyqawhqat aw yánkañw ūmi qa öwílaváyti, Um itámuy āawnani, sen um Christ Susöqaltutuyqawhqat Tíatniy-qéyu.

64 Jesus put aw pañqawu: Pay panta, nikañw nu ūmi pañqawni: Yáhpiy hapi pu uma Sinot Tiyat öqálat pútvaqéwat qatúkañw pu tókpe-lat añ öomawhtuy akw pítutoqw tútwni.

65 Pahsat pu Susöqaltutuyqawhqat awwat súsmoñwi yūwsiy tsíka pañqawkañwo: Pay i' Susöqaltutuyqawhqat qakáptsi'ta-lavayti; ya hinoqw piw nāt pētu put hin

yuáaykuyani? Mè, paypi uma laváiyat, Susöqaltutuy-qawhqat qa káptsi'taqat, nápta.

66 Ya uma hin wūwaya? Puma hu'wayaqè pañqawa: Pay pam mokíwuy híykaita.

67 Pañsat pu puma put táywami töhtota pu may pölöw-yuñqat akw wuválalwa, pu pētu mápqölöy akw put wuválalwa,

68 Pañqawkahkañwo: Itamuy somáts-aáwnaa, um Christ, ya hak un wuváhtha?

69 ¶ Noqw Peter moñwkit íypoviyat épéq qatu, noqw hak māna put aw pítuhqé aw pañqawu: Pay ura um piw Jesust, Galileet áñqwniýqat, amuma.

70 Noqw pam pumuy soh-sokmuy amútpik qanákw-haqé pañqawu: Kurspi um híñqawu.

71 Pu pam hötsiwmiq yá-makq, piw súhkawa māna put túwahqé pu pép yěsqamuy amumi pañqawu: Pay i' piw Jesust, Nazaretht añqwniýqat, as amuma.

72 Noqw piw pam qanákw-haqé öqálat laváyit akw pañqawu: Pay nu put hakiy sinot qatuwi'ta.

73 Pu híysavoniqw, ima añ hónqam put aw ökiyqé Ptert aw pañqawa: Paypi pas antsa um piw pumuy amúñaqwvi, öviypi úhlavayiy un súhputsni'ta.

74 Pañsat pu pam qalomáyuaaykukañw pu pas öqálat laváytiqé pañqawu: Pay nu pas put hakiy qatuwi'ta. Noqw pañsat pay taqákowako töqti.

75 Noqw Peter Jesust laváiyat u'na, pam ura put aw pañqawu: Nat taqáko-wako qa töqtiqw, um pāyis nuy qanákwhani. Pu pam pañqw yámakt, pu nāphin paklawu.

## 27. QALÁLNI

1 Noqw tālawvaqw pu soh-soyam Susöqaltutuyqawhqat awwat súsmomñwit niqw pu sinmuy amúñaqw wūwuyom Jesust nīnayaniqé öviy áñkiwakw yuáatota.

2 Niýqé öviy puma put sómyaqé pu put áñpiy wíkyaqé pép tutskwat aw moñwit Pontius Pilate, aw put noáya.

3 ¶ Pañsat pu Judas, put aw núkpantiqé núhtumi lālayqa, put qahímuniwhitiqw yórikqé, wūwniy alōntaqé pu sunat pakwt síykaitaqat qötsásivat Susöqaltutuyqawhqat awwat súsmomñwituy nikañw pu wūwukwmuy amumi ahoy kiva,

4 Pañqawkañwo: Pas kurs nu qaánti, qahíntaqat unwat núhtumi lālayqéé. Noqw puma pañqawa: Noqw híntini? pi umpi put híntsarni.

5 Pu pam Susöqaltutuy-



qawh̄qat kīyat ép qōtsásivat maspat pu áhpiy'ó, niýqé haqámīniýqé nāhaya.

6 Noqw Susōqaltutuyqawh̄qat awwat súsmom̄n̄wit qōtsásivat ōmáhtotaqé pañqawwa: Pay pam sivátatañpimi q tañáltiniqw qa súanta, pi pam un̄wat híýkaatniýqéé.

7 Niýqé puma yuáayku-yaqé, pu put akw tsaqávot-lawh̄qat tútskwayat tuíya, pép kiyávaqvīuy túhtuam-yaniqéé.

8 Paniqw ōviy pam tuts-kwa, Un̄wtutskwa, yan nāto mātsiwa.

9 Pahsat pu Susōqaltutuy-qawh̄qat en̄m yuáataqa Jeremy hin laváytiqw, put anti. Pam ura pañqawu: Pu puma sunat pakwt síýkaitaqat qōtsásivat ōmáhtota, pan ura ima Israel-sinom it hakiy híýkaitoynayaqw, put híý-kayata.

10 Niýqé put tsaqávotlawh̄qat tútskwayat ōviy huyá-ya, Tutuyqawh̄qa inumi hin tutáptaqw pan'í.

11 ¶ Noqw Jesus pép tuts-kwat aw moñwit átpip wu-núwta, noqw pam put tūviñ-taqé pañqawu: Ya um Jew-sinmuy moñwíam? Noqw Jesus put aw pañqawu: Pay panta.

12 Pu Susōqaltutuyqawh̄qat awwat súsmom̄n̄wit niqw pu wūwuyom put hin nēvel-

toynayaqw, pam qa hiñqawu.

13 Pahsat pu Pilate put aw pañqawu: Puyaw híysakip-wat ima un̄ tsótskanayaqw, um qa navóta?

14 Noqw pam put aw pas qa nāsēw hiñqawu, noqw ōviy put tútskwat ép moñwi pas hin kurs wūwa.

15 ¶ Noqw put nōviwh̄qat ép pép tutskwat aw moñwi hakiy sivílawh̄qat sinmuy amumi mātapñwu, hakiy puma nānawaknaqw, put'a.

16 Noqw ép hak pas mātaq-niýqa sivilawu, Barabbas yan mātsiwh̄qa.

17 Noqw ōviy puma sumi-tsovaltiqw, Pilate pumuy amumi pañqawu: Ya nu hakiy umumi mātapniqat uma nā-nawakwna? Sen Barabbast, sen Jesust, Christ yan mā-tsiwh̄qat?

18 Pam navóti'taqw, puma unañwtuyay akw put tavi-yaqw ōviy'ó.

19 Noqw pam haqam qatú-kañw hakiy hinyukúnañwu-qéy pép qátuqw, put nō-maat put aw tūayataqé pañ-qawu: Um put súantaqat sinot qa híntsahtsanni, taq nu pu' it talōñvaqat ép tū-moklawh̄qé put átsviy hī-hiýta añ kānavota.

20 Noqw pay Susōqaltutuy-qawh̄qat awwat súsmom̄n̄wit niqw pu wūwuyom sinmuy amumi tūtuyqawwa, Barab-

bast ōviy tūvintotat, Jesust tūvayaniqata.

21 Noqw pēp tūtskwat aw moñwi laváytiqē pumuy amumi pañqawu: Ya nu imuy lōqmuy amúnaqw hiytawat umumi mātapniqat uma nānawakna? Puma pañqaqwa: Barabbast awú.

22 Pilate pumuy amumi pañqawu: Noqw pántaniqw, nu Jesust, Christ yan tūnwantiwhqat, híntsanni? Puma soḥsoyam put aw pañqaqwa: Pam nahóylēhtsit aw muíwni!

23 Noqw pēp tutskwat aw moñwi pañqawu: Ya hinoq'ō, ya pam hiyta qalolmat hintiqw ōviy'o? Noqw pay puma paḥsat pu pas sáakmaqē pañqaqwa: Pam nahóylēhtsit aw muíwni.

24 Noqw pay Pilate kurs soon pumuy híntsanniqēy, nīkañw pu pay tis puma pas qanamítuqayvéyaniqat pam pántaqat māmatsqē, pu pam kuyt pu sinmuy amútpik māvaqta pañqawkañwo: Nu hapi it súantaqat sinot unwáyat ēp qaháqam hováriwta, pay úma piyani.

25 Paḥsat pu soḥsoyam sinom laváytotiqē pañqaqwa: Pay pi put unwáat itámumiwatniwhṭini, pu itahtimuy amumii.

26 ¶ Paḥsat pu pam pumuy amumi Barabbast mātavi, niyqē pam Jesust a'nō wu-

váhtat pu put nahóylēhtsit aw muíwniqat ōviy amumi put nóa.

27 ¶ Paḥsat pu pēp tūtskwat aw moñwit solāwamat Jesust pavásiwhkimi wíkyaqē pu soḥsokmuy solāwamuy tōnawtaqamuy put aw tsoválaya.

28 Niyqē puma put yūwsiyat oyánayat pu put paláu-simnit usíytoynaya.

29 Pu puma kūtat kwitéto-taqē put pút qōtōsomtoynayat pu hopáqat put pútvaqwat mátsvoñtoynaya, nit puma put átpipo tamōtshoñvankahkañw put aw tutútsiwyā, pañqawkahkañwo: Oqáwmañwu, Jew-sinmuy moñwiám!

30 Pu puma put aw tōhtota, pu hopáqat kwusúyaqē pu put akw put qōtōyat wuvá-lalwa.

31 Pu puma put aw tutútsiwyaqē qé'totit, puma usímnit put tavínayat, pu nāpyuwsiyat put yūwsinayat, pu put nahyólēhtsit aw muáyaniqē wíkkahkañw áhpiya.

32 Noqw puma nōñakqē, puma Cyrennet añqw sinot, Simon yan mātsiwhqat, tutwa; niyqē pam put nahóylēhtsiyat, yáwmani-qat put aw puma núan tutúy-qawva.

33 ¶ Pu puma haqámi, Golgotha yan mātsiwhqat, aw

öki, pam hapi másqöttso-  
mo, ii.

34 Niýqé sikat ovávalat  
qánut enañ namiqwriwtaqat  
put híkwnaya. Noqw pam  
put añqw yúkuhqé pay put  
híkwniqé qanákwha.

35 ¶ Pu puma put nahóy-  
léhtsit aw muáyat, pu put  
yúwsiyat nāhoy o'yat, put  
ōviy nanávö'ya. Kurs hapi  
Susöqaltutuyqawhqat enēm  
yuáataqat hin laváytiqw, put  
ántiniqw ōviy'o: Puma iyūw-  
siy nāhuyva, pu iúsimniy  
ōviy nanávö'ya, it'a.

36 Pu puma pēp yēsvaqé  
put tūtuwala.

37 Pu put qötöyat átsva  
puma put hinoqwniýqat  
pēnaya, yan'i: I' hapi Jesus,  
Jew-sinmuy moñwíamu.

38 Noqw pēp löyöm uyín-  
wut put amum nahóyléhtsit  
aw muíwa, suhka pútvaqé-  
wat niqw súhkawa súyvaqé-  
wata.

39 Noqw ima añ sásqaya-  
qam put aw nānaphin qalo-  
máhiñqawakahkañw qötöy  
wílantota,

40 Pañqawkahkañwo: Um  
Susöqaltutuyqawhqat kíyat  
sáhpuknat pāyis tālat añ put  
kítaniqua, ayo' nātavii! Kurs  
um : Susöqaltutuyqawhqat  
Tiatnen um nahóyléhtsit  
añqw háwni.

41 Pu amun piw ima Susö-  
qaltutuyqawhqat awwat sús-  
momñwit tūtuvenlalwaqa-

muy nikañw pu wūwukwmuy  
amumum tutútsiwyaqé pañ-  
qaqwa:

42 Pas as pam ayo tūooy-  
kañw kurshin ayo' nātapni.  
Pas pi antsa kurs pam Israel-  
sinmuy moñwiamnēn, pam  
nahóyléhtsit añqw hawhq,  
itam aw tūtuptsiwani.

43 Pam Susöqaltutuyqawh-  
qat qapēvewnakañw put aw  
yanta, pam pi put ayo' pu'  
távini, kurs pútninikt'a; pi  
pam pañqawu: Nu Susöqal-  
tutuyqawhqat Tiata.

44 Pu ima uyiñwut, put  
amum nahóyléhtsit aw muíl-  
tiqam, piw pan put aw hi-  
hiñqawlawu.

45 ¶ Noqw tāwat naváy-  
sikis qöníltiqat añqw pēvé'-  
sikis qöníltiqat aw pahsavo  
tūwaqatsit añ áhsupoqw  
qömséekiwta.

46 Pu tāwa pēvé'sikishaqam  
qóníwmaq, Jesus a'nö tsa'-  
lawhqé pañqawu: Eli Eli la-  
ma sabachthani? kítañqé ha-  
pi pañqawu: Isúsöqaltutuy-  
qawhqa, Isúsöqaltutuyqawh-  
qa, ya hinoqw um nuy ta-  
támta?

47 Noqw haqáwat pēp hón-  
qam put nanáptaqé pañqaq-  
wa: Taq Eliast wánwaylawu.

48 Noqw pahsat pay pu-  
muy amúñaqw súhka wárik-  
qé pu hiýta söyátkoitaqat  
sikat ovávalat akw pās tséh-  
kwéknat put hopáqat épéq  
söñwnat pu put pút hikwna.

49 Noqw mímawat pañqawa: Pay pántani, mātaqpi kurs Elias put ayo' távini-nik pítuni.

50 Noqw Jesus piw a'nó tsa'lawhít, pu hikwsiy mā-tavi.

51 ¶ Noqw mé, Susöqaltutuyqawhíqat kíyat ép mötsáp-ùhísi òñaqw átkamiq nā-hoy tsíki, pu tutskwa taya-yáyku, pu o'wa kwanámtoti.

52 Pu tūtuami hötsíltoti noqw kāysiwhqamuy súp-waiwyuñqamuy tókqamuy tokóam ahoy tātaya.

53 Niýqé put ahoy tātayq, pu puma tūamit añqw nō-ñakqé súpwaiwtaqat kītsókit áwyaqé, kāysiwhqamuy am-umi mātaqtoti.

54 Noqw tsivótsikip súnat-niýqamuy amumi moñwiw-taqa niqw pu ima put amum Jesust tūtuwalaqam túts-kwat tayáyaykuqw pu hin hiníwhíqat aw yórikyaqé, pas tsátsawnaqé pañqawa: Pay kurs pas as antsa i' Sus-öqaltutuyqawhíqat Tiata.

55 Noqw pép kāysiwhqam momóyam yāvaqw aw tā-yuñwa, ima hakim Galileet añqw Jesust añkyaqé put tumálainumyaqamu.

56 Noqw imuy amúñaqw i' Mary Magdalene niqw pu Mary it Jamest nit pu Josest pumuy yúam niqw pu Ze-bedeet tímuyatuy yúamu.

57 ¶ Pu tapkíqw hak Ari-

matheat añqw kaháktaqa, Joseph yan mǎtsiwhqa, pitu. Pam as piw nāp Jesust aw nánatuwnaqa.

58 Pam Pilate áwniýqé pu Jesust tokóyat túhtui. Pah-sat pu Pilate put tokóat mā-taviwniqat pañqawu.

59 Noqw Joseph put tokó-yat kwúsuhqé pu kwánwè-wakw tusáqtontsatsakwmö-tsaput akw put mokahta.

60 Nit pu nāp puhútuam-qölöy, put pam owat ép qö-lötaqéy, ép put tavi, nit pam tūamit hötsíwayat aqw wu-ko'wat mūmat pu áhpiy'o.

61 Noqw Mary Magdalene pép'é, pu mi' suhkawa Mary, puma tūamit ayáñqwat aw qatu.

62 Noqw qavónvaqw, it to-tókat ank talónvaqat, ép Susöqaltutuyqawhíqatawwat súsmomñwit niqw pu Phari-see-sinom Pilate aw tsovál-tiqé,

63 Pañqawa: Moñwi, ura i' tūunatotoynaqa nāto qá-tuhqé pañqawu: Payístalq pu nu ahoy tātayni, kítaíqat, itam u'naya.

64 Noqw öviy um pāyis tā-lat aw pahsavo tūamit pas qa unáhintaniqat pañqawni, taq nāphisat sen put aw nánatuwnayaqam míhiqw öké'put haqami ūuyi'wist, pu sinmuy amumi pañqawani: Pam mokíwuy añqw ahoy tātayi, kitotani. Noqw yán-



taqat akw pu núhtuñk qasú-  
antipu móhtiwat épniyqé pas  
hóyokiwtani.

65 Pilate pumuy amumi  
pañqawu: Paypi uma tuwá-  
lanàymuiyuñwa, uma áwyani  
nen hin pas qa öwíhintsats-  
naniqéy pán put yukúyani.

66 Noqw öviy puma áhpi-  
yaqé pu tūamit qa öwíyu-  
kuya, niyqé owat tuvoylato-  
tat ép tūtuwálanò'ya.

## 28. QALÁLNI

1 Noqw nasúnwintalöñnit  
sóhtiqw, tsañé'sikis táhtalat  
añqw mohti talöñnit aw tã-  
lawiwmaw, Mary Magda-  
lene sukwat Maryt amum  
tūamit awkúyvatoqé pitu.

2 Noqw mē, pas tutskwa  
a'nö tayáyayku; pi Tutuy-  
qawhqat hónviayaat övéqa-  
tsit añqw háwhqé pu hötsí-  
wat añqw owat ayo mūmat  
pu átsveq qatúptuqw öviy'o.

3 Noqw put pitsánwaat pas  
tálwiypikit anta, noqw  
put yūwsiat pas nuwat an  
qōtsa.

4 Noqw tūtuwalaqam put  
ép tsātsawnaqé turúryku-  
ya, niyqé hurúhtoti.

5 Noqw hónviaya wuhtituy  
amumi laváytiqé pañqawu:  
Uma qa tsāwnani, pi pay u-  
ma Jesust, nahóyléhtsit aw  
ura mułtiqat, hépnumq, nu  
vóti'ta.

6 Pam qa yép'è, pi pam a-  
hoy tātayi, pay ura pam hin

laváytiqéy, pán'i. Kurs hú-  
vam pēw'i, uma haqé' Tu-  
tuyqawhqat as qátsqat aw  
yórikni.

7 Nit uma káktayé', pam  
mókiwuy añqw ahoy tātay-  
qat put aw nánatuwnayaqa-  
muy āawnani. Noqw mē,  
pay hapi pam umúpyevé  
Galileet aw'i, pēp uma aw  
yórikyani. Mē, nu hapi umu-  
mi pañqawu.

8 Pu puma tsawíniwkañw  
pashínhaqam háhlaykañw  
tūamit añqw ahpiy káktayi,  
niyqé put aw nánatuwnaya-  
qamuy amumi tūawmaqé pu-  
ma wari.

9 Noqw puma put aw ná-  
natuwnayaqamuy amumi tū-  
awmaqw, mē, Jesus pumuy  
amúhsawvaqé pañqawu: Ha-  
kim háhlayñwu. Noqw puma  
aw pítuqé put kúkvéq nuat  
put pas híytaikañw aw naó-  
kiwha.

10 Pahsat pu Jesus pumuy  
amumi pañqawu: Uma qa  
tsawíniwtani, uma itúpko-  
muy amumi tūawmaqw, pu-  
ma Galileet áwyani, nēn pēp  
pu puma inúmi yórikyani.

11 Noqw pumuy pañsoniqw,  
mē, haqawat tūtuwalaqam  
kitsokivé ökiyqé pu sohok  
hiyta hiníwhitiqat Susöqaltu-  
tuyqawhqat awwat súsmom-  
ñwituy āawnaya.

12 Noqw puma wūwukw-  
muy amumum tsováltiqé pu  
yuáykuyaqé pu hinwat yu-

kúyaqé, puma niýtiwtaqat sîvat solāwamuy húytota,

13 Pañqawkahkañwo: Uma kitótani, Put aw nánatuwnayaqam míhiqw ōkiýqé, itamuy tokq, put ūuyi'wisa.

14 Noqw ason kurs it yántaqat it tútskwat aw moñwi novótq, itam put túptsiwnayani, nen umuñem qénítotani.

15 Noqw ōviy puma sîvat ōmáhtotat, pu hín amumi tutáptotaqat ántoti. Noqw it yan laváyit Jewsinom nāto nānahpa yuáatota.

16 ¶ Pahsat pu pakwt sūkw siýkaitaqam put aw nánatuwnayaqam Galileet awya, haqami tūkwit pumuy áwyaníqat Jesus amumi tutáptaqat, pañsoo.

17 Noqw puma put tútwaqé

put pas híytaikahkañw aw naókiwhtota, noqw pay haqawat pēvewnaya.

18 Pu Jesus pítuñqé pumuy amumi pañqawu: Sólhsoy ōqála ōvéqatsit ép nikañw pu tūwaqatsit épniýqa inúmi noíwa.

19 Paniqw ōviy uma nánkwusani, nen solhsokmuy hiýtuy sinmuy tutúqaynayani, kūyit akw pumuy tuvoylatiwiskahkañwo; Nayat pu Tiyat nikañw pu Qahováriwtaqat-Hikwsit nátñwaniyat aw'i.

20 Solhsok hiýta nu umumi tutáptaqat ánwisniqat uma pumuy tutúqaynayani; noqw mé, nu hapi sutsépsa umumuma, qatsit so'ñwamiqhagami páhsavoo.

Okiw antani.

# ST. MARKT

## LOMÁTUAWIATA

---

### 1. QALÁLNI

1 I' hapi Jesus Christ Susöqaltutuyqawhqat Tiyat lomátuawiyat yáyniata.

2 Pay hapi ura Susöqaltutuyqawhqat eném yuáatotaqamuy pēniyamuy añ yan péita: Mē, nu hapi úpyevē itúawáyay ayáita, pam hapi úpyevē uhþöhuy añ qēnítani.

3 Qayēsiwhþuvē tsa'tinumqat tōnaáta: Uma Tutuyqawhqat pōyat añ hin hīntaniqat ántsatsnani, put nāpvōphuyat suwípò'yani.

4 Pay John qayēsiwhþuvē kūyit akw tūtuvoylalawu, pu qaántiput ayo'haqami hōniwniqat öviy tunátyay añqw nánamtökyaqēy ép kūyit akw tuvóylatiwyaniqat pam yuáata.

5 Noqw Judea-tutskwat añqw sóhsokivaqw nikañw pu Jerusalemt añqw put aw nōña, niyqē sóhsoyam mūnat Jordant aqw put ahþiy kuyit akw tuvóylatiwya, qaántipuy nahóslalawakahkañwo.

6 Noqw John pōlaitaqat hōmiyat yūwsi'kañw pu kwéwtaqva pūkat kwéwta, niyqē pam tōtöltuy nikañw

pu pay nāphaqe mómohtuy yēsquamuy pālayamuy tūmoyta.

7 Niyqē yuáataqē pañqawlawu: Pay inúhþēniyqē pas pávanniyqa añqw inúnki, put hapi tótssosompiyat nu aw motólté', náhniqēy aw qahímuu.

8 Pay nu as pas antsa umuy kuyit akw tuvóylata, nikañw ason páam umuy Qahováriwtaqat-Hikwsit akw tuvóylatani.

9 ¶ Noqw ép talōñwintiwHQat éphaqam Jesus Galleet ép Nazaretht añqw pitu, niyqē Jordant aqw Johnt ahþiy kuyit akw tuvóylatiwa.

10 Nit pañsat pay pam pañqw yámaktoqw, pam nānañumo tókpelat hōtsílotiqw tuwa, pu Hikwsit hōwit ántaqat put aw háwtoqata.

11 Noqw övèqatsit añqw hakiy tōnáat tōqtiqē pañqawu: Um hapi pas awiúnahwa Itii, uhþē hapi nu pas háhlayi.

12 Noqw pañsat pay Hikwsi put qayēsiwhþumihaqami lālayi.

13 Noqw pam pēp qayēsiwhþuvē lōp sunat tālat añ

qátuqw, Nukpana put aw tuwánlawu, noqw pam hiytuy pópkotuy i'tsivutuy amumum qatu, noqw Tutuyqawhqat hónviaymat put tumáltota.

14 ¶ Noqw Johnt sivíkimi panáyaqw, Jesus Galileet aw pitu, niýqé Susöqaltutuyqawhqat moñwtunatyat áhpiy lomátuawit yuáata.

15 Niýqé pañqawlawu: Pay tuwánit aw pās pitu, noqw Susöqaltutuyqawhqat moñwtunatyat hayínwni'ta; uma umúhtunatyay añqw nánamtökyat lomátuawit túptsiwyani.

16 ¶ Noqw pam Galileet ép wúhkovatuphat qalávaqé wáymakañw Simont nit pu put túpkoyat Andrewt, pumuy wúhkovatuphamiq pakíwmaqtutsayay tutúpqw, tuwa, puma pakíwmaqnumqamniýqé öviy'o.

17 Niýqé Jesus pumuy amumi pañqawu: Uma inúnkni, noqw nu umuy sinmuy máqnumqamniýqat pán umuy yúkuni.

18 Noqw pay pahsat puma pakíwmaqtutsayay mātapt, put añki.

19 Pu pam pañqw ahipiy híysavonit, pam Jamest it Zebedeet tiyat nit pu put túpkoyat Johnt pumuy tuwa, puma piw pākihut añqw pakíwkañw pakíwmaqtutsayaw yúyku.

20 Niýqé pahsat pay pam pumuy wánwayi, noqw pay puma nay Zebedeet tumálà'yatuy enañ pākihut aqw mātapt, pu put añki.

21 Noqw puma Capernaumt aqwya, noqw āpiy pay pam nasúnwintalöñnit ép tsótsvalkimi pakit pu tütutuqayna.

22 Noqw puma put tutúqaypiyat ép nātsawinaya, pi pam tutúvenlalwaqamuy qa amún nit pas öqálat yántaqéy, pan pumuy tutúqaynaqw öviy'o.

23 Noqw pēp pumuy tsótsvalkiyamuy ép hak sino tuyóyèwakw hikwsit akw áhsaliwtaqa qatu, niýqé pam töqtiqé,

24 Pañqawu: Um itamuy qa yūyuynani; Ya itam uñ híntsatsnani, um Jesus Nazaretht áñqwniýqa? Ya um itamuy kīqötatoqé öviy añqw? Pay nu uñ hákiyniqw uñ tuwi'ta, Um Susöqaltutuyqawhqat Qahováriwtaqaata.

25 Noqw Jesus put sūme waqé aw pañqawu: Um qahínqawlawht put añqw yámakni.

26 Noqw tuyóyèway hikwsi put a'nö híntsant pu a'nö töqtit put añqw yama.

27 Noqw puma sóhsoyam pas nātsawinaya, niýqé öviy puma nātuvínlalwaqé nānami pañqaqwa: Ya sen i' himuu? ya i' puhútutuqaypi



sen hímuu? pi pas pam öqá-lat akw, hikispi pas tuyóyè'-wakw hihikwsimuy hinto-tiniqat amumi pañqawhqw, puma put aw tuqāyvastota.

28 Noqw pahsat pay pam hiyta akw mātaqtiqw, pam pantaqa Galileet ánani'voqw tutskwat añ ahsupoqhaqami kúrukma.

29 ¶ Noqw panis pumuy tsótsvalkinaqw nöñaqw, puma Simont nit pu Andrewt pumuy kiyamuy aw yuña, Jamest nit pu Johnt pumuy amumuma.

30 Noqw Simont nömayat yuat mukítuyat akw qātsi, noqw puma put put súaaw-naya.

31 Noqw pam aw pítuñqé pu put māyat nuat put qatúptsina. Noqw pahsat pay mukítuya put mātavi, noqw pam pumuy amumi unánw-tavi.

32 ¶ Pu tápkiaqw tāwat pák-iaqw, puma put aw sohso-  
muy hiyta tūtuyyaqamuy tsámvaya, pu imuy nūnuk-  
pantuy akw áhsaliwyuñqa-  
muyu.

33 Noqw pēp kitsókivé ki'-  
yuñqam sohsoyam hötsiwm-  
iq tsoválti.

34 Noqw pam káysiwñqa-  
muy hihiyta tūtuyyaqamuy  
qaláptsina, pu káysiwñqa-  
muy nūnukpantuy ipwa, niy-  
qé pam nūnukpantuy hín-  
qaqwaniqw qanákwhana, pu-

ma put hákiyniqw tuwi'-  
yuñqw öviy'o.

35 ¶ Pu qavónvaqw, nāto  
pas qahín tālawvaniqw, pam  
pañqw áhpiyniyqé haqami  
súnalkomii, niyqé pēp nā-  
wakna.

36 Noqw Simon niqw pu  
ima put ámumyaqam put  
añkya.

37 Niyqé puma put tūt-  
waqé put aw pañqaqwa: Pas  
sohsoyam un hēpnumya.

38 Noqw pam pumuy amu-  
mi pañqawu: Ítam yuhké'  
kitsókinaawit nánkwusani,  
noqw nu pañ put añ piw yuá-  
atani, pi nu pañiqw pēw pitu.

39 Pu pam Galileet añ ahsu-  
poqw pumuy tsótsvalkiya-  
muy añ yuáatinumkañw nū-  
nukpantuy ípwanma.

40 ¶ Noqw hak tokóplelet  
tūtuyqa put aw pítuñqé put  
aw naókiwhkwa ö'qalqé, aw  
tamótswunuptut put aw pañ-  
qawu: Pay as um nuy pán-  
tiniqéy nāwakné' soon um  
nuy qa kwáñwèwakwtani.

41 Noqw Jesus put ökwa-  
tuwa, niyqé aw māvuyaltiqé  
put aw tónokt pu put aw  
pañqawu: Pay nu soon qa  
pántini, pay um kwáñwè-  
waytini.

42 Noqw panis pam pañ-  
qawhqw pahsat pay tokóplele  
put añqw ayo'o, noqw pam  
kwáñwèwayti.

43 Noqw pam put pās mē-  
wat pay pahsat put hōna.

44 Niýqé put aw pañqawu: Um hapi pas qahákiy aw hiñqawni, nikañw um áhpiy-nen um Susòqaltutuyqawh-qat awat moñwit aw nāmah-taknani, nen kwānwèwayti-qèy ép, hiyta Moses tutáp-taqat, put um távini. Pam pumuy amumi put tuáwi'ta-niqat òviy'o.

45 Noqw pay tuwat soq pam pañqw áhpiyniýqé pu pahsat put tūawinva, pu put kúrukinva, noqw òviy pas Jesus kurshin pāpu kitsókimi súsmataqpuva pakini, niýqé òviy pay qalávèhaqam qayēsìwhpuvahaqé hínuma, noqw sóhsokivaqw sinom put aw òkíwta.

## 2. QALÁLNI

1 Noqw áhpiy híysakisha-qam talqw, pu piw pam Capernaumt aw paki, noqw pam kive pákíwtaqat mowá-watota.

2 Noqw pahsat pay kāy-siwhqam tsoválti, pas kāy-siwhq òviy pas amunēm qa qèni, pas qae, híkispì pas qa nāsèw hōtsíwhpéq'a. Noqw pam pumuy amumi laváyit yuáata.

3 Noqw puma hakiy áhpa-qatāyuñqat tūtuyqat wík-kahkañw put aw òki, hakim nālōyōmniýqam put tsöpva-ya.

4 Noqw puma huru'popo-taqamuy amútsviy kurshin

put aw òkiniqé, pu puma put háqamniýqat ép kiamit yā-haya, niýqé puma pórokna-yaqé pañ áhpat añ it hakiy áhpa-qatāyuñqat tūtuyqat wáòkiwtaqat hahya.

5 Noqw Jesus pumuy qapē-vewniyamuy māmatsqé pu pam it hakiy áhpa-qatayun-qat tūtuyqat aw pañqawu: Itii, pay uhqaántipu ūmi qé'watiwa.

6 Noqw haqáwat tutúven-lalwaqam pép yēse, niýqé yan unañwpéq wūwantota:

7 Ya hinoqw i' yánhaqam Susòqaltutuyqawh-qat qahíy-talawyuáata? ya hak sen qaántiput hakiy aw qé'wa-tani? pi Susòqaltutuyqawhqa sa pántiñwu.

8 Noqw puma pāvanhaqam nápqölpé wūwantotaqat pa-nis Jesus hikwsiy añ māmatsst pu pam amumi pañqawu: Ya uma hinoqw iit umúhunañw-péq wūwantota?

9 Ya it hakiy áhpa-qata-yuñqat tūtuyqat aw híñ-qawniqw, himuwa qahínta? sen, uhqaántipu ūmi qé'wati-wa, kítaq'ò? sen, qatúptut uháhpay kwusut nákwsuu, kítaq'ò?

10 Noqw paypi Sinot Tiat hakiy aw qaāantiput qé'wa-taniqéy aw tūwaqatsit ép öqálat himúitaqat uma na-náptaniqw, òviy (pu pam it hakiy áhpa-qatāyuñqat tū-tuyqat aw pañqawu)

11 Nu ūmi pañqawu: Wunúptut uháhpay kwusut uh-kiy aw'i.

12 Noqw pahsat pay pam wunúptut ahpat kwusut, pumuy sohsoqmuy amútpik nakwsu, pas qa öwíhiniwh-tiqw öviy puma sóhsoyam nātsawinayaqé Susöqaltutuyqawhqat pas híytatota pañqawkañkañwo: Pas qahísat itam híyta yánhaqam-niýqat aw yórikya.

13 ¶ Pu pam pañqw piw wúhkovatuphat qalávohaqamii, noqw qaánewakwhintaqam sohsoyam put aw nátsvalaya, noqw pam pumuy tutúqayna.

14 Noqw pam pánqé' nikañw pam Alpheust tiyat Levit, haqam híyta-ép-sivit ömálalwañwuqat ép qatuqw, túwahqé aw pañqawu: Inuñki, noqw pam wunúptut put añki.

15 Noqw ahpiy pantaqw, Jesus put kiyat ép tunösvoñat aw qatuqw, qaánewakwhintaqam sivátsovalantotaqam niqw pu qaánhinwisqam Jesust nikañw pu put aw nānatuwnayaqamuy amumum piw pañso yēse, pi puma kasta, niýqé put añkya.

16 Noqw ima tutúvenlawaqam niqw pu Pharisee-sinom put sivátsovalantotaqamuy nikañw pu qaánhinwisqamuy amumum tūmoytaqw tútwaqé, put aw nána-

tuwnayaqamuy amumi pañqawa: Ya hintaqw öviy pam sivátsovalantotaqamuy nikañw pu qaánhinwisqamuy amumum tūmoykañw hihiko?

17 Noqw Jesus put navótqé pumuy amumi pañqawu: Pay ima qahínyuñqam tūqaláptsintaqat qa háqni'yunñwu, nāwuspi tūtuyyaqam put háqni'yunñwu. Pi pay nu súanyuñqamuy tunátyay añqw nānamtökyaníqat öviy wánwayniqéy qa páníqw pitu, nikañw imuy qaánhinwisqamuy pántotiniqat öviy wánwayniqéé.

18 Noqw ura imuy John nit pu Pharisee-sinmuy amumi nānatuwnayaqam nānapwalañwu; noqw puma ökiýqé put aw pañqawa: Ya hinoqw Johnt nit pu Pharisee-sinmuy amumi nānatuwnayaqam nānapwalañwu, noqw ūmi nānatuwnayaqam qa pántotiñwu?

19 Noqw Jesus pumuy amumi pañqawu: Ya sen haqam nāñuiwhqat ép sinóiwtaqam nāpwalni'yunñwni mööñwuy amumumniq'ö? Pi mööñañw híysavohaqam pumuy amumum yantaqw, soon puma nāpwalni'yunñwni.

20 Nikañw pay ason hisat aw pituqw, pép pu mööñañw pumuy amunaqw nāwhkiwni, noqw pép pu puma nāpwalni'yunñwni.

21 ¶ Piw qahísat pi hak puhútsatsakwmötsaput sakwit yūwsit aw piytakna, pi as hakiy pántiniqw, nāphisat pi pūhu ép piytakiwhíqa sakwit añqw tsíkaqw, pu pas ép wukóprokni.

22 Pu qahísat pi hak puhúovavalat hísatwat wíwkorot añ kúytañalawu, pi as hakiy pántiniqw, nāphisat pi puhúovavala wíwkorot patómnaqw ovávala wéhémtini, noqw wiwkoro hoválniwni, nikañw pi puhúovavala pas soon qa puhúwiwkorot añ kūyiltotiñwu.

23 ¶ Noqw ahpiy pantaqw, pam nasúñwintalöñnit ép úysonaq yámakto, noqw pumuy pañyaqw, put aw nana-tuwnayaqam put talámaw-tiwisa.

24 Noqw Pharisee-sinom put aw pañqaqwa: Mè, yá hinoqw puma nasúñwintalöñnit ép tutávot méwniyat híntsatska.

25 Noqw pam pumuy amumi pañqawu: Ya ura David hiyta haqtaqé pu tsöñmokqé híntiqat, uma qa añ hísat tuñwáya? Ura pam niqw pu put amumyaqamu?

26 Hin ura pam Susöqaltutuyqawhqat awwat súsmoñ-wiwtat, Abiathart qatsíyat ép, Susöqaltutuyqawhqat kíyat aw pákiyqé, pu ura pólávikit poñáiwtat nōsa, pam ura pas Susöqaltutuy-

qawhqat awwat mónwiw-yuñqamuy sa amuñém nō-siwhqaniñwu; nit pu ura piw pam put ámumyaqamuy añqw put húyta?

27 Pu pam pumuy amumi pañqawu: Nasúñwintalöñni sinot eném yukíwa, qa sino nasúñwintalöñnit eném'i.

28 Paniqw öviy Sinot Tiat nasúñwintalöñnit aw piw tutúyqawi.

### 3. QALÁLNI

1 Pu piw pam tsótsvalkimi paki, noqw ép hak sino mā-lakiwtaqa qatu.

2 Noqw puma put aw tunát-yawyuñwa, mātaqpi kurs pam put nasúñwintalöñnit ép qaláptsinaniqw öviy'o, nen puma put hin nēveltoynayaniqué öviy'o.

3 Noqw pam it hakiy lak-put máitaqat aw pañqawu: Yuk wunúptuu!

4 Pahsat pu pam pumuy amumi pañqawu: Ya nasúñwintalöñvaqat añ lolamt híntsakniqw pam súanta, sen qalolmat híntsakniq'ö? Sen qatsit ayo' távinig'ö, sen hakiy nínaniq'ö? Noqw pay puma qa hiñqaqwa.

5 Pu pam pumuy anáha-unánwayamuy ép qaháhlay-tiqé pu itsívuiwkañw pumuy amúhpa yorikt, pu sinot aw pañqawu: Uhmáy tsíýkwaa! Noqw pam put tsíýkwa,



noqw put māat pováltiqé  
ayáñqwat māyat anti.

6 ¶ Pahsat pu Pharisee-  
sinom pañqw añpiyaqé āpiy  
pay Herod añk wīsiwtaqa-  
muy amumum put áñki-  
wakw yuáatota, hin puma  
put nīnayaniqéyu.

7 Noqw pay Jesus put aw  
nānatuwnayaqamuy amu-  
mum pumuy amuñaqw áh-  
piyniýqé wúhkovatupha-  
miq'a. Noqw qaánewakwhin-  
taqam Galileet añqw put  
añkya, pu Judeat añq'ö,

8 Pu Jerusalemt añq'ö, pu  
Idumeat añq'o, pu Jordant  
yúpqöyñaq'ö, noqw pu ima  
Tyret nikañw pu Sidont añ-  
qé' yèsqam, pas puma qaáne-  
wakwhintaqam put hīhiýta  
tumáltaqat nanáptaqé put  
aw öki.

9 Noqw as tsay pākihu put  
aw noiwtaniqat pam put aw  
nānatuwnayaqamuy amumi  
pañqawu; sinom qaánewakw-  
hintaqw nāphisat pi sen  
puma put enañ hurs hīnto-  
tiniqw öviy'o.

10 Pam kāysiwhqamuy qa-  
láptsinaqw öviy'o; pantiqw  
öviy pas puma put aw nāna-  
qasya, híysa'niýqam hiýta  
tūtuyyaqam put aw tónok-  
yaniqéy öviy'o.

11 Noqw tuyóyé'wayom hī-  
hikwsim put tútwaqé átpipo  
munúmtotiqé a'nö hiñqaw-  
wa: Um Susöqaltutuyqawh-  
qat Tiata.

12 Noqw puma put qa tún-  
votnayaniqat pam pumuy  
pas qaöwímewa.

13 ¶ Pu pam tūkwimi-  
niýqé pu hakiy nāwakné' put  
wáñwayñwu, noqw puma put  
aw öki.

14 Noqw pam pakwt löq  
síykaitaqamuy put amum  
hīnumyaniqat ayáwhtoya,  
pu pam pumuy añqé yuáa-  
tinumyaniqat ayátaniqé  
öviy'o.

15 Pu puma hīhiýta tūyat  
qaláptsintotaniqéy aw öqá-  
lat pasiwyuñwniqata, pu piw  
nūnukpantuy ípwayaniqéy  
aw'i.

16 Niýqé pam it Simont,  
Peter, yan tuñwa.

17 Pu Zebedeet tiyat Jamest  
nit pu Johnt it Jamest túp-  
koyata, nit pam pumuy Boa-  
nerges, yan tuñwa. Pam  
hapi Yóyùmukit-tímatu, i'-  
niýqé pam'i.

18 Pu Andrewt nit pu  
Philipt nit pu Bartholomewt  
nit put Matthewt nit pu  
Thomast nit pu Alphe aust  
tiyat Jamest, nit pu Thad-  
de aust nit pu Simont, Ca-  
naan añqw sinota,

19 Nit pu Judas Iscariot,  
pam hapi ura put aw núk-  
pantiqé nuhtumi lālayqa;  
noqw puma kīmi yuña.

20 Noqw piw pay qaáne-  
wakwhintaqam sūmi tsovál-  
tiqw, öviy puma kurs soon  
násèw nōñösani.

21 Noqw put kwatsmat put nanáptaqé put nuáyaniqé awya, Pam hōnakiwta, kito-taqé ōviy'o.

22 ¶ Noqw ima tutúvenlawaqam Jerusalémt anqw ōkiyqam pañqawwa: Pam Beelzebubt akw áhsaliwta, niyqé pam nūnukpantuy moñwíyamuy aw yánkañw nūnukpantuy ípwanta.

23 Noqw pam pumuy wánwayqé pu it hiyta ányuñqat akw pumuy amumi yuáaykuqé pañqawu: Ya hin sen Nukpana Nukpanat ayo' tūvani?

24 Pu kurs moñwtunatya náhpéwh'té, soon pam moñwtunatya wúnuni.

25 Pu kurs kīvit néhpéwh'toté' soon puma kīvit hoñw-ni.

26 Noqw kurs Nukpana nāp nāmi mām'ké' náhpéwh'té, soon pam wununi, panis pi pam sóhtini.

27 Soon hak a'nō hoñvit kīyat paké' hiyta himúyat ho-valani, hal pas mohti a'nō hoñvit somé'saa, nen pahsat pi pu pam put kīyat kīqōtani.

28 Pas antsa nu umumi pañqawni: Pay sohsoy qaántipu sinmuy tímuyatuy amumi qé'watłwni, pu piw'hiyta qahiýtalalwiwlavayit akw kurs puma Susōqaltutuyqawh'qat qahíýtatotaniqat, pam'i.

29 Nikañw i' kurs Qahová-riwtaqat-Hikwsit qahíýtaita-

lavaytiqat hapi put aw ép pas qahaqam qé'waiwtaniq-a, nikañw pam pas sūs hinyukúniwniqéy aqw qa-ántini.

30 Pam tuyóyèwakw hikwsit akw áhsaliwta, puma kītótaqw, ōviy pam kita.

31 ¶ Noqw pahsat pép put túpkomat niqw pu yúat puma ōki, niyqé iýpaq hōñkahi-kañw put wánwayyaqé put aw hakiy ayátota.

32 Noqw qaánewakwhinta-qam put áqlaq yēse, niyqé puma put aw pañqawwa: Mè, taq uñu niqw pu uhtupkom uñ hépnumyaqé iýpaqya.

33 Noqw pam pumuy hu'waqé pañqawu: Ya hak inuu, pu yaw hakim itúpkomya?

34 Pu pam put aqlaq yésqamuy amúhpa yorikt pu pañqawu: Kurs inuy nikañw pu itúpkomuy amumi yórikyaa!

35 Pi nāphaqawa Susōqaltutuyqawh'qat tunátyayat ánmaqa pam hapi itúpkō pu síwa pu inuu.

#### 4. QALÁLNI

1 Pu piw pam wúhkova-tuphat qalávég tūtutuqayna-tiva, noqw pép put aw qaánewakwhintaqam sinom tso-válti, noqw ōviy pam pāki-hut aqw wupt pu wúhkova-tuphavég qatúptu, noqw sohsoyam qaánewakwhintaqam wúhkovatuphat qalávagé tútskwat añ yēse.

2 Noqw pam it hiyta ányuñqat akw pumuy hihiyta tutúqayna, niyqé tutúqayna-qé pumuy amumi pañqawu:

3 Kurs tuqáyvastotaa, mé, hak uylawhqa uyto.

4 Noqw oviy pam uylawhqa, pēhu pōhut áqlava yēvaya, noqw sūmawuy añ masáiyuñqam ōkiyqé put soswa.

5 Noqw pēhu pikáqlōt, añ qapas tūtskwaitaqat, añ yēvaya, niyqé āpiy pay pam kūkuyva, pēp pisa qa pōnalaniqw ōviy'o.

6 Nikañw tāwat ōvétiqw, pay pam kólaki, noqw pam qa náitaqé ōviy lāki.

7 Pu pēhu kútqōlpa yēvaya, noqw kūta wúnwqé put lakna, noqw pam qahíyta aníwna.

8 Noqw pēhu lolmat tutskwat añ yēvaya, niyqé hiyta himúivayaqw pam wūyoq-iwwiskahkañw wūhaqiwwisa, noqw pēhu sunat pakwt síykaitaqat aníwnaya, pu pēhu payp súnato, pu pēhu tsivótsikip súnato.

9 Pu pam pumuy amumi pañqawu: Navótniqéy ōviy naqvuitaqa, navótni!

10 Noqw put nālaniqw ima pakwt lōq síykaitaqamuy amumum put ámumyaqam put, it hiyta ántaqat laváyit hímuniyqat, tūviñtota.

11 Noqw pam pumuy amumi pañqawu: Uma hapi Susōqaltutuyqawhqaqat moñwtu-

natyayat túpkiyat navóti'-yuñwniqat. umumi noíwa, nikañw imuy qa aw tañaw-taqamuy amumi pay sohsoy ii himu it hiyta ányuñqat akw hínsatskiwa.

12 Puma aw táykahkañw tutwat, qa māmatsyaniq'ō, pu tūqaykahkañw nanáptat, qa māmatsyani; taq nāphisat pi sen puma ahoy námtōk-niwyani noqw pumuy qaántipuyamuy ép amumi qé'-watiwni.

13 ¶ Pu pam pumuy amumi pañqawu: Ya uma it hiyta ányuñqat laváyit qa māmatsya? Noqw ya hin tis uma it hiyta ányuñqat laváyit sohsoq māmatsyani?

14 Uylawhqa hapi laváyit uylawu.

15 Noqw ima hapi pōhut qalávayaqamya, haqam laváyit uylalwiwhqat pēp'ē, nikañw pumuy nanáptaqw pahsat pay Nukpana pité'pu pumuy unañwpēq laváyit úyiwahqat pañqw tsamñwu.

16 Pu pay piw pan hapi ima pikáqlōitaqat añ úyiwyaqamya; ima hakim hapi laváyit nanápté' pu pahsat pay hahlaykahkañw put kwusúyañwuqamu.

17 Niyqé nápqōlpé nasta náiyuññwu, niyqé ōviy híysavo as añ kūyuññwu, nit pay laváyit atsviy kānavotpit sen okíwsahsanwaqat aw pituqw, pahsat pay sóontotiñwu.

18 Noqw pu ima hapi kút-qölpa ūyiwyaqamu, ima hakim laváyit nanáptaqam, pumaa.

19 Noqw it qatsit ép hīhiyta aň nānaphin wūwniqw pu kāhakiwat unátwiat niqw pu pay hīhiyta túňlaytunatya yuňé' laváyit laknaqw, pam qahíyta himúivaňwu.

20 Noqw pu ima hapi lomátutskwat aň ūyiwyaqamu, ima hakim laváyit nanápté' pu kwusúyé' pu hiyta aníwnayaňwuqamu, pētu sunat pakwt síýkaitasikis hóyokiwtata, pu pētu payp súnato, pu pētu tsivótsikip súnato.

21 ¶ Noqw pam pumuy amumi paňqawu: Ya wíy-qōhi tuwánpisivut sen puvuwhpit átpipoqw taviwniqéy ōviy kwusípníwňwu? nen qa put tsotsókpiyat aw tsokiwniqéy ōviy'o?

22 Pi pas qa himu túpkiwtaqa qa mātaqtini, piw qa himu qananáptiwnikaňw kaňkawniwa.

23 Kurs haqawa navótniqéy ōviy naqvuitaqa, navotni.

24 Pu pam pumuy amumi paňqawu: Uma hiyta aw tūqayyuňqéy ép tunátyalto-tini, pay hiyta tuwánpit akw uma hakiy hin tuwántoynayaqw, pan umumi tuwántiw-mantani, pu umuy nanáptaqamuy umumi piw wūhaq noíwni.

25 Pi it himúitaqat, put hapi aw piw noíwni, pu it nástaniyqat híkispi hiyta as himúitaqw, pam put aňqw nāwhkiwni.

26 ¶ Pu pam paňqawu: Pay Susōqaltutuyqawh-qat moňwtunatyaat soňáwnen, sino póshumit tutskwami máspa-qat anta.

27 Pam pantit pu pūwňwu, pu qatúptuňwu, míhiq'ō pu tālawvaq'ō, noqw póshumi nahkuyvakaňw pu wuňq, hin pam pántiqat, pam qa navóti'taňwu.

28 Pi pay tutskwa nāp hiyta aníwnaňwu, mohti náhipi'vakaňw pu síykuyvakaňw pu aňk pu qāōivaňwu.

29 Nikaňw pay himu aníwhitiqw pay pahsat pam tsáhqanvaňwu, pi hōhōqsattinwuniq'ō.

30 ¶ Pu pam paňqawu: Ya sen itam Susōqaltutuyqawh-qat moňwtunatyayat hiyta ántaqat paňqaqwani? hal ya sen hiyta put aw hayáwtaqat énaň itam put namimahtaknayani?

31 Pam mustart-uyit pōsiyat anta. Pam tutskwawé ūyiwé' pas sohsok póshumit tútskwawéyaqat amúhpéníy-qé sústsayniňwu.

32 Nikaňw pam ūyiwé' pam wúňwu, nen sohsok hiyta tusáqtsotskit amúhpéníy-qé yáhsayoqtiňwu nen wukónantaqaivaňwu, noqw ōviy



súmawuy añ masáiyuñqam put kíysiwniyat añ yésñwu.

33 Pu pay pas yánhaqam niýtiwtaqat it hiýta ányuñqat laváyit akw pam pumuy amumi laváyit yuáata, hinhaqam pumuy put kwusi'wisqw, pan'i.

34 Nikañw pam pumuy amumi it hiýta anyuñqat lavayit sa akw yuáata; niýqé pay pumuy nánaltyaqw, pam put aw nánatuwnayaqamuy amumi put sohsok hiýta mātāqta.

35 ¶ Noqw pay ép tapkiqw pam pumuy amumi pañqawu: Itam ayóqwat aqw nōñakni.

36 Noqw puma qaánewakw-hintaqamuy hōnayāt pu puma put pay pāntaqat pākihut añqw qakíwtaqat wikya. Noqw pép piw put amum pēhu tsātsay pākihuya.

37 Noqw pas wukóhukva, noqw pāhoñvantotaqa pākihut aqw a'nō hoñvanta, noqw ōviy nuwu pay aqw óhpokto.

38 Noqw pam pākihut áh-kwañavéq nikañw qötö'pat añ pūwi. Noqw puma put tātaynayaqé aw pañqaqwa: Tutuyqawhqa, pu yaw pay itamuy so'niniqw um pas qahin wūwanta?

39 Noqw pam wunúptut pu hūkañwuy mēwat pu wúhkovatuphat aw pañqawu:

Uyíwaltii, um qa híntsakni! Noqw hūkañw qé'tiqw pas sūtmakma.

40 Pu pam pumuy amumi pañqawu: Ya hinoqw uma pas tsawíniwyuñwa? ya hin-taqw ōviy uma qapēvewnit nāstaya?

41 Noqw puma pas pavan tsātsawnaqé nānami pañqaqwa: Ya sen i' hak hímuniqw ōviy híkispi pas hūkañw niqw pu wúhkovatupha put aw tuqáyvasta?

## 5. QALÁLNI

1 Pu puma wúhkovatuphat ayóqwat aqw öki, imuy Gaddara-sinmuy tútskwayamuy aw'i.

2 Noqw pam pākihut añqw yamaqw, pahsat pay pép hak sino tuyóyewakw hikwsit akw áhsaliwkañw tuámqōlnaqw put áhsawva.

3 Pam hak tūtuamit ép ki'ta, noqw soon kurs hak put somni, pas sooni, nāmahin pi pas sivánamiqlölöt akw'a.

4 Ispi as pas piép pam hokásosompit nikañw pu sivánamiqlölöt akw sómiltiñwu, noqw pam sivánamiqlölöt náhoy tútkitañwu pu piw hokásosompit piñañwu, piw soon kurs hak put kwákwha-tani.

5 Noqw sūtsép pam mihiqw nikañw pu tälö' túhtukwiva-haqé hínnunñwu pu tuámqōlpaa, a'nō hiñqawnum-

kañw owat akw nātutki-lawñwu.

6 Nikañw pam Jesust yā-voqw túwahqé pu aw wárik-qé put pas hiýtata.

7 Nit pu pas tōnay añqé a'nō hínqawhíqé pañqawu: Pu yaw nu uñ hintsanni, Jesus, Susōqaltutuyqawhíqat pas súsòvèqniýqat Tiat? Nu Susōqaltutuyqawhíqat aw yánkañw ūmi pañqawni: um nuy qa okíwsanni.

8 Pi pam put aw pañqawhíq ōviy'o: Sinot añqw yáma-kuu, tuyóyèway hikwsi!

9 Noqw pam put tūvintaqé pañqawu: Ya um hin mātsi-wa? Noqw pam put hu'waqé aw pañqawu: Qaánewakw-hintaqamu, yan nu mātsiwa, pi itam qaánewakwhintaqw ōviy'o.

10 Noqw pam pumuy put tútskwat añqw qa añpiy lā-layniqat pam put aw qa ōwíōqalti.

11 Noqw pēp tuhtukwit añ aqlaq pitsōtim qaánewakw-hintaqam tōnawtaqam nō-nova.

12 Noqw sohsoyam nūnuk-pant put aw ōqáltotiqé pañ-qaqwa: Itamuy pitsōtimuy amumi hōnaa, noqw itam pumuy amúpqölmi yuñni.

13 Noqw pañsat pay Jesus pumuy hu'wa. Noqw tuyóy-é'wayom hihikwsim nōña, niýqé pitsōtimuy amúpqölmi yuñya. Noqw puma tōnaw-

taqam páhtsawtaqat añ wúh-kovatuphamiq a'nō yuñtu, puma lōp sōmorit pañsaha-qamya, niýqé wuhkovatup-hamiq paóysoa.

14 Noqw ima pumuy nóp-ni'yunqam wátqaqe pu kīvé put tūawvaya, pu tútskwa-nawita. Noqw puma hin hiníwhítiqat aw kúyvawisa.

15 Noqw puma Jesust aw ōkiýqé, pu it ura núkpanat akw áhsaliwtañwuqat ép qátuhíqat tutwa, yūwsi'kañw pu pañwtaqat wūwni'taqa-ta, i' ura qaánewakwhinta-qamuy akw túyqawiwta-ñwuqat, put'a, niýqé puma māmqasya.

16 Noqw ima as ura it nuk-panat akw áhsaliwtañwuqat hin hínítiqw aw táyunqam, pumuy put āawnaya, pu piw pitsōtimuy híntotiqata.

17 Noqw pañsat pay pam pumuy tútskwayamuy añqw áñpiyniqat puma put aw nānawakna.

18 Noqw pam pākihut aqw pakíqw, i' hak ura nukpa-nat akw áhsaliwtañwuqa, as put amumniqéy put aw nā-wakna.

19 Noqw pay Jesus put qa-nákwhanaqé aw pañqawu: Um uhkwatsmuy amumi ní-mani, nen hihíyta Tutuy-qawhíqa unēm qa ōwihintiqat um pumuy āawnani, pu pam uñ ōkwatuwhíqata.

20 Noqw pam áñpiyniýqé

pu hin Jesus put enēm hī-  
hiyta qa öwíhintiqat pam  
Decapolist ép tūawinva,  
noqw sohsoyam kātayunwa.

21 ¶ Noqw Jesus pākihut  
akw ayóqwat piw yámaq,  
suhpantaqam sinom put aw  
tsoválti, noqw pam wúhko-  
vatuphat qalávèq'a.

22 Noqw mé, hak tsótsval-  
kivé momñwituy amúñaq  
suhka moñwi, Jairus yan  
mātsiwhqa, pitu; niyqé pam  
put túwahqé put kukmiq mú-  
nukt,

23 Pu put aw qa öwíö'qala  
pañqawkañwo: Imánawhya  
mokiñwuy aw pitsíwta, um as  
ókiw inúnknén aw uhmay  
akw hintsanni, noqw pam  
qaláptuni, nen pam qátuni.

24 Noqw Jesus put ámuma,  
noqw kāysiwhqam sinom put  
ánkyaqé hurs put aw homí-  
mitiwisa.

25 Noqw hak wuhti pakwt  
lōq siykaitaqat yáhsañwuy  
añ unwaita,

26 Niyqé kāysiwhqamuy  
tūqalapsintotaqamuy a-  
múhpiy hīhiyta añ kānavot-  
kañw pu sohsoy hiyta pumuy  
amúhpa sohsoyknit, qa násèw  
hihin qaláptut, tuwat pu pas  
a'nöti.

27 Nit pam Jesust hin na-  
vótqé pu áhkwayñañaq  
hurs hīntaqamuy amúhsonaq  
put aw pitu, nit pu put  
yūwsiyat aw toño,

28 Pañqawhqe öviy'o: Pay-

pi nu as násèw yūwsiyat  
aw tónoké pay soon nu qa  
qaláptuni.

29 Noqw pahsat pay put  
unwáat haqaqw munqw, pam  
lāki; noqw pam tūyay qa-  
láptuqéy nāpqōlpé navóta.

30 Noqw Jesus nāñaqw öqá-  
lat yámaq súnvotqé, súh-  
pantaqamuy amumi nám-  
tōkt pu pañqawu: Ya hak  
iyūwsiy aw toño?

31 Noqw put aw nánatuw-  
nayaqam aw pañqaqwa:  
Paypi súhpantaqam ūmi  
homímitaqw um navóti'-  
kañw, hinoqw piw um, Ya  
hak inumi toño, kita?

32 Pu pam hakiy pántiqat  
aw yorikniqé añqé yori.

33 Noqw pay wuhti maqás-  
nevèq turúrutikañw nāpqōl-  
pé hīntiqat navóti'taqé aw  
pítuhqé pu átpipo múnukt,  
pu pas sohsoy hiyta put  
suan āawna.

34 Noqw pam put aw pañ-  
qawu: Itii, māna, pay uhqa-  
pevéwni un qalapsina, pay  
um qahin unánwaimani, pu  
um uhtuyay añqw pas qaláp-  
tsiwtani.

35 Noqw nāto pam yuáa-  
taqw, haqawat tsótsvalkit ép  
moñwit kiyat añqw ökiyqé  
pañqaqwa: Pay uhti māna  
mōki, ya hinoqw um nāto  
moñwit máqsontotoyna?

36 Noqw Jesus, panis pañ-  
qaqwaqw, navótqé pu tsóts-  
valkivé moñwit aw pañ-

qawu: Um qa tsāwnani, pay panis um túptsiwni'tani.

37 Pu qahakiy put ámum-niqat pam nāwakna, pay Petert sa nit pu Jamest nit pu Johnt, it Jamest túpko-yat pumuy saa.

38 Pu pam tsótsvalkivé moñwit kiyat aw pitu, niyqé mowáwatotaqamuy tuwa, pu imuy a'nö hínqawkañkañw tsäykitotaqamuyu.

39 Noqw pam aw pákiyqé pu pumuy amumi pañqawu: Ya uma hinoqw yánhaqam mowáwatota piw tsäykitota? Pay manáwhya qa mōki, pi pūwi.

40 Noqw puma put aw tútsiwtuysuyti. Pu pam pumuy sóhsokmuy nöñaknat pu manáwhyat nayat nit pu yuyat nit pu put ámumyaqamuy tsámkañw haqam manáwhyat qátsqat aw paki.

41 Pu pam manawhyat mayat nuat put aw pañqawu: Talitha Cumi, pam hapi námtökqé: Manawhya, nu ūmi pañqawu, qatúptuu, ii.

42 Noqw pañsat pay manáwhya qatúptut pu nakwsu, pam pakwt löq síykaitaqat yáhsañwni'taqé öviy'o. Noqw pas puma pavan pas hínhaqam nātsawinaya.

43 Noqw qahak put navót-niqat pam pumuy qa öwímewa. Pu puma put hiyta nópnayaniqat pam amumi pañqawu.

## 6. QALÁLNI

1 Pu pam pañqw yámakt pu nāptutskway aw pitu, noqw put aw nānatuwnayaqam put añkya.

2 Noqw nasúnwintalönnit aw pituqw, pam tsótsvalkivé tutúqaynativa, noqw kāysiwhqam put aw tūqayyuñqam kātayuñqé pañqaqwa: Pu yaw i' haqam iit hiyta? pu, isüti, ya i' himu súanwuwni put aw noíwhq, öviy qaánèwakw kātataypi māyat añpiy híntsatskiwa?

3 Puyaw qa i' wunávutstumálaitaqa, it Maryt tiat, imuy Jamest nit Josest nit pu Judat nit pu Simont, pumuy pāvaam? Puyaw siwamat qa yép itámumya? Niyqé puma put aw qayán unáñwtoti.

4 Noqw Jesus pumuy amumi pañqawu: Paypi Susöqaltutuyqawhقات eném yuáataqa qahísat qakáptsitiwa, hal pas nāptutskway sa ép qakáptsitiwñwu, pu nāp sinomuy amúhpaa, pu piw nāp kiy ép'é.

5 Noqw kurshin pam pép a'nö hiyta tumáltani, pay panis pam híkikwmuy tūtuyyaqamuy amumi may akw tónokqé qaláptsina.

6 Noqw pam qatúptsiwniyamuy ép amumi kātayta. Noqw pam ánaník kitsókinawit tūtutuqaynatinuma.



7 ¶ Pu pam pakwt lõq siy-kaitaqamuy wánwayqé pu pahsat pumuy lõlõqmuy nah-piy lálaylawu; niyqé pumuy tuyóyèwakw hihikwsimuy amumi tūyqawi'yuñniqat aw pam pumuy öqálhuyta.

8 Pu puma qa hiyta hínwis-niqat amumi pam pañqawu, pay panis natõñpi'wisni; qa túkpuiwisni, qa nítkaiwisni, qa sivámoki'wisni.

9 Nikañw puma tõtseit qa õñaqvi'taqat tótswisni, pu qa lõlõqmuy nápnaiwisni.

10 Niyqé pam pumuy amumi pañqawu: Uma nāphaqami kīmi yuñé, pēp uma hurúhtotimantani hisat pañqw áhpiyaniqéy páhsavoo.

11 Pu ason nāphaqawa umuy qa kwusut piw umumi qa tuqáyvastaqw, uma pañqw áhpiyé' umúhkukqõlnaqw qõat amúmi tsátswiyamantani; pam pumuy amúniwakw tuáwi'taniqat õviy'o. Pas antsa nu umumi pañqawni, hinyukíltiniqat aw talõñvaqat ép Sodomt nikañw pu Gomorrhat pumuy amúnēm put kitsókit enēm hīntaniqat épniyqé soon pas núhtselèwayni.

12 Noqw puma pañqw áhpiyaqé pu sinmuy tunátyay añqw nānamtõkyaniqat yuáatinumya.

13 Niyqé puma kāysiwhqamuy nūnukpantuy ípwaya, pu kāysiwhqamuy tūtuyya-

qamuy wíykuyit akw lélwiyat qaláptsinaya.

14 ¶ Noqw moñwi Herod put navóta; (put nátnwaniat hāhaqé navótniwtaww õviy'o). Niyqé pam pañqawu: Paypi John, kūyit akw tūtuvoylalawhqa, mokiwyu añqw ahoy tātayi, noqw paniqw õviy ii öqala tutmala put ép nāmahtakni'yuñwa.

15 Noqw pētu Eliastniyqat pañqaqwa, pu piw pētu put Susõqaltutuyqawhqaqat enēm yuáataqatniyqat pañqaqwa, sen pay Susõqaltutuyqawhqaqat enēm yuáatotaqamuy amúñaqw himúwaniyqata.

16 Noqw Herod put navótqé pañqawu: Ura nu Johnt qõtõtkuqw, i' pam'i, pam mokiwyu añqw ahoy tātayi.

17 Pi Herod ura nāp tūaya-taqé pu Johnt nuat pu sivi-kivé put soma, túpkoy Philipt nōmayat, Herodias, õviy'o, pi pam ura put amum qatuptu.

18 Pi John ura Herod aw pañqaqw õviy'o: Pay um uhtupkoy nōmayatniniqw, pam qasúanta.

19 Paniqw õviy Herodias put ép pas put nõyi'taqé as nīnaniqéy nāwaknakañw kurshinni,

20 Herod Johnt káptsi'taqw õviy'o, ispi pam súantaqa nikañw pu qahíntaqa tāqaniqw navóti'taqéé, niyqé put qa ūnaiwta; noqw pam

put aw tūqaytaqé wūhaq hiyta anti, niyqé háhlay-kañw put aw tūqaytañwu.

21 Noqw ōviy hisat talōn-vaqat ép nukwánwèwniyqat ép Herod tíytiwhpuy áhsat-tiqat ép pu sinómuy nuhtumi tutúyqawyaqamuy nikañw pu pavan soláwamom-nwituy nikañw pu Galileet ép pavánsinmuy amunēm tápkíqw tunōsvoñahita.

22 Noqw it Herodiasť mán-tiat ép pakit pu wunímaqé, Herod nikañw pu put amum yésqamuy náhyoñnaqw, i' moñwi mānat aw pañqawu: Um nāphiyta nāwaknē' put inúmi tūviñtani, noqw nu uñ maqani.

23 Niyqé pam put aw qa ōwílavaytiqé pañqawu: Pas nāphiyta ōviy um inúmi tūviñtaqw, soon nu uñ qa máqani, pas imónwtunatyay nāsamiq yántaqata.

24 Noqw pam pañqw áhpiy-niyqé yuy aw pañqawu: Ya nu hiyta ōviy tūviñtani? Pay aw Johnt, kuyit akw tūtuvoylalawhqat, qötöyat ōviy'o, pam kita.

25 Noqw pam pahsat pay písoqlwkañw moñwit aw pá-kit, pu aw tūviñtaqé pañ-qawu: Pay um qa sōwunit Johnt kuyit akw tūtuvoyla-lawhqat qötöyat tsaqáptat ép iniwtaqat nuy máqaniqat nu nāwakna.

26 Noqw moñwi pas qa-

háhlayti, noqw paypi pam ura put aw pas qa ōwílavay-tiqw, pu piw ima pép put amum yésqw, ōviy soon pam put qanákwhanani.

27 Pu pahsat pay moñwi túqwyanaýat ayátaqé put qötöyat kwístoniqat aw pañ-qawu; noqw pam áhpiyniyqé put sivíkivē qötötku,

28 Nit pu tsaqáptat ép put qötöyat iniwtaqat kwusí-vaqé pu mānat aw put tavi, noqw māna put yuy maqa.

29 Noqw put aw nánatuw-nayaqam put nanáptaqé pu ōkiyqé put tokóyat mokput kwusúyat pu put tūamya.

30 ¶ Noqw ayáiwyuñqam Jesust aw nátsvalayaqé pu sohsok hiyta āawnaya, hiyta híntotikañw pu hiyta tūtu-tuqaynayaqéyu.

31 Noqw pam pumuy amumi pañqawu: Pay uma ná-nalt hāk ayo' qayēsiwhpumi-yani, nen híysavo nānasuñw-nani, pas kāysiwhqam ōkíw-kañkañw áhpiy sásqayaqw, kurs soon puma hísatniqw qeníptuyé' násèw nōösaniqw ōviy'o.

32 ¶ Noqw puma nánalt pākihut akw qayēsiwhpumi-haqamiya.

33 Noqw sinom pumuy áhpiyaqw tutwa, noqw kāy-siwhqam put māmatsyaqé pu sóhsokivaqw kitsókiñaqw pañso nāp yúhtukqé amúh-

péqtota, niýqé put aw tso-válti.

34 Noqw Jesus pañqw yá-makt, kāysiwhqamuy sin-muy túwahqé pumuy ôkwa-tuwa, soñáwnen pi puma kanélmuy, qahak amumi tunátywtaqat, panyuñqw ô-viy'o. Niýqé pahsat pu pam pumuy hîhiýta tutúqayna-tiva.

35 Noqw pay pas tápkíqw put aw nánatuwnayaqam aw ôkiýqé pañqaqwa: Pay yép qayēsiwhpu, noqw pay pas hísatniqti.

36 Um pumuy hōnani, noqw puma añqé tútskwava-haqé nánkwusani pu kitsó-kinawita, nen nennēm hiýta tunōstuiyani, taq puma qa-hiýta nítkaiyuñwa.

37 Noqw pam hu'waqé pu-muy amumi pañqawu: Pi úma nópnayani. Noqw puma put aw pañqaqwa: Noqw ya itam húhyawisé' pakwútsikip sunat denarii akw pôlavikit tuíyé', pumuy nópnayani?

38 Noqw pam pumuy amumi pañqawu: Ya uma híysa-haqam pôlaviki'yuñwa? kurs aw póhtayaa. Noqw puma nanáptaqé pañqaqwa: Tsívo-ta, pu lõqmuy pâkiwhtuyu.

39 Noqw puma pumuy tō-nawyuñqamuy sákwawsat tūsaqat añ yésvanayaniqat pam pumuy amumi pañqa-wu.

40 Noqw puma nānatpik

yésva, hahqé tsivótsikip sus-natya, pu hahqé lõp sunat pakwt síýkaiyuñqamya.

41 Noqw pam tsivot pôlávikit ômáhtat pu lõqmuy pâ-kiwhtuy kwusuhqé pu ômiq táykañw put ép hahlaytit, pôlavikit yóñoytaqé pu put aw nánatuwnayaqamuy a-mumi put oya, puma pumuy amútpik tunōsvoñahótat-niq'ô, pu lõqmuy pâkiwhtuy pam sohsoqmuy nāhuyvana.

42 Noqw puma sohsoyam nōnōsa, niýqé ôöya.

43 Nit puma akwsiñwput pakwt lõq siýkaitaqat yuñáp-sivut añ ôhpokiwtat tso-válaya, pu piw pâkiwhtuyu.

44 Noqw ima pôlavikit añqw nōnōsaqam tsivótsikip sōmorit pahsahaqam táh-taqta.

45 ¶ Noqw nāto pam sin-muy hōnantaqw, pay put aw nánatuwnayaqam pay páh-sat pâkihut aqw yáyvat, put ahsavo pay ayóqwat Beth-saidat aqwyaniqat pam pu-muy amumi tūyqawva.

46 Noqw ôviy pam pumuy hōnat pu nāwaknaniqé tūk-wimiqhaqamii.

47 Noqw masíphiqw pâkihu wúhkuvatuphat nāsavéq'a, noqw pam sunála tutskwa-vée.

48 Noqw pam pumuy pâhut kwétswisqé a'nō tumálai-yuñqw tuwa, súamúhpéwi hūhuqw ôviy'o; niýqé mi-

hiqw tūtuwalaqamuy amú-  
naqw nalösni'maqatniqwha-  
qam pam pumuy amumi  
pitu, pāvaqé wāymakañwo,  
niýqé as pay soon pumuy a-  
múhpéq qa yūmosani.

49 Noqw puma put pāvaqé  
wāymaqw tūtwaqé pay hiý-  
ta tuálañwuyniýqat wūwa-  
yaqé pu pay a'nö hinqaqwa.

50 Puma sóhsoyam put  
tūtwaqé tsātsawnaqé öviy'o.  
Noqw pahsat pay pam pu-  
muy amumi yuáaykuqé a-  
mumi pañqawu: Pay uma  
qahin unáñwtotini, pay nuu,  
pay uma qa tsawíniwyuñwni.

51 Pu pam pumuy amúmiq  
pākihut aqw wūvi, noqw  
hūkañw qé'ti; noqw puma  
nānap pas pavan wúhpukù-  
nañwtoti pu kātayuñwa.

52 Puma pölávikit ép kāta-  
taypit tumáltiwhqa qa aw  
wūwayaqé öviy'o, pumuy  
unáñwaam anáha'iwyuñqw  
öviy'o.

53 ¶ Noqw puma ayoqwat  
aqw nönakqé tútskwat Ge-  
nesaret aw ökiýqé pu pāhut  
qalávoqw ökiwwisa.

54 Noqw pumuy pākihut  
añqw nōnaqw pahsat pay pu-  
ma put māmatsya.

55 Niýqé sohsovik ánanik  
tútskwanawit yúhtukqé put  
háqamniýqat nanáptaqéy  
pañso imuy tūtuyyaqamuy  
áhpāt añ wáökiwyuñqamuy  
tsáhtsamyā.

56 Pu pam nāphaqami ki-

tsókimi pituqw sen wúhko-  
kitsokimi, sen pay tuts-  
kwavé haqami kimi pituqw,  
puma kítpik tūtuyyaqamuy  
öoyakahkañw pū násèw put  
yūwsiyat qalávaqéniýqat aw  
tónokyaniquéy aw nānawak-  
nañwu. Noqw híysaniýqam  
aw tónokyaqam qaláptuyañ-  
wu.

## 7. QALÁLNI

1 Pahsat pu Pharisee-sinom  
niqw pu piw haqáwat tutu-  
venlalwaqam Jerusalem  
añqw ökiýqam put aw tso-  
válti.

2 Noqw ima haqawat put  
aw nánatuwnayaqamuy tu-  
yóyèwakw máikahkañw, qa-  
mávaqtotat, pölávikit nōno-  
vaqw tūtwaqé, pay amumi  
qaántaqat tutwa.

3 Pi ima Pharisee-sinom  
niqw pu sohsoyam Jew-sinom  
pas qa ànsakis mávaqtoté' qa  
nönösañwu, imuy wūwukw-  
muy laváiyamuy an hín-  
wisqé öviy'o.

4 Pu puma huhyankiñaqw  
öke' qa mávaqtoté' qa nönö-  
sañwu. Pu pay puma hīhiýta  
an hínwisniqéy öviy put  
ömáhtota, yāyanè'wako: it  
kuyápit kusítotaniqéyu, pu  
sisivut nikañw pu tsatsqap-  
tae'wakw sikásivat añqw yu-  
kiwyuñqat nit pu nönöspita.

5 Pahsat pu Pharisee-sinom  
niqw pu tutúvenlalwaqam  
put tūvintotaqé pañqaqwa:



Ya hinoqw ūmi nánatuwna-  
yaqam wūwukwmuy tutávo-  
yamuy qaan hínwist tuwat  
soqw qa māvaqtotat pólávi-  
kit nōnova?

6 Pu pam pumuy hu'waqé  
amumi pañqawu: Pas umuy  
nawípèw hintsatskaqamuy  
Esaías suan añwu pay yuá-  
ayku, ura pan péita: Ima  
sinom pañíypuy akw nuy  
káptsi'yuñwa nikañw uná-  
ñwaam inúnaqw yāvahaq'a.

7 Nikañw puma paysoqw  
inumi naókiwlalwa, sinmuy  
tutávoyamuy pas antsa tu-  
távotniyqat, pan put tūtu-  
tuqaynaya.

8 Pi uma Susöqaltutuy-  
qawhقات tutávoyat ayo'ha-  
qami noi'kañkañw sinmuy  
wukwnavotiyamuy núiyu-  
ñwa, it sisivut nikañw pu  
kúkyapit tūvahomtotaqéy  
pāvané'wakò, uma hīhiyta  
yāyantaqat híntsakwisa.

9 Pu pahsat pam pumuy  
amumi pañqawu: Paypi uma  
a'tsipnaya, pi uma pas pay  
umúhwukwnavotiy an hín-  
wisniqéy ōviy Susöqaltutuy-  
qawhقات tutávoyat qahímu-  
ya.

10 Pi Moses ura pañqawu:  
Um unay pu unuy pumuy  
káptsi'tani, pu nāphaqawa  
nay sen yuy qalomáyuaay-  
kuqa pay pas mokíwuy mók-  
mantani.

11 Noqw úmawat pañqaq-  
wa: Pu kurs nāphaqawa sen

nay sen yuy aw pañqawni,  
Pay as it hiyta akw ka um  
inútsviy moñwvastiniqw,  
pam Corban (pam hapi Sus-  
öqaltutuyqawhقات aw ku-  
wáhtipu, ii) kítañqa, pay  
ayo' yámakiwtamantaniqat  
uma pañqaqwa.

12 Niýqé uma put nay ni-  
kañw pu yuy pumuy amu-  
ñém hiytaniqat qa nákwha-  
nayañwu.

13 Yan umúhwukwnavotiy  
uma nuhtumi noáyaqéy akw  
uma Susöqaltutuyqawhقات  
laváiyat qaapítóynaya, pu  
yāyan hinyuñqat uma hín-  
tsakwisa.

14 Pu pam soh sokmuy sin-  
muy wáñwayqé pu amumi  
pañqawu: Uma soh soyam  
nānap inúmi tuqáyvastotani  
nen nanáptani.

15 Pas soon himu sinot qa  
áhsonvénikañw put ápqölmi  
pákiyqa put tuyóyèwakw-  
tani, nikañw i' himu put á-  
pqölñaqw nōñantiwhqa pā-  
vam hapi sinot tuyóyèwakw-  
tañwu.

16 Kurs nāphaqawa navót-  
niqéy ōviy naqvuiqata, na-  
vótni!

17 Noqw pam sinmuy amú-  
ñaqw áñpiyniýqé kimi pá-  
kiqw, put aw nánatuwnaya-  
qam it hiyta ántaqat laváyit  
put tūviñtota.

18 Noqw pam pumuy amu-  
mi pañqawu: Pu yaw piw  
uma pas qa mātsi'yuñwa?

Puyaw i' nāphimu sinot qa áhsonvénikañw put ápqölmi paké' kurshin put tuyóyèwakwtaniqw, uma put qa mātsi'yunwa?

19 Ispi pam put qa unánwmiq pakit, ponómiq nen pu kwāyñavéhaqam máspiwé' sohok nōsiwhqat qénitañwuniyqé ōviy'o?

20 Pu pam pañqawu: Pi pay i' himu sinot añqw nōñakqa, pam hapi put tuyóyèwakwtañwu.

21 Pi pay ápqölñaqwat imuy sinmuy unánwayamuy añqw qalomātutnatya nōñanta, tokot ép nāuuyiñwtutnatya, nuvōmoktutnatya, túqyantutnatya,

22 Uyíñwtutnatya, kánèwhkwañwaituswani, nukpan-tutnatya, unátwi, qaunánwtalqatsi, unánwtuya, Susōqaltutuyqawhkat qakáptsi'talavayi, kwivi'nañwa, honáqūnañwa,

23 Ii hapi himu sohsoy qalolma ápqölñaqwat nōñantaqa sinot tuyóyèwakwtāñwu.

24 ¶ Pu pam wunúptut, pañqw pu Tyret nit pu Sidont pumuy amúqlavohaqa-mii, niyqé haqami kīmi pákiyqé, qahakiy put navótniqat as nāwakna, nikañw kurshin pam túpkiwtani.

25 Pi hakiy wuhtit tiat manáwhya tuyóyèwakwhikwsit akw túyqawiwtaqw,

pam put navótqé pu ép pitu, niyqé put kukmiq munu.

26 I' hak wuhti Greek-sino, Syrophoniciat añ qw sinmuy amúhpiyvi; niyqé pam put mántiyat añqw núkpanat ayo' tūvaniqat put aw ō'qala.

27 Noqw Jesus put aw pañqawu: Pay tsātsayom mohti ōōyani, soonpi hak tsātsakwmuy nōsiwhqamuy ōmáh-tat pópkotuy amumi put māspañwu.

28 Noqw pam hu'waqé aw pañqawu: Pas antsaa Tutuy-qawhqa, nikañw pi pay popkot nōnōspit átpikaqé tsātsakwmuy pínpu Yamuy nōnovañwu.

29 Noqw pam put aw pañqawu: Pay um it uhlaváyiy ép áhpiyni, pay nukpana uhmantiy añqw áhpiy'o.

30 Noqw pam, kiy ép pituqw, pay kurs nukpana put añqw yama, noqw put mantiat ahipat añ wáōkiwta.

31 ¶ Pu piw pam Tyret nikañw pu Sidont pumuy qaláñaqw áhpiyniyqé, Decapolist qáqlavaqé hínma-kañw pu Galileet ép wúhkovatuphat aw pitu.

32 Noqw puma put aw hakiy náqsöpíwkañw húhrulqat yuáataqat wíkvaya, niyqé pam put aw híntsan-niqat puma put aw nānawakna.

33 Pu pam put qaánewakwhintaqamuy amúñaqw qa-

lávohaqami wikt, pu malátsiy put náqvumiq panat pu tóhakt pu put leńiyat aw toño.

34 Nit pu pam óvėqatsit aqw táykańw wupáhikwsut, pu put aw pańqawu: Ephatha, pamniyqé hapi, hotsiltii, ii.

35 Noqw pahsat pay put náqvuat hotsiltiqw, pu put leńiyat wíkwpańwaat wílóqw, pam suyan yuáayku.

36 Noqw pam pumuy mēwaqé, qahákiy put áawnayaniqat pańqawu, noqw pay tuwat pam pumuy pas pavan mēwaqw, pu pas puma put kuruknaya.

37 Niýqé puma pavan pas nátsawinayaqé pańqaqwa: Pas sohsok hiýta qa ówíyuku, pam nanáqsöptuy navótna, pu qayuáatotaqamuy yuáaykina.

## 8. QALÁLNI

1 Noqw éphaqam ima tsováwtaqam pas qaánewakwhinta, nit qahiýta nōsiwhqaiyuńqw, Jesus put aw nánatuwnayaqamuy wánwayqé amumi pańqawu:

2 Pās nu qaánewakwhintaqamuy ókwatuwa, ispi puma pu pāyis tēvėp inúmumyakańw qahiýta nōsiwhqaiyuńq'ó.

3 Noqw nu pumuy qanōsaiyuńqamuy kikiyamuy ańqé hōnaqw, soon puma haqé

qa māmańuani, pi haqáwat yāvahaqaqwy.

4 Noqw put aw nánatuwnayaqam hu'wayaqé aw pańqaqwa: Puyaw sen hak haqam pólávikitnen pu imuy sinmuy yėp qayėsiwhpuvé őynani?

5 Noqw pam pumuy tūvińta: Ya uma híysahaqam pólávikí'yuńwa? Noqw puma pańqaqwa: Pay tsańė.

6 Pu pam sinmuy tutskwava yėsvaniqat amumi pańqawu, nit pu pam tsańė' pólávikit ómáhtat pu put ép kwákw-hatat, pu put yōnoytat, pu put aw nánatuwnayaqamuy amumi put oya, pumuy amútpik put o'yaniq'ó; noqw puma sinmuy amútpik put o'ya.

7 Noqw puma hikikw híńsakw pāvakiwhıtuy kinúmya, noqw pam put ép háhlaytit pu put piw sinmuy amútpik o'yaniqat pańqawu.

8 Noqw óviy puma nōnovaqé őöya. Noqw puma yōnoyvut ákwsinput tsańė'sikip yuńápsivut ań óhpokit tsoválaya.

9 Noqw ima nōnōsaqam nālöp sōmorit páhsa'haqamya. Noqw pam pumuy pańqwhona.

10 ¶ Nit pay pahsat pam put aw nánatuwnayaqamuy amumum pākihut aqw pakit, pu Dalmanuthat pańso haqami pitu.

11 Noqw Pharisee-sinom put aw nánkwusaqé put amum nātuvinyuaaykuyaqué, òvéqatsit ańqw pumuy amumi pam hiyta hiyta-tuáwi'taqat máhtaknaniqat put aw nānawakna, put unáhepto-taqéé.

12 Noqw pam hikwsiy ań wupáhikwsut pu pańqawu: Ya hinoqw pu'qatsívaptsiwyuńqam hiyta hiyta-tuáwi'taqat hépnumya? Pas antsa nu umumi pańqawni: Pay pas soon himu hiyta-tuáwi'taqa pu'qatsívaptsiwyuńqamuy amumi noíwni.

13 Pu pam pumuy mātapt, pu pākihut aqw piw pakit, pu pay ayoqwat aqw'a.

14 Noqw put aw nānatuw-nayaqam kurs pólávikit súhtokya, piw puma pay pas panis sūkw pólávikit himúiyuńwa, pākihut ańq'ö.

15 Noqw pam pumuy mēwaqé amumi pańqawu: Uma Pharisee-sinmuy pēkeniyamuy épniķańw pu Herod pēkeniyat ép tunátyaltoté' qa nāunáiyuńwni.

16 Noqw puma wūwantotaqé nānami pańqaqwa: Paysoqw pi itam nasta pólávikiyuńqw öviy'o.

17 Noqw Jesus put navótqé amumi pańqawu: Ya hinoqw öviy uma paysoqw pi nasta pólávikiyuńqé öviy wūwantota? Puyaw uma nāto qa tuwáiyuńwa, qa mātsi'

yuńwa? pu yaw uma nāto anáhaat unáńwaiyuńwa?

18 Ya uma pōsi'kahkańw qa tuwáiyuńwa, piw náquikahkańw qa nānvotya? Puyaw uma pas qa u'ni-yuńwa?

19 Ura nu tsivótsikip sōmorit páhsaniyqamuy amúhpa tsivot pólávikit yōńoytaqw, ya uma ákwsinwqat híysakip yuńápsipohpokit tsoválaya? Noqw puma put aw pańqaqwa: Pakwt lōq síykaita-qata.

20 Pu ural tsáńé' pólávikit nu nālöp sōmorit páhsa'niyqamuy amúhpa yōńoytaqw, ya uma yōńoyvut ákwsinwqat híysakip yuńápsipohpokit tsoválaya? Noqw puma pańqaqwa: Tsáńéé.

21 Noqw pam pumuy amumi pańqawu: Noqw ya hintaqw öviy uma qa māmatsya?

22 ¶ Pu pam Bethsaidat ép pitu, noqw puma hakiy qapóstalqat put aw wíkyá, niyqé pam put aw híntsanniqat puma put aw nānawakna.

23 Noqw pam qapóstalqat māyat nuat put kińaqw qalávo wíki, nit pu pam put posmiq tōhakt pu lōvaqw put aw mátyawhít, pu sen pam hiyta túwahqat put tūvińta.

24 Noqw pam kwuhpukt pu pańqawu: Pay nu sinmuy



yáktaqamuy tuwáita, pas pay himútsotskiya.

25 Noqw pahsat pu piw pam put posmiq lõvaqw may akw hintsant pu put yórikna. Noqw pam ahoy qaláptuqé pu pas sohsokmuy suyan tuwa.

26 Pu pam put pút kiyat aw hōna pañqawkañwo: Um qa kitsókimini, piw um kive qahákiy it āawnani.

27 ¶ Pu Jesus niqw pu put aw nánatuwnayaqam pañqw áhpiyaqé Caesarea Philippi añ kitsókit pañsoqya, noqw pumuy pánsoqyaqw, pam put aw nánatuwnayaqamuy tūvintaqé amumi pañqawu: Ya nuy hákiyniyqat sinom pañqaqwa?

28 Noqw puma hu'wayaqé pañqaqwa: Pay John, kūyit akw tūtuvoylalawhqaniyqata, noqw haqáwat um Eliastniyqat pañqaqwa, pu pētu, um haqawa Susōqaltutuyqawhقات enēm yuáataqaniyqat pañqaqwa.

29 Pu pam pumuy amumi pañqawu: Noqw úmuyniqw nu hak'i? Noqw Peter hu'waqé put aw pañqawu: Um hapi Christ.

30 Noqw pam pumuy mēwaqé, puma qahákiy put āawnayaniqat pañqawu.

31 Pahsat pu it Sinot Tiat pas kurshin qa hīhiyta kānavotniqat pam pumuy tutúqaynativa, pu pam wūwukw-

muy pu Susōqaltutuyqawhقات awwat súsmomñwituy pu tutúvenlalwaqamuy amuhpiy tūviwh̄t, pu nīniwh̄t, payístalqat ép ahoy tātayniqéyu.

32 Noqw pam it qatúpki'kañw pañqawu. Noqw Peter put nāmi lánaknat put súhmewanva.

33 Noqw pay pam ahoy namtökt pu put aw nánatuwnayaqamuy amúhpa tātayt, pu pam Petert u'nanmewaqué pañqawu: Inúhkwayñavohaqamii, Nukpana! pi um qa Susōqaltutuyqawhقات hiyta hīhmuyat tunátyawtat, pi sinmuy hīhmuyamuyu.

34 ¶ Pu pam sinmuy, put aw nánatuwnayaqamuy enañ, wáñwayt pu amumi pañqawu: Nāphaqawa inúnkniyqey nāwaknaqa nāqé'tit pu nahóyleh̄tsiy kwusut inúnkni.

35 Pi nāphaqawa qatsiy núitaniqa, put kwáyhni, nīkañw nāphaqawa inútsviy pu lomátuawit atsviy qatsiy kwayhqa, pam hapi put núitani.

36 Ispi ya sen sino tūwaqatsit sohsok himúivakañw nāpqatsiy kwahe', sen hin put akw moñwvasni?

37 Pu yaw sen sino hiyta enañ táytoynaqay nāhoyñwani?

38 Paniqw öviy nāphaqawa

pu'tuskapiwyuñqamuy pu  
qaánhinwisqamuy qatsívap-  
tsiyamuy ép nuy nikañw pu  
ilávayiy háhmanqat, put ha-  
pi Sinot Tiat hisat qahová-  
riwyuñqamuy hóhoñviay-  
muy tsamkañw Nay lolmat  
tālawnwayat añ pité', tuwat  
put háhmanni.

## 9. QALÁLNI

1 Pu pam pumuy amumi  
pañqawu: Pas antsa nu umu-  
mi pañqawni, pay ima ha-  
qáwat yép hoñqam soon nā-  
to mokiñwuy añqw yukúyaqw  
pay Súsöqaltutuyqawhقات  
moñwtunatyaaat öqalat akw  
pituqw, puma aw yorikya-  
ni.

2 Pu áhpiy naváytoktiqw,  
Jesus Petert nit pu Jamest  
nit pu Johnt, pumuy tsam-  
kañw wupátukwimiqa, niy-  
qé pam pépéq pumuy amút-  
pik alóñti.

3 Noqw put yūwsiat nuvat  
an pas qötsatiqé pas tálqaq-  
sala, noqw pas öviy soon hak  
tūwaqatsit ép tsatsákwmö-  
tsaput hintsakqa put pas pan  
qötsataniqat, pan'i.

4 Noqw pépéq pumuy amu-  
mi Elias Mosest amum mā-  
taqti, niyqé Jesust amum  
yuáata.

5 Noqw Peter laváytiqé Je-  
sust aw pañqawu: Moñwi,  
pas itam yépéqyaniqw pam  
lolma, noqw itam as payp  
kītötani, sukwat unēm nit pu

sukwat Mosest enēm nit pu  
sukwat Eliast enēmi.

6 Pay pam kurs hínqawniqé  
öviy pañqawu; pas puma  
tsätsawnaqw öviy'o.

7 Noqw pépéq ömaw pu-  
muy nākwapnaqw, ömawuy  
añqaww hakiy tōnaat pañ-  
qawu: I' hapi pas awiúnañwa  
Itii; it uma aw tuqáyvastö-  
tani.

8 Noqw pahsat pay puma  
añqé yórikyat qahakiy tut-  
wa, pay Jesus sa pumuy  
amumumniyqata.

9 Noqw pumuy tükwiñaqw  
hanwisqw, pam pumuy mē-  
waqé, puma hin yórikyaqéy  
qahakiy hāk āawnayaniqat  
amumi pañqawu, ason pas  
Sinot Tiat mokiñwuy añqw  
ahoy tātayqw, pu pántotini-  
qata.

10 Noqw pay puma panta-  
qat laváyit nánalt navóti'-  
yuñqé, mokiñwuy añqw ahoy  
tātayiwniqat pam hímuniy-  
qat puma nātuvññlalwañwu.

11 Noqw puma put tū-  
viñtotaqé pañqawu: Ya  
hinoqw tutúvenlalwaqam,  
Eliast moñti pítuniqat, pañ-  
qawu?

12 Noqw pam pumuy hu'-  
waqé amumi pañqawu: Pay  
pas antsa Elias moñti pituni,  
nen sohok hiyta ántsantani,  
pu piw pi öviy Sinot Tiat  
hihiyta añ kānavot pu qahí-  
muniwhitiniqat, pan péita.

13 Nikañw pay nu umumi

pañqawni, Pay Elias pas antsa pitu, noqw puma hin nānawaknaqéy, pan put hín-tsatsna, hin pam péitaqat, pan'i.

14 ¶ Noqw pam put aw ná-natuwnayaqamuy amumi pituñqé, pumuy amumi qaánè-wakwhintaqam tsováwtaqw tuwa, noqw tutúvenlalwaqam pumuy amumum yuáa-totaqé, pumuy hīhiyta tū-viñlalwa.

15 Noqw pahsat pay sóh-soyam sinom put tútwaqé, pas hin unáñwtoti, niýqé put aw yúhtukqé aw háhlaytoti.

16 Noqw pam tutúvenlalwaqamuy tūviñtaqé pañqawu: Ya uma hiyta pumuy amumum nātuvīñlalwa?

17 Noqw pumuy qaáne-wakwhintaqamuy amúñaqw haqáwa laváytiqé pañqawu: Moñwi, nu as itíyotiy qayuaataqat hikwsit akw áh-salīwtaqat ūmi wíkva;

18 Noqw pam put haqami wīké' put a'nō híntsanñwu, noqw qōtmokñwu, pu tamay ñuríkañw pás tsákwnñwu. Noqw as ūmi nānatuwnayaqam put añqw put ayo' tū-vayaniqat nu amumi pañ-qawñq, puma kurshin pantotini.

19 Noqw pam put hu'waqé aw pañqawu: Isōhi uma, pu'yésqam qatūtuptsiwyañwu-qamu, ya nu híysavohaqam umumum qátuni? ya nu hīy-

savohaqam umuy máqson-lawni? inúmi wíkyaa!

20 Noqw puma put put aw wíkyaa, noqw pam put tu-waqw, pahsat pay hikwsī put a'nō hítsana, noqw pam tútskwami yēvaqé qōtmokiwkañw añqé waōōtinuma.

21 Noqw pam put nayat tūviñtaqé pañqawu: Ya hí-sathaqam i'it aw pitu? Noqw pam pañqawu: Pay tsākw-niq'ō.

22 Noqw piép as it hoválaniqé qōhit aqw tūvañwu, piw pāvahut aqw'a; noqw paypi kurs um hiyta tuwi'té' um itamuy ōkwatuwé', itamuy paáñwani.

23 Jesus put aw pañqawu: Pay pi kurs un qa pēvēwnanīq'ō, sohsoy himu túptsiwh-qat eñēm pasíwta.

24 Noqw pahsat pay tsākw naat pákkañw nāphīn pañ-qawu: Tutuyqawñq, nu túptsiwa, um nuy ipēvēwniy ép paáñwani.

25 Noqw pay sinom put aw sūmi yuyútyaqw Jesus túwahqé, pu tuyóyèwakw hikwsit mēwaqé aw pañ-qawu: Um qayuáatakañw náqsōphikwsī, um put añqw yámakni, nen pāpu qahísat aw pákini, nú ūmi pañqawu.

26 Noqw hikwsī a'nō hiñ-qawñt put a'nō hintsant, put añqw yama; noqw pam mok-

put anta, pas pavan híntiqw, ōviy kāysiwhqam pañqaw: Pay mōki.

27 Noqw pay Jesus put māyat nuat lánaknaqw pam wunúptu.

28 Noqw pam áhpami pa-kiqw put aw nánatuwnaya-qam nánaltyakahkañw put tūviñtotaqé pañqaw: Ya hinoqw itam kurshin put hóroknayani?

29 Noqw pam pumuy amumi pañqaw: I' yantaqa pas soon hiyta akw yámakni, pas nāwakinpit nikañw pu náp-walnit sa akw'a.

30 ¶ Noqw puma pañqw áh-piyaqé Galileet añ ayóqwat nõña, noqw qahak put navót-niqat pam nāwakna.

31 Pam put aw nánatuw-nayaqamuy tutúqaynaqé amumi pañqawhqw ōviy'o: Pay hapi Sinot Tiat sinmuy mápqōlmiq noíwa, noqw puma put nīnayani, pu ason pam nīniwé' payístalqat ép ahoy tātayni.

32 Noqw puma put lavayit qa māmatsya, nikañw puma put tūviñtotaniqé nānahtsop-ya.

33 ¶ Pu pam Capernaumt aw pitu. Noqw pam áhpavé nikañw pumuy tūviñta: Ya uma añqwyaqé hiyta nānami pas pavan yuá-atiwisa?

34 Noqw puma qahínqaw-wa; pi puma añqwyaqé ha-

qawa sen pas súspavanni-qat, put nānami yuáatiwisqé ōviy'o.

35 Pu pam qatúptut pu pakwt lōq siýkaitaqamuy wánwayt pu amumi pañqaw: Paypi haqáwa móhpéq-niqéy nāwakné' pam sohsok-muy amúhpé núhtuñkni, pu sohsokmuy tūwikiamni.

36 Pu pam tsākw kwusut pu pumuy amúhsonmi put tavi, nit pu pam put mavoktat pu pumuy amumi pañqaw:

37 Nāphaqawa yantaqat tsākw inátñwaniy añwat kwúsuhqa hapi nuy kwúsuni, pu nāphaqawa nuy kwúsuhqa hapi qa nuy kwusut, nuy añqw pēw táviyqat kwúsuni.

38 ¶ Noqw John lavaytiqé pañqaw: Moñwi, itam hakiy uñnatñwaniy aw yankañw nūnukpantuy ípwan-taqw aw yórikya, nikañw pam qa itámuñki, noqw itam put mēwaya, qa itámuñk-niqw ōviy'o.

39 Noqw Jesus pañqaw: Uma qa mēwantotani, pi soon hak haqam sino inátñwaniy aw yankañw kātataypit hín-tsakqa nuy pāysoq qalomá-yuaatani.

40 Pi i' qaitámuñpēwiwtaqa itámumniñwu.

41 Pi nāphaqawa inátñwaniy aw yankañw, paysoq pi uma Christ himúmatniqw, ōviy umuy kuyápkuyit híkw-naqat, pas antsa nu umu-



mi pañqawni, pas soon pam ahsatiy kwayhni.

42 ¶ Pu kurs nāphaqawa imuy tsātsakwmuy haqáwat inumi túptsiwni'taqat unánwyat hoválaqat, tátam put kwápkaqé mata hāyiltiqw wuhkovatuphamiq tūviwhq, pam pantaqa put enēm pay násèwni.

43 Pu kurs uhma uhunañway hoválaqw, um put ayo' tókuni; paypi um tátam qapasíwkañw qatsit aw pakini, híkispí as um lōqmuy máikañw qōhit siviýpit, it qōhit pas qa tōkiwniqat aqw pákini.

44 Pēp pumuy āhuam pas qa mokñwu piw qōhi qa tōkiwnwu.

45 Pu kurs uhkuku uhunañway hoválaqw, um put ayo' tókuni; paypi um tatam nōkwiiwkañw qatsit aw pakini, hikispí as um lōqmuy kúhkuikañw qōhit siviýpit, it qōhit pas qa tōkiwniqat aqw tūviwni.

46 Pēpēq pumuy āhuam qa mokñwu piw qōhi qa tōkiwnwu.

47 Pu kurs uhposi uhunañway hoválaqw, um put ayo' hórōknani; paypi um tatam sūkw pōsi'kañw Susōqaltutuyqawhíqat moñwtunatyayaw pákini; híkispí as um lōqmuy pōsi'kañw qōhit siviýpit, it qōhit pas qa tōkiwniqat aqw tūviwni.

48 Pēpēq pumuy āhuam pas qa mokñwu piw qōhi pas qa tōkiwnwu.

49 Pi sóhsoyam qōhit akw suhútiwyani, pu sohsoy hómōyi ōñat akw suhútiwni.

50 Pay as ōña lolma, nikañw kurs ōña suhúviwhq, ya sen uma hiýta akw put suhútotani? Uma suhúpkiwyunwni, nen qa nānami hin unánwaiyūnwni.

## 10. QALÁLNI

1 Pu pam pañqw nákwసుqé pu Jordant yúpqöyvéq tutskwat, Judeat qalávoqw pitu. Noqw sinom piw aw nátsvalaya, noqw paypi pam pāntiñwuniýqé piw pumuy tutúqaynativa.

2 Noqw Pharisee-sinom put aw ōkiýqé put unáhevi'kañkañw tūviñtotaqé aw pañqaqwa: Ya tāqa nōmay mātaphiniqw, pam súanta?

3 Noqw pam pumuy hu'waqé amumi pañqawu: Ya Moses hin umúmi tutápta?

4 Noqw puma pañqaqwa: Pay hak nāmataptutuventat pu put hōnamantaniqat Moses nákwha.

5 Noqw Jesus hu'waqé amumi pañqawu: Pay pi umuy anáhaat unánwaiyūñqw ōviy Moses umúñēm it tutávot pēna.

6 Nikañw pi sohsoy hiýta yukíwyūñqat yáyniwhpuyat añqaqw Susōqaltutuyqawh-

qa pumuy tāqat nit pu wúh-tit yuku.

7 Yaniqw hapi ōviy tāqa nay pu yuy pumuy mātapť nōmay aw hūrstimantani;

8 Noqw puma lōyōm sūka tókōmantani, noqw ōviy puma pāpu qa lōyōm nit pāpu sūka tókōniñwu.

9 Noqw paniqw ōviy hapi Susōqaltutuyqawhqa hiyťa namítskaqw, put sino pas qa nahóyťapni.

10 Noqw put aw nána-tuwnayaqam áhpavé pay piw nāto put tūviñtota.

11 Noqw pam pumuy amumi pañqawu: Nāphaqawa nōmay mātapť piw sukwat amum qatúptuqa, tokot ép nāuuyqéy akw put aw qaántimantani.

12 Pu kurs wuhti koñay mātapť piw sukwat amum qatúpté', pam tokot ép nāuuymantani.

13 ¶ Noqw puma tsātsakwmuy put aw tsámvaya, pam amumi híntsanniqat ōviy'ō. Noqw put aw nánatuwnayaqam pumuy tsámvayaqamuy sūmewaya.

14 Noqw Jesus put túwah-qé qayan unañwtiqé amumi pañqawu: Pay uma tsātsakwmuy inúmi nákwahana-yani, nen qa mēwantotani, pi panyuñqamuy hapi akw Susōqaltutuyqawhqat moñwtunatyaať pasiwťa.

15 Pas ansta nu umumi

pañqawni: Nāphaqawa qa tsākw ánkañw Susōqaltutuyqawhqat moñwtunatyaať kwúsuhqa, soon aw pákini.

16 Pu pam pumuy tsöpalawkañw amumi mámatyawkañw pumuy öqálanta.

17 ¶ Pu pam pañqw áhpiyniqw, hak áñqaw wárikiwtaqé put aw tamöťswunupťut put tūviñtaqé pañqawu: Lólma Moñwi, ya nu hiyťa hinté' qaso'taqat qatsit mákiwni?

18 Noqw Jesus put aw pañqawu: Ya um hinoqw nuy lólmalawu? pi qahak lolma, pas sūkaa, i' Susōqaltutuyqawhqa.

19 Paypi um sóonniwhqat tutávot navóti'ta, it'a: Um tokot ép qa nāuuyñi, um hakiy qa nīnani, um qa ūuyñi, um hakiy qa atsátoynani, um uhunátwiy akw hakiy hiyťa qa kwahánani, um unay pu unuy pumuy káptsi'tani.

20 Noqw pam hu'waqé aw pañqawu: Moñwi, pay nu sóhsok iit itsákoy áñqaw an hinma.

21 Pañsat pu Jesus put aw táykañw aw unañwaita; niy-qé pañqawu: Sūkw hiyťa um nāstaa, um áhpiyni, nen um hiyťa himúité' put húyat pu hiyťa himúivaqéy öokiwyayamuy húytani, nen um övéqatsit ép káhakiwat himúitani, nit pu um añqw-

nen nahóyléh̄tsit kwusut inúñkni.

22 Noqw pam put pánqawh̄qat ép qaháhlayti, niyqé unahnwmókiwkañw ah̄piy'o, pam hiyta níyti'taqé õviy'o.

23 ¶ Pu Jesus amúhpa yórikt pu put aw nánatuwna-yaqamuy amumi pañqawu: Pas kaháksinom qatúvosniyqat añ Susöqaltutuyqawh̄qat moñwtunatyayat aw yunni.

24 Noqw put aw nánatuwna-yaqam put laváiyat ép hin kurs wūwaya. Noqw Jesus piw pumuy amumi laváytiqé pañqawu: Tsátsayomu, pas káhakiwat aw yányunqam Susöqaltutuyqawh̄qat moñwtunatyayat aw yúniniqw amúnēm qatúvosni!

25 Pay pōlaitaqa tsakómostat añ pórokput añ yámakniqw, pam pantaqa kaháktaqat Susöqaltutuyqawh̄qat moñwtunatyayat aw pákiniqat épniyqé qapas pas hinta.

26 Noqw pah̄sat puma pas tis hin kurs wūwayaqé nānami pánqaqwa: Noqw pantaqw, hak sen ayo yámakni?

27 Noqw Jesus pumuy amumi taykañw pañqawu: Pay sinmuyniqw pas i' kurs-hin pasíwtani, nikañw Susöqaltutuyqawh̄qatniqw qa panta, pi Susöqaltutuyqawh̄qatniqw soh̄soy himu pasíwta.

28 Pah̄sat pu Peter laváy-

tiqé put aw pañqawtiva: Mē, itam hapi soh̄sok hiyta mā-tapyat un̄kya.

29 Noqw Jesus hu'waqé pañqawu: Pas antsa nu umumi pañqawni; pas qahak sino kiy sen pāvamuy tupkomuy sen qōqamuy siwámuy sen nay sen yuy sen mōmay sen tímuy sen tūtutskway inútsviy nikañw pu lomātuawit átsviy mātapqa,

30 Qa pu' pay tsivotsikip sunátsikis hóyokiwtaqat kīkihut himúivani, pu pāvamuy túpkomuy, qōqamuy siwámuy, pu yumuy pu tímuy pu tūtutskwata, okíwsahsanpit enaña; pu sup qatsit nātoniqat ép qaso'taqat qátsita.

31 Nikañw kāysiwh̄qam móhti'wisqam núhtuñkyani, pu nuhtuñkyaqam móhti'wisni.

32 ¶ Noqw puma pañ Jerusalemt aqwyā, noqw Jesus móhti'ma; noqw puma hin kurs wūwanwisa; noqw puma maqásnévéq añkya. Noqw pam piw pakwt lōq siykaitaqamuy nāmi tsovalaqé, hin pam híntsanniwniqéy pumuy āwinvaqé,

33 Pañqawu: Mē, itam Jerusalemt aqwyā, noqw Sinot Tiat Susöqaltutuyqawh̄qat awwat súsmomñwituy nikañw pu tutúvenlalwaqamuy amumi noíwni, noqw puma put mokíwuy aw tū-

vayani, nen pu qajew-sinmuy amumi put noáyani,

34 Noqw puma put aw tutútsiwyani pu put wuváhótani pu aw tóhtotani pu put nínayani, pu payístalqat ép pam áhoy tátayni.

35 ¶ Noqw James niqw pu John, it Zebedeet tiyótimat, put awniyqé pañqawu: Moñwi, um as itamuy hin nāwaknaqw, put itámunēm pantiniqat itam nāwakna.

36 Noqw pam pumuy amumi pañqawu: Ya hiyta nu umunēm hínitiniqat uma nāwakna?

37 Itam as lolmat uhqatsiy ép haqawa uhputvaqéwat qatuqw pu suhkawa uhsuyvaqéwat qátuniatqat um itamuy hu'wanani.

38 Noqw pay Jesus pumuy amumi pañqawu: Pay uma hiyta ōviy tūvintaqéy qa mātisi'ta. Ya pay uma sen nuy it kuyápkuyit añqw hīhikwqat añqw hīkwniqé ōviy'o? Pu it kuyit akw tuvóylat nuy akw tuvóylatiqat akw tuvóylatiwniqé ōviy'o?

39 Noqw puma put aw pañqawu: Pay itam soon qa pántini. Pu Jesus pumuy amumi pañqawu: Pay uma it kuyápkuyit nuy añqw hīhīkwqat soon qa añqw hikwni, pu it kūyit akw tuvóylat nuy akw tuvóylatiqat, uma soon qa akw tuvóylatiwni.

40 Nikañw ipútvaqéwat pu isúyvaqéwat haqawa qátuniatqat, qa nú put pántaqat hakiy máqani, nikañw ason pay imuy hakímuy amúnēm pam na'sastiwhq, pumuy amumi pam noíwni.

41 Noqw puma pakwtñiyqam put nanáptaqé pay Jamest nit pu Johnt pumuy amumi pas qayan unánwtoti.

42 Noqw pay Jesus pumuy wánwayqé amumi pañqawu: Paypi uma navóti'yuñqw, qajew-sinmuy amumi moñwiwyuñqam pumuy amumi tutúyqawya, pu pumuy añ pas pávanyaqam pumuy ōqálay nánvotnatiwisa.

43 Nikañw umúhpé qa pántani; nikañw haqawa umúñaqw pas pávanniaqam pam unánwtavi'taqani.

44 Pu haqawa umúhpé pas súsmohpéqniqa sohokmuy tūwikiamni.

45 Pi pay Sinot Tiat qa aw u'nañwtaviwniqé ōviy pitut, nuhtumi u'nañwtapniqat pan'i, pu kāysiwhqamuy sivíamniqé ōviy qatsiy tavi-niqéé.

46 ¶ Pu puma Jerichot aw ōki, noqw pam put aw nānatuwnayaqamuy nikañw pu kāysiwhqamuy sinmuy amumum Jerichot añqw áhpiyniqw, hak qapóstalqa Bartimaeus, Timaeust tiat, pōhut qalávé qatúkañw hiyta tún-laita.



47 Noqw pam Nazaretht aňqw Jesusniýqat navótqé pu paňsat tsa'lawhqe paňqawu: Jesus, David tiata, um nuy ökwatuwni!

48 Noqw wūhaqniýqam put mēwayaqé pay qa hínqaw-lawniqat aw paňqawu, noqw pay paňsat tis pas pam pavan paňqawlawu: David tiata, um nuy ökwatuwni!

49 Noqw Jesus wunúptut put wánwayyaníqat paňqawu, noqw puma qapóstalqat wánwayaqé aw paňqawu: Um háhlayni, wunúptuu, uň wánqaylawu.

50 Noqw pam úsiy ayo'haqami tūvat wunúptut Jesust aw pitu.

51 Noqw Jesus laváytiqé put aw paňqawu: Ya nu uň hínsanníqat um nāwakna? Noqw qapóstalqa put aw paňqawu: Tutuyqawhqa, nu as ivósiy tálawnani.

52 Noqw Jesus put aw paňqawu: Yupa, pay uhtuptsiwni uň powáta. Noqw paňsat pay pam pōsiy tálawnaqé paňpiy pay pōnawit Jesust aňki.

### 11. QALÁLNI

1 Noqw puma Jerusalemt aw háykalayaqé, tūkwit Olivét ép Bethphaget nit pu Bethanyt pumuy aw ökiqw, pam löqmuy put aw nánatuwnaqamuy ayátaqé

2 Amumi paňqawu: Uma

umúpyevé kitsókit awni, nen uma panis ép paké', uma ha-pi moróhyat, pas nāto qahisat hak aqw wúpqat, sómiwtaqat tuwani; uma put naht aňqw wíkni.

3 Pu ason kurs hakiy umumi hínqawé', Ya uma hinoqw yántsaki? kitaqw, uma Tutuyqawhqa put háqni'taqat, aw paňqawni. Noqw paňsat pay pam put aňqw lālayni.

4 Pu puma áhpiyniýqé iyp hötsíwhpé pōnálsivé moróhyat sómiwtaqat tuwa, niýqé puma put nāha.

5 Noqw haqawat pēp hónqam pumuy amumi paňqawu: Ya uma hínsakqé moróhyat nānaha?

6 Noqw puma, hin Jesus pumuy amumi tutáptaqat, pumuy amumi paňqawu. Noqw pay puma pumuy mātapya.

7 Pu puma moróhyat Jesust aw wíkwat, pu yūwsiy put aqw áhpata, noqw pam put aqw tsokílti.

8 Pu kāysiwhqam yūwsiy pōnawit puhímnayaqw, pu pētu himútsotskit nāntaqayatsáhqayaqé put pōnawit áhsaqalaya.

9 Pu ima móhti'wisqam niqw pu amúnkyaqam tsa'tiwisqé paňqawwisa: Nam ayonōňakiwniqa aníwhiti; Pas Tutuyqawhqaqat tuñwniyat aň pitútoqa, hahlaypit ép'é!

10 Nam itánay David moñwtunatyat Tutuyqawh-

qat tuñwniyat añ pitútoqa hahlaypit ép'è; Nam ayonõ-nakiwniqa aníwhtii; Súsovèq-niýqa!

11 Noqw Jesus Jerusalemt aw paki, pu Susöqaltutuyqawhqat kiyat aw'i, pu pam ép sohok hiýta añ yorikt, pay pas hísatniqíwtaqw, pam pakwt lōq siýkaitaqamuy amumum pañqw Bethanyt aw'i.

12 ¶ Pu qavónvaqw pumuy Bethanyt añqwyaw, pam tsõnmoki.

13 Niýqé pam nõnvospalù-yit náhpi'taqat yāvoq tú-wahqé aw'i, nāphisat sen hiýta ép túwaniqé õviy'o; niýqé pam aw pítuhqé qahiýta tuwa, nahpiyat saa; nāt nõnvospala hisat aníwhti-nwuniqw qa aw pituqw õviy'o.

14 Noqw Jesus laváytiqé aw pañqawu: Pay yáhpiy pas qahak hisat uñaqw hiýta nõsni. Noqw put aw nána-tuwnayaqam put nanápta.

15 ¶ Pu puma Jerusalemt aw öki, noqw Jesus Susöqaltutuyqawhqat kiyat aw paki, niýqé pahsat pu ép húhyaya-kañw hiýta túhtuiyaqamuy pañqw ipwantiva, pu sivat híntsatskaqamuy húhyan-piyamuy takúmnata, pu imuy höviýtuy húhyayaqamuy átsvewayamuy píwu;

16 Niýqé pas hakiy Susöqaltutuyqawhqat kiyat añ

haqami hiýta yáwmaniqw pas qanákwaha.

17 Noqw pam tütutuqay-naqé pumuy amumi pañqawu: Pu yaw qa yán péita: Iki hapi sohokmuy hiýtuy sinmuy amúhpiy nawákin-pikihu, yan túñwantiwni? Noqw pi uma put uýiñwtüy kivátoynaya.

18 Noqw tutúvenlalwaqam niqw pu Susöqaltutuyqawhqat awwat súsmomñwit put nanáptaqé, hin put nínayaniqéy hēvi'yuñwa, puma put mámqasyaqé õviy'o. Pi soh-soyam sinom put tutuqay-piyat aw kātayuñqw, õviy'o.

19 Pu táпкиqw pam pañqw kitsókiñaqw ahpiy'o.

20 Pu qavónvaqw puma añqyaqé nõnvospaluyit ñay añqaw lākiwtaqat tutwa.

21 Noqw Peter u'naqé put aw pañqawu: Moñwi, mé, ura um nõnvospaluyit qahíytataqw, kurs pam lāki.

22 ¶ Noqw Jesus hu'waqé pumuy amumi pañqawu: Uma Susöqaltutuyqawhqat qa pēvewnayani.

23 Pi pas antsa nu umumi pañqawni, nāphaqawa it tük-wit aw, um náhlakt pu wúh-kovatuphamiq túviwni, kitat, pas unáñwpéq qa pēvewnakañw pas hin laváytiqat soon qa ántiniqat túptsiwni'taqw, pam nāphiýta õviy tū-viñté' soon put qa himúivamantani.

24 Paniqw òviy nu umumi pañqawni: Nāphiyta uma nānawakné' uma tūvintoté', soon qa òmáhtotaniqéy tūptsiwni'yuñwé', soon uma qa òmáhtotamantani.

25 Pu uma hónkahkañw nānawakné', hakiy aw hiyta ép hinyuñwé', aw put qé'watotamantani, noqw òvéqatsit ép Umúna qátuhqa umúhqa-antipuy ép piw umúmi qé'-watamantani.

26 Nikañw kurs umuy hakiy aw qa qé'watotaqw, soon piw òvéqatsit ép Umu-na qátuhqa umumi umúhqa-antipuy qé'watamantani.

27 ¶ Pu puma piw Jerusalemt aw òki, nòqw pam Susòqaltutuyqawhqat kiyat ép wáynumqw, ima Susòqaltutuyqawhqat awwat súsmom-ñwit niqw pu tutúvenlalwaqam niqw pu wūwuyom put aw òki.

28 Niýqé aw pañqaqwa: Ya um hakiy òqálayat aw yankañw iit híntsaki, puyaw hak uñ iit híntsakniqat aw uñ it òqálmaqa?

29 Noqw Jesus hu'waéq amumi pañqawu: Pay nu piw kurs tuwat umuy sūkw hiyta tūvintani, noqw put uma nuy āawnayaqw pu nu, hiyta òqálat awyánkañw iit híntsakqéy, umuy āawnani.

30 I' kuyit akw tuvóyla, Johnt áhpiyniýqa, ya pam

òvéqatsit añq'ò, sen sinmuy amúhpiy'o? Uma nuy āawnayani.

31 Noqw puma nānap put wūwantotaqé pañqaqwa: Pas ka itam, pay òñaq'ò, kitótaqw, kurshin pam qa pañqawni, noqw ya hinoqw pán-taqw, uma qatūtuptsiwa?

32 Nikañw pi ka itam, Pay sinmuy amúhpiy'o, kitótaqw, piw pi puma sinmuy mām-qasya, pi sohsoyam Johnt pas antsa Susòqaltutuyqawhqat enēm yuáataqaniýqat pan put hárukni'yuñwa.

33 Noqw puma hu'wayaqé Jesust aw pañqaqwa: Kurs itam hin pañqaqwani. Noqw Jesus hu'waqé amumi pañqawu: Pay nu soon piw hiyta òqálat aw yankañw iit híntsakqéy umuy āawnani.

## 12. QALÁLNI

1 Pu pam pañsat pumuy amumi hiyta ányuñqat akw yuáativa. Hak tāqa òvat ūya, nit pu aw nōyaknat pu òvat pālayat enēm haqam qölōtat pu wupákitat, pu ováuyit tumálaiyuñqamuy amumi put mātapt pu yāvoq tútskwamiqhaqamii.

2 Pu kwáñwtinisavotiqw pam ováuyit tumálaiyuñqamuy amúmiq tumálâyay hōna, tumálaiyuñqamuy amúñaqw ováuyit aníwniyat òmáhtotaniqw òviy'o.

3 Noqw puma put nuáyaqé

a'nō hintsatsnat qahíyta hín-maqat hōnaya.

4 Pu piw pam sukwat tumálàyat pumuy amumiq hōna, noqw put puma tatátup-yaqé qōtōyat tūhototat, hāmānhintsatsnat hōnaya.

5 Pu piw pam sukwat amumiq hōna, noqw put puma nīnaya; Pu piw wūhakniyqamuy pētuyu, haqawatuy wuváhtinumya pu haqáwatuy qōqya.

6 Noqw pu ōviy pam it tiyó-tiy sa, pas awunānway akw-sinnagé, pu put pam nuhtuñk piw pumuy amumiq hōna, pañqawkañwo: Pay puma itiy soon qa káptsitotani.

7 Noqw pay puma ováuyit tumálaiyuñqam nānami pañqawwa: I' hapi nay ákpétanīqa, taay, itam nīnayani, noqw himu aw noíltinīqa itáhhimuniwhīni.

8 Pu puma put nuáyaqé nīnayat ováuyit añqw qalávohaqami tūvaya.

9 Taay, noqw sen ováuyi'taqa it ép híntini? Pay pam pité' ováuyit tumálaiyuñqamuy kīqōtani, nit pu ováuyit pas pētuy amumi nóani.

10 Noqw ya uma it péitaqat qahísat añ tuñwáya: Ima kilalwaqam it owat qahímu-yaqw, pam túyqaatniwhīti:

11 I' Tutuyqawhīqat tumá-laatniyqé itámutpik kāta-taypi, it'a?

12 Noqw puma as put nuá-

yanīqéy ántotikañw piw sin-muy māmquasya. Pi suyan pi pam it hiyta ántaqat akw laváytiqé pumuy amumiq hínqawhīqat puma māmats-yaqé ōviy'o, niyqé pay puma put mātapyat áhpiya.

13 ¶ Pu puma haqáwatuy Pharisee-sinmuy nikañw pu Herod sinómuyatuy enañ put aw hōnaya, laváiyat ép put kwísnayaniqat ōviy'o.

14 Noqw puma ōkiyqé aw pañqawwa: Moñwi, itam navóti'yuñqw um pas qaátsa, piw um qahákiy pas híytalawu, pi um sinmuy hin láiyuñqat qakáptsi'kañw pas qaátsáikañw Susōqaltutuyqawhīqat tuwíyat tūtutuqaynaqéé. Ya itam moñwit aw sívit o'-yanīqw, pam suanta sen qa súanta?

15 Sen itam maqáyaman-tani sen pay qa maqáyaman-tani? Noqw pam pumuy pāysoq híntsatskaqw amumi mātsi'taqé amumi pañqawu: Ya hinoqw uma nuy unáhevi'yuñwa? pèw denariont yāwisq, nu aw yórikni.

16 Noqw puma put kwusí-vaya. Noqw pam pumuy amumi pañqawu: Ya hak ép péita, pu añ pēni hakiy himú-ata? Noqw puma put aw pañqawwa: Pay moñwita.

17 Noqw Jesus pumuy hu'-waqé amumi pañqawu: Uma moñwit hiyta himuyat moñ-wit aw noáyani, nit pu Sus-



öqaltutuyqawh̄qat hiýta himúyat Susöqaltutuyqawh̄qat aw noáyani. Noqw puma put aw kätayun̄wa.

18 ¶ Pahsat pu ima Saduce-sinom, ahoy yésvaniwniqat qaháqamniýqat pañqawaqam put aw öki, niýqé put tūvin̄totaqé pañqawa:

19 Moñwi, Moses itámumi yan pēna, Kurs haqawat pāvaatniqa sen tūpkoatniqa mōké nōmay náhkwayñap mātapt, qatímuikañwniqw, put pāvaatniqa sen tūpkoatniqa put nōmayatmantani, nen put enēm póshumtamtani.

20 Noqw ura hakim tsánē'niýqam nānatupkom as yēse; noqw móhti'maqa as nōmatat qa ti'kañw mōki.

21 Noqw añkniýqa put amum qatúptut qapóshumtat, pay mōki; noqw pu piw añkniýqa, put akw pu pāhyomtiq, piw pay amúnti.

22 Noqw puma tsánē'niýqam as put nōmaivayat qapóshumtota; noqw nuhtuñk pu wuhti tuwat mōki.

23 Noqw öviy ahoy yésvaniqat ép pumuy ahoy tāta-yaqw, himúwat pumuy pam nōmaatni? Pi puma tsánē'niýqam put nōmaivaya.

24 Noqw Jesus hu'waqé amumi pañqawu: Ya uma tutúvenyukit nikañw pu Susöqaltutuyqawh̄qat öqálayat

qatuwi'yun̄qé, ya qa paniqw aw qa suan wūwaya?

25 Pi puma mokiñwuy añqw tātayé, qanānōmalalwani pu piw qa nānōmatotoynayani, nikañw puma Susöqaltutuyqawh̄qat hōñviaymuyatuy, övéqatsit épyaqamuy, amún-yun̄wni.

26 Pu imuy so'qamuy ahoy yésvaniqw, ya uma Mosest tutúveniyat ép it qa tuñwá-ya? Mē ura himútskit añqw Susöqaltutuyqawh̄qa put aw yuáaykuqé pañqawu: Nu hapi Abrahamt Susöqaltutuyqawh̄qaata, pu piw Isaact Susöqaltutuyqawh̄qaata, pu piw Jacobt Susöqaltutuyqawh̄qaata?

27 Pi pam qa so'pumuy Susöqaltutuyqawh̄qaamu, nikañw pi imuy yésqamuyu, noqw paniqw öviy uma pas qahin aw suan wūwaya.

28 ¶ Pu haqawa tutúvenlawh̄qa pítuñqé pumuy hiýta yuáatotaqw navóta, noqw pas pam pumuy qa öwíhu'waqw, navótgé pu put tūvin̄ta: Ya soh̄sok tutávot amúñaqw himúwa pas sús-pavani?

29 Noqw Jesus put hu'waqé aw pañqawu: Soh̄sok tutávot amúñaqw sús-pavanniýqa hapi íi: Tuqáyvastaa Israel, Nāpnatsviyqatuh̄qa Itáhsusöqaltutuyqawh̄qa pas sūka Nāpnatsviyqatuh̄qa.

30 Noqw um Nāpnatsviy-

qatuhqat Uhsusöqaltutuy-qawhqay aw sohok uhunaway akw unánwaitani, pu sohok uhtäytoynaqay akw'a, nikañw pu sohok uh-wūwniy akwnikañw pu sohok uhöqalay akw'a; i' hapi sūspavanniya tutávo.

31 Noqw ankniya piw anta, Um hin pas nāmi unánwaitaqey, pan um uhsinósñway aw unánwaitani, ii. Pay qahimu tutavo imuy epniyqé pas pavani.

32 Noqw tutúvenlawhqa aw pañqawu: Antsaa moñwi, pas um sūañqawu, pi pay pas sūka Susöqaltutuyqawhqa, pi pay pas qahak piwu, pas pam saa.

33 Noqw sohok unánway pu sohok wūwniy pu sohok täytoynaqay pu sohok öqälāy akw put aw unánwaitaqey, pan sinósñway aw unánwaitaniq, pam pantaqa sohok sūhpankañw táqtsokiwyaqat-oyíwhqat nikañw pu hīhiyta hómōyit epniyqé hōyokiwta.

34 Noqw pam wūwni'taqat pan put aw laváytiqw Jesus navótqé, put aw pañqawu: Pay um Susöqaltutuyqawh-qat moñwtunatyayat añqwa yāpo. Noqw qahak pahpiy pāpu hisat put hiyta tūviñtaniqey ép put aw nātaqkwaha.

35 ¶ Pu Jesus nāto Susöqal-

tutuyqawh-qat kiyat ép tū-tutuqaynakañw laváytiqé pañqawu: Ya hīntaqw öviy tutúvenlalwaqam Christ David tiatniyqat pañqawa?

36 Pi ura David Qahováriwtaqat-Hikwsit akw pas nāp pañqawu: Nāpnatsviyqátuhqa Itútuyqawhqay aw pañqawu, nu uhtuwqamuy uñwuwúkpitoynaniqat aw páhsavo um hāk ipútvaqéwat qátuni.

37 Noqw öviy David hapi pas nāp put Tutuyqawh-qalawu, noqw hīyta áhpiy pam put tiata? Noqw söqávuñwsinom put nanáptaqé háhlaytoti.

38 Pu pam hiyta tutúqaypiy añ pumuy amumi pañqawu: Uma tutúvenlalwaqamuy amúhpé qanāunaiyuñwni, puma hapi wupáyuwsi'kahkañw hínумыаниqéy pas nānawakna, pu kisonaq háhlayiwyaniqēy,

39 Pu tsótsvalkiva pas sūsmohkaqé āatsvewata, pu nōviwhqat añ sūsmohkaqé qeqnita.

40 Puma kónnanalvutuy kikiyamuy sowáwatotakahkañw pu nawípew wūpat nānawaknañwu; ima hapi pas pavan qaöwíhintsaniwyani.

41 ¶ Noqw Jesus sivátatañpit ayánqwat qatúkañw sinmuy páñsoqw sivat öoyaqw amumi täyta, noqw kāysiwh-

qam kaháksinom aqw ný-tiwtatqat tañálalwa.

42 Noqw hak kónnalavu òokiwhqa pítuhqé pu pañsoqw lõqmuy sústsā sivat tūva, puma sumíyankañw nālōs páhsa nen sūka palavotonaniñwu.

43 Noqw pam put aw nána-tuwnayaqamuy wáñwayi, nit pu amumi pañqawu: Pas antsa nu umumi pañqawni, pas i' òokiwhqa kónnalavu imuy sohsokmuy sivátatáñpimi q o'yaqamuy amúhpéníyqé aqw súswuhaq oya.

44 Pi puma pi pay qa rūrumnayaqéy áhpiy pañsoq o'ya, noqw pi i' pas rūrumnakañw sohsok himuy aqw oya, pas hiýta akw qátuhqéy sohsoko.

### 13. QALÁLNI

1 Noqw pam Susòqaltutuy-qawhqat kíyat añqw yámaktoqw, súhka put aw nántuwnaqa put aw pañqawu: Moñwi, mé isùti, pas pavan hínyuñqa o'wa yép pas pavan kíiwyuñwa!

2 Noqw Jesus hu'waqé aw pañqawu: Ya um iit qaánèwakw kíiwyuñqat aw táyta? Pay nāto pas qaháqam owat nátsvé tsokíwkañw ákwsinwqam qa sáhpukiwni.

3 Noqw pam Susòqaltutuy-qawhqat kíyat ayáñqwat, tūkwit Olivét ép qátuqw, Peter niqw James niqw pu

John niqw pu Andrew puma nánaltyakahkañw put tūvintotaqé pañqaqwa:

4 Um hisat iit yaníwhitiniqat kurs itamuy āawnani, pu hisat yāyantaqat ántiniqw, ya himu put tuáwi'tani?

5 ¶ Noqw Jesus pumuy hu'waqé pañqawtiva: Uma tunátyaltotini, taq nāphisat sen hak umuy ūnatoyñani.

6 Pi nāto kāysiwhqam inátñwaniy añ òké' pañqaqwani: Pay nu Christ; nēn kāysiwhqamuy ūnatoyñayani.

7 Pu ason uma añqé naqōyqatsíniwtatqat nánvotyakahkañw pu nāqōytotaqat laváytaqw nánvotyé', uma qahin unáñwtotini, pi pay pāvam pas soon qé'ni, níkañw pay nāto qa pēp so'ñwamiq pituni.

8 Pi híytuwat sinom sup híytuywatuy sinmuy amumum namímamkayani, pu moñwtunatya sup moñwtunatyat amum namímamkani. Pu hāhaqé tutskwa tayáyatani, pu nāto tsōñōsqatsiniwmani pu hihin tsa-wínqaqtsinwani, ii hapi híhiýta qaháhlaypit yáyniata.

9 Níkañw uma nāmi tunátyaltotini, pay nāto puma umuy hāhaqé moñwtsovawtaqamuy amumi noáyani, pu tsótsvalkiva uma wuvímu-yíwyani, pu uma núhtumi tūyqawi'yunqamuy níkañw

pu momñwituy amútpipo tsámvaniwyani, inútsviy'o, noqw pam pantaqa pumuy amúhpéwi tuáwi'taniqat öviy'o.

10 Pu sohókumuy hiytuy sinmuy amumi hapi lomá-tuawi pas soon qa mohti yuáatiwni.

11 Nikañw ason puma umuy tsamyé' nuhtumi umuy noáyaqw, uma qa áñwu pay hiyta yuáaykuyaniqéy tunátyawyuñwmantani, piw uma qa yēwalalwamantani, ason pi aw pituqw, pép umumi himu noíwhqw, put uma yuáaykuyamantani, pi qa uma yuáatotañwu, pi Qahováriwtaqa-Hikwsi-niñwu.

12 Noqw tiyot nātupkom hapi nāmi núkpantiqw himu-wa sukw mokíwuy aw lālay-mantani, pu naat tiyótiyman-tani, pu tímat námuy pu yu-muy amúhpéwhotiq pumuy amútsviy puma nīniwman-tani.

13 Pu inátñwaniy ép soh-soyam umumi qayan unán-waiyuñwni; nikañw so'ñwa-miqhaqami añ kuytaqa hapi ayo yámakni.

14 ¶ Nikañw ason uma ki-qótwit núhtsélèwakwyat, put ura Susöqaltutuyqawhqat enēm yuáataqa Daniel laváy-tiqat, haqam as qé'nikañw pép wúnuhqat tutwaqw, (pay pi añ tuñwantaqa nāmatsni)

pahsat pu Judeat épyaqam túhtukwiva wátqani,

15 Pu kítsóvéqniyqa qa áh-paminiyqéy öviy pañqw hā-hawni, piw qahiýta kiy añqw yáwmaniqéy öviy aw pakini.

16 Pu pásvéniyqa piw qa yūwsiy öviy áhoyni.

17 Nikañw isòkiway, épha-qam imuy nō'yíwyuñqamuy pu yōyoñnayaqamuy amu-nēm isòhini!

18 Noqw qa tömö' uma way-tiniqéy öviy nānawaknani.

19 Pi ép talōñwintiwhqat hapi ép kānavotpini, pas hisat Susöqaltutuyqawhqa soh-sok hiyta yukíwyuñqat yú-kuhqat yáyniyat añqaqw péw páhsavohaqami qahísat panhaqam hiníwhtiqat, pa-n'i, piw soon hisat pánha-qamni.

20 Noqw pas as Tutuy-qawhqa put talōñwintiwhqat qa pélvotaqw, soon hak ayo yámakni, nikañw namórstiw-yaqamuy, hakimuy pam namórstaqw, pumuy amútsviy hapi pam híysakis talōñvani-qat pélvota.

21 Pu ason ép kurs hakiy umumi, mè, yép Christ, sen, mè, pi ayam pam'i, kitaqw, uma qatütuptsiwani.

22 Pi Christyaqéy atsáiyuñ-qam pu piw Susöqaltutuy-qawhqat enēm yuáatotaqéy atsáiyuñqam nāmataqtotani, nēn hiyta tuáwi'yuñqat ni-kañw pu kātataypit híntsats-



kani, kurs pasíwtaniqw, hiki-  
 kspi pas namórstiwyaqamuy  
 qasúan lánayaniqéy öviy'ó.

23 Nikañw uma tunátyalto-  
 tini, mé, nu hapi sohók hiyta  
 umuy áñwu pay áawna.

24 ¶ Nikañw ép talónwin-  
 tiwhqat hapi ép it kánavotpit  
 ánumo pu táwa qatálawvani  
 pu mūyaw qatálawnwaivani.

25 Pu tókpelat añqw sōtu  
 lōhōkni, pu övaqé ö'qala ta-  
 yáyaykuniwni.

26 Noqw pahsat pu puma  
 Sinot Tiyat a'nō öqálaikañw  
 pu lolmat tálawnwaikañw  
 ōomawhtuy akw añqwniqw  
 aw yórikyani.

27 Pu pahsat pam hōnviay-  
 muy hōnani, nēn namóra-  
 muy nalōnanivaqw sūmi tso-  
 vālani, tūwaqatsit súsqala-  
 ñahaqaw tókpelat súsqala-  
 voqwhaqami páhsavoo.

28 ¶ Nikañw uma nōnvos-  
 palüyit hiyta tuáwi'taqat  
 nanáptani, put nántaqaat  
 nāto sákwwsanen náhipi-  
 wisqw, pay tálāñwuy ha-  
 yínwni'taqat uma navóti'-  
 yuññwu.

29 Noqw pan hapi uma iit  
 yāyantaqat hiníwmaqw aw  
 yórikyé', pay hayínwni'taqat  
 uma nanáptani, pay pas  
 hōtsíwhpéqniyqata.

30 Pas antsa nu umumi pañ-  
 qawni: Ima pu'qatsívpatsi-  
 yuñqam soon tūtuwayaqw  
 pay ii sohsoy yaníwhitini.

31 Övéqatsi niqw pu tūwa-

qatsi tūwayani, nikañw ilá-  
 vayi pas soon tūwayani.

32 Nikañw put talōñnit ni-  
 kañw pu haqé qaláwmaq-  
 haqamniqat qahak navóti'ta,  
 pas qae, övéqatsit ép hóhoñ-  
 viayam qa navóti'yuñwa, piw  
 Tiata, pas Naat saa.

33 Uma tunátyawyuñwni,  
 havívakalíwkañkañw nāna-  
 waknani, pi uma hísatniqni-  
 qat qa navóti'yuñwa.

34 ¶ Pi Sinot Tiat it hakiy  
 sinot kiy mātap pu tumál-  
 àymuy öqálmaqat pumuy  
 nānap tumálhuytat hōtsíwat  
 aw tunátyawtaqat tūwalani-  
 qat aw tutáptat pu yāvoq-  
 haqaminiyqat, anta.

35 Paniqw öviy uma haví-  
 vokalíwyuñwni, pi uma hís-  
 taniqw ki'taqat pítuniniqw  
 qa navóti'yuñwa, sen táp-  
 kiqwniqata sen tōkilnasavéq-  
 niqata, sen kowáko tōtōqw  
 páhsatniqwniqata, sen talá-  
 vayniqata.

36 Taq nāphisat sen pam  
 súpté' umuy tókqamuy tú-  
 wani.

37 Noqw nu umumi hín-  
 qawhqé, put nu hapi sohók-  
 muy amumi pañqawu: Uma  
 hapi havívakalíwyuñwi.

#### 14. QALÁLNI

1 Ahpiy lōs talqw añ-ruh-  
 pakiwhqat ép nōviwniqat aw  
 pítuni, pu qa pekénöyvut  
 pōlavikit ép nōnōsaniqat  
 aw'i. Noqw Susöqaltutuy-

qawh̄qat awwat súsmom̄n̄wit  
tutúvenlalwaqamuy amu-  
mum hin as tuhísay akw put  
núáyé' nīnayaniqéy hēptota.

2 Nīkañw pay pañqaqwa:  
Pay qa nōiwh̄qni, taq nāp-  
hisat sen sinom qa namítu-  
qayvéyani.

3 ¶ Noqw pam Bethanyt  
ēpnikañw hakiy tokóplelet  
tūtuyqat Simont kiyat ép  
qatúkañw tūmoytaqw, hak  
wuh̄ti sitsōñ`ōpsivut añ tu-  
sáqwiýkuyit kwánwahiwwaq-  
tuqat a'nō híýkaitaqat kūyi'-  
kañw ép paki, nit pu pam  
sivut yōhat pu put qōtōmiq  
put wūta.

4 Noqw ép haqawat yēsquam  
náhmolnayaqé pañqaqwa:  
Ya hinoqw i' wíýkuyi hovál-  
niwa?

5 Añwu ka as pam pakwt  
tsívat síýkaitasikip sunat de-  
nariont ēpníýqé hóyokiwtat-  
qat ōviy huyiwé', ōokiwyaya-  
muy amumi noíwni; niýqé  
puma put aw qayan unáñw-  
way hínqaqwa.

6 Noqw Jesus pañqawu:  
Pay uma put qa yūyuñna-  
yani, ya uma hinoqw put  
unáñwmokintota? Pam inúh-  
pé lolmat tumálta.

7 Pi uma oókiwsinmuy sú-  
tsép oyíyuñwni, niýqé nāp-  
hisat uma pan unáñwtoté',  
uma pumuy pāsyamantani,  
nikañw nuy uma qa sútsep  
tavi'yuñwni.

8 Pi pay pam hiýta aw

moñwvasniýqéy put panti,  
pam nuy tūamiltiniqat ōviy  
áñwu pay itókoy wílelwi.

9 Pas antsa nu umumi pañ-  
qawni: Pas tūwaqalvoqha-  
qami nāphaqam it lomátua-  
wit yuáatiwh̄qat, ép i' yép  
híntiqat, akw pam u'niw-  
taniqat ōviy pam enañ yuáa-  
tiwmantani.

10 ¶ Noqw Judas Iscariot,  
pakwt lōq siýkaitaqamuy a-  
múñaqw suh̄ka, put aw nuk-  
panté' Susōqaltutuyqawh̄qat  
awwat súsmom̄n̄wituy amu-  
mi put lālayniqé, pumuy  
amumii.

11 Noqw puma put nanáp-  
taqé háhlaytoti, niýqé put  
sívát maqáyaníqéy aw pañ-  
qaqwa. Noqw pam hisat  
nukwánwèwh̄tiqw put núh-  
tumi lālayniqéy hēvi'ta.

12 ¶ Noqw qapekénòyvut  
pólávikit aw pítuh̄qat mohti  
tálni'taqw, ép hapi añ-ruh̄-  
pakiwh̄qat ép mañat nīna-  
yañwuqat ép put aw nána-  
tuwnayaqam put aw pañqaq-  
wa: Ya itam haqámiyé' pēp  
hiýta aw híntsatsnaqw, ép  
um añ-ruh̄pakiwh̄qat ép ma-  
ñat nīniwh̄qat nōsniqéy nā-  
wakna?

13 Noqw pam lōqmuy put  
aw nánatuwnaqamuy pañpiy  
hōnaqé amumi pañqawu: U-  
ma kitsókimini, noqw pēp  
hak kuysivut akw kūyi'kañw  
umúhsawvani, put uma añk-  
ni.

14 Pu ason haqami put pakiqw, uma pēp ki'taqat aw pañqawni: Moñwi pañqawu, ya haqam yeyēspi, pēp nu inúmi nánatuwnayaqamuy amumum añ-ruhpa-kiwhqat ép mañat nīniwhqat nösni?

15 Noqw pam tupátsvéq wukóahpavit, pās hiyta pasíwtaqat pu yukiwtaqat umuy āawnani; pēpēq uma itámuñēm hiyta aw hín-tsanni.

16 Noqw put aw nánatuwnaqam pañqw áhpiy'o, niyqé kitsókivé pítuhqé, hin pam pumuy amumi laváytiqat an yóri, niyqé öviy puma añ-ruhpa-kiwhqat ép hin hín-tañwuat aw pās híntsana.

17 ¶ Pu tapkiqw pam pakwt löq síykaitaqamuy amumum pañsoo.

18 Noqw pumuy yéskah-kañw nōnovaqw, Jesus pañqawu: Pas antsa nu umumi pañqawni, uma haqawa, inú-mum tūmoytaqa inumi nuk-panté' nuy núhtumi lālayni.

19 Noqw pañsat puma qa-háhlaitotiqé pu put aw nánap pañqawu: Ya nu? noqw pu suhkawa piw qañqañwu, ya nu?

20 Noqw pam pumuy hu-waqé amumi pañqawu: Pay pakwt löq síykaitaqamuy amúñaqw suhkawa inumum tsaqáptat aqw mórstoynaqa pam hapini.

21 Pay pi pas antsa Sinot Tiat hin péitayé an hinma, nikañw Sinot Tiat hakiy sinot ahpiy aw núkpantotiwñqw nuhtumi lālayiwñq put enēm pas isòhini, pay as pam pas qa tíytiwñqw, pam put enēm lolmani.

22 ¶ Noqw pumuy nōnovaqw, Jesus pólávikit kwusut ép háhlaitit put yōñoytat pu pumuy put huyta, nit pañqawu: It ömáhtotat nō-nösaa, i' hapi itóko.

23 Pu pam kuyápkuyit kwusut, pu put ép kwákw-hatat pumuy amumi put tavi, noqw puma sohsoyam put añqw hikwya.

24 Pu pam pumuy amumi pañqawu: I' hapi puhúvasiwnit ép iúnwa, kāysiwhqamuy amúnēm múnvaniwhqa.

25 Pas antsa nu umumi pañqawni: Pay nu soon pāpu ováuyit aníwniyat añqw hikwni, ason pas nu Susö-qaltutuyqawñqat moñwtunatyayat ép put pūhut híkwniqéy páhsavoo.

26 ¶ Pu puma tayáwinpit tuñwáni'yuñqat tāwit tāw-lalwat tūkwit Olivet aw nōña.

27 Noqw Jesus pumuy amumi pañqawu: Pu hapi míhiqw uma sohsoyam inútsviy unáñwso'ni, pi pay ura pan péita: Nu kanélmuy amumi tunátyawtaqat wuváhtani, noqw kanēlom áhtsavalni.

28 Nikañw ason nu ahoy tātayé' nu hapi añwu pay umúpyevé Galileet aqwni.

29 Noqw Peter put aw pañqawu: Paypi as nāmahin sohsoyam unánwmokyani, nikañw soon nu pantini.

30 Noqw Jesus put aw pañqawu: Pas antsa nu ūmi pañqawni, pay pu' it talōñvaqat ép pay pu mihiqw nāto taqá-kowako qa lōs tōqtiqw, um pāyis nuy qanákwhani.

31 Noqw pay pahsat pam pas qa tusi'kañw pañqawu: Pay nāmahin pi as kurs nu umum móknikañw pas soon nu un qanákwhani. Noqw puma sohsoyam piw put an laváytoti.

32 ¶ Pu puma haqami Gethzemane-matsiwhqat aw öki, noqw pam put aw nānatuwnayaqamuy amumi pañqawu: Uma hāk inúhsavo yép yēsqw, nu nāwaknani.

33 Pu pam Petert nit pu Jamest nit pu Johnt pumuy tsāma, niyqé pahsat pu pam pas hin unánwti, pu pās öqálmañui,

34 Niyqé pumuy amumi pañqawu: Pas itāytoynaqa mokíwuy aqw pitsíwtaqat pan qaháhlayi, hāk uma yépyani nēn havívokaliw-yuñwni.

35 ¶ Pu pam ahpiy híysavo yūmo nit pu tútskwami mú-nukt pu nāwaknaqé, kurs pay him pasíwtaniqw, pay

tuwáni put ahpiy rúhpakni-qat pañqawu.

36 Niyqé pam pañqawu: Abba, Inaa, paypi unniqw qahimu qa pasíwta, um it kuyápkuyit inúhpiy ayo'haqami híntsanni, nikañw pay qa itúnatyay antat pay uh-tunatyay antani.

37 Pu pam amúminiýqé pumuy tokqamuy tuwa, niyqé Petert aw pañqawu: Simon, ya um pūwi? Ya pas um soon tāwat sūs qöníltiniqat pah-savo havívokaliwtani?

38 Uma havívokaliwkañkañw nānawaknani, taq nāphísat uma unáhéppit aw ökini. Pay as hikwsi pas antsa su'qawta, noqw toko qa öqála.

39 ¶ Pu piw pam áhpiy-niyqé nāwaknaqé, pay piw an yuáayku.

40 Pu pam ahoy ép pítuñqé piw pay pumuy tókqamuy tuwa, puma púwmañuiw-yuñq öviy'o, piw puma put aw kurs hínqaqwani.

41 Pu pam payísni'ma-kañw pítuñqé amumi pañqawu: Paypi uma tokni nēn nānasuñwnani; hapi, tuwanit hapi aw pitu, mè, Sinot Tiyat hapi aw núkpantotiwhq pam qaánhinwisqamuy mápqöl-miq noíwa.

42 Hoñvaa, itam áñwuyani, mè, pay inumi núkpantiqé nuy núhtumi lālayniqa pēw pitsíwta.



43 ¶ Noqw pahsat pay nāto put yuáataqw, i' Judas, imuy pakwt lōq siýkaitaqamuy amúñaqw suhkawa, pitu; noqw qaánewakwhintaqam sípwuvalhpi'kahkañw pu muríkhoikahkañw amum öki, imuy Susöqaltutuyqawhqat awwat súsmomñwituy nikañw pu tutúvenlalwaqamuy nikañw pu wūwukw-muy amúñaq'ö.

44 Noqw i' put aw núkpan-tiqé nuhtumi lālayqa pumuy amumi tuwántaqé pañqawu: Nu hapi hakiy tsóhtsonaqw pam hapini, put uma nuáyani nén qaöwíhintaqat wíkyani.

45 Noqw panis pam ép pitut pay yūmosa put awniýqé pañqawu: Moñwi, moñwi, kitat, pu put tsóhtsona.

46 Pu puma put aw máiyuñqé put nuáya.

47 ¶ Noqw pumuy pép hónqamuy amúñaqw haqáwa sípwuvalhpiy hóróknaqé Susöqaltutuyqawhqat awwat súsmomñwit tūwikiyat wuvalh-taqé náqvuyat ayo' tuku.

48 Noqw Jesus laváytiqé pumuy amumi pañqawu: Pu yaw uma hiýta uyínwut éhpewi nánkwusaqé öviy sípwuvalhpi'kahkañw pu muríkhoikahkañw nuy wíkwisa?

49 Pi nu nāqavo Susöqaltutuyqawhqat kíyat ép umumum hínnunkañw tūtutuqayna, noqw uma nuy qa

nuáya; noqw pay pi tutúvenyukit soon qaántini.

50 Noqw puma sohsoyam put tatámtotat pu wátqa.

51 Noqw hak tiyo qayūwsi'-kañw tusáqtontsatsakwmötsaput uskañw put añki, noqw tōtim put nuáyaqw,

52 Pam tusáqtontsatsakwmötsaput mātapt qayūwsi'-kañw amúñaqw wāya.

53 ¶ Pu puma Susöqaltutuyqawhqat awwat móhpép moñwit aw Jesust wíkyá, noqw sohsoyam Susöqaltutuyqawhqat awwat súsmomñwit put amum tsováwta, pu wūwuyom niqw pu tutúvenlalwaqamu.

54 Noqw Peter Susöqaltutuyqawhqat awwat móhpép moñwit kíyat íypoviyat aw pahsavo yāvahaqaqw put añki, nit pam tūtuwiktuy amumum qatúkañw qōhit aw nāmukinta.

55 Noqw Susöqaltutuyqawhqat awwat susmomñwit niqw pu sohsoyam mónwtsováwtaqám Jesust nīnayaniqéy öviy hiýta lavayit put éhpéwniýqat as héptota, nit qahiýta tutwa.

56 Pi kāysiwhqam as put hin atsátotoynayaqw, laváyiam qa sunanyuñqw öviy'o.

57 Noqw haqáwat hoñvaqé put hiýta atsátotoynayaqé pañqaqwa:

58 Itam it aw tūqayyuñqw, pañqawu: Nu it Susöqaltu-

tuyqawhقات kīyat, sinmuy māyamuy akw yukiwhقات sáhpuknat, pu pāyis tālat añ nu súkwat pas qa sinmuy māmamayamuy akw yukiwta-qat kītani.

59 Noqw piw pay pumuy laváyiam qa súnanyuñwa.

60 Pu Susöqaltutuyqawhقات awwat móhpéq moñwi pumuy amúhsonvéq wunúptut, pu Jesust tūvintaqé aw pañqawu: Ya um pay pas qa hínqawni? Puyaw hiyta ima uhépewi yuáatota?

61 Noqw pam qa hínqawhqué qahinwat laváyti. Pu piw Susöqaltutuyqawhقات awwat móhpéq moñwi put tūvintaqé aw pañqawu: Ya um Christ, it háhlaypit épniyqat Tiat?

62 Noqw Jesus pañqawu: Nu pam'i; noqw uma ason Sinot Tiyat öqálat pútvaqé-wat qátuhقات tútwni, pu öñaqw öomawhtuy añ háwtoqata.

63 Pahsat pu Susöqaltutuy-qawhقات awwat móhpéq moñwi yūwsiy tsikat pu pañqawu: Ya hínöqw pas piw nāto pētu put hin tsokánayani?

64 Pi uma it Susöqaltutuy-qawhقات qahíytataqw, nānpta. Ya uma hin wūwaya? Noqw puma sohsoyam put mokíwuy hiýkaivaqat pañqawaqé put qahíytatota.

65 Pahsat pay haqawat put

aw töhtivaya, pu táywayat nākwapnayay pu māy põlőwyuñqat akw put wuváhtivaya, pu aw pañqawu: Itamuy somátsaawnā! Noqw tūtuwikt mápqölöy akw put wuválalwa.

66 ¶ Noqw Peter pēp moñw-kit átkaniqw, Susöqaltutuy-qawhقات awwat móhpéq moñwi tuwíkmānmuyatuy amuñaqw hímúwa pitu

67 Niýqé pam Petert nāmukintaqw túwahqué aw tāy-numt pu pañqawu: Pu um piw ura Jesust Nazaretht añqwniýqat amuma.

68 Noqw pam qanákwhaqé pañqawu: Pay nu qanavóta, piw kurs um hínqawu. Pu pam íykaqé tönwiýkaitaqat aqw yama, noqw taqákowako töqti.

69 Noqw hak māna tūwiki piw put túwahqué, pahsat pu ép hoñqamuy amumi pañqawu: I' pumuy amúñaqwvi.

70 Noqw piw pay pam qanákwha. Pu hihin híysavoniqw, ima ép hoñqam Petert aw piw pañqawu: Pay pi um pas amúñaqwvi, öviypi um Galilee-sino, öviypi uhlaváyi panta.

71 Noqw pahsat pu pam pas qalomáyuáaykukañw pu pas öqálat laváytiqé pañqawu: Pay nu it hakiy umuy yuáatotaqat qatuwi'ta.

72 Pu piw taqákowako töq-

ti. Noqw pahsat pu Peter, Jesus put aw hin laváytigat, u'na, ura pañqawu: Nāto taqákwako qa lōs töqtiqw, um nuy pāyis qanákwhani. Noqw pam put añ wūwaqé pu paklawu.

### 15. QALÁLNI

1 Noqw qavónvaqw talávay ima Susöqaltutuyqawhqat awwat súsmomñwit qa sōwuyat pay wūwukwmuy nikañw pu tutúvenlalwaqamuy nit pu sohokmuy moñwtsováwtaqamuy amumum hin hínitaniqat yuáaykuyaqué pu Jesust sómyat áhpiy wíkyaqé, Pilate aw put noáya.

2 Noqw Pilate put tūvintaqué aw pañqawu: Ya um Jewsinmuy moñwíam? Noqw pam put hu'waqué aw pañqawu: Pay panta.

3 Noqw Susöqaltutuyqawhqat awwat súsmomñwit hihin put tsótskanaya, noqw pam qahínqawu.

4 Pu Pilate piw put tūvintaqué pañqawu: Ya um pay pas qahínqawni? Mé ima hīhiyta ulhpéwi yuáatota.

5 Noqw piw nāt Jesus pas qahínqawu, noqw öviy Pilate hin kurs wūwa.

6 Noqw put nōviwhqat ép pam haqawat sivílawhqat pumuy amumi mātapñwu, nāphaqawat pumuy nānawaknaqw, put'a.

7 ¶ Noqw hak Barabbas, yan mātsiwhqa, imuy mómñwituy amumi put amum rohómtotiqamuy amumum sómiwta, pam pumuy pántotiqat ép pas tunátyawkañw hakiy nīnaqa.

8 Noqw qaánewakwhintaqam a'nō hínqaqwaqué, pahsat pu pam hin pumuy yukúnañwuqéy an piw hínitaniqat put aw ö'qalya.

9 Noqw Pilate pumuy hu'waqué amumi pañqawu: Ya nu Jewsinmuy moñwíyamuy umumi mātapniqat uma nānawakna?

10 Pi suyanpi Susöqaltutuyqawhqat awwat súsmomñwit unáñwtuyat akw put pút aw noáyaqat pam mātsi'taqé öviy'o.

11 Noqw pay pam Barabbastwat pumuy amumi mātapniqat öviy pánwat ima Susöqaltutuyqawhqat awwat súsmomñwit sinmuy unāñwtoynaya.

12 Noqw Pilate hu'waqué piw amumi pañqawu: Noqw nu it, hakiy uma Jewsinmuy moñwiamniyqat pañqaqwaqat, hínstanniqat uma nānawakna?

13 Noqw piw puma aw sáakmaqé pañqaqwa: Nahóy-léhtsit aw múaa!

14 Pahsat pu Pilate pumuy amumi pañqawu: Ya hīnoq'ö? Ya hiyta pam qalomáhinti? Noqw pahsat puma tis

pas a'nö sáakmaqé pañqaq-wa: Nahóyléhtsit aw múaa!

15 Noqw öviy Pilate sin-muy unánwvèniqéy öviy pan unánwtiqé amumi Barabbast mātavi, nit pu Jesust wuváhtat nahóyléhtsit aw muíwniqat öviy amumi mā-tavi.

16 ¶ Pu solāwam put pavá-siwḥkimi, Praetorium yan mātsiwḥqat, aw wíkya, nit pu puma soh sokmuy tōnaw-taqamuy solāwamuy sūmi tsoválaya.

17 Pu puma put komósk-wawsat yūwsinayat pu kūtat kwitétotaqé put pút qötō-somtoynaya.

18 Nit pu pahsat put aw náhsawvankwa pañqawtiva-ya: Oqáwmañwu, Jew-sin-muy moñwiám!

19 Pu puma hopáqat akw put qötöyat wuválalwakah-kañw aw töhtota, nit pu aw tamötshonvankahkañw put pas híyतालwa.

20 Pu puma aw tutútsiw-yaqé yukúyat puma komós-kwawsat put oyánayat, pu put nāp yūwsiyat put yūw-sinayat, pu nahóyléhtsit aw muáyaniqé pañqw put wíkya.

21 Niýqé puma hakiy Si-mont, Cyrrenia-sinot, imuy Alexandert nit pu Rufust pumuy náyamuy, tútskwa-nahaqaqwniýqé añqé'niqw, aw núan tūyqawvaya, put

nahóyléhtsiyat ikwiwtaniqat pánìq'ö.

22 Pu puma haqami Golgo-that aw put wíkya, pam hapi nám tökiwḥqe, Másqöt-tso-mo, ii.

23 Pu puma put övat pāla-yat hiýta a'nö síkat enañ namíqwriwtaqat híkwnaya-niqw, pam put qa híko.

24 ¶ Pu puma put nahóy-léhtsit aw muáyaqé yūwsiyat nahoy o'yat, put öviy naná-vö'ya, hiýtawat pi hákman-taniqw öviy'o.

25 Noqw tāwa pāyis qö-níwma, noqw puma put na-hóyléhtsit aw muáya.

26 Noqw pam hínoqwniý-qat pam pantaqa put átsva pēniwa, niýqé Jew-sinmuy moñwíamu, ii.

27 Noqw put aḥsaq löqmuy uyínwutuy nahóyléhtsituy aw muáya, súhkawa put pút-vaqéwat niqw pu suhkawa put súyvaqéwata.

28 Noqw tutúvenyukit an-ti. Pam ura pañqawu: Pam qaántotiqamuy amumum há-rukniwa.

29 Noqw ima añ sásqaya-qam aw tutútsiwyaqé qötöy wilankahkañw pañqaqwa: Hēi', um Susöqaltutuyqawḥ-qat kíyat sáhpuknat pāyis tālat añ put kītaniqa,

30 Ayo' nātavii, nēn na-hóyléhtsit añqw háwii!

31 Noqw amun ima Sus-öqaltutuyqawḥqat awwat



súsmomñwit tutútsiwyaqé  
imuy tutúvenlalwaqamuy  
amumum nānahpa pañqag-  
wa: Pam as ayo'tūooya, nī-  
kañw kurshin pam ayo nā-  
tapni.

32 Paypi Christ, Israel-  
sinmuy moñwíam, nahóyléh-  
tsit añqw pu' hawni, noqw  
itam aw tāyuñwé' tūtuptsi-  
wani. Noqw ima put amum  
nahóyléhšit aw mułtiqam  
put aw nānaphin hínqaw-  
lawu.

33 Pu tāwat naváysikis qō-  
niltiqw, pahsat áhsupoqw  
tūwaqatsit añ qatālawva,  
tāwat peve'sikis qōniltiqat  
aw páhsavoo.

34 Pu tāwa peve'sikis qōnilti-  
qw, Jesus a'nō tōnay añqé  
pañqawu: Eloi, Eloi, lama,  
sabañthani? Pam hapi  
námtołkqé, Isusōqaltutuy-  
qawhqa, Isusōqaltutuyqawh-  
qa, ya hinoqw um nuy ta-  
tāmta? ñi.

35 Noqw haqawat puma ép  
hoñqam put nanáptaqé pañ-  
qagwa: Mè, taq Eliast wāñ-  
waylawu.

36 Noqw suhka wárikqé pu  
hiyta söyátkoitaqat ovávalat  
síkat aqw tséhkwéknat pu  
put hopáqat épéq sōñnat, pu  
put put hikwna, pañqaw-  
kañwo: Pay pántani, mātaq-  
pi kurs Elias put háwnanik  
añqwni.

37 Noqw Jesus a'nō hiñ-  
qawht, pu hikwsiy mātavi.

38 Noqw Susōqaltutuy-  
qawhqt kiyat ép mōtsápùh-  
tsi òñaqwat átkamiq náhoym  
tsiki.

39 Noqw tsivótsikip súnat-  
niyqamuy amumi soláwa-  
moñwi put ayáñqwat aw  
wúnuhqa, put pan hínqawht  
pu hikwsit mātapi yorikqé,  
pañqawu: Pas kurs antsa as  
i' sino Susōqaltutuyqawhqt  
Tiata.

40 Noqw pèp piw ima mo-  
móyam yāvaqw tāyuñwa,  
noqw ima nuhtumya, i' Mary  
Magdalene, noqw pu i' Mary,  
it Jameshoym nikañw pu  
Josest pumuy yúamu, noqw  
pu Salome.

41 (Ima hapi piw put Gali-  
leet épniqw añk hínumya,  
niyqé put tumálainumya)  
Pu pay pas kāysiwhqam  
momóyam put amum Jerusa-  
lemt aqw yáyvaqamu.

42 ¶ Noqw tápkíqw, pay pi-  
totókatniqw, nāto qāvo pu  
nasúñwintalōñvaniniqw.

43 Oviy Arimatheat añqw  
Joseph, núhtuñém hiyta añ  
pōtskwanmaqa, káptsitiwh-  
qa, nuhtum Susōqaltutuy-  
qawhqt moñwtunatyayat  
nuhtaytaqa, pitu; niyqé qa-  
túhtuskañw Pilate aw paki,  
ñit pu Jesust tokóyat túh-  
tui.

44 Noqw pay put mokqat  
ép Pilate kātayta, niyqé pam  
tsivótsikip súnatniyqamuy  
amumi soláwamoñwit wāñ-

wayqé, sen pay pam seélhaq mokqat put tūvinta.

45 Niýqé pam tsivótsikip súnatniýqamuy amumi solāwamoñwit añqw put navótqé pam tokot Josepht maqa.

46 Noqw pam súphiñput tusáqtontsatsakwmötsapút tui, nit put háwna, niýqé put tusáqtontsatsakwmötsaput akw mokáhta, nit pu tuám-qölöt, owat ép qölötiwhqat, aw put pana, nit tūamit hötsíwayat aqw owat mūma.

47 Noqw Mary Magdalene niqw pu Josest yuat Mary, puma haqam put taviwhqat aw yori.

## 16. QALÁLNI

1 Pu nasúnwintalöñnit rúhpaqw, Mary Magdalene niqw pu Jamest yuat Mary niqw pu Salome, puma hihiyta kwánwawhvaqtuqat tuíya, puma awyé' put lélwiyaniqué öviy'o.

2 Niýqé tsañé'sikis talöñwintiwhqat amunqw súsmohti talöñvaqat ép puma súits talávay, tāwat yámaktoqw, tūamit aw ökíwisa.

3 Niýqé puma nānamí pāñqawwisa: Ya sen hak itámunēm tūamit hötsíwayat añqw ayo' owat mūmani?

4 Nit puma yórikyaqw, kurs pay owa ayo mūmaníqa, pas qaánèway yahsayoq niqw öviy'o.

5 Pu puma tūamit aqw yún-

qé puma hakiy tiyot qötsat wūpat yūwsi'kañw pútvaqé-wat qátuhqat tutwa, niýqé puma tsawínwuhpukya.

6 Noqw pam amumi pañqawu: Uma qa tsawínwuhpu-kiwyuñwni, pay as uma Jesus Nazaretht añqwniýqat, ura as nahóyléhtsit ép hāyilitiqat hépnumya, pay pam ahoy tātayi, pam qa yép'é. Kurs hūvam haqé' put taviyaqat aw yórikyaa.

7 Nikañw taa yupavé, uma put aw nānatuwnayaqamuy nikañw pu it Petert, pumuy amumi tūawwisni, pay pam umúhsavo Galileet aqwniýqata, pēp ason uma put aw yórikyani. Pay ura umumi pañqawu.

8 Pu puma pañqw súhnöñakt pu tūamit añqw watqa, pi puma pas tsātsawnaqé turúrutotaqé öviy'o, niýqé puma qahakiy aw hiñqagwa, puma tsawíniwyuñqé öviy'o.

9 Noqw tsañé'sikis talöñwintiwhqat amunaqw súsmohti talöñvaqat ép suits Jesus ahoy tātayqé mohti Mary Magdalenet aw nāmahtakna, put ura añqw pam tsāñé' nukpanhīhikwsit ípwaqéy, put aw'i.

10 Noqw pam áhpiyniýqé pu put ámumyañwuqamuy pas qaháhlaykahkañw tsāy-kitotaqamuy put āawna.

11 Noqw pay puma put

qátuhqat nanáptakañw pu pám put aw yórikqat nanáptaqé, qatútuptsiwa.

12 Pántaqat átsva pu pam piw pas hínwat hinkañw pumuy haqáwatuy, lóqmuy haqami tútskwaminiqñiqé kwilálataqw, amumi nāmataqta.

13 Noqw puma áhpiyniqé mímuywatuy put āawna, noqw pay puma piw pumuy laváiyamuy qatútuptsiwa.

14 Pantaqat añk pu pam pakwt sūkw siýkaitaqamuy nōnovaqw, amumi nāmataqtaqé pumuy qatútuptsiwaqat épnikañw pu anáha'un-añwayamuy ép pumuy qōh-qōya, puma imuy, put ahoy tātayq, put aw yórikyaqamuy laváiyamuy qa tūtup-tsiwaqw öviy'o.

15 Pu pam pumuy amumi pañwawu: Uma sohsovik tūwaqatsit an nánkwusé' soh-sokmuy amumi lomátuawit yuáatotani.

16 Haqawa tuptsiwhit pu kuyit akw tuvóylatiwhqa,

pam ayo yámakmantani, nīkañw haqawa qatúptsiwhqa tūviwmantani.

17 Pu ii hapi hiýta tuáwi'-yuñqa imuy tūtuptsiwaqamuy amumi énañ'iwmami; puma inátñwaniy aw yán-kañkañw nūnukpantuy ípwanwisni, pu piw pas himúh-kwa yuáatotani.

18 Puma tsūtsu'tuy nuáya-mantani, pu kurs puma hiýta hakiy akw móknwuqat hikwyaqw, pam pumuy qa híntsanmantani, puma tūtuyyaqamuy amumi híntsatsnaqw, puma qaláptuyamantani.

19 ¶ Noqw Tutuyqawhqa pumuy amumi yuáaykut pam ōmi wikiwa, niýqé Susöqal-tutuyqawhqaqat pútvaqéwat qatúptu.

20 Noqw puma pañqw nán-kwusaqé sohsovik yuáatinumya. Noqw Tutuyqawhqa amumum tumálaikañw laváyit öqàlanma, hīhiýta hiýta-tuáwi'yuñqat put aw énañ-lawhquéy akw'a. Yantani.

# ST. LUKET

## LOMÁTUAWIATA

### 1. QALÁLNI

1-2 Pay pi kāysiwhqam iit hiyta itámuhpé pas suyan pás túptsiwniwtat, ima yáy-niwhpuñahaqaw pas aw nāp yórikyakahkañw pu put laváyit aw tunatyawyuñqam itámumi noáyaqw, put hin hiníwhtiqat pás nānañk o'yaniqéy aw māiyuñqw,

3 Oviy nu, pás put yáy-niwhpuyat anqaw put an pás póhtaqe navóti'taqé oviy put pás nānañk óyiýqat tuwat ūmi pēnaniqw, pay nuy-niqw ka pam súanta; pas pavan Theophilus.

4 Um hiyta aw tuqáyi'taqéy pas suan navóti'taniqat oviy'o.

5 ¶ Ura it hakiy Herod Judeat ép moñwit qatsíyat ép hak Susöqaltutuyqawhqat awwat moñwi, Zacharias yan mātsiwhqa, qatu, it Abiat páptsiyat ép núhtum páptuñwuqa. Noqw put nōmaat Aaront mántimuyatuy amúhpiyvi, niýqé pam Elizabeth, yan mātsiwa.

6 Noqw puma nāma Susöqaltutuyqawhqat átpip súanta, sohok Tutuyqawhqat tutávoyat pu Tutuyqawhqat enēm híntsakpit awwat

tutávoyat añ hinma, qahíytakw hínkañwo.

7 Noqw puma nāsta ti'ta, Elizabeth qa tilawhíq oviy'o, noqw puma nāma pāpu pay wuyóiwta.

8 Noqw ura pam Susöqaltutuyqawhqat awwat moñwit ayáwayat Susöqaltutuyqawhqat átpip híntsaki, makíway an'i.

9 Noqw Susöqaltutuyqawhqat awwat moñwit híntsakpiyatniqw hapi pam Susöqaltutuyqawhqat kíyat aw paké' pu pép hiyta kwanwáwhvaqtuqat táqtsokñwu.

10 Noqw sópkawat qaáne-wakwhintaqam sinom iýpaq nānawakna, hísatniqw kwanwáwhvaqtuqat táqtsokiwnwuqat aw pitsíwtaq'ö.

11 Noqw pép Tutuyqawhqat hónviayaat put aw mātaqti, kwanwáwhvaqtuqat enēm qöpqöt pútvawat wunúwkañwo.

12 Noqw Zacharias put túwahqé pay kurshíntini, niýqé tsáwna.

13 Noqw pay hónviaya put aw pañqawu: Pay um qa tsáwnani, Zacharias, pi uh-nāwakinpi nanáptiwa, noqw pay uhwuhti Elizabeth unēm



tiyóhyat tíytani, noqw um hapi put John, yan túnwani.

14 Pu um nāto háhlayni, pu pas háhlayni, pu kāysiwhqam put tíytiwhq, put ép hahlaytotini.

15 Pi pam Tutuyqawhقات átpip pas a'nō hímuni, noqw pam ovávalat pu honáqku-yit qa hikwni, pu pam Qahováriwtaqat-Hikwsit akw pás túyqawiwtani, nāto yuy típkayat pas pañq'ō.

16 Pu pam Israel-tímuyatuy kāysiwhqamuy it Tutuyqawhقات pumuy Susöqaltutuyqawhقاتayamuy aw nám-tömnani.

17 Pu pam Eliast numíyat numi'kañw pu put öqálayat öqálaikañw put ápyevèni, námuyatuy unánwayamuy pumuy tímuyatuy amumi nám-tömnaniqèy öviy'o, pu qa tuqāyvalhsi'yunqamuy imuy súanyunqamuy wūwniyamuy awwata, pu imuy sinmuy náasastiwyaqamuy Tutuyqawhقات enēm hin hínyunwniqat añwu pan yukúnaniqèy öviy'o.

18 Noqw Zacharias hónviayat aw pañqawu: Noqw nu hiyta akw it navótni? Pi nu pāpu wuhtaqa, pu iwúhti wūyavo qatu.

19 Noqw hónviaya hu'waqè put aw pañqawu: Nu hapi Gabriel, it Susöqaltutuyqawhقات átpip wúnuhqa, niyqè nu ūmi yuáaykuni-

qèy öviy ayátiwa, pu iit lomátuawit un āawnaniqèy öviy'o.

20 Noqw mè, um uhlavayiy kwahíwtani nen kurshin yuá-atani, hisat iit ántiniqat aw pahsavoo, pi um ilávayiy, hisat tuwániy ép ántiniqat, put qatúptsiwhqè öviy'o.

21 Noqw sinom Zachariast núhtayyuñwa, niyqè put Susöqaltutuyqawhقات kíyat ép nawútsnaqw pas hin wūwaya.

22 Noqw pam yámakqè kurshin pumuy amumi hín-qawni, noqw pam Susöqaltutuyqawhقات kíyat ép hiyta aw yórikqat puma māmatsya, pi pam pumuy amumi māsankañw qahínqawlawu.

23 Noqw pam pèp híntsak-qèy hisat kúyvaqè, pam nāpkiy aw'i.

24 Noqw áhpiy pantaqw put nōmaat Elizabeth nö'yil-tiqè tsivot mūmuyawhtuy añ haqam nātupki'ta, pañqawh-qèè:

25 Yan Tutuyqawhقات nuy híntsana, hisat inumi yórik-qèy ép'è, hiyta akw nuy sínsonvé hamániwtaqat ayo'haqami yúkuniqèè.

26 ¶ Pu navay mūmuyawhtuy ép hónviaya Gabriel, Susöqaltutuyqawhقات añqw ayátiwa, Galileet ép kitsókit, Nazareth yan mātsiwhqat, awi,

27 It mānat hakiy taqat,

Joseph yan mǎtsiwhqat, amum namívasiwni'taqat, it David ahpiyvit, aw'i. Noqw māna Mary yan mǎtsiwa.

28 Noqw hoñviaya put aw pákiyqé pu pañqawu: Öqáw-mañwu, pas pavan qaöwí-tayáwniwhqa, Tutuyqawhqa úmuma, pas um imuy momóymuy amúñaqw pas háh-laypit ép'é.

29 Noqw pam put túwahqé laváyyat ép kurshíntini, niyqé hiyta pa pam put aw laváytíqat pam wūwanta.

30 Noqw hoñviaya put aw pañqawu: Um qa tsawíniwtani Mary, pi um Susöqaltutuyqawhqa añqw náhyoñniwa.

31 Noqw mé, um ason uhtipkay épéq nö'yiltini, nén tiyóhyat távini, nén um hapi put, Jesus yan tuñwani.

32 Pam a'nö hímuni, pu Súsovèqniyqat Tiat, yan tuñwantiwni. Pu Napnatsviyqatuhqa Susöqaltutuyqawhqa put nayat David mónw-àtsvewayat put maqani.

33 Pu pam it Jacobt áhpiyviyatuy amumi sùtsép moñwiwtani, pu put moñw-tunayaat qa so'ñwaitani.

34 Pañsat pu Mary hoñviaya aw pañqawu: Noqw ya sen hin i' pasiwtani? pi nu qahakiy tāqat tuwi'ta.

35 Noqw hoñviaya hu'waqé put aw pañqawu: Pay Qahováriwtaqa-Hikwsi ason útsmi

pituni, pu Súsovèqniyqat öqálaat ūmi kístani. Paniqw öviy qahováriwtaqa uhpiy tíytiwniqa ason Susöqaltutuyqawhqa Tiat, yan túñwantiwni.

36 Noqw mé, i' ūñaqwvi Elizabeth piw pi öviy tiyóhyat wuyóvéhaq nö'yilti. Noqw pu hapi pam navay mūmuyáwhtuy añ panta, put ura qatílawhqa pañqaqwañwuníqw, pam'i.

37 Pi Susöqaltutuyqawhqa qatniqw pas qahímu qa pa-síwtani.

38 Noqw Mary pañqawu: Taa, pay pi nu Tutuyqawhqa túwikiata, nam uhlayayi an inúmi yukíltii! Noqw hoñviaya put añqw ahpiy'o.

39 ¶ Noqw éphaqam Mary pañqw nákwusúqé pu haqami tsótsmoiyuñqat áqwhaqami káktayi, haqami Judat ép kitsókit aw'i.

40 Niyqé Zachariast kiyat aw pakit pu Elizabetht aw yuáayku.

41 Noqw Elizabeth Maryt laváyyat navótq, tipósi put típkayat épéq tsoómti, noqw Elizabeth Qahováriwtaqat-Hikwsit akw áhsaliwa.

42 Niyqé pu a'nö pañqawu: Pas 'um momóymuy amúñaqw háhlaypit ép'é, pu pas uhtipkay aníwniat háhlaypit ép'é.

43 Noqw ya haqaqw i' inúminiqw öviy piw kurs Itú-

tuyqawh̄qay yuat añqaww inúmii?

44 Pi mè, panis uh̄laváiyi ináqvumiq tōqtiqw, pah̄sat pay itípkay ép̄eq tipósi háhlaytiq̄e tsoómti.

45 Pu i' túptsiwh̄qa hah̄laypit ép̄'é, pi pāvam himu Tutuyqawh̄qat añqw put aw laváytotiwh̄qa, soon qa án-tini.

46 ¶ Noqw Mary pañqawu: Pas itāytoynaqa Tutuyqawh̄qat pas híȳtaita.

47 Pu ihikwsi Susōqaltutuyqawh̄qat, nuy ayo táviyqat, ép̄ hah̄layti,

48 Pi pam tūwikipi mānat okíwh̄qatsiyat aw tātayq'ō, pi mè, yah̄piyhaqáhp̄iy hapi soh̄soyam nānānk qatsívap-tuyaniqam nuy hah̄laypit ép̄niyqat nuy pañqawani;

49 Pi i' pas hínurs öqálaníyqa nuy qa öwíyukuna, noqw put tūnwniat qahováriwta.

50 Noqw put núokwaat nānānk qatsívaptuyaniqamuy áqwhaqami put káptsi'yun̄qamuy amumi pitsíwta.

51 Pam māy akw öqálat hinti, pam unánwp̄eq kwi-vítunatyaiyun̄qamuy táts-lakna.

52 Pam imuy ö'qaltuy moñwátsvēwayamuy añqw hanna, pu imuy okíwh̄qatsi'yun̄wamuy momíqōya.

53 Pam tsōnmokiwyun̄qamuy híȳta nūnukñwat öyna,

pu imuy kaháksinmuy qahíȳta hínyun̄qamuy lā-layi.

54-55 Ura pam itánamuy, it Abrahamt nit pu put póshumiyat, pumuy amumi laváytiq̄e, put núokwaat sútsép pumuy amúhp̄eniqat pañqawh̄q̄e, put u'ni'taq̄e öviy tūwikipi Israelt aw unañwta-vi.

56 Noqw Mary put amum páyhkomuyhaqam mūmuyawh̄tuy añ qatut, pu ahoy kiy aqw'a.

57 ¶ Noqw Elizabeth tíytan̄iqat aqw pās pitu, noqw pam tiyóhyat tiȳta.

58 Noqw put kísn̄wamat niqw pu sinómat put Tutuyqawh̄qa qa öwíokwatuwh̄qat nanápta, niyq̄e puma put amum hah̄laytoti.

59 Noqw áhp̄iy pantaqw, nanálsikis tálqat ép̄ puma tsākw poñótkuyaniq̄e öki, niyq̄e puma put Zacharias, yan tuñwáya, put nayat tūnwniyat an'í.

60 Noqw put yuat laváytiq̄e pañqawu: Qae, pam John yan mātisiwni.

61 Noqw puma put aw pañqawu: Noqw pi qahak uh̄sino pan mātisiwa.

62 Pu puma put nayat aw māmasaya, hin pam put mātisiwniqat nāwaknaqata.

63 Noqw pam híȳta añ pēnaniq̄ey túhtuiq̄e pu pēnaq̄e pañqawu: Pam John, yan

mātsiwa. Noqw puma sohsoyam kātayuñwa.

64 Noqw pahsat pay put moaat hōtsilti, noqw pu put leñiat nāhiwa, noqw pam yuáaykuqé Susöqaltutuyqawh̄qat aw pas háhlaykañw put híytata.

65 Noqw sohsoyam pumuy amúklaq ki'yuñqam maqás-toti. Noqw sohsoy ii Judeat ép tsótsmoiyuñqat añ áhsu-poq t̄útskwanawit yuá-atiwa.

66 Noqw sohsoyam ima put nanáptaqam put unáñwpéq pās o'ya, pañqawkañkañwo: Hinpa i' hak tsāy hintani? Noqw Tutuyqawh̄qat māat put amum hinma.

67 Noqw put naat Zacharias Qahováriwtaqat-Hikwsit akw tūyqawiltiqé pu hin h́intaniqat laváytiqé pañqawu:

68 Nam Nāpnatsviiyqatuhqa Israel-sinmuy Susöqaltutuyqawh̄qaam tayáwin-tiwaa, pi pam sinómuy póh-taqé pumuy ahóytui.

69 Niýqé itamuy ayo óyaniqat ālat itámuñēm tūwikiy David sinómuyatuy amúhpé wunúptsina.

70 Hisat tūwaqatsit yáyniwh̄q pánqaqw imuy súp-waiwyuñqamuy Susöqaltutuyqawh̄qat enēm yuáatotaqamuy moáyamuy akw ura hin laváytiqéy, pan'i.

71 Itamuy itáhtuwqamuy

amúñaqw nikañw pu sohsokmuy itámumi qasúhtaqèwyaqamuy amúñaqw ayo oyíw-yaniqata.

72 Itamuy núokway awíni'-taqéy ántiniqéè, pu pas qahováriwtaqat pasíwniy u'na-niqéè.

73 It öqálat laváyiy itánay Abrahamt aw qa öwílaváy-tiqéyu.

74 Yan itam itáhtuwqamuy māyamuy añqw ayo oyíwyé' pu qa tsawíniwkañkañw enēm híntsatskaniqat itámuy máqaniqéyu.

75 Put átpip súpwaiwkañkañw pu súankahkañwo, hysavohaqam yésniqéy páhsavoo.

76 Pu um'i, tsāy'o, um hapi Súsovéqniýqat enēm yuáataqaniýqéy pan túnwantiwni; pi um hapi Tutuyqawh̄qat t̄áywayat ápyevé h́inmani, put pöphúyat añ qénítimaniqéè.

77 Pu' sinómuyatuy amumi qāantipuum qé'wato-tiwh̄qat ah̄piy puma ayo'nö-ñakniqat pumuy navótnaniqéè.

78 Itáhsusöqaltutuyqawh̄qay pas unañwnaqw núokwayat atsviy'o, put ah̄piy hapi öñaqw qöyáñwnuqa itámuy póhta.

79 Imuy qatálpuvé pu mokíwuy kíysiwniyat ép yésqamuy amumi tálawnaniqéè, pu háqé'wat kwakwhatniý-



qat pañ put añ itáhkukuy tsāmi'maniquèe.

80 Noqw tsay wūyoqiwma, noqw numiat oqáwi'ma, niyqé hisat Israel-sinmuy amumi nāmataqtaniquéy aw pah-savo pam qayēsiwhpuvahaqé hínuma.

## 2. QALÁLNI

1 Noqw éphaqam tūwaqal-voqwhaqami sinom sohsoyam nāvenayaniqat moñwit Augustust añqw tutáptiwa.

2 (Noqw i' yantaqa nāveniwyaniqa hakiy Cyreniust it Syriat aw moñwiwtaqw, ép susmohti yukílti.)

3 Noqw sohsoyam nāvenayaniqé nānap kitsókiy aña.

4 Pu Joseph David kiyat añqw nikañw put áhpiviya-tuy amúhpiyviyniyqé ōviy pam tuwat Galileet ép kitsókit Nazaretht añqw ahpíy ōmiq Judeat ép David kitsókiyat, Bethlehem yan mātsiwhqat, aqw'a.

5 Nömámakiway Maryt amum nāvenaniquèe, put a'nö putúiwtaq'ö.

6 Noqw ōviy pumuy pépéqniqw, put tiýtaníqat aw pitu.

7 Pu pam súsmohti tiy tiy-taqé, tiyóhyata, niyqé múhpiwñwat akw mokáhtat pu haqaqw tumálvopkot nōnōs-añwuniqw pañqé put tavi, yeyéspivé qahaqam amúnēm qéniniqw ōviy'o.

8 ¶ Noqw put tutskwat ép

lālayyaqam tútskwavé yēse, míhikpuva kanēlvokmuy tūtuwalakañwo.

9 Noqw mé, Tutuyqawhقات hoñviayaat pumuy amumi pituqw, Tutuyqawhقات lolma tālawñwaat pumuy amúklaq tālawva, noqw puma pas tsātsawna.

10 Noqw hoñviaya pumuy amumi pañqawu: Qatsawí-niwyuñwaa, pi mé, nu umumi pas háhlaypit lomátuawva, pam sohsokmuy sinmuy amúminiata.

11 Pi it talōñvaqat hapi ép David kitsókiyat ép Ayo-tūooyqa umuñēm tiýtiwa, i' Christ Tutuyqawhقات.

12 Noqw i' hapi umúnēm tuvóylani, súmataq hapi uma tipósit muhpiwñwat akw múhpiwkañw hāqaqw tumálvopkot nōnovañwuniqw, pañqé wáókiwtaqat tútwani.

13 Noqw pahsat pay ōvé Suhpantaqamuy amúñaqw qaánewakwhintaqam hoñviayat amum Susöqaltutuy-qawhقات tayáwintotaqé pañ-qaqwa:

14 Nam Susöqaltutuyqawh-qa Susovéqniyqa káptsilalwiwaa, pu tūwaqatsit ép kwakwha-unáñwat yēsiwaa, pu lolma tunátya sinmuy amumii.

15 Noqw ima hóhoñvia'yat pumuy amúñaqw ōvéqatsit awhaqámiyaqw, pahsat pu lālayyaqam nānami pañqaq-

wa: Taa tuma kurs pas Bethlehemt awya, nèn it hiy-ta hìntiqat, Tutuyqawhqa itámumi máhtaknaqat, aw yórikya.

16 Pu puma pañso kákta-yaqé ép öki, niyqé Maryt nit pu Josepht nit pu it tipósit haqaqw tumálvopkot nönö-sañwuniqw pañqé waökiwta-qat tutwa.

17 Noqw puma put aw yó-rikyaqé, pu puma pumuy amumi i' tsay hin laváyto-tiwhqat anqé túnvotnaya.

18 Noqw sohsoyam put na-náptaqam ima lālayyaqam pumuy hīhiyta āawnayaqw pūvut ép kāwuwantota.

19 Nīkañw Mary sohsoq iit aw tunátyaltiqé unánwpéq pūvut aw wūwanta.

20 Noqw lālayyañwut aho-ya, Susöqaltutuyqawhqat hīytaalwakañw pu táyáwin-tiwiskahkañwo, sohsoq hiyta nanáptakañw pu aw yórik-yaqéy ep'é, hin pam pumuy amumi tūawvaniwhqat an'i.

21 ¶ Noqw nanálsikis ta-lónvaqw, tsākw poñotkuya-niqat aw pítuqw, puma put Jesus, yan tuñwaya; pan ha-pi ura pam nāto típkat épéq qa aníwhtikañw pay hoñvia-yat ahpiy tuñwániwa.

22 Noqw pam Mosest tutá-voyat an tíyqatskuyvaqw, pu puma put Jerusalemt aqw wíki, Tutuyqawhqat aw noániqéé.

23 (Hin Tutuyqawhqat tu-távoyat an péitaqat, pan'i. Añsakis tiyóhya mohti típ-kat anqw yamakqa hapi Tu-tuyqawhqat aw súpwaiwta-mantani, it'a).

24 Pu Tutuyqawhqat tutá-voyat an hin laváytiqat an hómò'yaniqéé, na'mañwtuy hōwiytuyu, sen löqmuy qö-tsáhōwiwhyatuyu.

25 ¶ Noqw mé, hak Jerusa-lemt ép tāqa, Simeon yan mātsiwa, noqw i' hak tāqa súankañw pasi'nanwaikañw Israel-sinmuy ókyaniqat ma-qáptsi'ta, noqw Qahováriw-taqa-Hikwsi put aw pitsíwta.

26 Noqw pam mokíwuy qa aw pitut mohti Tutuyqawh-qat Christyat aw yórikniqat, Qahováriwtaqa-Hikwsi put aw máhtakna.

27 Niýqé pam Hikwsit akw pan unánwtoyniwhqé Susö-qaltutuyqawhqat kiyat aw paki, noqw tsākw naat niqw pu yuat puma, hak tutávot ép hin hīntiñwuniqw, pan put enēm hīntiniqé put tsākw Jesust pép wíkvaqw,

28 Pañsat pu pam put tsö-páhtat pu Susöqaltutuy-qawhqat aw háhlaytiqé pañ-qawu:

29 Tutuyqawhqa, pu hapi um uhtumalāyay suyan uná-nwaikañw áhpiyniqat pán-tsahtsana, uhlayáiy an'i.

30 Pi ivósi Ayo'nōñakiwni-qat uhhimuy pas nāp aw yori.

31 Put um soh̄sokmuy sinmuy amútpik na'sastaqw, put'a.

32 I' t̄ala Qajew-sinmuy unánwtalawnaniqata, pu uh̄sinmuy, Israel-sinmuy, lomá-vitsañwaamniqata.

33 Noqw Joseph niqw pu put yuat put hin laváytiqat aw k̄awuwanta.

34 Noqw Simeon pumuy öqálaqé pu put yuyat Maryt aw pañqawu: Mè, i' tsāy hapi Israel-sinmuy amuñaqw k̄āsiwhqamuy munúmtiniqat pu piw hónvaniqat öviy taviwa, pu it hiyta-tuáwi'taqat éhpéwi yuáatiwniqat pámnigé öviy'o.

35 (Owi, pay n̄to pas sípwuváhi pi uht̄äytoynaqay enañ natálvoroknani) noqw k̄āsiwhqamuy u'nañwayamuy tútnatyaam m̄ataqto-tini.

36 ¶ Noqw pép hak Anna Susöqaltutuyqawh̄qat enēm yuáataqa, Phánuelt m̄anti-ata, Asert ah̄piyviyatuy amúh̄piyvi, pam hak wúhti-harsku, niyqé as mánqatsiy ah̄piy tsáné' yáhsañwuy añ púwsuñway amum qatu.

37 Noqw pam kónnalavu nālöp sunat nikañw nālöq siykaitaqat pah̄sahaqam yáhsañwni'ta. Pam Susöqaltutuyqawh̄qat kiyat añqw qa áh̄piyniñwu, nikañw pam tókilnawit nikañw pu tälö'nawit Susöqaltutuyqawh̄qat

tumálaita, nāpwalnit pu nāwakinpit akw'a.

38 Noqw pam súhpah̄sat ép pákiyqé piw an Tutuyqawh̄qat aw háhlaytit, pu ayo'ipwaniwyaniqat maqáptsi'yunqamuy, Jerusalemt ép yésqamuy soh̄sokmuy amumi put hin yuáayku.

39 ¶ Pu puma Tutuyqawh̄qat tutávoyat ántiqé soh̄sok hiyta antit, pu puma ahoy Galileet aqw'a, nāpkitsókiy Nazaretht aw'i.

40 Noqw tsay wūyoq̄iwm̄a, noqw numiat öqáwi'ma, a'nö súanwuwni'kañwo, noqw Susöqaltutuyqawh̄qat ökwalniat put ép'é.

41 ¶ Noqw put naat niqw pu yuat ánsakis yáhsañwuy añ Jerusalemt aqw saska, añruh̄pakih̄qat ép nōviwñwuqat añ'a.

42 Noqw put pakwt löq siȳkaitaqat yah̄sañwni'taqw, puma Jerusalemt aqwya, nōviwh̄qat ép hin tuwi'yunqéy, an'i.

43 Niýqé puma áhsa talōñnayaqé áhoyyaqw, tsay Jesus amúh̄kwayñap Jerusalemt épéq hurúhti, noqw Joseph niqw pu put yuat puma put qa navóta.

44 Niýqé pay pam pumuy amumumyaqamuy amumuniyqat puma wūwantaqé, sūs t̄āwanawit nákw̄su, nit put sinómuy pu tuwímuy amúh̄pa put hēva.

45 Nit put qa túwahqé puma put héptoqé ahoy Jerusalemt aqw'a.

46 Niýqé páyhtoktiqw puma put Susöqaltutuyqawhqat kíyat ép tuwa, tutúqaynayaqamuy amúhsonvé qatúkañw pumuy amumi tūqaykañw pu híhiýta tūviñlawhqata.

47 Noqw sohsoyam put aw tūqayyuñqam put hin-mā-matsiyat pu hu'waniyat aw kātayuñwa.

48 Niýqé puma put túwahqé hin kurs wúwa. Noqw put yuat put aw pañqawu: Itii, ya um hínoqw itámuy yántsana? Mè, una niqw pu nu' ókiw un kānavoti'kañw hépnuma.

49 Noqw pam pumuy amumi pañqawu: Ya hinoqw uma nuy hépnuma? Ya nuy kurshin qa Inay himúyat épniñiqw, uma qa navóti'ta?

50 Noqw pam pumuy amumi hiñqawhqat puma qa māmatsi.

51 Pu pam pumuy amumum átkamiqniýqé pu Nazaretht ép pitu, niýqé pumuy amumi tuqāyvañsiy qatu. Noqw pay put yuat sohsoy iit laváyit unáñwpéq pās oyi'ta.

52 Noqw Jesus súanwuwni'makañw pu wūyoqíwma pu súýtsepnwat Susöqaltutuyqawhqat ahipiy nikañw pu sinmuy amúhpiy háhlaywa.

### 3. QALÁLNI

1 Noqw moñwi Tiberius pakwt tsivot siýkaitaqat yáhsañwuy añ moñwíwtaqw, Pontius Pilate Judeat aw moñwit niqw pu Herod nālōvo tutskwat tukiwtaqat sukwat, Galileet, aw moñwit niqw, pu tupkoat Philip, tutskwat nālōvo tukiwtaqat sukwat Ituræat pu tutskwat Trachonitist aw moñwit niqw, pu Lysanias tutskwat nālōvo tukiwtaqat sukwat Abelenet, aw moñwit niqw,

2 Pu Annas niqw pu Caiphas puma Susöqaltutuyqawhqat awwat súsmoñwíwtaqw, pép Susöqaltutuyqawhqat laváyiat Johnt, Zachariast tiyat, aw pitu, qayēsiwhpuvé.

3 Noqw pam Jordant aqlaq tútskwat sóhsovik aw pitu, qaāantiput ayo'haqami yukíwniqat ōviy wūwniy alōñtoté kuyit akw tuvóylatotiníqat yuáatikañwo.

4 Pi pan hapi ura Susöqaltutuyqawhqat enēm yuáataqat Isaiast laváyiat tutúvenit añ péitaqé pañqawu: Qayēsiwhpuvé tsa'tinumqat tōnāata; Uma Tutuyqawhqat pōhúyat hin híntaniqat ántsatsnani, nāpvōphuyat suwípō'yani.

5 Sohsoy síska otsómtini, pu sohsoy túhtukwi pu tsotsmo tútskwatotini, pu hohótsikvu súwiptotini, pu nānap-



hinyuñqa súntutskwato-tini.

6 Noqw sohsoy toko Ayo'-nōnakiwniqat, Sūsōqaltutuy-qawh̄qat añqwnīyqat, aw yorikyani.

7 Pahsat pu pam qaáne-wakwhintaqamuy sinmuy, put ahipiy kuyit akw tuvóylatiwyaniqéy ōviy ōkiyqamuy, amumi pañqawu: Uma tsūtsu'tuy tīmatu, ya hak umuy itsívut nāto pituniqat añqw wátqaniqat umuy navótina?

8 Oviy uma, tunátyay añqw nám̄tōkqa hiyta aníwnañwuqat, aníwnayani. Pu uma nāpqōlpé qa pāñqawtivayani: Itam Abrahamt náiyuñwa, pi nu umumi pañqawni, Pay Sūsōqaltutuyqawh̄qa it ó'wat añqw Abrahamt tīmuivananiqéy nāwakné' kurshin qa pántini.

9 Noqw pay ōviy piw pikain̄wa himútsotskit n̄ayat aqw taviwta, noqw ōviy himu himútski lolmat qa aníwnañwuqa tsáqniwé' qōhit aqw tūviwñwu.

10 Noqw sinom put tūvin̄totaqé pañqawu: Noqw ya itam h́intotini?

11 Noqw pam hu'waqé pumuy amumi pañqawu: Pay haqawa lōqmuy wukónapnaitaqa nástaniyqat sukwat máqani, pu nōsiwh̄qaitaqa piw antini.

12 Noqw sivátsovalantota-

qam piw tuwat kuyit akw tuvóylatotiniqé ōkiyqé put aw pañqawu: Moñwi, ya itam h́intotini?

13 Noqw pam pumuy amumi pañqawu: Pay uma hin umuñēm tuwántiwh̄qat épniyqé qa h́oyokiwtaqat ōmá-lalwani.

14 Pu soláwam piw ámun put tūvin̄totaqé pañqawu: Noqw itamwat h́intotini? Noqw pam pumuy amumi pañqawu: Uma qahakiy yūyuñayani, piw uma qahakiy hiyta atsátoynayani, pu uma hin áhsa'lalwaqéy pay ép nákwhani'yuñwni.

15 Noqw sinom hakiy nuhtaiyuñqw, sohsoyam Johnt aw hin unán̄wpéq wūwantotaqé sen pam Christniyqata, sen qa pámniyqat yan wūwantotaqw,

16 John hu'waqé pumuy soh̄sokmuy amumi pañqawu: Pay nu pas as antsa umuy kuyit akw tuvóylalawu, nīkañw pay sūh̄ka inúhp̄enīyqé pas pavan ōqála añq'ō, put hapi nu tótssosompiyat nāhniqéy aw qahímuu. Pam ason umuy Qahováriwtaqat-Hikwsit akw tuvóylatani, pu qōhit akw'a.

17 Pam wuhíȳpiy yawta, niyqé pam muríviȳkay ép pās wúwhini, nēn sōh̄vosīy tuóȳkiy aw tañátani, nīkañw pam tsíȳput qōhit qatókñwuqat akw táqtsokni.

18 Pu pam piw hīhiyā aṇ sinmuy ōkwhankaṇw amumi lomātuawit yuáata.

19 Nikaṇw tútskwat nālōvo tukíwtaqat sukwat aw mo-  
nwi, Herod, túpkoy Philipt  
nōmayat Heródiast ōviy ni-  
kaṇw pu soh sok hiyā pam  
qaántiqéy ép put aṇqw u'na-  
níwhqé,

20 Piw nāt soh sok put aw  
hóyoknaqé, Johnt sivíkimi  
pana.

21 ¶ Noqw soh soyam sinom  
kuyit akw tuvóylatotiḡw,  
Jesus piw kuyit akw tuvóy-  
latiqé, nāwaknaqw, pahsat  
ōvēqatsit aw hōtsílti.

22 Noqw Qahováriwtaqa-  
Hikwsi tokot ankaṇw hōwit  
ántaqa put aw hawhḡ, pu  
ōvēqatsit aṇqw hakiy tōnáat  
tōḡtiqé paṇqawu: Um hapi  
pas awiúnaṇwa Itii, uhpe  
hapi nu háhlayi.

23 ¶ Noqw i' Jesus sunat  
pakwt síy kaitaqathaḡam  
yāhsaṇwni'ma, (wūwanto-  
taqw) pam Josepht tiat nī-  
kaṇwo, it Helit tiyāta,

24 Matthat tiyāta, Levit  
tiyāta, Melchit tiyāta, Jan-  
nat tiyāta, Josepht tiyāta,

25 Mattathias tiyāta, A-  
most tiyāta, Naumt tiyāta,  
Eslit tiyāta, Nagget tiyāta,

26 Maatht tiyāta, Matta-  
thias tiyāta, Semeit tiyāta,  
Josepht tiyāta, Judat tiyāta,

27 Joannat tiyāta, Rhesat  
tiyāta, Zorobabelt tiyāta,

Salathielt tiyāta, Nerit ti-  
yāta,

28 Melchit tiyāta, Addit ti-  
yāta, Cosamt tiyāta, Elmo-  
damt tiyāta, Ert tiyāta,

29 Joset tiyāta, Eliezert ti-  
yāta, Jorimt tiyāta, Matthat  
tiyāta, Levit tiyāta,

30 Simeont tiyāta, Judat  
tiyāta, Josepht tiyāta, Jo-  
nant tiyāta, Eliakimt tiyāta,

31 Meleat tiyāta, Menant  
tiyāta, Mattathat tiyāta, Na-  
thant tiyāta, David tiyāta,

32 Jesset tiyāta, Obedt ti-  
yāta, Boozt tiyāta, Salmont  
tiyāta, Naassont tiyāta,

33 Aminadabt tiyāta, Aramt  
tiyāta, Esromt tiyāta, Pha-  
rest tiyāta, Judat tiyāta,

34 Jacobt tiyāta, Isaact ti-  
yāta, Abrahamt tiyāta, Tha-  
rat tiyāta, Nachort tiyāta,

35 Sarucht tiyāta, Ragaut  
tiyāta, Phalect tiyāta, He-  
bert tiyāta, Salat tiyāta,

36 Cainant tiyāta, Arpha-  
xadt tiyāta, Semt tiyāta,  
Noet tiyāta, Lamecht tiyāta,

37 Mathusalat tiyāta, E-  
nocht tiyāta, Jaredt tiyāta,  
Maleleelt tiyāta, Cainant ti-  
yāta,

38 Enost tiyāta, Setht tiya-  
ta, Adamt tiyāta, Susōqal-  
tutuyqawhḡat tiyāta.

#### 4. QALÁLNI

1 Noqw Jesus Qahováriwta-  
qat-Hikwsit akw tūyqawiw-  
kaṇw Jordant aṇqw ahoy pí-

tuhqé pu Hikwsit akw qayē-siwhpumi wikiwa,

2 Lōp sunat tālat añ'a, noqw Nukpana put aw tuwánlawu; niyqé páhsakis talōnvaqat añ pam qahiýta nōsa, niyqé put sóhtiqlw pam tsōnmoki.

3 Noqw Nukpana put aw pañqawu: Kurs um Susōqaltutuyqawhqat Tiatnén, um it owat aw pañqawhq i' pōlavikiniwhtini.

4 Noqw Jesus put hu'waqé aw pañqawu: Pay ura yan pēniwta, Sino qa pōlávikit sa akw qátuni, nikañw pas Susōqaltutuyqawhqat qahiýta-wat qa laváiyat akw'a.

5 Pu Nukpana put wupátukwit ōmiq wíqké pu tūwa-qatsit añ soh sok moñwtut-natyat put aw sūmahtakna.

6 Nit pu Nukpana put aw pañqawu: Soh sok it ōqálat nu uñ máqani, pu pumuy núknwayamuyu, pi pam inumi noíwa, noqw nu nāphakiy put máqaniqéy nāwakné' pantini.

7 Noqw ōviy kurs um nuy pas híýtaikañw inumi naókiwhtaqw pay soh soy pam uhimuni.

8 Noqw Jesus hu'waqé put aw pañqawu: Inúhkwayña-voo Nukpana, pi ura yan pēniwta: Um Nāpnatsviy-qatuhqat Uhsusōqaltutuy-qawhqay pas híýtaikañw aw naókiwhtimani, pu put sa um tumálaitani.

9 Pu pam put Jerusalemt ép wíkvaqé, pu put Susōqaltutuyqawhqat kīyat tsukú-miq tsokat pu put aw pañqawu: Kurs um Susōqaltutuyqawhqat Tiatnén, um yañqw átkamiq nātuvani.

10 Pi ura yan pēniwta: Pam hoñviaymuy ūmi ayátani, ūmi tunátyawyuñwniq'ō.

11 Noqw puma māy akw uñ hōlōlni'yuñwni, taq nāphisat sen um owat aqw uhkukuy sáviknani.

12 Noqw Jesus hu'waqé put aw pañqawu: Pay ura pañqawiwa: Um Nāpnatsviy-qatuhqat Uhsusōqaltutuy-qawhqay qa aw tuwánlawni.

13 Pu Nukpana unáhéppit soh sokniyqé pu put añqw hiysavo áhpiy'o.

14 ¶ Pu Jesus Hikwsit ōqálayat akw Galileet aw ahoy pitu, noqw pam hiýta akw mātaqtiqat, pam pantaqa soh sovik ánanik tútskwana-wit yuáatiwa.

15 Pu pam pumuy tsótsval-kiyamuy añ tūtutuqayna, soh sokmuy amúnaqw tayáwni-wkañwo.

16 ¶ Pu pam Nazaretht aw pitu, pēp haqam pam wuñw-qé pañsoo. Pu pay pam túwiyniyqé nasúñwintalōnva-qat ép tsótsvalkimii, niyqé túñwantaniqé wunúptu.

17 Noqw pēp Susōqaltutuyqawhqat enēm yuáata-qat Isaiast tutúveniat put

aw taviwa. Noqw pam put puyaknaqé pu haqé yan péi-taqat tuwa:

18 Tutuyqawh̄qat Hikw-siat inúmi pitsíwta, nu ōokiwyaqamuy amumi lomá-tuawit yuáataníqat ōviy pam nuy wíhut akw áсна, nu pín-put unánwaiyūnqamuy qaláptsinaniqat ōviy pam nuy ańqw hōna, tuwíkn̄uiwyūnqamuy mātaviwyaniqat nikańw pu qapóstalyaqam pōs-siy tālawnayaniqat amumi yuáaykuniqat ōviy'o, uñmok-iwyūnqamuy mātaptaníqata,

19 It yahsańwuy Tutuy-qawh̄qa náhyońwaqat put yuáataníqat ōviy'o.

20 Pu pam tutúvenit mupí-piykinat pu aw tunáyawta-qat aw put tavit pu qatúp-tu. Noqw sohsoyam tsóts-kalkivé tańawtaqam put aw sa tāyuńwa.

21 Pu pam pahsat pumuy amumi yuáaykuqé pańqawu: Pu hapi umuy tūqayyuńqw, it tutúvenyukit anti.

22 Noqw sohsoyam put aw nanáptaqé put moánaqw laváyí pas súantaqa nōńakqat aw hin wūwantota. Niýqé puma pańqaqwa: Ya qa i' Josepht tiat?

23 Noqw pam pumuy amumi pańqawu: Pay kurshin uma it hínqaqwańwuqat qa pańqaqwani; Tūqaláptsinta-qa nāqaláptsinaa, itam Ca-

pernaumt ép himu hiníwhti-qat nanáptaqw, um yép uh-tutskway ép piw pantini, ita.

24 Pu pam pumuy amumi pańqawu: Pas antsa nu umumi pańqawni, Qahak Susōqal-tutuyqawh̄qat enēm yuáata-qa nāp tutskway ép pāsniwa.

25 Nikańw nu umumi pas súańqawni: Ura Eliast qatsí-yat ép pay as Israel-sinmuy amúhpé kāysiwh̄qam kón-nanalvutya, ura paykomuy yahsańwuy ań nikańw pu navay mūmuyawhtuy ań tókpelat úhtsiwtaq'ō, noqw ura áhsupoqw tūwaqatsit ań wukótsōñōsiwta.

26 Nikańw qa haqawat pumuy amumi Elias ayátiwht, it Sidont ép kitsókit Sareptat ép wuhtit kónnalavut sa aw'i.

27 Pu Susōqaltutuyqawh̄-qat enēm yuáataqat Eliseust qatsíyat ép kāysiwh̄qam Israel-sinmuy amunaqw tokóp-lelet tūtuyaya, noqw qa haqawa puma kwánwèwayti, pas Naaman Syriat ańqwniý-qa pam saa.

28 Noqw sohsoyam tsóts-valkivé táńawtaqam iit nanáptaqé pas itsívutoti.

29 Niýqé hońvat pu kitsó-kińaqw qalávohaqami put naátsqōqnayat pu haqam tūkwivé ki'yuńqé pēp túm-poqw put wikya, put ákamiq nāphin tūvayaniqéé.



30 Noqw pay pam amúhsonaq hínmaķańw ańpiy'ó.

31 ¶ Niýqé pam Galileet ép kitsókit Capernaumt aqw át-kamıq pitúhqé pumuy nasúnwıntalónwıntıwhqat ań tutúqayna.

32 Noqw puma put tutúqaypiyat aw kátayunwa, pas pam öqálat akw yuáataq'ö.

33 Noqw pép tsótsvalkivé hak tuyóýewakw nukpanat hikwsit akw áhsalıwtaqa qatu, niýqé pam a'nö tónay ańqé tsa'lawhqé.

34 Pańqawu: Qahıntsakii, ya itam un hıntsatsnani, Jesus, Nazaretht ańqwniýqa! Ya um itamuy kíkötaniqé öviy pitu? Pay nu un hákiyniqw un tuwi'ta, um Susöqaltutuyqawhqat Qahováriwtaqaata!

35 Noqw Jesus put mēwaqé pańqawu: Qahıńqawlawht put ańqw yámakuu. Noqw Nukpana put pumuy amúhsonvé tūvat, put ańqw yama, qahıntsant'a.

36 Noqw puma sohsoyam hin kurs wūwayaqé nānami pańqaqwa: Isùti pavan pas lavayi! Pas pi qa nānahtsopkańw pu öqálat akw tuyóýewakw hıhikwsimuy amumi pańqawhq, puma nōña.

37 Noqw pép put tutskwat ań áhsupoq put mowáwatota.

38 ¶ Pu pam tsótsvalkinaqw yamakt pu Simont kiyat aw paki. Noqw Simont nōmayat

yuat a'nö mukítutuya, noqw puma put enēm put aw tūnlaytoti.

39 Noqw pam put aw wunúptut pu mukítuyat mēwa, noqw pam put mātavi, noqw pańsat pay pam wunúptut pumuy amúnēm hiýta aw hıntsana.

40 Pu tāwat pakítóqw, sohsoyam puma hıhiýta tūyat akw öpuiwyunqam pumuy put aw tsámvaya, noqw pam pumuy sohsokmuy amumi māy akw hıntsanaqé pumuy qaláptsina.

41 Noqw nūnukpant piw kāysiwhqamuy amunaqw nōña, a'nö hıńqawkańkańw pańqawkańkańwo: Um hapi Christ Susöqaltutuyqawhqat Tiata! Noqw pam pumuy mēwaqé pumuy hıńqaqwanıqw qanákwšana, puma put Christniqw tuwi'yunqw öviy'ó.

42 Pu tālawvaqw pam áhpiyniýqé qayēsiwhpumihaqamii, noqw sinom put hépyaqé put aw ökiýqé as put hurúhtapnayani, qa amúnaqw áhpiyniqat öviy'ó.

43 Noqw pam pumuy amumi pańqawu: Pay nu soon Susöqaltutuyqawhqat mońwtunatyayat ańpiy lomátuawit ayé' kitsókina-wit piw qa yuátani, pi nu paniqw ayátiwa.

44 Pu pam Galileet ép sotsvalkinawit yuáatinuma.

## 5. QALÁLNI

1 Pu sinom Susôqaltutuy-qawh̄qat laváiyat nanáp-taniqé put aw hūrs tsováw-taqw, pam patúphat Genne-saret qalávêq wunúwkañw,

2 Patuphat qalávêq lõqmuy pākihut wunuqwu tuwa, nī-kañw pakíwmaqnumyaqam pumuy añqw nõñakqé pa-kíwmaqtutsayay tūvahom-tota.

3 Noqw pam sukwat pākihut, Simont himúyat, aqw pakit, pu pam tútskwañaqw hihin yūmo put naátsqöqna-niqat put aw nāwakna. Noqw pam qatuptut pākihut añqw sinmuy tutúqayna.

4 Pu pam yuáataqé yukut, Simont aw pañqawu: Um pavan hōtsit aw hóyoqw, uma íntotaniqéy õviy umúh-tutsayatuy pāmiq panáyani.

5 Noqw Simon hu'waqé put aw pañqawu: Moñwi, pay as itam tōkêp tumalaiyuñwa, nit qahiýta kwísnaaya, noqw paypi um pañqawh̄qw, õviy nu tutsayat pāmiq pánani.

6 Pu puma yántotiqé, puma pas qaánewakwhintaqamuy pāvakiwh̄tuy íntota, noqw pumuy tutsáyaam tsiki.

7 Noqw puma suñwámuy, mítwat pākihut añqwyaaqamuy amumi māmasaya amumiye' pumuy amumi unáñw-tapyaniqata. Noqw puma õkiýqé lõqmuy pākihut aqw

óhpoknayaqw õviy pay puma pakító.

8 Noqw Simon Peter it yan yórikqé pu Jesust tamöyat aw munu, pañqawkañwo: Inúñaqw áhpiy'o, Tutuy-qawh̄qa, taq nu pas qaánta-qa sino.

9 Pi pam niqw pu sohsoyam put ámumyaqam pumuy pāvakiwh̄tuy íntotaqat ép nā-tsawinayaqw õviy'o.

10 Pu õviy James niqw pu John, Zebedeet timat, piwu, puma Simont suñwámatu. Noqw Jesus Simont aw pañqawu: Um qahin unánwai-tani, pay um yáhp̄iyhaqáh-piy pāpu sinmuy nūalawni.

11 Pu puma pākihutuy tútskwami pitsínayaqé soh-sok mātapyat put añkya.

12 ¶ Pu piw pam haqam kitsókivén̄iqw, hak pēp tāqa sohsovik tokóplelet tūtuya, niýqé pam Jesust túwah̄qé táyway akw múnukt pu put aw öqáltiqé pañqawu: Tutuyqawh̄qa, pay as um súh-taqèwnèn soon um nuy qa kwáñwèwakwtani.

13 Noqw pam aw māvuyal-tit pu put aw toñokt, pañqawu: Pay nu súhtaqèwa, um kwáñwèwaytini. Noqw pah-sat tokóplele put mātavi.

14 Pu pam put qahakiy āawnaniqat put aw pañqawu; nīkañw um áhpiynèn pu Susôqaltutuyqawh̄qat aw-wat moñwit aw nāmahtakna-

ni, nèn kwánwèwaytiqéy ép hiýta távini, hin Moses tu-táptaqat an'i, pam pumuy amumi tuáwi'taniqat öviy'o.

15 Noqw pay pahsat pu pas tuwat pam áhsupoqw yuáa-tiwa, noqw pas qaánewakw-hintaqam aw tūqayyuñw-niqé öviy sūmi tsoválti, pu hīhiýta tūyay añqw put ah-piy qaláptuyaniqéy öviy'o.

16 Noqw pam pumuy amu-ñaqw qayësiwhpumihaqami-niýqé, pu nāwakna.

17 ¶ Pu hisat talóñvaqat ép pam tūtutuqaynaqw Phari-see-sinom niqw pu tutávot tūtutuqaynayaqam pēp yē-se; ima hakim Galileet nit pu Judeat añ sohsoqivaqw ki-tsókiñaqw nīkañw pu Jerusa-lemt añqw ökiýqamu. Noqw Tutuyqahwqat öqálaat pu-muy qaláptsinaniqé pēp ámu-muma.

18 Noqw mé, hakim tah-taqt hakiy ahpā-qatayunqat tūtuytiqat, ahpat añ wáökiw-taqat wíkvaya, niýqé puma put aw panáyé' pu put átpi-po put tavíyaniqéy hēvi-yuñwa.

19 Noqw sinom qaáne-wakwhintaqw, öviy haqé puma put panáyaniqéy qa-tútwaqé, puñma kítsòmiq yáyvat pu tsöqáowa-kiámit añ put átkamiq, pumuy amúhsonmi Jesust átpipo, put puvúhpihoyat añ háw-naya.

20 Noqw pam pumuy qa-pēvewniyamuy amumi na-vótqé, put aw pañqawu: Si-no, pay uhqaāantipu ūmi qé'-watiwa.

21 Pu tutúvenlalwaqam niqw pu Pharisee-sinom pah-sat wūwanvayaqé pañqawu: Ya i' hakniýqé Susöqaltu-tuyqawhقات qahíýta-laváy-ti? Ya sen hak qaāantiput hakiy aw qé'watani? Pi Sus-öqaltutuyqawhقا nāla pán-tiñwu.

22 Noqw Jesus pumuy wūw-niyamuy mātsi'taqé pam la-váytiqé pumuy amumi pañ-qawu: Ya uma hiýta umúhu-nañwpēq wūwantota?

23 Ya himúwa qahínta? sen, uhqaāantipu ūmi qé'watiwa, kitaq'ö, sen, wunúptut nakw-suu, kítaq'ö?

24 Noqw pay pi Sinot Tiat hakiy aw qaāantiput ép qé'-wataniqéy aw tūwaqatsit ép öqálaniýqat uma nanápta-niqw, (öviy pam put it hakiy áhpaqatáyunqat tūtuyqat aw pañqawu), Nu ūmi pañqawu: Wunúptut uhpuwuhpihoyay kwusut, uhkiy awni.

25 Noqw pahsat pay pam pumuy amútpik wunúptut pu hiýta añ as wáökiwtaqay kwusut pu pañqw nāpkiy aw'i, Susöqaltutuyqawhقات pas híýtalawkañwo.

26 Noqw puma sohsoyam nātsawinayaqé Susöqaltu-tuyqawhقات pas híýtalalwa.

Niŷqé tsawi'niwyuñqé pañqawá: Pas itam hîhiŷta qahin pánêwakw aw pu' yórik-ya.

27 ¶ Pu iit yaníwh̄tiqat atsva pam nákwసుqé hakiy sivátsovalantaqat, Levi yan m̄tsiwh̄qat, moñwit eñem sivátsovalankivé qatuqw túwah̄qé, pam put aw pañqawu: Inuñki.

28 Noqw pam sohsok m̄atapt, wunuptut, put añki.

29 Noqw Levi put eñem n̄apkiy ép wukótunösvoñah̄ta, noqw p̄p qaánewakwhintaqam sivátsovalantotaqam niqw pu p̄tu pumuy amumum aw yésva.

30 ¶ Noqw pumuy tutúven-àymat niqw pu Pharisee-sinom put aw nánatuwnayaqamuy amumi qayan unáñway híñqaqwaqé pañqawá: Ya uma hinoqw sivátsovalantotaqamuy nikañw pu qah̄hinwisqamuy amumum nōnovakañw pu h̄hikwya?

31 Noqw Jesus hu'waqé pumuy amumi pañqawu: Paypi qah̄inyuñqam tūqalapsintaqat qa haqni'yuñwa, nawuspi ima tūtuyyaqam put haqni'yuñwa.

32 Nu súanyuñqamuy, qaimuy nit, qasúanh̄wisqamuy tunátyay añqw nānam-tōkyaniqat ōviy wāñwayniqé pitu.

33 Noqw puma put aw pañqawá: Ya hinoqw Johnt aw

nánatuwnayaqam piép nānapwalañwu pu nānawaknañwu, pu piw Pharisee-sinmuy amumi nánatuwnayaqam amun híñwisa? Noqw ūmi nánatuwnayaqam nōnovakañw h̄hikwya?

34 Noqw pam pumuy amumi pañqawu: Ya sen uma nāñuiwh̄qat ép sinmuy nāp-waltoynayani, nāto mōōnañwuy pumuy amumumniq'ō?

35 Nikañw ason hisat aw pituqw, ép pu mōōnañw pumuy amunaqw nāwh̄kiwni, noqw pañsat puma nānapwalani.

36 ¶ Noqw pam piw pumuy amumi it hiŷta-antaqat laváyit akw yuàayku: Qahaq pi hak puh̄yuwsit añqw híysaqat sakwit yūwsit ép píyta-kinta, pi pántaniqw, pam put ts̄ikani, piw pūhu soon sakwit amum sūnantani.

37 Piw qahaq pi hak puh̄ovavalat hísatwat wíwkorot añ kuh̄kuya, pi panta-niqw, puh̄ovavala hísatwiwkorot soon qa patóm̄nani, nēn wēh̄ekni, noqw wíwkoro sakwítotini.

38 Nikañw puh̄ovavala kurshin qa puh̄owiwkorot añ kūyiltotiñwu, noqw puma qa h̄intiñwu.

39 Piw qahaq pi hak hísat-waiwh̄put ovávalat hikwt, pañsat pay pūhut nāwakna, pi pam pañqañwuniŷqé; Pay hísatwa pas kwañwa.



## 6. QALÁLNI

1 Noqw hisat nasúnwintalönnit móhti'maqat añkniyqat ép pam úysonaq yamakto, noqw put aw nánatuwnayaqam uyit taláyat máwtiwiskahkañw put nōnoptiwisa, mapqōlpēq rūkwan-kahkañwo.

2 Noqw haqáwat Pharisee-sinom pumuy amumi pañqawa: Ya hinoqw uma nasúnwintalönvaqat añ hiyta méwniwtat hínstaska?

3 Noqw Jesus pumuy hu'waqé pañqawu: Ya uma pas qa násēw it añ tuñwaya, hin ura David hínthiqat, ura pamiñq pu put ámumyaqam tsōñso'q'ō,

4 Hin ura pam Susōqaltutuyqawh̄qat kiyat aw pákiyqé pu poñáiwtaqat pōlávikit kwusut añqw nōsa, pu put ámumyaqamuy piw put húyta; put as ura soon hak nōsñwu, pas Susōqaltutuyqawh̄qat awwat momñwit saa?

5 Pu pam pumuy amumi pañqawu: Pay Sinot Tiat piw nasúnwintalönnit aw tutuyqawi.

6 ¶ Pu piw nasúnwintalönvaqat ép pam tsótsvalkimi pákiyqé tūtutuqayna, noqw pép hak sino pútvaqw mālakiwta.

7 Noqw tutúvenlalwaqam niqw pu Pharisee-sinom put aw tunátyawyuñwa, mātaqpi kurs pam nasúnwintalön-

nit ép hakiy qaláptsinaniq'ō, nēn puma hiyta put éhpēwh̄totaniqēē.

8 Noqw pay pam pumuy tunátyayamuy mātsi'taqé pu mālakiwtaqat aw pañqawu: Wunúptut nāsavēq wunuwtāa. Noqw pam wunúptut móhpē wunúptu.

9 Pu Jesus pumuy amumi pañqawu: Nu umuy sūkw hiyta tūviñtani: Ya nasúnwintalönvaqat añ lolmat hínstakniqw súanta, sen qalolmat hínstakniq'ō? Sen qatsit ayo' táviniq'ō, sen hoválaniq'ō?

10 Pu pam pumuy sohsokmuy amúhpa yorikt, sinot aw pañqawu: Uñmay tsíykwaa. Noqw pam panti. Noqw put māat pās pováltiqé mitwat anti.

11 Noqw puma pas itsívu-honaqtoti, niyqé puma Jesus hin hínstatsnaniqéy nānami yuáatota.

12 ¶ Noqw éphaqam pam nāwaknaniqé tūkwimihaqamii, niyqé tōkēp Susōqaltutuyqawh̄qat aw nāwakna.

13 Pu tālawvaqw pam put aw nánatuwnayaqamuy wáñwayi, niyqé pumuy amúnaqw pam pakwt lōq síykaिताqamuy namórsta, niyqé pam piw pumuy ayáiwyuñqamu, yan tuñwa.

14 I' Simon (put ura pam Peter, yan tuñwa) pam'i, noqw túpkoat Andrew, pu

James niqw John, pu Philip niqw Bartholomew,

15 Matthew niqw Thomas, pu James Alpheust tiat niqw Simon Zelotes, yan túnwantiwhqa;

16 Noqw Judas it Jamest túpkoat niqw pu Judas Iscariot put núhtumi lálaiyqa.

17 Pu pam pumuy. tsámkañw haqam súntutskwaitaqat ép wunuptu. Pu káysiwñqam put aw nánatuwnayaqam niqw pu qaánewakwhintaqam sinom sóhsokivaqw Judeat pu Jerusalem t añqw nikañw pu wúhkovatuphat áqlavaqé Tyret nit pu Sidont pumuy amúñaqwoñqam, put aw túqayyuñniqé pu túyay qaláptuyaniqéé.

18 Pu ima tuyóyèwakw hihikwsit akw okíwhinyunqamu, niyqé puma qaláptuya.

19 Noqw sohsoyam qaánewakwhintaqam sinom put aw tónokyaniqéy ó'qalya, put añqw óqála yámakiwtaqé sohsokmuy qaláptsintaqw óviy'o.

20 ¶ Pu pam put aw nánatuwnayaqamuy amumi tá-tayt pu pañqawu: Pas uma óokiwyayam háhlaypit épya, pi Susöqaltutuyqawñqat monwtunatyat umúhhimuniq'ö.

21 Pas uma pu' tsöñsoiw-yunqam háhlaypit épya, pi uma ööyaniqéé. Pas uma pu'

tsäykitotaqam háhlaypit épya, pi uma tsutsúyniqéé.

22 Pas uma háhlaypit épyani, ason sinom Sinot Tiyat atsviy umumi qayan unáñwaikahkañw pu umuy náhi-piy lálaiyakañw, pu umúmiq nánaphin hínqaqwakañw umúhnatñwaniy qalolmatniyqat pan tūvayaq'ö.

23 Pas uma put tāwat ép háhlaytotini nén háhlaytso'tinumyani, pi mé, övéqatsit ép umúhahsati pas qa öwíewniq'ö, pi pay pan pumuy námat Susöqaltutuyqawñqat eném yuáatotaqamuy hín-tsatsna.

24 Nikañw isöhi, uma kaháksinomu, pi uma umúhahlaypiy pay ömáhtotaq'ö.

25 Isöhi uma öyiwyunqamu, pi uma nāto tsöñso'niq'ö. Isöhi uma pu' tsutsúyqamu, pi uma nāto qaháhlayyakahkañw tsäykitotaniq'ö.

26 Isöhi umúnémí, sohsoyam sinom umuy lólmalalwaq'ö, pi pay pan pumuy námat Susöqaltutuyqawñqat eném yuáatotaqéy atsáiyunqamuy híntsatsna.

27 Nikañw nu umuy túqayyunqamuy amumi pañqawni: Uma umúhtuwqamuy amumi unáñwaiyunñw, umumi qayán unáñwaiyunqamuy amumi uma lólmahintsatskani.

28 Umúnkiwakw unáñwas-totaqamuy amuném uma

háhlajpit tunátyaltótiman-tani pu umúhunañway tūho-totaqamuy amunēm uma nā-nawaknamantani.

29 Pu sutsvaqwat uhtāy-way wuváhtaqaqat aw um piw ayáñqwat itani, pu uhusími-niy un náwhkíqat, aw um uhyuwsiy qa káhkawnani.

30 Pu qahákiy ūmi hiyta tūvintaqaqat um hiyta qamá-qani, pu un hiyta uhhimuy náwhkíqat, um qa aw put ahoy tūvintani.

31 Pu sinom umuy hin hín-tsahtsanyaniqat uma nāna-wakné', pán uma piw pumuy hín-tsahtsanyani.

32 Pi uma umumi unánwai-yuñqamuy amumi unánwai-yuñqw, hin pam umúmi hiy-kaitani? Pi pay qaánhinwis-qam piw pumuy amumi unánwaiyuñqamuy amumi unánwaiyuñwa.

33 Pu kurs uma umumi lólmát híntsatskaqamuy a-mumi lólmát híntsatskaqw, hin pam umumi híykaitani? Pi pay qaánhinwisqam piw pántsatska.

34 Pu kurs uma imuy haki-muy amúñaqw ka túwat hiy-ta ömáhtotaniqéy pumuy na-símokhuylalwaqw, hin pam umumi híykaitani? Pi pay qaánhinwisqam piw qaánhin-wisqamuy amumi nasímok-huylalwa, piw ahsa ömáhtotaniqéé.

35 Nikañw uma umúhtuw-

qamuy amumi unánwai-yuñwni nén lolmat híntsats-kani pu nasímokhuylalwani qahiýta túnlaikahkañwo; noqw umúhahsati qa öwíew-ni, nén uma Súsövéqniýqat tímatni, pi pam qatsúyak-yañwuqamuy nikañw pu qa-lólmátuy pás'i.

36 Paniqw öviy uma núnok-watni, Umuna núokwaniýqat pan'i.

37 Uma kátunatyat akw ha-kiy nāphin yukúnayaniqéy qé'yani, nén uma qa pántsaniwyani; uma hakiy qa-híýtatotaniqéy qé'yani, nén uma qa pántsaniwyani, pō-hikyaqw, umumi pōhikiwni.

38 Uma hakiy hiyta maqá-yamantani, noqw umuy tu-wat hiyta maqáyamantani, móo'taqat, aqw núñuivut pu wílaniwhput pu pas añqw wahóhotaqat sinom umútsmi o'yamantani. Pi uma hiyta tuwánpit akw hiyta tuwán-totaqw, pay put akw piw umúñēm tuwántiwni.

39 Pu pam pumuy amumi hiyta ántaqat yuáaykuqé pañqawu: Ya sen qapóstalqa qapóstalqat wíkni? Ya sen puma qa nāma pöváwhyamiq pósni?

40 Pay nánatuwnaqa moñ-wiy épniýqé qapas pas pá-vanniñwu, nikañw pay haqa-wa hin híntaniqéy ántiqa, pay pam moñwiý hin híntaqw ántani.

41 Noqw ya hinoqw um uhtupkoy pòsvèq kohóhyat pakíwtaqat tuwáikañw, pas nāp uhposvèq lèstavit pakíwtaqat qatuwáita?

42 Pu yaw sen um hin uhtupkoy aw pañqawni: Itupko, um nákwhani'taqw, nu uhposñaqkw kohóhyat hóroknani, súsmataqpi um uhposvèq lèstavit pakíwtaqat qatuwáikañwo. Um nawípèw híntsakqa, um móhti uhposñaqkw lèstavit hóroknani, nèn pahsat pu um pas suyan tālat tàykañw uhtupkoy pòsñaqkw kohóhyat hóroknani.

43 Pi himu lolma tsoki soon qalolmat sipálat himúivañwu; piw soon i' qalomatsoki lomasipálaivañwu.

44 Pi himutski aníwniy akw himuniyqèy navóniwtañwu. Pi sinom hiyta kūtaitaqat qa put añ nōnvospalat máwyañwu, piw puma ōvat hiyta anaha'tusáqtsokit qa pañ máwyañwu.

45 Pi lomásino unánwpèq hiyta lolmat kahaktañaitaqèy añqw lolmat hiyta ípwantañwu; pu qalolma sino hiyta qalólmāt unánwpèq kahaktañaitaqèy añqw hiyta qalólmāt ípwantañwu, pi unánwat épèq óhpokiwtaqat ahipiy put moaat hiyta yuáatañwu.

46 Noqw ya hinoqw uma nuy Tutuyqawhqa, Tutuy-

qawhqa, yan túnwankañkañw, hin nuy laváytiqat qa an hínwisa?

47 ¶ Nāphaqawa inúminiýqa pu ilávayiy aw tūqaykañw pu put ánmaqa, pam hakiy ántaqat, nu umuy āawnani.

48 Pam hakiy sinot kīlawh-qè a'nō hánwaqè pu owat ép kíyaynaqat anta, noqw wukomunvaqw, mūna put kīhut aw a'nō yēvantakañw kurshin put wayáyaykinani, pam it owat ép yáyniwhqw ōviy'o.

49 Nikañw i' hak tūqaykañw put qaan hínmaqa, hakiy sinot tútskwavè qa hiyta ép kíyayni'taqat kītaqat anta; put aw mūna a'nō yēvantaqw, pam āpiy pay sáhpū, noqw pam kīhu wukókiqöti.

## 7. QALÁLNI

1 Pu pam sinmuy tūqayyuñqw amumi yuáataqè yukut, pu Capernaumt ép pitu.

2 Noqw hakiy tsivótsikip súnatniýqamuy amumi moñwìwtaqat tūwikipat, put pas aw tāymaqaaat tūtuyqè pāpu pay aqw pitsiwa.

3 Noqw pam Jesust navótqè, Jew-sinmuy amúñaqw wūwukwmuy put aqw hōna, pam añqwnèn put tūwikipat qaláptsinaniqat put aw ō'qálqèè.

4 Noqw puma put aw ōkiyqè pas qa nātusi'kahkañw pas



aw öqáltotiqé pañqawwa: Pas um qapay hakiy hínèwakw enèm it yántini.

5 Pi pam itámuywatuy sinmuy pas háhlayi, niýqé itámuñèm tsótsvalkita.

6 Pañsat Jesus pumuy amumuma. Noqw pam put kíyat aw háyhkalaqw tsivótsikip súnatniýqamuy amumi moñwi kwátsmuy put aw hōnaqé put aw pañqawu: Tutuyqawhqa, pay um qa nāmaq-sontotoynani, soon pi nuy yá-nèwakwniqw um ikiy pakini.

7 Noqw paniqw öviy soon nu yánèwaynikañw, nāp ūminiqéy wūwa, noqw pay um panis pañqawhqw pay itūwiki qaláptuni.

8 Pi pay nu piw öqálat aw imáqaptsiy qatu, solāwamuy amumi mónwìwkañwo; niýqé nu sukwat aw, yupa, kitaqw, pam áhpiyniñwu, pu sukwat aw, pèwì, kitaqw, pam pèwniñwu; pu itūwikiy aw, yántii, kitaqw, pam pántiñwu.

9 Noqw Jesus iit navótgé put aw kātayta, niýqé sinmuy put áñkyaqamuy amumi námtökt pu amumi pañqawu: Nu umumi pañqawni, pas nu qahaqam yántaqat pas pavan qapèvēwnit tuwa, qae, Israel-sinmuy amúhpé nu qahaqam tuwa.

10 Noqw ima ayátiwyaqam ahoy kīmi ökiýqé, it tūwiki as ura tūtuyqat, pās qaláptsiwtaqat tutwa.

11 ¶ Noqw áhpiy qavónvaqw pam kitsókit, Nain yan mātsiwhqat aw'i, noqw kāysiwhqam put aw nánatuwnayaqam niqw pu piw kāysiwhqam sinom put añkya.

12 Noqw pam kitsókimi hötsíwat aw háýkalaqw, mé pañqw puma hakiy mokput taviwisa, pam hak sūka yuy tiyótiata, noqw pam wúhti kónnalavu. Noqw kāysiwhqam sinom kitsókiñaqw put ámumya.

13 Noqw Tutuyqawhqa put túwahqé put ökwatuwa, niýqé aw pañqawu: Qa pákmumuyaa!

14 Pu pam áwniýqé, pu hiýta akw put taviwisqat aw toño, noqw ima put yāwisqam sun hōñi. Pu pam pañqawu: Tiyo, nu ūmi pañqawu, qatúptuu!

15 Noqw i' as ura mokpu qatúptut pu yuáayku. Noqw pam put yuyat aw put noa.

16 Noqw puma sohsoyam tsātsawna, niýqé puma Susöqaltutuyqawhqat tayáwin-totaqé pañqawwa: Pas Susöqaltutuyqawhqat enèm yuáataqa pas pávanniýqa itámuñsonvé aníwhitiqat, pañqawwa, pu Susöqaltutuyqawhqa sinómuy póhtaqaata.

17 Noqw Judeat añ áhsupoqw put pan yuáatota, pu añ amúnanivo áhsupoqw tutskwanawita.

18 Noqw Johnt aw nána-

tuwnayaqam sohok iit put  
āawnaya.

19 ¶ Pu John lōqmuy put  
aw nānatuwnaqamuy wān-  
wayt pu pumuy Jesust aw  
ayátaqé pañqawu: Ya um  
hak pítuniqa, sen pi pay  
itam súkwat hakiy núhta-  
yuñwa?

20 Pahsat pu tāqat put aw  
pítuhqé aw pañqawu: John,  
kuyit akw tūtuvoylalawhqa,  
itamuy ūmi ayáta, pañqaw-  
kañwo: Ya um hak pítuniqa,  
sen pi pay itam sukwat hakiy  
nuhtayuñwa?

21 Noqw suhpahsat pam  
kāysiwhqamuy tūyayamuy  
añqw qaláptsinata, pu hīhiy-  
ta akw nātuhoiyuñqat añq'ō,  
pu nūkpānhihikwsit añq'ō,  
pu kāysiwhqamuy qapóstal-  
yaqamuy pōsiyamuy pam  
tālawnata.

22 Pahsat Jesus laváytiqé  
pumuy amumi pañqawu: Yu-  
pavé, nēn uma hīhiyta aw yó-  
rikkañw pu navótqéy Johnt  
āawnani, hin ima qapóstalya-  
qam tātayyaqata, pu tutú-  
hapt nānkwusaqata, tokople-  
let tutuyayaqam kwāñwè-  
waytotiqata, nanáqsövīm na-  
náptaqata, so'pum ahoy tā-  
tayniwyaqata, pu ōokiwy-  
qamuy amumi lomātuawi  
yuáatiwhqata.

23 Pu nāphaqawa inúhpé qa  
unañwmokqa pas antsa háh-  
laypit épni.

24 ¶ Noqw Johnt tuáwà-

mat áhpiyniqw, pahsat pu  
pam sinmuy amumi Johnt  
yuáativa; Ya uma qayēsiwh-  
pumihqami hiyta aw kúy-  
vawisa, sen pi pāqavit hū-  
kañwuy akw wayáyataqat  
aw'i?

25 Ya uma hiyta aw kúyva-  
wisa, senpi hakiy súphīnput  
yūwsi'taqat aw'i? Mé, pi  
lolmat yūwsi'yuñqam pu ima  
kahákyésqam puma móm-  
ñwituy kīyamuy añ yēse.

26 Ya uma hiyta aw kúy-  
vawisa, senpi Susōqaltutuy-  
qawhقات enēm yuáataqat  
aw'i? Owi, nu umumi pañ-  
qawni, pas Susōqaltutuy-  
qawhقات enēm yuáataqat ép-  
niyqé pávanniýqat aw'i.

27 I' hapi ura yan pēniwta:  
Mé, nu hapi úpyevé itúawà-  
yay ayáita, noqw pam hapi  
úpyevé uhpöhuy añ qēnita-  
ni.

28 Pi nu umumi pañqawni:  
Pas momóymuy amúhpiy  
tíytiwyaqamuy amuñaqw qa-  
hak Johnt, kuyit akw tūtu-  
voylalawhقات, épniyqé Susō-  
qaltutuyqawhقات enēm yuá-  
ataqa pas pávani, nikañw  
pay Susōqaltutuyqawhقات  
moñwtunatyayat ép súsqa-  
himuniýqa put épniyqé pas  
pávani.

29 Noqw sohsoyam sinom  
put aw tūqayyuñqam niqw  
pu sivátsovalantotaqam Sus-  
ōqaltutuyqawhقات súanta-  
qat pañqaqwa, niyqé Johnt

tuvóylayat akw kuyit aqw  
tuvóylatoti.

30 ¶ Noqw Pharisee-sinom  
niqw pu tutávot tuwi'yuñ-  
qam Susöqaltutuyqawh̄qat  
tunátyayat nennēm qahíȳta-  
tota, put áhpiy kuyit akw qa  
tuvóylatiwyaqéé.

31 Noqw Tutuyqawh̄qapañ-  
qawu: Ya sen nu sinmuy pu'  
qatsívaptsiwyuñqamuy hiȳ-  
ta enañ namímahtaknani?  
Ya hiȳta puma ányuñwa?

32 Pay puma tsātsakwmuy  
kíysonvé yéskah̄kañw nāna-  
mi pañqaqwaqamuy amún-  
yuñwa: Itam umumi lēlen-  
yaqw uma qa tiva, itam umu-  
mi tsāykitaqw uma qa tsāyku.

33 Pi John kuyit akw tūtu-  
voylalah̄qa pólávikit qa  
tūmoykañw pu ovávalat qa  
hihikwkañw pitu. Noqw uma  
pañqaqwa: Pam Nukpanat  
akw áhsaliwta.

34 Noqw Sinot Tiat pítuñ-  
qé tūmoykañw pu hihiko,  
noqw uma pañqaqwa: Mé,  
hunúktaqa pu ovávalat qa-  
öyñwuqa, sivátsovalantota-  
qamuy nikañw pu qaánhin-  
wisqamuy kwātsiam.

35 Noqw paypi súanwuwni  
sohsokmuy timuy amúh̄piy  
súantsaniwñwu.

36 ¶ Noqw suh̄ka Pharisee-  
sino put tūtsamta. Noqw  
pam Pharisee-sinot kiyat aw  
pakiȳqé pu tunösvoñat aw  
qatúptu.

37 Noqw mé, ép kitsókivé

hak wuñti qaánhinmaqa Je-  
sust Pharisee-sinot kiyat ép  
tunösvoñat aw qátuh̄qat na-  
vótqé, sitsöñöpsivut añ  
kwánwawh̄vaqtuqat wíyku-  
yit kūyiwtaqat kwusiva.

38 Niýqé pakkañw áhkway-  
ñañaqw put kúkvéq wunúw-  
kañw pu pañsat pósvalay  
akw put kúkyat pāhomtiva,  
pu qötöva hōmiy akw put añ  
hōnta, pu put kukyāt tsóh-  
tsona, nit pu wíykuyit akw  
put lélwi.

39 Noqw put tūtsamqa Pha-  
risee-sino put túwahqé náp-  
qölpé pañqawlawu: Pas as i'  
Susöqaltutuyqawh̄qat enēm  
yuáataqanēn kurshin it wuñ-  
tit, put aw tónokqat, hákniȳ-  
qat pu hin hak hín̄taqat,  
qa navótni, pi pam qaánhin-  
maqa.

40 Noqw Jesus laváytiqé  
put aw pañqawu: Simon, nu  
hiȳta ūmi hiñqawni. Noqw  
pam pañqawu: Taay pañqa-  
wu, moñwi.

41 ¶ Hakim löyöm hakiy  
sivat tūnasímokhuylawh̄qat  
aw yoníwta, suhkawa put  
aw sunat tsivot siýkaitasikip  
sunat denariont yoníwtaqw,  
pu mi'wa lõp sunat pakwt  
siýkaitaqata.

42 Noqw puma kurs hiȳta  
sísviniqw, pam pumuy lõq-  
muy amumi put paysoq qe'-  
wata. Taa, noqw uñniqw  
himuwa sen put aw pas pa-  
van unáñwaitani?

43 Simon hu'waqé pu pañqawu: Pay ka nuyniqw soonqa mitwat aw pam súswuhaq qé'wataqw, pamwa. Noqw pam put aw pañqawu: Pay um aw súan wūwa.

44 Pu pam wuhtit aw nám-tókt pu Simont aw pañqawu: Ya um it wuhtit qa aw tāyta? Nu uhkiy aw pakiqw, um ikúkuy eñém nuy qa kuyna, noqw pi i' pósvalay akw ikúkuy pāhomt pu hōmiy akw put añ hōna.

45 Um nuy qa tsohtsona, noqw i' wuhti hisatniqw nuy pakiqw, pahsat pay ikúkuy qa tsonánqéti.

46 Um iqötöy wiýkuyit akw qa lelwi, noqw pi i' wuhti kwáñwawhvaqtuqat wiýkuyit akw ikukuy lelwi.

47 Paniqw öviy nu ūmi pañqawni: Put qaántipuat niýtiwkañw put aw qé'watiwa, öviy pi pam pas pavan awunánwaita, nikañw hakiy aw hiysa ép qé'watiwhq, pam pay qapas pavan awunánwaitañwu.

48 Pu pam put wuhtit aw pañqawu: Pay uhqaāantipu ūmi qé'watiwa.

49 Noqw ima put amum tunösvoñat aw yésqam, pahsat nápqölpé pañqawtivaya: Ya i' hakiniýqé öviy pas qaāantiput hakiy aw piw qé'watañwu?

50 Noqw pam wuhtit aw pañqawu: Pay uhqapevéwni

un tūyqawva, um qahin unánwaimani.

## 8. QALÁLNI

1 Pu it ahpiy pantaqw, pam ahsupoqw sohsovik wuhk kitsokinawit pu pay kitsókinawit nakwsu, Susóqaltutuyqawhqat moñwtunatyayat ahpiy lomátuawit yuáatinumkañw pu tūawinma-kañwo. Noqw pakwt löq siýkaitaqam put ámumya.

2 Pu haqawat momóyam núkpanhihikwsit pu hiýta akw öpuiwyunqéy añqw qaláptuyaqamu, i' Mary Magdalene yan mätsiwhqa, put añqw tsáñé'niýqam nūnukpant nõñaqw, pam'i.

3 Noqw pu Herod hiýta himuyat aw tunátyawtaqat, hakiy Chuzat nõmaat Joanna, niqw pu Susanna niqw pu wuhakniýqam pētuu; ima hakim hiýta himuy akw put páañwantotaqamu.

4 ¶ Noqw kāysiwhqam sinom sūmi tsováltiqw pu sóh sokivaqw wuhkokitsokiñaqw put aw tsótsvalyaqw, pam it hiýta ántaqat akw pumuy amumi yuáayku:

5 Hak úylwahqa póshumiy uyto, niýqé pam úylawhqw, pēhu pōhut aqláva yēvaya, niýqé pam aw wukukúyku-niwa noqw súmawuy añ masáiyunqam put soswa.

6 Noqw pēhu owat ép yēvaya, niýqé panis pam kūkuy-



vat pay lāki, qamowaiwtaqw  
ōviy'o.

7 Noqw pēhu kútqōlpa lōhō,  
noqw kūta put amum kū-  
kuyvaqé put lakna.

8 Pu pēhu lomátutskwava  
yēvaya, niyqé kūkuyvaqé  
tsivótsikip sunat hóyokiwta-  
qat aníwnaya. Noqw pam  
yan hínqawht pu tsa'lawhqe  
pañqawu: Navótniqey ōviy  
nāqvuitaqa, navótni.

9 Noqw put aw nánatuwna-  
yaqam put tūvintotaqé pañ-  
qaqwa: Ya sen i' hiyta-án-  
taqa laváyi hiyta tuáwi'ta?

10 Noqw pam pañqawu:  
Uma hapi Susöqaltutuy-  
qawhcat moñwtunatyayat  
hiyta túpkiyat navóti'yuñw-  
niqat umumi noíwa, nikañw  
mímuywatuy amumi pam  
hiyta hiyta-ányuñqat añ noí-  
wa. Puma aw tāykañkañw  
qa tútwaniq'ō, pu aw tūqay-  
kañkañw qa māmatsyaniq'ō.

11 Noqw i' hiyta-antaqa la-  
váyí hapi íi: I' póshumi hapi  
Susöqaltutuyqawhcat lavá-  
yiata.

12 Ima pöqlavayaqam hapi  
ima nanáptaqamu, noqw pah-  
sat pu Nukpana pité' pumuy  
unánwayamuy añqw laváyit  
ípwañwu, nāphisat pi sen  
puma tūtuksiwe' ayo' nō-  
nakniniqw ōviy'o.

13 Ima owat añaqam hapi  
imaa, ima hakim as nanáptat  
háhlaykañkañw laváyit kwu-  
súyañwuqamu; nit ima qa

náiyuñqé hiysavo túptsiwni'-  
yuñwt amumi tuwántiwhqw,  
pay qé'totiñwu.

14 Noqw i' kútqōlpa yēva-  
yaqa hapi imaa, ima hakim  
nanáptat pu āpiy pay yép  
qatsit ép hihin tunátyat pu  
kāhakiwat pu kwanwáewh-  
qatsit akw soontoté' aníw-  
niy qahiýta túkwsinayañwu-  
qamu.

15 Nikañw i' lolmat tuts-  
kwat añ yēvayaqa hapi imaa,  
ima hakim qaátsat pu lolmat  
unánway épēq laváyit na-  
nápte' put qa mātapyé'  
nákwhani'kañkañw aníwna-  
yañwuqamu.

16 ¶ Pu qahaq pi hak wíy-  
qōhit úwiknat hiyta sīvut  
akw put kúhta, piw pūvuwh-  
pit átpipoqw pana, nikañw  
put tsotsókpiyat aw put tsó-  
kañwu, ima yuñtaqam tālat  
tútwaniq'ō.

17 Pi qahimu kañkawniwh-  
qa qa súsmataqtini, piw qa-  
himu túpkiwtaqa qa nātu-  
wiwni piw túnvotniwni.

18 Paniqw ōviy uma tunát-  
yawkañkañw tūqayyuñwni,  
pi nāphaqawa himúitaqw,  
put aw piw noíwni, pu nāpha-  
qawa qa himúitaqw, híkispí  
suhpan pay hiyta himúitaqw,  
pam put nāwhkiwni.

19 ¶ Noqw put yuat niqw  
pu túpkomat put aw ōki,  
nikañw kurshin pas áwyani,  
qaánewakwhintaqamuy a-  
mútsviy'o.

20 Noqw ima haqawat put āawnayaqé pañqawu: Uñu niqw pu uñtupkom puma ayam qalávè hónkahkañw as uñ nānawakna.

21 Noqw pam hu'waqé pumuy amumi pañqawu: Ima hapi Susöqaltutuyqawhقات laváiyat aw tūqaykahkañw pu ánwisqam, puma hapi iñumu, pu itúpkomu.

22 ¶ Pu hisat pam pākihut aqw paki, pam niqw pu put aw nānatuwnayaqamu. Noqw pam pumuy amumi pañqawu: Itam wúhkovatuphat ayóqwat aqw nōñakni. Noqw puma pañqw hoyóyoykuya.

23 Noqw pumuy pāvaqé hoyóyototaqw, pam puwva, noqw wúhkovatuphavaqé a'nō hukva, noqw pumuy amumiq pa'poqw, puma tusiéwh-toti.

24 Noqw puma put awyaqé put tātaynaya, pañqawkahkañwo: Moñwi, moñwi, itam so'ni. Pahsat pam tātayqé hūkañwuy nikañw pu pāhut a'nō wuñwnuptuqat mēwa, noqw puma qé'tiqw, pas sūt-makma.

25 Pu pam pumuy amumi pañqawu: Ya haqam umúhtuptsiwni? Noqw puma tsawíniwyuñqé kātayuñwa, nānami pañqawkahkañwo: Noqw ya i' hak hímuu? Pas pi nāmahin hūhukañwtuy nikañw pu pāhut pumuy amu-

mi híñqawhqw, puma aw tuqāyvastota.

26 ¶ Pu puma Gadaret ép ki'yuñqamuy tútskwayamuy ép öki, pam Galileet ah-ayáñqwata.

27 Noqw pam tutskwami yámaq, hak pép kitsókiñaqw put áhsawva, hak wūyavo nukpanat akw áhsaliwtaqa, niýqé qa yūwsi'ta, piw qahaqam kive qatu, nikañw tuámqölpé hinnuma.

28 Noqw pam Jesust túwahqé a'nō híñqawht pu put átpipo múnukt a'nō tōnay añqé pañqawu: Ya nu uñ híntsanni, Jesus um Susöqaltutuyqawhقات pas Susövéqniýqat Tiat? Pay um ökiw nuy qa okíwsanni!

29 Pam tuyóyèwakw hikwsit, sinot añqw yámakniqat aw pañqawhق öviy'o. Pi pam piép put nūañwu, noqw pam as sivánamiqlölöt nikañw pu hokásosompit akw sómiwtañwu, noqw pam sosómpit tútkité' qayēsiwhpumihaqami Nukpanat akw lālayiwñwu.

30 Noqw Jesus put tūviñtaqé pañqawu: Ya um hin mātsiwa? Noqw pam pañqawu: Qaánewakwhintaqamu. Pi kāysiwhqam nūnukpant put ápqölmi yuñqw öviy'o.

31 Pu pam pumuy hötsit qatōñtaqat aqw qa lālayniqat puma put aw nānawakna.

32 Noqw pēp tūkwit ēp qaánewakwhintaqam pitsōtim tōnawtaqam nōnova, noqw puma pumuy amúp-qölmi yúnniqat pam pumuy nákwahananiqat puma put aw nānawakna. Noqw pam pumuy nákwahana.

33 Pu nūnukpant sinot aŋqw nōnakt, pu pitsōtimuy amúpqölmi yūña, noqw puma tōnawtaqam páhtsawtaqat aŋ átkamiq wúhkova-tuphamiq a'nō yúhtukqé paōysoa.

34 Noqw ima pumuy nóp-ni'yunqam pēp hin hiníwhti-qat aw yórikyaqé watqa, niýqé áhpiyaqé wúhkokitsokivé nikáŋw pu tútskwanawit put tūawvaya.

35 Pahsat pu puma hin hiníwhti-qat aw kúyvawisa, niýqé puma Jesust aw ōkiýqé, it hakiy sinot aŋqw nūnukpant áhpiya-qat tutwa, yūwsi'kaŋw pu súanwūwni'kaŋw Jesust kúkvéq qátuq'ō, niýqé puma tsātsawna.

36 Noqw ima awtāyunqam hin i' nūnukpantuy akw tūy-qawiwtāqa qaláptuqat pumuy āawnaya.

37 Pahsat pu sohsoyam qa-ánèwakwhintaqam Gadare-sinmuy tútskwayamuy aŋ áhsupoqw yésqam, pam pumuy mātapniqat, put aw nānawakna. Puma pas tsawí-niwyunqé ōviy'o. Noqw pam

pākihut aqw wupt pu áh-piy'o.

38 Noqw it tāqat aŋqw nū-nukpant áhpiyaqw, pam put ámumniqéy put aw nāwak-na, noqw pay Jesus put hōna, paŋqawkaŋwo:

39 Um uhkiy awni, nēn hin Susōqaltutuyqawhqa unēm a'nō hiýta hinti-qat um tún-votnani. Noqw pam áhpiy-niýqé pu hin Jesus put pas qa ōwíyukunaqat pam wúhko-kitsokivé áhsupoqw túnvot-na.

40 ¶ Pu Jesus ahoy pítuqw, sinom put háhlaytoti, puma sohsoyam put núhtayyunqé ōviy'o.

41 Noqw mé, hak tāqa, Jairus yān mātsiwhqa, pitu. Pam hak tsotsvalkivé moŋwi, niýqé i' hak Jesust kukmiq munukt, pu pam put kiyat aqwniqat put aw nāwakna.

42 Pam sūkw mánti'taqé ōviy'o, pakwt lōq siýkaita-qatha-qam yáhsaŋwni'taqata, noqw pam wáōkiwkaŋw mómokí. Noqw pam áqw-niqw, sinom put aw homí-mitiwisa.

43 Noqw hak wuhti pakwt lōq siýkaitaqat yáhsaŋwuy aŋ uŋwaitāqa, sohsoy hiýta himuy tūqalapsintotaqamuy amuhpa sohsoyknit, piw soon kurs haqawat atsviy qaláptuniqa,

44 Put áhkwayñaŋaqw aw pitut pu put yūwsiyat qa-

lawnwayat aw toño, noqw pahsat pay put unwaat hurúhti

45 Noqw Jesus pañqawu: Ya hak inúmi toño? Noqw sohsoyam qapúmayaqéy pañqawaq, Peter niqw pu put amumyaqam pañqawa: Monwi, pi qaánewakwhintaqam ūmi homímitotaqé un hurs tsúrukni'yuñqw, hinoqw um, Ya hak inumi toño, kita?

46 Noqw Jesus pañqawu: Pay pas hak inúmi toño, öviypi öqála inúhpiy yámakq nu navóta.

47 Noqw wúhti pas kurshin qa nātuwiwniqéy navótqé pam turúrutikañw put aw'i, niýqé put átpipo munukt, pu hinoqw pam put aw tónokqé, pu hin pam suhqalaptuqéy sohsokmuy sinmuy amútpik put āawna.

48 Noqw pam put aw pañqawu: Itii māna, um qahin unánwaitani, pay uhqapévēwni un qaláptsina, um qahin unánwaimani.

49 Nāto pam yuáataqw, haqawa tsótsvalkit aw monwit kiyat añqw pítuhqé put aw pañqawu: Pay uhmanti mōki, pay um monwit qa máqsontotoynani.

50 Noqw pay Jesus put navótqé put aw laváytiqé pañqawu: Um qa tsāwnani, pay um panis túptsiwni, noqw pam soon qa qaláptuni.

51 Pu pam kimi pákiýqé

pam qahakiy aw pákiniqat nákwhana, pay Petert nit Jamest nit pu Johnt nit pu mānat nayat nit pu yúyat pumuy saa.

52 Noqw sohsoyam tsāyki-tota, pu qaháhlaykahkañw nāp nāwuvalalwa put öviy'o, noqw pam pañqawu: Qatsāykitotaa, pay pam qa mōki pi pam pūwi.

53 Noqw puma put aw tutsíwtsuyti, put mokqw navóti'yuñqéé.

54 Noqw pam pumuy sohsokmuy nōñaknat pu put māyat nuat pu aw hínqawhqé pañqawu: Māna qatúptuu.

55 Noqw put hikwsiat ahoy pituqw, pam pahsat pay qatúptu. Noqw puma put hiýta nópnyaniqat pam pañqawu.

56 Noqw put naat niqw pu yuat puma hin kurs unánwiti; noqw pay puma put qahakiy āawnayaniqat pam pumuy amumi pas pañqawu.

## 9. QALÁLNI

1 Pahsat pu pam pakwt löq siýkaitaqamuy put aw nānatuwnayaqamuy sūmi wañwayt pu pam pumuy sohsokmuy nūnukpantuy amumi öqálat maqa, pu amumi tūyqawi'yuñwniqata, pu hihýta tūyat qaláptsinayaniqata.

2 Nit pam pumuy Susöqal-tutuyqawhqat monwtunat-



yayat yuáatotaniqat ôviy añ-qê hōna, pu tūtuyyaqamuy qaláptsinayaniqat ôviy'o.

3 Pu pam pumuy amumi pañqawu: Uma añqê nánkwusaniqê qahiýta máskaiwisni, natōnpita, piw túkputa, piw nítkata, piw sīvata, piw uma qa löq wukónapnaiwisni.

4 Pu nāphaqami kīmi uma yuñyé' pép uma yésmantani, nit pañqw pu áhpiyaman-tani.

5 Pu nāphaqawa umumi qa unánwtapqw, uma pañqw kitsókiñaqw áhpiyé' uma umúhkukuy añ qōat hūrsiwtatqat tsátswiyamantani, pumuy amúhpéwi tuáwi'taniqat ôviy'o.

6 Noqw puma áhpiyaqê kitsókinawit hínnumya, lomá-tuawit yuáatinumyakahkañw pu sohsovik tūqaláptsintiwiiskahkañwo.

7 Noqw Herod tutskwat nālōvo tukiwtaqat sukwat aw moñwi, put soh sok hiýta híntiqat navóta, niýqê pam kurs híntini. Haqáwat pañ-qaqwa, yaw John mokíwuy añqw tātayqw ôviy'o.

8 Noqw haqáwatuyñiqw yaw Elias mātāqti, pu pētuy-niqw yaw hisat Susōqaltu-tuyqawh qat enēm yuáatota-qamuy amúñaqw haqáwa ahoy tātayi.

9 Noqw Herod pañqawu: nu pi Johnt qōtōtku, noqw

ya it hakiy nu iit yāyantaqat nanvóta? Niýqê pam put aw yórikniqéy nāwakna.

10 ¶ Noqw ayáiwuyñqam ahoy ôkiýqê hiýta híntoti-qéy soh sok put āawnaya. Noqw pam pumuy tsámkañw pay nāla wúhkokitso-kit Bethsaida - matsiwhqat áqlavo qayēsiwhpumihaqamii.

11 Noqw sinom put nanáptaqê put añkya, noqw pam pumuy amumi unánwtapqê pumuy amumi Susōqaltu-tuyqawh qat moñwtunatyayay yuáaykukañw pu imuy hakímuy soon as qa qaláptsiniwyaniqamuy qaláptsinata.

12 Noqw tápkiwmaqwpakwt löq siýkaitaqam put áwyaqê put aw pañqaqwa: Um as imuy qaánewakwhintaqamuy lālayni, noqw puma kitsókinawit pu áñqê tútskwavahaqê nánkwusé', añqê yésvani nēn hiýta tunōstutwani, taq itam yēp qayēsiwhpuvéya.

13 Noqw pam pumuy amumi pañqawu: Huvam pumuy nópnyaa. Noqw puma pañqaqwa: Itam panis tsivot pólávikmumriñput himúiyuñwa, pu löqmuy pākiwh-tuyu. Pay panis pi as itam imuy soh sokmuy sinmuy amúnēm tunōstuiwise' pi pāntotini.

14 Puma tsivótsikip sōmorit

páhsahaqam táhtaqtyaqw  
ōviy'o. Noqw pam put aw  
nánatuwnayaqamuy amumi  
pañqawu: Uma pumuy lölöp  
susnat pāvakwt siýkaiyuñ-  
qamuy tōnawyuñqamuy yēs-  
vanayani.

15 Noqw puma pántotiqé  
pumuy sohskmuy yēsvana-  
ya.

16 Paḥsat pu pam tsivot  
pölávikmumriñput nit pu  
lōqmuy pākiwhituy ōmáhtat  
pu ōmi tāykañw put ép háh-  
laytit put yōñoyta, nit pu  
put aw nánatuwnayaqamuy  
amumi put oya, sinmuy  
amútpik put o'yaniq'ō.

17 Noqw puma nōñōsaqé  
sohsoyam ōōya. Noqw pu-  
muy amumi yōñoyvut akw-  
sinqat pakwt lōq siýkaitaqat  
yuñápsivut añ óhpokiwyuñ-  
qat puma tsoválaya.

18 ¶ Noqw pam hisat nāla-  
nikañw nāwaknaqw, put aw  
nánatuwnayaqam pép put  
ámumya. Noqw pam pumuy  
tūviñtaqé pañqawu: Ya nuy  
hákiyniyqat sinom pañqaq-  
wa?

19 Noqw puma hu'wayaqé  
pañqaqwa: Pay Johnt, kuyit  
akw tūtuvoylalawhqa, nī-  
kañw haqáwatuyiniqw yaw  
um Elias, pu pētuyiniqw um  
hisat Susōqaltutuyqawhqa  
enēm yuáatotaqamuy amu-  
ñaqw súhkawa ahoy tātay-  
qaniyqat pañqaqwa.

20 Noqw pam amumi pañ-

qawu, Noqw úmuyniqw nu  
hak'i? Peter hu'waqé pañ-  
qawu: Pay Susōqaltutuy-  
qawhqa Christatà.

21 Noqw pam pumuy pās  
mēwaqé puma it qahakiy  
āawnayaniqat amumi pañ-  
qawu,

22 ¶ Pañqawkañwo: Pay  
Sinot Tiat pas kurshin qa  
hīhiyta kānavotni, nēn imuy  
wūwukwmuy amúhpiy tū-  
viwni pu Susōqaltutuyqawh-  
qat awwat súsmomñwituy  
amúhpiy'o, pu tutúvenlal-  
waqamuy amúhpiy'o, nēn  
pam nīniwni, pu payístalqat  
ép ahoy tātayniwni.

23 ¶ Pu pam sohskmuy a-  
mumi pañqawu: Pay nāpha-  
qawa inúnkniqéy nāwakné',  
nāqé'tit pu talōñvantaqat añ  
ánsakis nahóyléhtsiy kwúkw-  
sukañw inúnkni.

24 Pi nāphaqawa qatsiy  
núitaniqa put kwáyhni, nī-  
kañw nāphaqawa inútsviy  
qatsiy kwayhqa, put núitani.

25 Ispi ya sen sino sohsk  
tūwaqatsit himúivakañw,  
nāp nākwahé, sen tūviwé',  
pam hin put akw moñvastini?

26 Pi nāphaqawa nuy ni-  
kañw pu ilávaiy háhman-  
qat, put hapi Sinot Tiat  
háhmanni, hisat nāp lolmat  
pitsánway añ pitée, pu Nay  
himúyat añnikañw pu qaho-  
váriwyuñqamuy hóhoñviaya-  
tuy himúyamuy añ'a.

27 ¶ Nikañw nu umumi pas

súanqawni: Pay haqawat yèp hoŋqam pas Susöqaltutuy-qawh̄qat m̄nwtunatyayat aw yórikyaniqéy aw pahsavo soon mokíwuy añqw yukúyani.

28 Pu pam iit yāyantaqat laváytiqw, áhpiy nanáltoq-tiqwhaqam pam Petert nit Johnt nit pu Jamest pumuy tsámkañw nāwaknaniqé tūk-wimiq'a.

29 Noqw pam nāto nāwak-naqw, put pitsánwaat alōnti, noqw put yūwsiat qōtsatiqé pas tālawñwaiva.

30 Noqw mé, pépéq hakim löyöm tāqat put amum yuáata, i' Moses niqw pu Elias pumaa.

31 Ima lolmat tālawñwai-kañw mātaqtiqé put mokíwuyat yuáata, put pam Jerusalem téppántiniqat, put'a.

32 Noqw i' Peter niqw pu ima put ámumyaqam pās puwmañuiwyuñwa, nit puma havívokalyaqé puma put lolmat pitsánwayat aw yorikya, pu löqmuy tāqatuy put amum wunúwtaqamuyu.

33 Noqw pāpu puma pay put añqw áhpiyniniqw, Peter Jesust aw pañqawu: Moñwi, pas itam yépéqyaniqw pam lolma; Itam as paykomuy kitotani, sukwat unēm nit sukwat Mosest enēm nit pu sukwat Eliast enēmi; pam hínqawh̄qéy qamātsi'kañw pañqawu.

34 Noqw nāto pam yan hín-qawlawh̄q ōmaw pítuh̄qé pumuy nākwapna, noqw puma tsawiniwkañw ōmawuy aw yuñ.

35 Noqw ōmawuy añqw hakiy tōnaat hínqawh̄qé pañqawu: I' hapi pas aw-iúnañwa Itii, uma aw tūqayyuñw-ni.

36 Noqw hakiy pañqaw hínqawlawh̄qé yukuq, puma Jesust sa tutwa. Noqw puma pay put pas qalaváytaqé hīhiyta hin yórikyaqéy éphaqam qahakiy put āawnaya.

37 ¶ Noqw qavónvaqw pumuy tūkwiñaqw hanq, kāysiwh̄qam sinom put áhsawvaya.

38 Noqw mé, hak tāqa sinmuy amúñaqw tsa'lawh̄qé pañqawu: Moñwi, um ókiw itiyotiy aw yorikni, taq pay pas i' sa itii.

39 Noqw mé, hikwsi put ñuaqw, pam nat yankañw a'nō tōqtiñwu, noqw pam put a'nō hintsanq qōtmoai-vañwu, noqw pam put pas okíwsant, pēp qa mātapñwu.

40 Noqw as ūmi nánatuwnayaqam put añqw put ayo tūvayaniqat nu pañqawu, noqw puma kurshin pántotini.

41 Noqw Jesus hu'waqé pañqawu: Isòhi uma qatúptsiwyañwuqam nānaphinyuñqam sinomu, ya nu híysavohaqami umumum yán-

kañw umuy máqsonlawni?  
Péw uhtiyótiy wíkií!

42 Noqw nāto pam añqw-  
niqw nukpana put tūvaqé  
put a'nō hínstana. Noqw Je-  
sus tuyóyèwakw hikwsit mē-  
waqé, tsākw qaláptsinat pu  
nayát aw put ahoy tavi.

43 Noqw puma sohsoyam  
Susöqaltutuyqawhíqat a'nō  
öqálayat ép kātayuñwa.  
Noqw nāto puma sohsoyam  
sohsok hiýta Jesus híntiqat  
aw wūwantotaqw, pam put  
aw nánatuwnayaqamuy a-  
mumi pañqawu:

44 Nu umumi híñqawniqat  
uma umúhnaqvuvá tañáto-  
tani. Sinot Tiat hapi sinmuy  
māmamayamuy aw noíwni.

45 Noqw pay puma it lavá-  
yit qa māmatsya, pam pu-  
muy amumi túpkiwtaqw,  
öviy puma put qa māmatsya.  
Noqw puma as put pút la-  
váyit tūvín totanikahkañw  
nánahtsopya.

46 ¶ Noqw haqawa sen pu-  
muy amúñaqw súspavanni-  
qat, i' yantaqa wūwni pumuy  
amumi pitu.

47 Noqw Jesus pumuy u-  
nánwpéq tunátyayamuy mā-  
tsi'taqé tsākw nuat put náq-  
lap tavi.

48 Nit pumuy amumi pañ-  
qawu: Nāphaqawa inátñwa-  
niy añ it tsakw pās táviyqa,  
hapi nuy pās taviyqa, pu nāp-  
haqawa nuy pās taviyqa,  
hapi nuy añqw taviyqat pās

tavini; pi haqawa sohsokmuy  
umúñaqw súsqahimuniyqa,  
pam hapi pávanni.

49 ¶ Noqw John laváytiqé  
pañqawu: Moñwi, itam ha-  
kiy uhtuñwniy awyánkañw  
nūnukpantuy ípwantaqw  
tutwa, niyqé itam put mē-  
waya, pam qa itamum unñ-  
niqw öviy'o.

50 Noqw Jesus put aw pañ-  
qawu: Uma qa mēwayani,  
pi pay hak qa itámuñpéwiw-  
taqa, itámunniñwu.

51 ¶ Noqw pam ömi wíkiw-  
niqat aw pítuqw, pam Jeru-  
salemt aqw sutúkta.

52 Niyqé nápyevé tūtuaw-  
áyata. Noqw puma áñpi-  
yaqé Samaria-sinmuy kitsó-  
kiyamuy aw yuña, put enēm  
qénítotaniqat öviy'o.

53 Noqw puma put qa pa-  
náya, pay súsmataq pi pam  
Jerusalem aqwniqw öviy'o.

54 Noqw put aw nánatuw-  
naqam James niqw pu  
John puma it aw yórikqé  
pañqawu: Tutuyqawhíqa, ya  
itam Eliast qa antini, nēn  
ōñaqw ūwiñw hāwé' pumuy  
taqtsoknaniqat qa pañqaw-  
ni?

55 Noqw pam námtökt, pu-  
muy mēwaqé amumi pañqa-  
wu: Pay uma hintaqat hikw-  
sit tunátyayatniyqéy qamā-  
tsi'ta.

56 Pi Sinot Tiat sinmuy  
qatsíyamuy qa hoválaniqéy  
öviy pitu, pi pam pumuy ayo



óyaniqué òviy pitu. Noqw puma sútsvo kitsókimiya.

57 ¶ Noqw pumuy pánsoyaqw, hak put aw pañqawu: Tutuyqawhqa, pay uñ nāphaqaminiqw nu uñkmantani.

58 Noqw Jesus put aw pañqawu: Pay as sisíkahtayt kí-yuñwa, pu súmawuy añ masáiyuñqam totókpi'yúñwa, níkañw Sinot Tiat haqam qötöy nāsunwnaniqéy nās-taa.

59 Pu pam sukwat aw pañqawu: Inuñki. Noqw pam pañqawu: Tutuyqawhqa ason nu as áhpiynén mohti inay amt, pu'ni.

60 Noqw Jesus put aw pañqawu: Paypi so'pum pumuy amúñaqw so'pumuy nāp ámyani, tispí um áhpiynén Sus-öqaltutuyqawhقات monwtu-natyayat yuáatani.

61 Pu piw suhka put aw pañqawu: Tutuyqawhqa, pay nu as uñkni, níkañw nu as mohti ikiy ép yésqamuy amúminén pumuy öqálat, pu'ni.

62 Noqw Jesus put aw pañqawu: Qahak qöriýpit aw maíkañw ahoy täymaqá Sus-öqaltutuyqawhقات monwtu-natyayat aw núhtsaq'a.

## 10. QALÁLNI

1 Iit añk pu Tutuyqawhqa piw pētuy payp sunat pakwt siýkaitaqamuy namórsta, niýqé haqé kitsókinawit ni-

kañw pu hāhaqé pam nákw-suniqéy, pañ pumuy sohsovík nāp hōna, lölöqmuyu.

2 Paniqw òviy pam pumuy amumi pañqawu: Pas as ūyi tukwsiwtaqa pas a'nöö, noqw tumálaiyuñqam híkiyomu; òviy uma nátwanit aw moñ-wit aw nānawaknaqw, pam tumálaiyuñqamuy ūyiy aw hōnani.

3 Yupavé, mè, nu hapi soñawnén umuy mámñatuy kwékwewhtuy amúhsonmi hōna.

4 Uma qahiýta máskaiwis-ni, sivámomokpita, piw tukputa, piw tōtsita, pu uma haqam hakiy áhsawvayé' qa sövu aw híñqaqwamantani.

5 Pu nāphaqami kīmi uma yuñe', uma mohti pāñqaqwa-mantani: Nam uma kwakw-hat yēssee!

6 Pu kurs pēp kí'taqa kwákwhat qátuniqéy nāwak-naqw, pēp umúhkwakwha put awwatniwh̄timantani, kurs qa pantaqw, pay pam umumi ahoy pítumantani.

7 Pu pēp kīvé uma yēsman-tani, hiýta umuy nópnayaqw put nōnovakahkañw pu híhikwyakahkañwo, pi pay tumálaitaqa áhsatíy híýkai-tañwuniq'ö. Uma qa hāhaqé kí'tinumyani.

8 Pu uma haqami kitsókimi yuñqw umuy pās o'yé', hiýta umumi tunösvoñahtotaqw, put uma nōnösamantani.

9 Nèn pèp tūtuyyaqamuy uma qaláptsinayamantani, nèn pumuy amumi pañqaq-wamantani, Susòqaltutuy-qawh̄qat moñwtunatyaaat u-mumi hayínwni'ta.

10 Pu kurs haqami kitsóki-mi umuy yuñqw, pèp umumi qa unáñwtapyaqw, uma pèp kítpipoyé' pu pañqaqwaman-tani:

11 Hikispi umúhkitsokiy qöáyat itamumi hurstiqat itam umúniwakw nahpa u-mumi qöáwh̄paya; nikañw pay it uma pas navóti'yuñw-ni, pay as pas Susòqaltutuy-qawh̄qat moñwtunatyaaat u-mumi pitu.

12 Nikañw nu umumi pañ-qawni: Pay aw talónvaqat ép put wúhkokitsokit épniyqé Sodomt enèm qapas pas kã-navothintani.

13 ¶ Isòhi um'i, Chorazin! Isòhi um'i, Bethsaida! pi as kãtumala umúhpè tumál-tiwh̄qa Tyret nit pu Sidont pumuy amúhpè tumál-tiwh̄qw, pas soon as puma qa hísathaqam pay tunát-yay añqw nánamtökyani, anáha'yūwsit nikañw pu qótsvit yūwsi'kahkañwo.

14 Nikañw pay hínyukílti-niqat ép Tyret nit pu Sidont pumuy amúnèm, unèm hin-taniqat épniyqé qapás pas kãnavotpini.

15 Pu um'i, Capernaum, um òvèqatsit aqw tsokáni-

wh̄qa, um nãto máskimiq tūviwni.

16 Umumi tūqaytaqa hapi inumi tūqaytani, pu umuy qahíytataqa hapi nuy qahíy-tatani, pu nuy qahíytataqa hapi nuy añqw táviyqat qa-híytatani.

17 Pu payp sunat pakwt siýkaitaqam háhlaykahkañw ahoy òkiyqé pañqaqwa: Tu-tuyqawh̄qa, hikispi pas nū-nukpant uhnatñwaniy atsviy itámumi tūqayyuñwa.

18 Noqw pam pumuy amu-mi pañqawu: Nu Nukpa-nat tálwiýpikit an òvèqatsit añqw póstoqw aw tãyta.

19 Mè, nu umuy tsütsu'tuy pu pútskohmokyunqamuy a-mumi wukúkuykuyaniqat aw umuy òqálmaqa, pu tuw-qat sohsok òqálayat aw'i. Noqw pas soon himu umuy tūhotani.

20 Nikañw pay uma qa it ép háhlayani, hihikwsimuy umumi tūqayyuñqat ép'è, nikañw tispí uma it ép háhla-yani, òvèqatsit ép umúh-tuñwniy péiyunqat, put ép'è.

21 Noqw súhpahsat Jesus hikwsit añ háhlaytiqé pañ-qawu: Kwakwhay Inaa, òvè-qatsit nikañw pu tūwaqatsit aw Tutuyqawh̄qa, kwakwhat pi um iit yāyantaqat wūwni'-yuñqamuy nikañw pu qaū-unatuy amumi túpkat, imuy titípostuy amumi máhtakna. Pas ántsaa, Inaa, pi pam pan-

taqa útpip unniqw lolma-niq'ö.

22 Sohsoy himu Inay añqw inumi noiwa, noqw Tiat hákiyniýqat qahak tuwi'ta, pas Naat saa; pu Naat hákiyniýqat, qahak tuwi'ta, pas Tiat saa, pu Tiat hakiy aw put máhtaknaqw, pam piwu.

23 Pu pam put aw nánatuwnayaqamuy amumi nám-tökt pumuy sa amumi pañqawu: Pas pōvosi hihíýta aw umuhyorikiy aw yórikyaqá sakínaya;

24 Pi nu umumi pañqawni: Pas kāysiwhqam Susöqaltutuyqawhقات enēm yuáatotaqam niqw pu momñwit, hihíýta aw umúhyorikiy yórik-yaniqéy nānawaknakañw, qa aw yoríkya, pu hihíýta umuy nanáptaqtat nanáptaniqéy nānawaknakañw, qa nanápta.

25 ¶ Noqw mé, haqawa tutávot tuwi'taqa wunúptut pu put unáhépqé pañqawu: Moñwi, ya nu hinté' qatsit qaso'taqat himúivani?

26 Noqw pam put aw pañqawu: Ya himu tutavot añ péita, ya um hin añ tuñwan-ta?

27 Pu pam hu'waqé pañqawu: Um Napnatsviyqatuhqat Uhsusöqaltutuyqawh-qay aw unánwaitani, sohók uhunañway akw'a, pu sohók uhtäytoynaqay akw'a, pu sohók uhöqalay akw'a, pu

sohsok uhwuwniy akw'a, pu um hin nāmi pas unánwaita-qéy pan um uhsinosñway aw unánwaitani.

28 Noqw pam put aw pañqawu: Pay um súañqawu, um pantani, nēn soon um qa qátuni.

29 Noqw pam nēñēm qēñitaniqéy nāwaknaqé Jesust aw pañqawu: Noqw hak isínosñwa?

30 ¶ Pu Jesus hu'waqé pañqawu: Hak sino Jerusalem t añqw átkamiq Jerichot aqwnikañw qa navóti'kañw haqam uýiñwtuy amumi pituqw, puma put añ put yūw-siyat pōswayat pu put öputotat hihin täytaqtat put mā-tapyat áhpiya.

31 Noqw piw hak Susöqaltutuyqawhقات awwat moñwi pañqé átkamiq'a, niýqé pam put túwahqé pay ayáñqéwat yūmosaa.

32 Pu pan piw hak Levit ah-piyvi pañso pítuñqé put aw tātayt, pu piw ayáñqéwat yūmosaa.

33 Noqw hak Samariat añqw sino haqáminkañw put háqamniqw pañ'a, niýqé pam put túwahqé put ökwatuwa.

34 Niýqé put áwniýqé, pu haqé hínitqat añ wihut nit pu ovávalat wutskañw pañ somta, niýqé nāp pohkoy aqw put tsókat pu yeyéspimi put wikqé, put aw tunátyalti.

35 Pu qavónvaqw pam áhpiyniyqé yeyéspit aw tunátyawtaqat aw löqmuy denariont tavit pu pañqawu: Um it sinot aw tunátyawtani, ason kurs um it ép hóyokiwtat sohsokniqw, nu piw pité' ūmi ahoy sisvini.

36 Noqw un wūwantaqw, imuy paykomuy amúñaqw himuwa it, qa navóti'kañw uūyínwtuy amumi pítuhqat, sinósñwaat?

37 Noqw pam pañqawu: Pay hapi put ökwatuwhqa. Pu Jesus aw pañqawu: Taa, pay um pánmani.

38 ¶ Noqw pumuy haqámiyaqw, pam haqami kitsókimi paki. Noqw hak wuhti Martha yan mätsiwhqa, put kiy aw pana.

39 Noqw pam hakiy, Mary yan mätsiwhqat, tupkoita, noqw pam hak Jesust kúkvéq qatúkañw put laváiyat aw tūqayta.

40 Noqw Martha eném qaa'saqalqé hin unánwaita, niyqé put awniyqé aw pañqawu: Tutuyqawhqa, isùti, ya pay pas nu nāla hiyta aw híntsaqw, itúpko inumi qa unánwtaqw, um qahin unánwti? Um öviy aw pañqawhqa, inúmi unánwtapni.

41 Noqw Jesus hu'waqé put aw pañqawu: Martha, Martha, pas um hīhiyta añ písóq-iwkañw qa suyan unánwaita.

42 Nikañw pay sūka himu pas soon qé'ni, noqw Mary put hiyta lolmat namórsta, noqw soon pam put nāwhkiwni.

## 11. QALÁLNI

1 Noqw hisat pam haqam nāwaknaqé yukuqw, haqawa put aw nānatuwnaqa put aw pañqawu: Tutuyqawhqa, um itámuy hin nānawaknamantaniqat itámuy tutuwnani, John put aw nānatuwnayaqamuy tutúwnaqaqat pan'i.

2 Noqw pam pumuy amumi pañqawu: Uma nānawakné', kitótamantani: Itānaa övéqatsit ép qátuhqa, nam uhnatñwani káptsitiwaa; uhmoñwtunatya pas paynam pituu; uhtunatya it övéqatsit ép hin pasíwhitiqéy nam an tūwaqatsit ép pasíwhiti.

3 Um nāqavo talónvaqaqat añ itámuptsiwtaqat nōsiwhqat itámuy húylawni.

4 Pu itamuy qaántotiqat ép um itámumi put qé'watamantani, pi itam sohsokmuy itamumi qaántotiqamuy amumi put qé'watotañwuniq'ö. Pu um itamuy unáhéppit qa añ tsāmi'mani, nikañw um qalólmata añqw itamuy ayo öoytimani.

5 ¶ Pu pam pumuy amumi pañqawu: As kurs haqawa umúñaqw sen kwātsi'té'



súhtokihaq put awnén, put aw pañqawni: Ikwatsi, um as payhkomuy pólávikit nuy nasímokmaqani.

6 Taq ikwatsi wāynumqé inúhpé pituqw, kurs nu hiýta put nópnaní.

7 Noqw pam áhpañaqw hu'wé' put aw pañqawni: Um nuy qa yūyuýnaní, pay uh-tsiwta noqw itim inúmun tōka, kurs nu hin qatupté uñ put maqani.

8 Nu umumi pañqawni: Paysoqw pi pam put kwātsiatniqw ōviy pam qatúpté' put máqanikañw qa pantit, put qatūqayq ōviy pam qatúpté' put hiysahaqam háqni'taqw pahsa put maqani.

9 Noqw nu umumi pañqawni: Uma tūvintotani, noqw umúmi noiwni; hépyé' uma tútwni; pōññöykinayaqw, umumi hötsíltini.

10 Pi nāphaqawa tūvintaqa, kwúsuñwu, pu haqawa hépqa, túwañwu, pu haqawa pōññöykinaqw, put aw hötsíltini.

11 ¶ Ya sen haqawa uma náatniqw, put tiyótiat aw pólávikit tūvintaqw, sen pam put owat maqani? Sen pam pākiwuy ōviy tūvintaqw, sen pam qa pākiwuy nit tuwat soqw tsūat sa put maqani?

12 Sen pam nōhut ōviy tūvintaqw, sen pam put aw putskohmoktaqat sa itani?

13 Noqw kurs uma qalólol-

mat nikañw umuhtimuy lolmat kuwáhtiput húytotaniqéy tuwi'yuñqw, tis put épniýqé hóyokiwtaqat ōvēqatsit ép Umúna put aw tūviñtotaqamuy Qahováriwtaqat-Hikwsit maqani.

14 ¶ Pu pam nukpanat hórokna, noqw pam qayuáataqa. Noqw nukpana yamakq, qayuáataqa yuáayku, noqw sinom kátayuñwa.

15 Noqw pay puma haqawat pañqaqwa: Pam nūnukpantuy moñwíyamuy, Beelzebubt, awyánkañw nūnukpantuy ípwanta.

16 Noqw pētu put unáhēptotaqé hiýta hiýta-tuáwi'taqat ōñaqwniýqat pam amumi máhtaknaniqat put aw nānawakna.

17 Noqw pay pam pumuy tunátyayamuy mātsi'taqé amumi pañqawu: Qahimu moñwtunatya néhpéwhitiqa qa kīqōtiwñwu, pu kīvit néhpéwhitotiqam símokyañwu.

18 Pu kurs Nukpana piw náhpéwhitiqw, sen hin put moñwtunatyaat wúnuni? Ispi uma nuy Beelzebubt awyánkañw nūnukpantuy ípwantaqat pañqaqwaqw ōviy'o.

19 Noqw kurs nu Beelzebubt awyánkañw nūnukpantuy ípwantaqw, ya umúhtim hakiy awyánkahkañw pumuy ípwantota? Paniqw ōviy

pay puma ason umuy navót-nayani.

20 Nikañw kurs nu Susöqaltutuyqawh̄qat malátsiyat akw nūnukpantuy ipwan-taqw, pay súmataq hapi pas súyan Susöqaltutuyqawh̄qat monwtunatyaat umumi pi-tsiwta.

21 Pi sino a'nö hoñvi tuní-pi'kañw kiy tūwalaqw, himu himúat pás óyiñwu.

22 Nikañw ason put épniý-qé hoñvi put aw pité' put áñwuté' pu put soh̄sok na-qöyyūwsiyat, pam put aw yántaqat, put náwh̄kiñwu, nén túkw'haniy tūhuytañwu.

23 Qa inúmunniýqa hapi inúhpéwiwta, pu qa inumum tsováwtaqa, ahtsavalanta.

24 ¶ Pay tuyóyèway hikw-si sinot añqw yámaké', pam haqé qapáitaqat añ hin-numñwu, nanásunwpit hép-numkañwo, nit qa tuwé, pu pañqawu: Pay nu ikiy, añqw yámakqéy, aw áhoyni.

25 Pu pam ép pité', pèp máspiwtaqat pu hiýta akw sóniwniqéy pás yukíwtaqat túwañwu.

26 Pah̄sat pu pam áhpiynén, tsáné'niýqamuy pètuy hi-hikwsituy náhpéniýqé pas nūnukpantuy aw tsámñwu; noqw puma pañso yuñé' pèp ki'yunwñwu. Noqw put sinot qatsiat núhtun̄kniýqa móh-tiniýqat épniýqé pas qalól-maníñwu.

27 Noqw pam iit yuáay-kuqw, hak wuhti sinmuy amúñaqw kéew laváytigé pañqawu: Pas tíпка uñ pani'-numqa sakína, pu piqtót um tsōnantaqw pam'i.

28 Noqw pay pam pañqawu: Pas antsa, nikañw tísipi ima Susöqaltutuyqawh̄qat laváiyat aw tūqaykah̄kañw pu an hinwisqam háhlaypit épya.

29 ¶ Pu sinom sūmi hurs tsováwmaqw, pam pañqaw-tiva: Pas ima pu'qatsíwap-tsiwyun̄qam qalólolmatu, puma hiýta hiýta-tuáwi'taqat hēvi'yunwa; noqw pay soon himu hiýta hiýta-tuáwi'taqa pumuý amumi noíwni, pas i' Jonas Susöqaltutuyqawh̄qat eñem yuáataqa hin hin-taqéy put akw hiýta-tuáwi'taqa, pam saa.

30 Pi ura Jona Ninevit ép sinmuy amumi hin híntaqéy akw hiýta tuáwi'taqw, öviy piw pan Sinot Tiat pu'qatsívaptsi'yun̄qamuy amumi hiýta-tuáwi'taqani.

31 Tatkaqw wuhti mon̄wi pu'qatsivaptsiwyun̄qamuy sinmuy amumum hinyukílti-niqat ép wunúptuni, nén pumuy qahíýtatani, ispi pam Solomont wūwniyat aw tūqaytaniqé öviy tūwaqal̄ha-haqaqw pítuñqéé, noqw mē, Solomont épniýqé pas pá-vanniyqat yèpè.

32 Ninevet ép sinom pu'

qatsívaptsiwyuñqamuy amumum hinyukiltiniqat ép hón-vani, nèn pumuy qahíytátotani, ispi puma Jonat laváiyat ép tunátyay añqw nánamtökyaqée, noqw me, Jonat épniýqé pas pavanniýqa yépè.

33 ¶ Qahaq pi hak sino wíy-qöhit úwiknat put qamátaq-puvéhaqam tavi, piw tuwánpit sívut akw kúhta, nikañw pam put tsotsókpiyat aw tsókañwu, aw yuñqam tálát tútwaniqw öviy'o.

34 Pösi hapi tokot tálniata, paniqw öviy uhposiy sükwniqw, sohók uhtokoy áhsupoqwhaqami añ hapi tála; nikañw kurs uhposiy pas qalólmaniqw, áhsupoqhaqami piw uhtokoy añ hapi qatála.

35 Paniqw öviy um tunát-yaltiqw, uhpé tála qa qómáwtaqani.

36 Paniqw öviy kurs sohók uhtokoy áhsupoqhaqami añ talq, qaháqam qatálatniqw, pam sohók áhsupoqhaqami tálni, wíyqöhi suyan tálát tálni'té', ümi tálni'tañwuqat, pan'i.

37 Noqw pam yuáataqw, hak Pharisee-sino, put amum pam nösniqat öviy put tüt-samta. Noqw pam aw pákiýqé tunösvoñat aw qatúptu.

38 Noqw pam nösniqé mohiti qa mávaqtaqw, Pharisee-sino túwahqé, hin kurs wüwa.

39 ¶ Noqw Tutuyqawhqa put aw pañqawu: Noqw uma Pharisee-sinom kuyápit pu tsaqáptat övaqéwat kwáñwèwakwtotañwu, nikañw umúpqölpa túkwhantunatya pu núkpantunatya öhpokiwyuñwa.

40 Uma násta wüwni'yuñqamu, puyaw i' övaqéniýqat yúkuhqa qa pam piw ápqölñaqwatniýqat yuku?

41 Tispi uma hiýta himúi-yuñwé' put akw tūoókwatutwani, noqw mé, sohókoy himu umumi kwáñwéway'o.

42 Nikañw isòhi umaa, Pharisee-sinom! Pi uma hótöqla-ñañat nikañw pu hiýta üyit nálalwiwhqat nikañw pu sohók tusáqö'ñalat pakwúsi-kivo patsónòyit añqw süsup oyit ayo öoyyakahkañw, súanyukit pu Susöqaltutuy-qawhqat nuhtumi-unañwayat aw qa tunátyaltoti, iit soon as uma qa pántotini, mítwat qa tatámi'kahkañwo.

43 Isòhi umaa, Pharisee-sinomu! Pi uma tsótsvalkiva súsmohkaqé átsvewat pas háhlaya, pu kitpik umumi yuáatiwniqata.

44 Isòhi umaa, tutúvenlallaqam pu Pharisee-sinomu, nawípèw híntsatskaqamu! Pi uma tütuamit qamátaqyaqat ányuñwa, noqw sinom put atsva yáktakahkañw qahín aw pan wüwantota.

45 ¶ Pahsat pu haqawa tu-

távot tuwi'taqa laváytiqé put aw pañqawu: Moñwi, um pañqawhqe itámumiq enañ hñqawu.

46 Noqw pam pañqawu: Piw òviy umaa, isòhi umaa, tutávot tuwi'yuñqamu! Pi uma sinmuy ikwilnit ikwíl-nuhtselèwakw ikwiltotoyna-yakahkañw, uma nāp hiyta-wat umúhmalatsiy akw put aw qa tónokya.

47 Isòhi umaa! Pi uma Susòqaltutuyqawhقات enèm yuáatotaqamuy tūamiya-muy aw yúykuya, noqw pi umúnam pumuy qòqya.

48 Pay uma pas suyan umúnamuy tumálayamuy hu'wani'yuñqey tuáwi'yuñ-wa, ispi súyan puma pumuy qòqyaqw uma pumuy tūami-yamuy aw yúykuyaqèè.

49 Yaniqw òviy Susòqaltu-tuyqawhقات súanwuwniat piw pañqawu: Nu pumuy amumi Susòqaltutuyqawhقات enèm yuáatotaqamuy pu ayáiyuñqamuy hōnani, noqw pumuy haqáwatuy puma qòqyani pu okíwsasnani.

50 Noqw sohsokmuy Susò-qaltutuyqawhقات enèm yuáa-totaqamuy uñwáam, tūwa-qatsit yáyniwhpuñahaqaw múnwaniwhqa, pu'qatsívap-tsiwyuñqamuy amumi túh-tuiwni.

51 Abelt uñwáyat añqw Zachariast, qatsinatwanpit nikañw pu Susòqaltutuy-

qawhقات kiyat amúhtsave mokqat uñwayat aw páhsa-vo. Pas antsa nu umumi pañqawni: Pay pas pam pu'-qatsívaptsiwyuñqamuy a-mumi soon qa túhtuiwni.

52 Isòhi umaa, tutávot tu-wi'yuñqamu! Pi uma navótit aw hótáhpit yāwisa; uma qa aw yuñkahkañw aw yuñta-qamuy uma ahoy núiyuñwa.

53 Noqw pam pumuy amu-mi iit laváytiqw, tutúvenlal-waqam niqw pu Pharisee-si-nom páhsat put aw qa nātu-sitota pu qa tūtuqayya, pam hihiyta yuáaykuniqat òviy'o.

54 Hísatniqw unáhiñ-qawhqw kwusúyè' put akw puma put hinwat tsokána-yaniqey òviy móqmani'kah-kañwo.

## 12. QALÁLNI

1 Noqw áñwu pay pas qaá-newakwhintaqam sinom sū-mi tsováltiqé pāpu nānami wukúkutotaqaw páhsat pam put aw nánatuwnayaqamuy amumi mohti pañqawu: Uma Pharisee - sinmuy pēkeniya-muy, it nawípèw híntsakpit, èp namítunátyaltotini.

2 Pi qahimu nākwaptaqa qa mātaqtini piw túpkiwtaqa qa nanáptiwni.

3 Paniqw òviy nāphiyta u-ma qatálpuvé yuáaykuyaqw pam tálpuvé nanáptiwmantani, pu hiyta uma yūyupa-vaqé naqvut aqw yuáayku-



yaqw, pam kíykitsòva tsa'-lalwiwni.

4 Noqw nu umuy ikwáts-muy umumi pañqawni: Uma tokot nīnayakañw añk kurs pāpu híntsatsnaniqamuy qa māmqasyani.

5 Nikañw uma hakiy mām-qasyaniqat nu umuy añwu pay āawnani; Uma it, hakiy nīnat pu siviýpit qōhit aqw tūvañwuqèy aw öqálaniýqat, put māmqasyani, owi, nu umumi pañqawni, uma put māmqasyani.

6 Puyaw qa tsivot kwékwé-véwñyam sūkw palávotonat öviy huyíwyañwu? Nikañw pas qa himúwa Susöqaltutuyqawñqat atpip sūhto-kiwñwu.

7 Noqw híkispī umúhqö-töva hōmi sohsoy póhtoy-laniwta. Paniqw öviy uma qa tsawíniwyuñwni, uma kāysiwhqamuy kwékwé-véwñyamuy sumíyantiqw amúhpèniýqè pas a'nö híy-kaiyuñwa.

8 Pu nu piw umumi pañ-qawni: Nāphaqawa sinmuy amútpik nuy nákwahaw, put hapi Sinot Tiat tuwat Susö-qaltutuyqawñqat hōnviay-muyatuy amútpik nákwhani.

9 Nikañw sinmuy amútpik nuy qanákwahaw tuwat Susö-qaltutuyqawñqat hōnviay-muyatuy amutpik qanákw-haniwni.

10 Pu nāphaqawa Sinot

Tiyat éhpéwi laváytiqw, pay put ép pam put aw qé'watiw-mantani, nikañw Qahováriw-taqat-Hikwsit éhpéwi qahíy-tailavaytiqat pas aw pam qa qé'watiwmantani.

11 Pu puma umuy tsóts-vaikiva pu momñwituy pu öqálat pasiwyuñqamuy amútpipo tsamyaqw, uma hín nikañw pu hiýta akw hu'-wayaniqèy, sen hiýta laváy-totiniqèy qa wuwánvisoiw-yuñwmantani,

12 Pi Qahovariwtaqa-Hikw-si ason sūhpañsat umuy hiý-ta laváytotiniqat umuy tu-túwnamantani.

13 Noqw sinmuy amúñaqw suhka put aw pañqawu: Moñwi, um ivávay aw pañ-qawñq, pam itanay hiýta himúyatniñwuqat nuy añqw máqani.

14 Noqw pam put aw pañ-qawu: Sino, ya hak nuy umuy hinyukúnaniqat, sen umuy hiýta námqananiqat aw nuy tavi?

15 Noqw pam pumuy amu-mi pañqawu: Uma tunátyal-totini nēn kánēwh̄tunatyat qé'yani, pi paysino hiýta ný-ti'taqèy, qa put atsviy qá-tuq'ö.

16 ¶ Pu pam hiýta antaqat laváyit pumuy amumi laváy-tiqè pañqawu: Hakiy kahák-taqat pāsaat a'nö hiýta aníw-na.

17 Noqw pam náppölpè wū-

wantaqé pañqawu: Ya sen nu hínitini, pi nu kurshaqami inátwaniy óyani?

18 Nit pam pañqawu: Han pi yanti, nu iqénikiy tsawímné' pu pas wukókitani, nèn pép nu sohók inátwaniy pu hihíyta ihímuy óyani.

19 Nit pu nu itäytoynaqay aw pañqawni: Itäytoynaqa, pas um níytiwtaqat hiýta híysahaqam kurs yáhsañwuy añ óyiniqat koyóhta; um nāsunwnani, um tūmoykañw hihikwkañw háhlayni.

20 Noqw pay Susöqaltutuyqawhqa put aw pañqawu: Um núanhimuu, it tókilat ép umi uhtäytoynaqay öviy túhtuiwni, noqw pép pu iit hihíyta um koyóhtaqw, pam hakiy himúatni?

21 Noqw pan hapi i' nēnem hiýta kaháktsovalakañw Susöqaltutuyqawhqa awwat qahíyta kähakniýqa hinta.

22 Pu pam put aw nānatuw-nayaqamuy amumi pañqawu: Paniqw nu umumi pañqawlawu, uma umúhqatsiy enēm qa nānaphin wūwan-totani, hiýta uma nōnovani-qéyu, pu piw umúhtokoy enēmi, hiýta yūyuwsiyani-qéyu.

23 Pi qatsi nösiwhqat épniýqé pávan pás'i, pu toko yūwsit épniýqé pavan pás'i.

24 Kurs aánwustuy amumi wūwayaa, pi puma qa ūuyañwu piw qa hōqyañwu, puma

qa qéniki'yuñwa, piw qa tuóyki'yuñwa, noqw Susöqaltutuyqawhqa pumuy nōnopna; noqw tispí uma masáiyuñqamuy amúhpéníy-qé pas pavan híykaiyuñwa.

25 Noqw ya sen haqawa uma hin wúnwiwtaqéy aw, tsövit aw aphsavo mātuwanit pahsavo, hōyoknaniqéy paysoqw tunátyawkañw pan-tini?

26 Noqw kurs hikis uma súsqahintaqat kūrshínya-nik, puyaw hinoqw uma ah-piy pēhut wuwánvisoqiw-yuñwa?

27 Uma lili-sishut hin wúnw-iwwisqat aw wūwayani, puma qa tumálaiyuñwu, puma qa tóntotañwu; noqw pay nu umumi pañqawni: Nāmahin pi as Solomon pas sohók lolmat pitsañway pasíwkañw qahíytawat imuy amún yūw-si'ta.

28 Noqw kurs Susöqaltutuyqawhqa tūsaqat pu' túts-kwavayakañw qāvo pay qōp-qōmiq māspiwyaniqat yū-yuwsiné', puyaw hinoqw pam tis umuy qa pavan pas yū-yuwsinani, uma ókiw hihín-tuptsiwni'yuñqamu?

29 Pu uma hiýta nōnovani-qéy pu hiýta hihikwyaniqéy qa hēvi'yuñwni, piw uma qa wíwsiyani.

30 Pi sohók iit hiýta tūwa-qatsit ép sopkawat hihíytu sinom tunátyawyuñwa, noqw

Umuna navóti'ta, umuy iit hiyta háqni'yuñq'ö.

31 Nikañw tispí uma Susö-qaltutuyqawhقات monwtu-natyayat hépyani, noqw sohsoy ñi himu umumi énañtini.

32 Uma qa tsawíniwyuñw-ni, hiysa' tōnawtaqamu, pi pay Umuna umuy monwtu-natyat máqaniqéy pas háhlayi.

33 Uma hiyta himúiyuñwé' put huyáyani nēn hiyta akw tūookwatuwyani, qa tsáhk-wakñwuqat tukput uma nēnnēm yukúyani, òvèqatsit ép káhakiwat qa súlawhti-ñwuqata, pép uyíñwu qa aw pítuñwu, piw kwáhya qa kwáhyatañwu.

34 Pi haqam umúhkahaki-way oyiqw, pép piw umúhu-nañwa hinnumni.

35 ¶ Uma umúhkwéwtaqva kwéwyuñwni, pu umúhqōhiy qōhi'yuñwni.

36 Pu uma imuy sinmuy pu-muy tutuyqawhqaam nā-ñuiwhqat añqw ahoy pituni-qat puma núhtayyuñqamuy amúnyuñwni, pam pité' pō-ñōñyokinaqw puma put súh-hötayaniqéy òviy'o.

37 Pas puma tumálà'yat háhlaypit épyani, tutúy-qawhqa pité' pumuy tunát-yawyuñqw túwaq'ö. Pas antsa nu umumi pañqawni, pas soon pam hiyta qa kwéwhat pumuy tunōsvoñat aw yēs-

vanat pu amúmi nēn, amu-nēm hiytani.

38 Pu kurs pam tūtuwala-qamuy amúñaqw lōsni'ma-qatniqw, sen pāyisni'ma-qatniqw pité', pumuy pán-yuñqw tuwaqw, pas puma tumálà'yat háhlaypit épya-ni.

39 Nikañw it uma navóti'-yuñwni, pi as ki'taqa hísat-niqw uyíñwut pítoniqat na-vóti'té' soon qa tūwalani, nēn kiyat pákiniqw aw qa pánani.

40 Oviy uma piw paniqw monwvasiwyuñwni, pi Sinot Tiat hísatniqw, umuy qa pan wūwantotaqw, pítoni.

41 Noqw Peter put aw pañ-qawu: Tutuyqawhqa, ya um it hiyta antaqat laváyit itá-mumi laváyti, sen pay pas sóhsokmuy amumi?

42 ¶ Noqw Tutuyqawhqa pañqawu: Taa, ya hak sen qa núkpana, pas wūwni'taqa, sukw himúyat aw tunátyaw-taqaniqw put tutuyqawh-qaat timuy amumi put monw-tapni, pam ánsakis pumuy tunōsmakiwayamuy pumuy húylawniqat òviy'o?

43 Pas pam tumálàya háh-laypit épni, put tutuyqawh-qaat pité' put pántsakqat túwaq'ö.

44 Pas antsa nu umumi pañ-qawni, pam soon put qa soh-sok hiyta himuy aw monw-tapni.

45 Nikañw kurs pam tumá-làya unáñwpéq sen pañqaw-ni: Pay itútuyqawhqa soon nāto pituni, kité', pu pahsat pay taqtumálà'yatuy pu mántumálà'yatuy wuváhti-vakañw pu hiýta tūmoyva-kañw hihikwtivé' pu honáq-kuyit akw hōnaqìwtaqw,

46 Put tumálàyat tutuy-qawhqaat hisat talōnvaqat ép pam put qa núhtaytaqw pituni, pu haqé tāwat qaláw-maqw qa tunátyawtaq'ō, nēn put nāhoý tukuni, nēn qa-túptsiwni'yuñqamuy enañ put sūvo qēnitoynani.

47 Pu i' tumálàya tutuy-qawhqaý tunátyayat navó-ti'kañw hin hīntaniqéy qaán-tit piw put tunátyayat qaán-tiqa, pas wūhakis wuváhtiw-ni.

48 Nikañw i' qanavóti'kañw hihiyta wuváhpih híykaita-qat hīntiqa pay qawūhakis wuváhtiwni. Pi nāphaqawat aw wūhaq himu noíwhqat, aw wūhaq túhtuiwni, pi ha-kiy aw sinom wuhaq noáyé' put aw puma tis wūhaq tū-vīntotani.

49 ¶ Nu tūwaqatsit ép qōh-niqé ōviy pitu, noqw is as pay qōhiwté' pas sūináwak-nini.

50 Nikañw pi nu kūyit akw tuvóylat akw tuvóylatiwni, noqw isùti, nu hisat yukílti-niqat aqwhaqami páhsavo hurs tsúrukiwta!

51 Ya umuy wūwantotaqw, nu tūwaqatsit ép suyánis-qatsit tūmqaniqé ōviy pitu? Nu umumi pañqawni: Qae, qa put'a, nātsikiwtaniqata.

52 Pi yáhpiy haqáhpiy hapi sūp kīvé tsívotniýqam nātsi-kiwyuñwni, pahyom lōqmuy amúhpéwiyani, pu lōyōm payhkomuy amúhpéwii.

53 Naat tiyótiy éhpéwiman-tani, pu tiyo nay éhpéwiman-tani, pu yúat mantiy éhpé-wimantani, pu mana yuy éhpéwimantani, pu mō'wi'-taqa mōwiy éhpéwimantani, pu mō'wi puwsuñway yúyat éhpéwimantani.

54 Pu pam piw sinmuy amumi pañqawu: Uma tā-vañqw ōmawuy kuyvaqw tútwé', āpiy pay pañqaq-wañwu: Añqw yōyañwù, noqw ántsaniñwu.

55 Pu tatkaqw hūhuqw u-ma pañqaqwañwu: Pas utúhuuni, noqw antsa pan-tañwu.

56 Uma nawípèw hīntsats-kaqamu, pay as uma tókpe-lat pu tūwaqatsit pitsáñwa-yat aw māmatsyañwu ni-kañw, ya hintaqw ōviy uma pu' haqé qaláwwisqat qa māmatsya?

57 Owí, noqw ya hīnoqw uma hiýta umúhhintsakpiy qa aw sūan wūwaya?

58 Um úhpéwiwtaqat amum moñwit awnēn, nāto um áw-nikañw, um qa nātusité' put



añqw mātaviwni. Taq nāp-hisat sen pam uñ hín-tüyuy-kunaqat aw lölökintaqw, pu hin-tüyuykunaqa uñ tūsivintotoynaqat aw noáqw, pu tūsivintotoynaqa uñ sivićkimi tūvani.

59 Nu ūmi pañqawni: Pas um soon pañqw yámakni, ason pas um sústsakw sivat núhtuñkniyqat sisvė', pu'ni.

### 13. QALÁLNI

1 Noqw pahsat haqáwat pėpyaqam put āawnaya, Galilee-sinmuy uñwáyamuy Pilate pumuy hómòyiyamuy enañ namíqrilaqata.

2 Noqw Jesus hu'waqé pumuy amumi pañqawu: Ya umuy wūwantotaqw, ima Galileet añqw sinom sohsokmuy Galilee-sinmuy amúhpėniyqé pas súsqahópiyť, niyqé iit kánanapta?

3 Nu umumi pañqawni: Qae, nikañw uma qa ahoy umúhtunatyay añqw nánamtökyé, uma sohsoyam pumuy amun súlawhtotini.

4 Sen imuy pakwt nanal siy-kaitaqamuy amumi Siloamt ép wupáki sáhpukqé qöyaqw, ya umuy wūwantotaqw, puma sohsokmuy sinmuy Jerusalemt ép ki'yuñqamuy amúhpėniyqé pas súsqahopiýtu?

5 Nu umumi pañqawni: Qae, nikañw uma qa ahoy umúhtunatyay añqw nánam-

tökyé', uma sohsoyam pumuy amun sulawahtotini.

6 ¶ Pu pam piw it hiýta ántaqat laváyit laváyti: Hak sino ováuyiy ép nönvospatat ūyi'ta. Noqw pam sipálheptoqé aw pitut, qahiýta tuwa.

7 Pahsat pu pam ováuyit aw tunátyawtaqat aw pañqawu: Mé nu pu payhkomuy yáhsañwuy añ it nönvospatluyit aw sipálhept, qahiýta tuwa, um tsáhqani, ya hinoqw pam tutskwat hoválnit'a?

8 Noqw pam hu'waqé put aw pañqawu: Tutuyqawhqa, pay hāk pam it yáhsañwuy añ pántani, ason nu put áqlavaqé hañwat put aw kwitáoyni.

9 Noqw kurs pam himúivaqw, lolmani, pu kurs qa pantiqw, paypi um tsañqani.

10 ¶ Noqw pam nasúnwintalönvaqat ép haqamwat tsótsvalkivė tütutuqayna.

11 Noqw mē, pėp hak wuhti tūyat hikwsit akw pakwt nánal siykaitaqat yáhsañwuy añ tūtuya, niyqé nömökiwtaqé kurshin kwúhpukni.

12 Noqw Jesus put túwahqé put wánwayt pu put aw pañqawu: Wuhti, pay um uhtuyay añqw nāhiwa.

13 Pu pam put aw mátywł, noqw pahsat pay pam tsikwqé Súsöqaltutuyqawhqaqat pas híytata.

14 Noqw tsótsvalkivè moñwi itsívuiwkañw laváyti, Jesus nasúnwintalöñnit ép qaláptsinaqw öviy'o. Niýqé sinmuy amumi pañqawu: Naváysikis hapi talöñvaqat añ sinom tumálaiyuñwmantani, öviy uma put añ pèwyé', qaláptuyani, nèn qa nasúnwintalöñvaqat épyani.

15 Noqw Tutuyqawhqa pahsat put hu'waqé pañqawu: Um nawípèw híntsakqa, puyaw uma nasúnwintalöñvaqat ép qa nánap umúh-wakasvoñkoy sen umúh-moropkoy haqam sómiwtaqw, náhyé' put híkwnawisñwu?

16 Noqw i' wuhti Abrahamt mántiatniqw, mè, Nukpana put pakwt nánal siýkaitaqat yáhsañwuy añ sómi'taqw, ya soon nasúnwintalöñnit ép pam sómiwtaqéy añqw nāhiwni?

17 Noqw pam iit laváytiqw sohsoyam put éhpéwiwyuñqam hamántoti, noqw sohsoyam sinom hahlaytoti, soh-sok hiyta pam qa öwítumaltaqat ép'è.

18 ¶ Pu pam pañqawu: Ya Susöqaltutuyqawhqaqat moñwtunatyaaat hiyta anta? ya hiyta enañ nu put namí-mahtaknani?

19 Pam mustard-uyit pōsiyat anta, put sino kwusut pu pāsaiy ép tūva, noqw pam wuñwqé pas wukótsokiniwhiti, noqw súmawuy añ ma-

sáiyuñqam put nántaqayat añ ki'vaya.

20 ¶ Pu piw pam pañqawu: Ya nu Susöqaltutuyqawh-qat moñwtunatyayat hiyta enañ namímahtaknani?

21 Pam pēkenit anta, put wuhti kwusut pu payp tuwánit ñumnit enañ namíqw-rilaqw, pam sohsoy pēke.

22 ¶ Pu pam wúhkokitsokinawit nikañw pu pay kitsókinawit Jerusalemt aqw hóytakañw tūtuqaynatima.

23 Noqw haqawa put aw pañqawu: Tutuyqawhqa, puyaw pay híkiyom ayo nõñak-ni? Noqw pam pumuy amumi pañqawu:

24 Uma hiysa' pūtsit hötsiwat añ yuñniqéy qa nātusitotani. Nu umumi pañqawni: Pi kāysiwhqam as aw yuñniqéy tunátyaltotini, nikañw kurshinyani.

25 Hisat ki'taqa wunúpté' pu hötsíwmiq uhtaqw, pu uma pahsat iýpaqw hoñkañkañw hötsíwmiq pōññōtoy-nayani pañqawkahkañwo: Tutuyqawhqa, Tutuyqawhqa, itámumi hōtaa! Noqw pam lavayté' umumi pañqawni: Pay nu umuy hakímuy háqaqwyaqw umuy qa tuwímuita.

26 Pahsat pu uma pañqaw-tivayani: Itam ura útpip nõñōsa pu hihikwya, noqw um itahkitpik tūtutuqayna.

27 Noqw pam pañqawni:

Pay nu umumi pañqawni, kurspi uma hakim háqaqwaya, inúñaqw áhpiyaa, uma sohsoyam qasúantsakpit tumáltotaqamu.

28 Pep tsäykitiwni, pu tama nūritiwni, uma imuy Abrahamt pu Isaact pu Jacobt pu sohsokmuy Susöqaltutuyqawhقات enēm yuáato-taqamuy Susöqaltutuyqawhقات monwtunatyayat ép tahnawtaqw amumi yórikyakahnw, umawat iypohaqami máspiwyaq'ö.

29 Pu puma hōpaqw ökini pu tāvañqö, kweníñaqö, tatkaqö, nēn Susöqaltutuyqawhقات monwtunatyayat ép yēsvani.

30 Noqw mé, núhtuñkyaqam móhtiyaní pu móhtiyaqam nuhtuñkyani.

31 Noqw ép talōñvaqat ép haqawat Pharisee-sinom ökiyqé put aw pañqaqwa: Um yámakt áhpiyni, taq Herod un nīnaniqéy tunátyawta.

32 Noqw pam pumuy amumi pañqawu: Yupavé, nēn uma put sikáhtayot aw pañqaqwani, mé, nu nūnukpan-tuy ípwanta, pu tūqaláptsinta, puu, pu qāvoo, nit páytokw pu nu yúkuni.

33 Nikañw pay nu pas soon qa kwilalatani, puu, pu qāvoo, pu lōtoki, ispi soon Susöqaltutuyqawhقات enēm yuáataqa Jerusalemť áiyp-haqam súlawhtiniq'ö.

34 ¶ Isòhi Jerusalem Jerusalemy, um Susöqaltutuyqawhقات enēm yuáatotaqamuy qöyantaqa, pu ūmi ayátiwyaqamuy tatátupqa, kurshiysakishaqam as nu uhtimuy tsoválani, kowákowuhti timuy másay átpikaqé tsoválañwuniqw, pan'i; noqw uma qa nānawakna.

35 Mē, umúhki súnalkoiwkañw umumi mātaviwa, noqw nu pas antsa umumi pañqawni: Pas uma soon inumi yórikyani ason pas uma, I' Tutuyqawhقات nātñwaniyat añ pítuhqa pas háhlaypit ép'è, kitótaniqéy, pép pu'yani.

#### 14. QALÁLNI

1 Pu hisat pam nasúnwintalōñnit ép Pharisee-sinmuy amuñaqw sukwat móhpéqniyqat kiyat ép tūmoytaqw, puma put aw tunátyawyuñwa.

2 Noqw mé, hak pép put átpíp pātuyat tūtuyqa qatu.

3 Noqw Jesus laváytiqé tutávot tuwi'yuñqamuy nikañw pu Pharisee-sinmuy amumi pañqawu: Ya nasúnwintalōñvaqat ép hak hakiy qaláptsinaniqw pam súanta?

4 Noqw puma qahínqaqwa. Noqw pam put nuat put qaláptsinat, pu put mātavi.

5 Nit pumuy amumi pañqamu: Ya umuy haqáwat sen morópkoat sen wakásvok-

át pátñimiḡ pōsqw, pam nasúnwintalōnnit ép qa āpiy pay put pañq̄w hóroknani?

6 Noqw puma piw kurshin iit ép put aw hínqaq̄wani.

7 ¶ Noqw tūtsamiwyaqam pas súsmodhkaqé qénit nán-morsyaq̄w, pam pumuy amumi navótqé pu pumuy amumi it hiyta ántaqat laváyit akw laváyitiqé pañq̄awu:

8 Haqawa uñ nāñuiwhqat aw tūtsamtaq̄w, um qa sús-nukñwat átsviewat ép qatúptumantani, taq nāphísat sen pam hakiy sinot úhpèniyqé pas pavan sinot tūtsamé',

9 Pu i' uñ nikañw pu put tūtsamqa pité', pu ūmi pañq̄awni: It qénitoyaa, kitaq̄w, pu um pahsat hamániwkañw sūshinèwakw qénit ép qa-túptuni.

10 Nikañw um tūtsamiwé', um awnén sūshinèwakw qénit ép qatúptumantani, noqw i' uñ tūtsamtaqa pité' ūmi pañq̄awni: Ikwatsi, um pavan núkñwat awni, kitaq̄w, pahsat pu um umum tunōsvoñat aw yésqamuy amútpik hiytatiwmantani.

11 Pi haqawa mómiḡ nātso-kañqa qahímuniwhitini, pu haqawa nāqahiýtataqa, pam mómiḡ taviwni.

12 Pu pam piw put tūtsam-qat aw pañq̄awu: Um tāwanasavé sèn tápk̄iqw nōvaté' um qa uhkwatsmuy piw qa uhpavamuy uhtupkomuy piw

uhsinomuy, piw qa uhkahak-kisñwamuy tūtsamtamantani, taq nāphísat sen puma tuwat uñ tūtsamtotaq̄w, pay ūmi put añ tūtskwatiwni.

13 Nikañw um tūnopnanik, um imuy ōokiwyaaqamuy tūtsamtamantani pu tutúhap-tuyu, pu nōñōkwituyu, pu qapóstalyaaqamuyu,

14 Nèn um pahsat pu háhlaypit épni. Pi puma kurshin ūmi put añ tūtskwatotaniq̄w ōviy'o. Pay ason sūanyuñqamuy ahoy tātayaqat ép ūmi ahoy put añ tūtskwatiwniq'ö.

15 Noqw puma haqawa put amum tunōsvoñat aw qátuhqa iit navótqé, put aw pañq̄awu: Pas i' Susōgaltutuy-qawh̄qat moñwtunatyayatép pólávikit tūmoytaqa háhlaypit épni.

16 ¶ Noqw pam put aw pañq̄awu: Hak sino tápk̄iqw wukónovataqé pu kāysiwhqamuy tūtsamta.

17 Nit pu nonópsat tumálà-yay imuy tūtsamiwyaqamuy amumi hōna, amumi pañq̄awniq'ö: Tuma nōswisa, pay sohsoy himu yukílti.

18 Noqw puma sohsoyam hiyta akw pay qé'yaniqéy aw sūnya. Móhti'maqa put aw pañq̄awu: Piw nu hiysaq tutskwat túiyqé, pas soon qa aw kúyvatonì, himu pay as nu qé'ni.

19 Noqwsuhkawa pañq̄awu:



Piw nu tsivótsikip nanás-  
ñwamuy tumálwawakastuy  
túiýqé, nu pumuy amumi hin  
póhtato, himu pay as nu  
qé'ni.

20 Noqw suhkawa pañqa-  
wu: Piw nu nōmataqé ōviy  
kurshin awni.

21 Noqw ōviy pam tumál-  
àya pítuhqé tutúyqawhqay  
iit āawna. Pahsat pu ki'taqa  
itsívutiqé tumálàyay aw pañ-  
qawu: Yupa wuhkokitsokimi  
kikitpiyo káktayii, pu kikis-  
kamii; nēn um imuy ōokiw-  
yaqamuy pu tutúhaptuy pu  
nōnōkwituy pu qapóstalya-  
qamuy péw tsamni.

22 Noqw tumálàya pañqa-  
wu: Tutuyqawhqay, pay as uñ  
hin nāwaknaqw anti, noqw  
pay nāto qēni.

23 Noqw tutuyqawhqay tu-  
málàyat aw pañqawu: Yupa  
pōnawit nākwsuu, pu haqé'  
ñōyakiwyuñqat añ'a, nēn um  
pumuy añqw péw áñwutani,  
noqw ikiy ép óhpokni.

24 Pi nu ūmi pañqawni: Pay  
pas soon puma táhtaqt, ura  
tūtsamìwyaqam, himuwa  
inóvay añqw yúkuni.

25 ¶ Noqw qaánewakwhin-  
taqam put amum haqámiya,  
noqw pam namtōkt pu pu-  
muy amumi pañqawu:

26 Nāphaqawa inúnkniiýqa  
kurs nay pu yuy pu nōmay  
pu timuy pu pāvamuy túp-  
komuy, pu qōqamuy siwá-  
muy, pu hikis piw pas nāp

qatsiy aw qa qayan unañwai-  
taqa pas kurshin inumi ná-  
natuwnaqani.

27 Pu nāphaqawa nahóy-  
lēhtsiy qa ikwiltat qa inúnk-  
niýqa, pas kurshin inumi ná-  
natuwnaqani.

28 ¶ Ispi ya haqawa uma  
wupákitaniqéy wūwantaqay  
qa mohti qatúpté' pu hin  
hiýkaitaniqat aw wūwani,  
sen pay aw áptsini'taqéyu?

29 Nāphisat pi sen pam kíy-  
yaynat kurshin put aw yú-  
kuniqw, sohsoyam put aw  
yórstotaqam put aw tutu-  
tsiwtivayé',

30 Pañqaqwani: I' sino as it  
kitivat, kurshin aw yúkuni.

31 ¶ Hal ya sen hak moñwi  
sukw moñwit aw kíypokto-  
kañw qa móhti qatúpté' pu  
wūwani, sen pay pam pak-  
wútsikip sōmorit pahsa sinó-  
muikañw, it sunátsikip sōmo-  
rit pahsa sinómuikañw put  
áhsawvatoqat áhsawvé', pay  
ōqálaniqéyu?

32 Sen qa pántinik, nāto  
mitwat pas yāvaqniqw, pam  
put aqw tūtuawàyaté', hin  
puma nākwatstaniqat put  
aw maqáptsitani.

33 Noqw pan hapi ōviy piw  
nāphaqawa uma qa sohsoy  
hiýta himuy tatámtaqa, pas  
kurshin inumi nānatuwna-  
qani.

34 Pas òña lolma, nīkañw  
kurs òña suhúwiwé', ya sen  
pam hiýta akw suhútiwni?

35 Pam tutskwat aw qa ápi, piw kwitáoyiwniqéyu, pay panis pam máspiwñwu. Navótniqéy öviy náqvuita-qa, navótni.

### 15. QALÁLNI

1 Pahsat pu sohsoyam sivátsovalantotaqam niqw pu qaánhinwisqam put aw tūqayyuñwniqéy öviy put aw öki.

2 Noqw Pharisee-sinom pu tutúvenlalwaqam qayan unánway pañqawa: I' sino qaánhinwisqamuy amumi unánwtavi'kánw amumum tūmoyta.

3 ¶ Noqw pam pumuy amumi it hiyta antaqat lavayit yuáaykuqé pañqawu:

4 Ya haqawa uma sen tsivótsikip sunat kanélvokmuitaqa kurs sūkw haqaminén, puyaw pam sūkw akw qa tsivótsikip súnatniýqamuy tútskwavé qamātapt, pu it kurs-haqaminiýqat hépté', pas tuvé' sa pahsavoni?

5 Pu pam put tuwé' háhlay-kanw sukaktsiva put tsókani.

6 Pu pam kiy ép pité' pam kwátsmuy pu kisñwamuy tsovalé', amumi pañqawni: Uma inúmun háhlayani, pi nu ikánelvohkoy kurs as haqaminiýqat túwaq'ö.

7 Nu umumi pañqawni: Pan hapi övéqatsit ép háhlayani, sūkw qaánhinmaqat tunátyay añqw námtökqat

ép'é; imuy sūkw akw qa tsivótsikip súnatniýqamuy súanyunqamuy, pay kurs hiyta ép tunátyay añqw nánamtökyaniqamuy amúhpé háhlaypit épniýqéé.

8 ¶ Sen pi hak wuhti pakwt sivaitaqa kurs sūkw haqam pósne', puyaw pam wíyqöhít qa úwiknat pu áhpavé más-pivé', pu pás put hēvé', tuwé' sa pahsavoni.

9 Pu pam put tuwé', pam kwátsmuy pu kisñwamuy tsovalé' pañqawni: Inumum háhlayaa, pi nu it sivat kurs haqaminiýqat, put túwaq'ö.

10 Nu umumi pañqawni: Pan hapi sūkw qaánhinmaqat tunátyay añqw ahoy námtökqat ép Susöqaltutuy-qawhqat hónviaymuyatuy amúhpé pas háhlaypiniñwu.

11 ¶ Pu pam pañqawu: Hak sino löqmuy tiyótimuita,

12 Noqw tsaywa nay aw pañqawu: Itánaa, um uhhi-muy añqw híysahaqam inumi noíwniqat inumi nóani. Noqw pam hiyta akw qátuh-qéy pumuy námqana.

13 Pu ahpiy qa wūhakis talqw, pay tiat tsaywa soh-sok hiyta tsovalat pu yāvoq tútskwamiqhaqamii, niýqé pépéq pam nāphin qátuhqé, hiyta himuy soh-sok hovála.

14 Noqw pam hiyta himuy soh-sokniqw, pép tutskwat ép pas wukótsönösti, noqw pahsat pu pam hiyta nástati.

15 Niýqé pam pèpèq tuts-kwat èpèq hakiy ki'taqat aw nátska, noqw pam put pāvasay aw hōna, pitsótimuy nópni'taniq'ō.

16 Noqw pitsōtim hiýta páhpuyat nōnovaqw, pam as put öyniqé amumi kwánwaituswa, noqw put qahak put maqa.

17 Pu pam nāmi navótqé pañqawu: Kurshíysaniýqam itanay tumálàymat nōsiwhqat qarūrumnayaqw, nu tsóñawuy akw yépéhaq mó-moki.

18 Hanpi wunúptut inay aqw'a, nèn nu put aw pañqawu: Inaa, nu ōmi qaánti, pu útpipo,

19 Niýqé pāpu um nuy ti'taqey pañqawniqat nu qahíykaita, pay um nuy súkwat ayáiwtaqat an tumálàýtani.

20 Pu pam wunúptut pu nay aqw'a. Noqw pay nāto pam yāvaqwniqw naat put túwahqé put ōkwatuwa, niýqé wárikqé put kwápkáqé súmavoktat put tsóhtsona.

21 Noqw tiat put aw pañqawu: Inaa, nu övéqatsit aw qaánti, pu útpipo, niýqé pay pāpu um nuy ti'taqéy pañqawniqat nu qahíykaita.

22 Noqw pay naat tumálàymuy amumi pañqawu: Pèw súslomayuwsit yāwisaa, nèn it yūwsinayaa, pu māyat

tañápsomtoynayaa, pu tóts-toynayaa.

23 Pu uma pèw wakáshoyat wíytoyniwhqat wíkyé' nīnayani, noqw itam nōnové háhlayani.

24 Pi i' iti as mokpu nit piw qatu, i' as kurshaqami nit nātuwiwa. Noqw pañsat pu puma háhlaytivaya.

25 ¶ Noqw put wūyoqwa tiat pásvé hinnuma, niýqé pam kīmi háyhkalaqé lēlenyaqw pu tīvaqw navóta.

26 Niýqé pam sukwat tumálàyat wánwayqé, put iit hiýtaniýqat tūviinta.

27 Noqw pam put aw pañqawu: Pay uhtúpko pitu, noqw una wakáshoyat wíytoyniwhqat nīna, pam put qahíntaqat súphélawtaqat pitsínaqé öviy'o.

28 Noqw pam itsívutiqé qa aw pákiniqéy nāwakna; noqw öviy put naat yámakqé put aw kuwáwata.

29 Noqw pam hu'waqé nay aw pañqawu: Mè, nu pu wūhaq yáhsañwuy añ un tumálaita, piw nu qahisat uhtutavoy hiýtawat èp qaánti, nīkañw um qahísat nuy kapírs-hoyat máqa, nu ikwátsmuy amumum háhlayniniq'ō.

30 Nikañw panis it uhtiy, tokoy húhyayaqamuy amúhpa uhhimuy hiýta sóhsokniýqat, pituqw, pay um put enèm wakáshoyat wíytoyniwhqat nīna.

31 Noqw pam put aw pañqawu: Itii, pay um sùtsép inumum yánta, noqw sohsoy himu ihímu uhhimu.

32 Pi pay itam pas qatsítoté' háhlayaniqw, pamsúanta. Pi i' uhtupko as mokpu, nit piw qatu; pam as kurshaqaminit, nātuwiwa.

## 16. QALÁLNI

1 Pu piw pam put aw nánatuwnayaqamuy amumi pañqawu: Ura hak kaháktaqa hakiy put enēm himúyat aw tunátywawtaqat ayáita, noqw pam put himuyat hováantaqat put āawnaya.

2 Noqw pam put wánwayqé put aw pañqawu: Ya hín-taqw ōviy nu it hiyta yántaqat uñ navóta? Um hiyta aw hin tunátywawtaqéy nuy āawnani, taq um soon pāpu hiyta ihímuy awtunátywawtaqani.

3 Pahsat pu pam, hiyta awtunátywawtaqa, nápqölpé pañqawu: Ya sen nu hínitini? pi itutuyqawhqa nuy itúmal-makiway nāwhki, kurs nu hin hánwantani, pu nu hiyta tūnlainumniqéy háhmana.

4 Pay pi nu yántini, noqw hisat nuy itúmal-makiway añqw tūviwhq, puma nuy kiy aw panáyani.

5 Pu ōviy pam put tutuyqawhquyat aw póiwyuñqamuy sohsokmuy wánwayqé pu móhti'maqat aw pañqa-

wu: Ya um hiysa'haqam itú-tuyqawhquyat aw póiwta?

6 Noqw pam pañqawu: Pay tsivótsikip sunat, pahsakup tuwánit wíykuyita. Noqw pam put aw pañqawu: Uhtutuveniy kwusut, súqtuptut lōp sunat pakwt siykaitaqat pēnaa.

7 Pahsat pu pam piw sukwat aw pañqawu: Noqw umwa híysa'haqam póiwta? Noqw pam pañqawu: Pay tsivótsikip sunat tuwánit sōhōvosita. Noqw pam put aw pañqawu: Uhtutuveniy kwusut, nālōp sunat pēnaa.

8 Noqw pam tutuyqawhqa put, put hiyta awtunátywawtaqat qasúantaqat, tayáwinlavayti, pam tuhíshintiqw ōviy'o. Pi yép it qatsit sinómat qatsívaptsiy ép tālat sinómuyatuy amúhpēniyqé qaūunatniq'ō.

9 Noqw nu umumi pañqawni: Uma qasúantaqat kāhakiwat akw nēnnēm tūkwats-totani, noqw umuy núkw-siwhtotiqw, puma haqam sùtsép yēsiwhqat aw umuy pās o'yani.

10 Pay sústsā' ép qa núkpaniwtatqa piw níytiwtatqat ép qa núkpaniwtanwu, pu sústsā' ép qasúanmaqa, piw níytiwtatqat ép qa súanmanwu.

11 Paniqw ōviy kurs uma qasúantaqat kāhakiwat ép qasúanhinwisqw, ya sen hak



umumi it pas antsa kāhakiwat nōani?

12 Noqw kurs uma sukw hakiy himúyat ép núkpaniwyuñqw, ya sen hak hiýta pas nāp umúhhimuy umumi nōani?

13 Pas soon hak tumálàya lōqmuy moñwituy tumálaitani, pi pam soon qa sukwat aw qasúhtaquēwnikañw mitwat aw unánwaitani, sen pam sukwat aw yuki'kañw mítwat qahiýtaitani. Pas kurshin uma Susöqaltutuyqawhquat nikañw pu kāhakiwat pumuy lōqmuy tumálaiyuñwni.

14 ¶ Noqw Pharisee-sinom siváuunañwawht piw sohok iit nanápta, niýqé puma put aw tutsíwhinqaqwa.

15 Noqw pam pumuy amumi pañqawu: Uma hapi sinmuy amútpik nāsuantsah-tsanyaqamu, noqw pi Susöqaltutuyqawhqa umúhunañway umumi navóti'ta; pi himu sínmuyniqw pas himuniýqa pam Susöqaltutuyqawhquat átpip pas tuyóyèwayò.

16 I' tutavo niqw pu Susöqaltutuyqawhquat enēm yuáatotaqam Johnt aw páhsavoya, noqw pahpiy pu Susöqaltutuyqawhquat moñwtunatyaat yuáatiwa, noqw sohsoyam sinom aqw nānaqasya.

17 Noqw it tutávot ép súshiysakw tsóhkokput qaán-

tininiqw, put épniýqé i' òvéqatsi pu tūwaqatsi tūwayaniquw, pam qahínta.

18 ¶ Haqawa nōmay mātapt, pu súkwat amum qatúptuqa, tókot ūuyñwu, pu nāphaqawa pūwsuñway añqw mātaviwhquat amum qatúptuqa, tokot ūuyñwu.

19 ¶ Ura hak kaháktaqa palaskwawsat nikañw pas súphiñput tsatsakwmötsaput yūwsi'tañwu, niýqé nāqavo háhlaykañw a'nō qatsi'tañwu.

20 Pu piw ura hak òokiwhqa, Lazarus yan mātsiwhqa, put hōtsíwayat épéq taviwa, u'yasa nikañwo.

21 Niýqé nōsiwhquat pínput kaháktaqat nōnōspiýat añqw lōhōhōtaqat òöyniqéy tuñlaita. Noqw pópkot òké'uyáyat añ leñitsmitotañwu.

22 Noqw ahipiy pantaqw pay òokiwhqa mōki, niýqé pam hōñvia'yatuy akw Abrahamt átpipoqw wíkiwa, Noqw pu kaháktaqa tuwat mokqé āmiwa.

23 Pu pam máskivéq kána-voti'kañw yórikqé, yāvoqhagami Abrahamt tuwa, pu Lazarus put átpipaq qátuhgata.

24 Pu pam tsa'lawhqué pañqawu: Inaa, Abraham, um nuy òkwatuwni, nēn Lazarust péqw hōnani, noqw pam kuyit aqw malátsiy tsukúyat mórokntat ileñiy hukánani,

taq nu yépéq ūwiñwuy ép kănanvota.

25 Noqw Abraham pañqawu: Itii, pay um ura uhqatsiy ép hiyta lolmat úhhimuy ômahıtaqéy aň wūwani, pu piw pay Lazarus hihıyta qalolmata; nikañw pu' pamwa ôki, noqw umwa kănanvota.

26 Pu piw pi itámuhtsava a'nô hōtsi yukıwta, noqw ôviy as ka yañqw umúmiqyanıqam pas soon umúmiqyani, pu piw as ka umúñaqw péqwyaniqam pas soon péqwyani.

27 Pu pam pañqawu: Inaa, um as turs put inay kiyat aw hōnani.

28 Taq nu tsıvotniyqamuy túpkomuita, noqw pam hin yórikiy pas suan pumuy āawnani, noqw puma qa tuwat péqw kănanvotpit aqwyani.

29 Noqw Abraham put aw pañqawu: Pay pi puma Mosest nikañw Susōqaltutuyqawhıqat enēm yuáatotaqamuy oyi'yuñwa, pay puma pumuy amumi tūqayyuñwni.

30 Noqw pam pañqawu: Qae, Inaa Abraham, pi pay pas haqawa so'pumuy amúñaqw amúminiıw, soon puma tunátyay añqw qa nánamtōkyani.

31 Noqw pam put aw pañqawu: Paypi puma Mosest nikañw Susōqaltutuyqawhıqat enēm yuáatotaqamuy

amumi qa tūqayyuñwé', nāmahin pi so'pumuy amúñaqw suhka ahoy tātayq, soon puma áñwutiwyani.

## 17. QALÁLNI

1 Pañsat pu pam put aw nánatuwnayaqamuy amumi pañqawu: Pas kurs hıntaqw unáñwa qa hoválantiwni, nikañw hakiy atsviy pam pañwhtıqat enēm pas isōhini.

2 Pay as put kwápkaqé mata hāyiltıw pam wúhkovatumphamiq tūviwhıq, pam put enēm násēwni, imuy tsātsakmuy hiytawat unáñwayat hoválaqat ép enēm hıntanıqat épniyqéé.

3 Uma nāp nāmi tunátyal-totini, kurs uhtupkoy ūmi qaántıw, um put u'nanmewani, pu kurs pam tunátyay añqw námtōkq, um put aw put ép qé'watani.

4 Pu kurs pam sūs tāwana-wit tsañé'sikis ūmi qaántikañw pu piw put tāwat ép tsañé'sikis ūmi ahoy pité': Nu qaháhlaytiqé nāmewa, kitaqw, pay um pas put ép aw qé'watamantani.

5 Noqw ayáiwyuñqam Tutuyqawhıqat aw pañqaqwa: Itáhtuptsiwniyaw hōyoknaa.

6 Noqw Tutuyqawhıqa pañqawu: Pi as umúhtuptsiwniy mustard-uyit pōsiyat antaqw, uma it Sycamine-tso-kit aw: Um náipwanıltit pu wúhkovatumphavéq kwıy-

piwni, kitótaqw, soon as pam umumi qatuqāyvastani.

7 ¶ Nikañw sen haqawa uma tūwiki'taqw, pam pás-tamé' sen lālaymé' hisatniqw pituqw, um aw pañqawni: Um tunōsvoñat aw suqtup-tuni.

8 Ya sen pam put aw qa yánwat laváyitini: Nuy hiýta tapkiqw nōsniqat um nōvataní, nēn um yūwsé', pu nuy nópni'tani, ason pay nuy nōst pu hikq, pu um tuwat nōsni pu hikwni, kitani?

9 Ya tūwiki hin ayátiwhqéy antiqw, pam put ép aw kwákwhatani? Pay ka sooni.

10 Noqw ōviy pan piw uma, umumi hin tutáptiwhqat soh-sok ántoté', uma pañqaqwaní: Itam qahiýta a'pit tumál-à'yamu, pi pay itam itáha-yáway ántoti.

11 ¶ Noqw pam Jerusalemt aqwnikañw pam Samariat pu Galileet pumuy añ aqw'a.

12 Niýqé pam haqami kistsókimi pakiqw, hakim pakwtñiýqam táhtaqt tokóplelet tūtuyyaqam put áhsawvayaqé yāvahaqaqw hōñi.

13 Niýqé puma tsa'lalwaqé pañqaqwa: Jesus, moñwi, itamuy ōkwatuwaa!

14 Noqw pam pumuy túwahqé amumi pañqawu: Uma Susōqaltutuyqawhقات awwat momñwituy amumi nāmahtaknawisni. Noqw

puma aqwyakahkañw pay kwáñwèwaytoti.

15 Noqw pumuy amúñaqw suhkawa qaláptuqéy navótqé ahoy námtökt, pu tōnay añ-qé Susōqaltutuyqawhقات pas hiýtatima.

16 Niýqé táyway akw put kukmiq munu put aw kwá-kwhalawkañwo. Noqw pam hak Samariat añqw sino.

17 Noqw Jesus hu'waqé pañqawu: Puyaw uma qa pakwtñiýqam kwáñwèwaytoti, noqw ya ima péptñiýqam háqamiya?

18 Pay pas qahak áhoy-niýqé Susōqaltutuyqawhقات pas hiýtata, pay i' pas alōñō saa.

19 Pu pam put aw pañqawu: Um wunúptut aqwhaqamini, pay uhqapevéwni un qaláptsina.

20 ¶ Noqw hisat Susōqaltutuyqawhقات moñwtunatyaaat pítuniqat pam Phariseesinmuy amúñaqw tūvintíwh-qé, pam hu'waqé pañqawu: Pay Susōqaltutuyqawhقات moñwtunatyaaat qa súsma-taqquva pítuni.

21 Piw kurshin puma kitótani: Me yép'è, mé ayámò, yórikuu! Pi mé, Susōqaltutuyqawhقات moñwtunatyaaat umúhsonvéè.

22 ¶ Pu pam put aw nána-tuwnayaqamuy amumi pañqawu: Pay nāto hisat uma Sinot Tiyat qatsíyat ép sūkw

talõnnit aw yórikyaniquéy as nānawaknanikañw, soon put aw yórikyaníqat aw pí-tuni.

23 Noqw puma umumi pañ-qaqwani: Pèw yórikuu, sen, ayo' yórikuu, uma qa áwyani piw qa amúnkyani.

24 Pi tálwiýpiki tókpelat átpikaqé sùtsvaqw ayóqwat átpikaqé tālawnanñwuniqw, pan hapi Sinot Tiat talõnniy ép piw hínitini.

25 Nikañw pam mohti imuy pu'qatsívaptsiwyunqamuy amúñaqw pas soon qa hihíyta añ kānavot pu tūviwni.

26 Noqw ura Noat qatsíyat ép hintaqw, pan hapi Sinot Tiyat qatsíyat ép piw hínitani.

27 Puma ura nōnova, hīhikwya, nōmalalwa piw nānōmatotoynaya, hisat Noa pākihut aqw pákiýqat aw páhsavoo, noqw pātsikqé sóhsokmuy kīqōta.

28 Pu piw pay pan ōviy Lot qatsíyat ép hin hínitaqat ántani, puma nōnova, hīhikwya, hiyta túhtuiya, hiy-ta húhyaya, úylalwa pu kilalwa,

29 Nikañw it talõñvaqat ép Lot Sodomt añqw yámakqat, ép òñaqw ūwiñw niqw pu síkáhpikōwa yókva, niýqé pumuy sóhsokmuy kīqōta.

30 Noqw pan hapi hiníwhitini, Sinot Tiyat mātaqtini-qat ép'è.

31 Put talõñvaqat ép haqawa kítsòvèqniqw, pu himu himúat áhpavé tañáwtaqw, pam qa put ōviy pañqw háwni; pu i' pásvèniýqa pay piwan qa áhoyni.

32 Uma Lot nōmayat u'ni'-yuñwni.

33 Nāphaqawa qatsiy núitaniqéy tunátyawtaqa, put kwayhni; pu nāphaqawa qatsiy kwayhqa, pam hapi put qahaqami hintsanni.

34 Nu umumi pañqawni: Put míhikqat ép lōyōm tāqat sūkw áhpat añ qátsni, suhka wikiwhq pu mi'wa ahkwáy-ñap mātaviwni.

35 Lōyōm wuhtit nāma númantani, suhka wikiwhq mi'wa áhkwayñap mātaviwni.

36 Lōyōm tāqat pásvèni, suhka wikiwhq mi'wa áhkwayñap mātaviwni.

37 Noqw puma laváytotiqé put aw pañqaqwa: Haqamo, Tutuyqawhqa? Noqw pam pumuy amumi pañqawu: Pay haqam tókotniqw, pañso kwatu nátsvalayani.

## 18. QALÁLNI

1 Noqw sinom as sùtsép nāwakinwiskahkañw pas qa nānèkintotaniqat, it yantaqat pam pumuy amumi laváytiqé, it hiyta ántaqat pumuy amumi yuáaykuqé,

2 Pañqawu: Ura hak hīntūyukunaqa Susōqaltutuy-qawhqa qahíytaikañw pu



sinot qakáptsi'taqa haqam kitsókivé qatu.

3 Noqw pép kitsókivé hak kónnalavu qatu, niyqé pam put aw pítuhqé pañqawu: Um inuñem itúwqay aw nāoyni.

4 Noqw pay as híysavo pam qanāwakna, nit pay áhpiy pántaqw, pam nápqölpé pañqawu: Paypi nu as Susöqaltutuyqawhقات qahíytaikañw pu sinot qakáptsi'taqw,

5 Paypi i' kónnalavu inumi tutsíwtötöqw öviy nu enēm nāoyni, taq nāphisat sen i' píptulawé' nuy púhtsemok-nani.

6 Pu Tutuyqawhقات pañqawu: Uma it hin-tüyuykunaqat hiyta añ qa suan hín-tsakmaqät, hínqawhقات na-náptani.

7 Noqw puyaw Susöqaltutuyqawhقات nāp namóramat put aw tälö'nawit pu tókil-nawit tsāykitaqw, pam amumi qa púhtsemokt, amuñem qa nāoyni?

8 Pay nu umumi pañqawni: Pas pam soon pumuy amuñem qa sūnaoyni, nikañw Sinot Tiat pité', sen pam tūwaqatsit ép qapēvēwnit tuwani?

9 ¶ Pu haqawat súanyuñqey qa nāvevēwnayaqé pētuy qahíytaiyuñqw, pumuy amumi pam it hiyta ántaqat akw laváytiqé pañqawu:

10 Hakim löyöm sinot nāwaknaniqé Susöqaltutuyqawhقات kiyat aqw wupqé

aw paki, suhka Pharisee-sino niqw pu mi'wa sivátsovalantaqa.

11 Noqw Pharisee-sino ayám nāla wunúwkañw yan nāwakña: Susöqaltutuyqawhقات, kwakwhatpi nu imuy sinmuy qa amúnta, hiyta túkwphantotaqamu, qasúan hínwisqamu, pu tokot ép nāuuyinnayaqamu, hal hikispi it sivátsovalantaqata.

12 Nu tsáné' talöñvaqat añ lös nápwalañwu, nu sohok hiyta ihímuy pakwutsikivo patsónöyiwyuñqat añqw susp patsónöyit nu kuwáiwma.

13 Noqw sivátsovalantaqa ayámhaqam wunúwkañw pás kurshin násēw ömiqatsit aqw yórikni, nikañw pam unáñway wuváhtikañw páñqawlawu: Susöqaltutuyqawhقات, um ókiw nuy qaánhinmaqat ökwatuwni.

14 Nu umumi pañqawni: I' sino mitwat épniyqé súantsaniwhqé, pankañw kiy aqw hawi; pi haqawa mómiq nā-tsokañqqa qahímuniwhítimantani, pu i' nāqahiýtataqa hapi mómiq taviwmantani.

15 ¶ Pu puma titípostuy piw enañ put aw tsámvaya, pam pumuy amumi tónokniqat öviy'o. Noqw put aw nānatuwnayaqam put aw yórikyaqé pumuy mēwaya.

16 Noqw pay Jesus pumuy wañwayt pu pañqawu: Uma

tsātsakmuy inumi nákwha-nayani, nèn qa mēwantotani, pi pányuñqamuy hapi akw Susöqaltutuyqawh̄qat moñw-tunátyaat pasíwta.

17 Pas antsa nu umumi pañqawni: Nāphaqawa qa tsākwhoyat ánwat Susöqaltutuyqawh̄qat moñwtunatyayat kwúsuh̄qa, pas soon pañso pákini.

18 ¶ Noqw hak moñwi put tūvintaqé pañqawu: Lolma moñwi, ya nu hiýta hinté' qaso'taqat qatsit himúivani?

19 Noqw Jesus put aw pañqawu: Ya hinoqw um nuy lólmalawu? qahak lolma, pas i' Susöqaltutuyqawh̄qa pam saa.

20 Um tutávot navóti'ta: Um tokot ép qa nāuuyi, um qahakiy nīnani, um qa ūuyi, um hakiy qa atsátoynani, um unay pu unuy pumuy káptsi'tani, it'a.

21 Noqw pam pañqawu: Pay nu pas itsákoy añqaqw soh̄sok iit an hinma.

22 Noqw Jesus it navótgé put aw pañqawu: Nikañw um sūkw nástaa, um soh̄sok hiýta uhhimuy húyani, nèn hiýta himúivé' ōokiwyaqamuy put nāhuyvanani, nèn um ōvēqatsit ép kāhakiwat soon qa himúivani, pu um añqwnèn inúnkni.

23 Noqw pam it navótgé pas qaháhl̄ayti, pam pas qaán-ēwakw kāhakniýqé oviy'o.

24 Noqw Jesus put pas qaháhl̄aytiqw túwah̄qé pañqawu: Pas kaháksinom qatúvosniýqat añ Susöqaltutuyqawh̄qat moñwtunatyayat aw yuñni.

25 Pi pay pōlaitaqa tsakó-mostat añ pórokput añ pakiniqw, pam pantaqa kaháktaqat Susöqaltutuyqawh̄qat moñwtunatyayat aw pákiniqat épniýqé qapas pas hinta.

26 Noqw ima nanáptaqam pañqawu: Noqw pantaqw, hak sen ayo yámakni?

27 Noqw pam pañqawu: Pay i' himu sínmuyniqw pas kurshin pasíwtaniqa, Susöqaltutuyqawh̄qatniqw pam pasíwta.

28 Pah̄sat pu Peter pañqawu: Mè, itam hapi soh̄sok mātātvet̄ pu un̄kya.

29 Noqw pam pumuy amumi pañqawu: Pas antsa nu umumi pañqawni, pas qahak Susöqaltutuyqawh̄qat moñwtunatyayat ōviy kiy sen nay sen yuy sen pāvay túpkoy sen nōmay sen tímuy mātap-kañw

30 Qa pu' pay a'nö hóyokiwtatqat ōmáhtani, pu nāto sutsvo qátsitniqat ép qatsit qaso'taqata.

31 ¶ Pah̄sat pu pam pakwt lōq síykaitaqamuy nāmi tsoválat pu amumi pañqawu: Mè, itam hapi Jerusalem̄taq wáyvawisa, noqw hapi

sohsoy himu Sinot Tiat Susôqaltutuyqawhqat enêm yuâatotaqamuy amúhpiy pêniwhqa an yukiltini.

32 Pi pam nâto qanamórs-tiwsinmuy amumi lâlayiwni, nèn pam aw tutútsiwmuyiwni, pu, okíwsaniwni pu aw tóhtiwni.

33 Pu puma put wuváhpit akw wuváhtotani, pu put nînayani, pu payistalqat ép pam ahoy tâtayni.

34 Noqw puma iit qahíy-tawat māmatsya; pu i' yan laváyi amumi túpkiwta, piw puma hiyta laváytotiwHQat qamāmatsya.

35 ¶ Pu ahpiy pantaqw, pam Jerichot aw háyhkalaqw, hak qapóstalqa pôqlavé qatú-kañw hiyta túnlaita.

36 Niýqé qaánewakwhinta-qamuy sinmuy pañqé haqá-miyaqw navótgé, pam put hímuniýqat tūviñta.

37 Noqw puma āawnayaqé, i' Jesus Nazaretht añqwniýqa, pañ haqáminiýqat pañ-qaqwa.

38 Noqw pam tsa'lawhqé pañqawu: Jesus, um David tiata, um nuy ókiw ôkwa-tuwni!

39 Noqw ima móhti'wis-qam put mēwayaqé qahín-qawlawniqat aw pañqaqwa; noqw pañsat pay pam tuwat pas kēew tsa'lawhqé pañqawu: Um David tiata, um nuy okiw ôkwatuwni!

40 Noqw Jesus wunúptut pu put aw wíkyaniqat pañ-qawu. Niýqé pam put aw pituqw, pam put tūviñtaqé

41 Pañqawu: Ya nu un hín-tsaniqat um nāwakna? Noqw pam pañqawu: Tutuyqawhqa, nu ivósiy tálawnaniqéy nāwakna.

42 Noqw Jesus put aw pañ-qawu: Uhposiy tálawnaa, pay uhqapēvēwni un ayo tavi.

43 Noqw pañsat pay pam pōsiy tálawna, niýqé put añki, Susôqaltutuyqawhqat pas híyतालकाñwo. Noqw sohsoyam sinom put aw yó-rikyaqé, Susôqaltutuyqawh-qat pas híyतालकाtota.

## 19. QALÁLNI

1 Pu Jesus Jerichot aw pá-kiýqé añ yūmosaa.

2 Noqw mē, hak pēp tāqa, Zacchaeus yan mātisiwhqa, qatu; pam hak imuy sivátso-valantotaqamuy amúñaqw móhpéqniýqa, niýqé pam kāhaki.

3 Noqw pam Jesust hákiy-niýqat as aw yórikniqéy tu-wánta, nit sinmuy hūrs hín-taqamuy amútsviy kurshin-ni, pam tsaváwhyaniýqé ô-viy'o.

4 Niýqé pam amúpyevé wá-rikqé pu Sycamore-tsokit añ wūvi, put aw yórikniqéé, pam pánniniqw ôviy'o.

5 Noqw Jesus put háqam-niqw aw pítuHQé pu ômiq

tātayt, put túwahqé aw pañqawu: Zacchaeus, um kák-tayté' pañqw hawni, taq nu pu' pas pay soon ulhiy ép qa hurúhtini.

6 Pu pam písogtiqé pañqw háwhqé put háhlayti.

7 Noqw puma put aw yó-rikyaqé sohsoyam pas qayan unañway pañqawu: Pam it tāqat qaánhinmaqat kiyávaqwviatniqé ōviy ámunniyqat, pañqawu.

8 Noqw Zacchaeus wunúptut pu Tutuyqawhqt aw pañqawu: Mé, Tutuyqawhqa, nu hiyta ihímuy nāsamiq yántaqat ōokiwyaqamuy húylawu, pu kurs nu hakiy hiyta iátsay akw kwaháné', nu nālōs hōyokiwtāqat put aw ahóytañwu.

9 Noqw Jesus put aw pañqawu: Pu hapi, it talōñvaqat ép, yép kīvituy amumi ayo'yámakpi pitu, pi paypi i' piw Abrahamt tiatniq'ō.

10 Pi Sinot Tiat kurshaqaminiyqat héptoqé pitu, pu put ayo' táviniqéé.

11 ¶ Noqw pumuy iit aw tūqayyuñqw, pam áhpiytaqé pumuy amumi it hiyta ántaqat akw yuáayku, pam Jerusalemt aw háyhkalaqé ōviy'o, pu piw puma Susōqal-tutuyqawhqt moñwtunatyaat pahsat pay mātaqtiniqat wūwantotaqw ōviy'o.

12 Noqw ōviy pam pañqawu: Hak pas pavánsino nē-

nēm moñwtunatyat makíwhit pu ahoy pítuniqé ōviy yāvoqwhaqamii.

13 Niýqé pam tumálàymuy pakwtniyqamuy wañwayt, pu pumuy amumi pakwutsikip tuwánit sivat oyat, pumuy amumi pañqawu: Uma nuy pítuniat aw pahsavo it apítóyni'yuñwni.

14 Noqw pay put sinómat put aw qasúhtaqèwyaqé put añk laváyit tavíyaqé pañqawu: Pay itam it tāqat itámumi mōñwiwtaniqat qanānawakna.

15 Noqw ahpiy pantaqw, pam moñwtunatyat makíwhit pítuhqé, pahsat pu pam imuy tumálà'yatuy, pumuy amumi ura sivat nóahqéy, put aw wáñwayniwyaniqat pañqawu, puma húhyayaqé híysa'haqam pi puma nanap put aw hoyómnyaqat pam navótniqé ōviy'o.

16 Pahsat pu móhti'maqa pítuhqé pañqawu: Tutuyqawhqa, i' uhhimu sūp tuwáni, pakwútssikip tuwánit aw hoyo.

17 Noqw pam put aw pañqawu: Lolma, um qa nukpántumalàya, pay pi um pas híysa'hoyat ép qa nānap hín-tsakqé ōviy um pakwútssikip wúhkokitsokit aw moñwini.

18 Pu áñkniyqa pítuhqé pañqawu: Tutuyqawhqa, uhhimu sūp tuwáni, tsivot tuwánit aw hoyo.



19 Noqw pam put aw piw an laváytigé pañqawu; Pay um piw tsivótsikip wúhko-kitsokit aw moñwini.

20 Pu piw súhka pítuhqé pañqawu: Tútuyqawhqa, taa, yēp i' uhhimu tuwáni, nu it hōhōnpit ép mōki'ta.

21 Nu uñ mámqasqé ōviy'o. Pi um qa nūokwaniqw ōviy'o, pi qa um hiyta haqam tavíkañw ép kwúsuñwuniq'ō, pu qa um hiyta uyt, put hōqñwuniq'ō.

22 Noqw pam put aw pañqawu: Pay nu nāpuhmoay ahipiy uñ hin yukúnani, um nūkpantumalàya, kurs as um nuy qa nūokwatniqw navóti'ta, noqw qa nu as haqam hiyta tavit ép kwúsuñwunikañw, pu as qa nu hiyta uyt put hōqñwuniqw, um navóti'kañw,

23 Ya hinoqw um nāpi isí-vay qa sivákimi pana? Pi as uñ pantiqw, nu hisat pité' ihimuy nikañw pu put ép sivit enañ put ōmáhtani.

24 Pu pam imuy aqlaq hōñqamuy amumi pañqawu: Uma it tuwanit it nāwhkiyat, it pakwútssikip tuwánit himúitaqat put maqáyani.

25 (Noqw puma put aw pañqaqwa: Tutuyqawhqa, pay pam pakwútssikip tuwánit himúita.)

26 Pi nu umumi pañqawni: Pay sohokmuy himúiyuñqamuy amumi noíwni, pu it

ñástaniyqat híkispí hiyta himúitaq, pam put nāwhkiw-ni.

27 Nikañw imuy itūwqamuy, nu qa amumi mōñwiwtaniqat puma nānawaknaqamuy, uma péw tsámyé' inútpik pumuy qōqyani.

28 ¶ Noqw pam yan laváy-tit, pu amúpyevé Jerusalemt aqw wupto.

29 Pu ōviy pantaq, pam tūkwit, Olivet yan mātsiwhqat ép, Bethphaget nit pu Bethanyt pumuy aw háyhkalaqé pu put aw nānatuwna-qamuy lōqmuy hōnaqé

30 Pañqawu: Uma umúpyevé kitsókit awni, uma pañso paké' uma hapi moróhyat put qahísat hak aqw wúpqat, somiwtat tuwani. Put uma ñaht añqw wíkni

31 Pu kurs ason hakiy umuy tūvinté', Ya hinoqw uma put ñána? kitaq, uma hapi yan aw laváy-tini: Ispi Tutuyqawhqa it haqtaq'ō.

32 Noqw ima ayátiwhqam ahipiyñyqé, hin pam pumuy amumi laváytiqat an yori.

33 Noqw puma moróhyat ñánañq, himúiyuñqam pumuy amumi pañqaqwa: Ya uma hinoqw moróhyat ñána-ha?

34 Noqw puma pañqawu: Pay Tutuyqawhqa it haqtaq'ō.

35 Pu puma put Jesust aw wikva, noqw puma yūwsiy

moróhyat aqw áhpatotat pu put aqw Jesust tsokáya.

36 Pu pam nákwuq, puma pónawit yúwsiy puhímnaya.

37 Pu pam aw háyhkalaqé, pāpu tūkwit Olivet an pīy-poqniqw, pahsat pu qaáne-wakwhintaqam sohsoyam put aw nānatuwnayaqam sohok hiyta qaōwítumalat aw yórikyaqéy ép háhlayto-tiqé pu tōnay anqé Susōqaltutuyqawhqat tayáwintivayaqé

38 Pañqaqwa: Nam Moñwi, Tutuyqawhqat tuñwniyat an pitútoqa, háhlaypit ép'è, nam ōvéqatsit ép kwakwhaqatsí-niwtāa, pu Susóvéqniyqa ép káptsitiwāa!

39 Noqw haqawat Pharisee-sinom qaánewakwhintaqamuy sinmuy amúñaqw put aw pañqaqwa: Moñwi, ūmi nānatuwnayaqamuy mēwāa!

40 Noqw pam hu'waqé amumi pañqawu: Nu umumi pañqawni, kurs imuy qa hínqaq-waniqw, pay o'wa pas kurs-hin qa pahsat pay hínqaq-wani.

41 ¶ Pu pam aw háyhkalaqé kitsókit aw yórikqé, pu put ép páklawu

42 Pañqawkañwo: Isòhi, pas as um násèw pas pu uh-páptsiyniqw, hin hínataqat áhpiy unēm kwakwha qátsi-niqat aw unáñwtaláwvāni-kañwo, noqw paypi pam pu utpik túpkiwta.

43 Pi nāto i' yantaqa ūmi pituni; ima úhtuwqam nān-qampiy akw un nōyaknaya-ni, pu un pónokiwtani nēn nānani'vaqw un hurs úhtsi'-yuñwni.

44 Nēn un tútskwatotani, pu uhtimuy úhpéyaqamuyu. Nēn puma uhpé qahaqam owat nátsvé tsókiyqat ákw-siñwnayani, ispi hísatniqw ūmi póhtiwhqat um qa na-vótq'ō.

45 ¶ Pu pam Susōqaltutuy-qawhqat kíyat aw pákiyqé, pu pahsat pam pēp húhya-yaqamuy pu imuy túhtuiya-qamuy pañqw máspiva,

46 Amumi pañqawkañwo: Pay ura pán péita: Iki hapi nawákinpi-kihu, noqw pi u-ma it uúyínwtuy nanáuypi-toynaya.

47 Pu pam nāqavo Susōqaltutuyqawhqat kiyat ép tū-tutuqayna. Noqw pay ima Susōqaltutuyqawhqat. aw-wat mohpēq momñwit niqw pu tutúvenlalwaqam niqw pu sinmuy amúñaqw móh-pēqyaqam hin put ninayani-qéy as héptota,

48 Nit hin hín totiniqéy qahiyta tutwa, sohsoyam sinom put aw sa yuki'kahkañw aw pás tūqayyuñqw ōviy'o.

## 20. QALÁLNI

1 Noqw ahpiy pantaqw, put hiytawat talónvaqat ép pam Susōqaltutuyqawhqat kiyat

ēp sinmuy tutúqaynakañw  
pu amumi lomátuawit yuáa-  
taqw, Susöqaltutuyqawh̄qat  
awwat súsmomñwit niqw pu  
tutúvenlalwaqam wūwukw-  
muy amumum put aw ökiy-  
qé

2 Put aw laváytotiqé pañ-  
qaqwa: Um itámuy āawnani,  
hiýta öqálat um aw yánkañw  
iit yántsakqéyu, pu sen hak  
it öqálat uñ máqah̄qata?

3 Noqw pam hu'waqé pu-  
muy amumi pañqawu: Pay  
nu tuwat piw umuy sūkw  
hiýta tūviñtani, noqw uma  
nuy āawnayani.

4 John kuyit akw tuvóyla-  
lawh̄q, ya pam pantaqa  
övéqatsit añqw, sen sinmuy  
amúñaqw?

5 Noqw puma nánap put  
wūwantotaqé pañqaqwa: Pas  
ka itam, òñaq'ö, kitotaqw,  
kurshin pam qa pañqawni:  
Noqw ya hinoqw uma put  
qatütuptsiwa?

6 Nikañw pi ka itam, sin-  
muy amúñaq'ö, kitótaqw,  
kurshin qa sohsoyam sinom  
itámuy tatátupyani, pi ura  
John Susöqaltutuyqawh̄qat  
eñem yuáataqaniýqat puma  
pās nātuptsiwni'yuñwa.

7 Noqw puma hu'wayaqé,  
pam pántaqa háqaqniýqat  
kurshin put āawnayaniqéy,  
pañqaqwa.

8 Noqw Jesus pumuy amu-  
mi pañqawu: Pay nu piw  
soon umuy āawnani, hiýta

öqálat aw yánkañw nu iit  
híntsakqéyu.

9 ¶ Pahsat pu pam sinmuy  
amumi yuáativaqé it hiýta  
ántaqat akw yuáaykuqé pañ-  
qawu: Hak sino ovat uýt, pu  
put aw tunátyawyuñwniqa-  
muy amumi put noát, pu yā-  
voqhaqaminiýqe, wūyavo ha-  
qamii.

10 Niýqé övat kwáñwtini-  
savotiqw, pam ováuyit tu-  
málaiyuñqamuy amumiq tū-  
wikit hōna, puma ováuyit  
aníwniyat añqw put maqá-  
yaniqw öviy'o. Noqw pay  
ováuyit tumálaiyuñqam put  
wuváhtotat pu put qahiýta  
híntaqat hōnaya.

11 Pu piw pam sukw tūwi-  
kit amumiq hōna, noqw pay  
puma piw put wuváhtotat  
pu put hamánhíntsatsnat put  
qahiýta híntaqat lálaya.

12 Pu piw pam sukw amú-  
miq hōna, put akw pahyomti,  
noqw piw pay puma put  
öputotat pu qalávohaqami  
tūvaya.

13 Pahsat pu ováuyit hi-  
múitaqa pañqawu: Ya sen nu  
híntini? Pay pi nu pas aw-  
iúnañway itiy pumuy amu-  
miq hōnani, pay ka as sen  
puma put aw yórikyé' put  
káptsitotani.

14 Noqw pay ováuyit tu-  
málaiyuñqam put tútwaqé  
pu sūpyakah̄kañw wūwaya-  
qé pañqaqwa: I' hapi nay  
ákpétaniqa, taay, itam nīna-

yani, noqw himu himúatniqa itáhhimuniwh̄tini.

15 Niýqé ôviy puma put ováuyit ańqw qalávohaqami tūvayat pu put nīnaya. Noqw ya it ép sen ováuyit himúitaqa pumuy híntsanni?

16 Pay pam pité' pu imuy tumálayuńqamuy qóyat pu ováuyiy pētuy amumi nóani. Noqw puma put nanáptaqé pańqaqwa: Pay soon pántani.

17 Noqw pam pumuy amumi taykańw pu pańqawu: Noqw ya i' hímu péita: Túkwlalwaqam it owat qahímuyaqw, pay pam túyqaatniwh̄ti,

18 Nāphaqawa put owat aw yēvaqa píñni, nikańw nāphaqawat aw pam yēvé' pam put tóstani, ii?

19 ¶ Noqw Susöqaltutuyqawh̄qat awwat súsmomñwit niqw pu tutúvenlalwaqam pay pah̄sat as put nuáyaniqéy ántoti, nit puma sinmuy mámqasya, suyan pi pam pumuy amúhpéwi it hiyta antaqat laváyit laváytiquw, puma' māmatsyaqé ôviy'o.

20 Pu puma put aw tunát-yaltotiqé put móqmayaniqamuy aw ayátota, puma hakim nawípew súanyuńqamyaqéy pányuńwni. Puma put tútskwamoñwit öqálayat pu makíwayat aw noáyaniqat ôviy puma put laváyyiat ép put unáhépyani.

21 Pu puma put tūvińto-taqé pańqaqwa: Moñwi, pay itam navóti'yuńqw, pas um súan yuáata pu tūtutuqayna, pi um qahakiy hin láitayayat put ép káptsi'ta, nikańw um Susöqaltutuyqawh̄qat tunátyayat suan tūtutuqayna.

22 Ya itam moñwit aw sivit sivílalwaniqw, pam itámunēm súanta, sen qa súanta?

23 Noqw pay pam pumuy unátwiyamuy māmatsqé, pu amumi pańqawu: Ya hinoqw uma nuy unáhépya?

24 Inumi denariont máhí-taknayaa. Ya hak ép péita, pu ań pēni hakiy himúata? Puma hu'wayaqé pańqaqwa: Pay moñwita.

25 Noqw pam pumuy amumi pańqawu: Paniqw ôviy uma hīhiyta moñwit himúyat moñwit aw noáyani, pu Susöqaltutuyqawh̄qat himúyat uma Susöqaltutuyqawh̄qat aw noáyani.

26 Noqw pay puma kurshin sinmuy amútpik put laváyyiat ép hiyta unáhintaqat tútwani, niýqé puma put laváyyiat aw kátayuńwa, niýqé qahínqaqwa.

27 ¶ Pah̄sat pu haqawat Sadducee-sinom put aw öki. Ima hapi ahoy yésvaniqat pay qaháqamniýqat pańqaqwaqamu, niýqé puma put tūvińtotaqé,



28 Pañqawwa: Moñwi, Moses itamumi pēnaqé pañqawu: Kurs haqawat pāvaat sen túpkoatniqa nōmaikañw qatímuikañw mokq, put pāvaat sen túpkoatniqa put nōmayat amum qatúpté' pu put enēm póshumtamantani.

29 Noqw ura hakim tsáñé'-niyqam nānatupkom yēse, noqw móhti'maqa as nōmatat qatímuikañw mōki.

30 Noqw añkniyqa put amum qatúptut, qahiýta ti'kañw pay mōki.

31 Pu áñkniyqa, put akw pahyomtiqw, pam put amum qatúptu, pu pay an ima tsáñé'-niyqam as híntotit, qatímuikahkañw soa.

32 Nuhtuñk pu wuhti tuwat mōki.

33 Noqw ōviy hisat ahoy yésvaniqat ép hiýtawat pam nōmaatni, pi puma tsáñé'-niyqam put nōmaiyyuñwa?

34 Noqw Jesus hu'waqé pumuy amumi pañqawu: Pay yép qatsit ép sinom nōmalalwa pu nānōmatotoynaya;

35 Nikañw ima súsvo qatsit, pu ahoy yésvaniqat, ép ōkiniqéy híykaivayaqam qa nōmalawani, piw qa nānōmatotoynayani.

36 Piw kurshin puma pāpu so'ni, pi puma hóhoñviaya-tuy pas amúnyuñwniqéé, pu puma Susōqaltutuyqawhقات túmatu, puma ahoy yésva-qamyaqé ōviy'o.

37 Pu ima so'qam ahoy yésvaniqat pay ura Moses himútskit ép put mātaqta, Tutuyqawhقات Abrahamt Susōqaltutuyqawhقاتtoynaqéé, pu Isacet Susōqaltutuyqawhقاتtoynaqéé, pu Jacobt Susōqaltutuyqawhقاتtoynaqéé.

38 Pi pam qa so'pumuy Susōqaltutuyqawhقاتamu, pi tāyuñqamuyu, pi sohsoyam put enēm yésq'ō.

39 ¶ Pahsat pu haqawat tutúvenlalwaqam hu'wayaqé pañqawwa: Moñwi, pas um súañqawu.

40 Páhiy pu pāpu puma put hiýta tūvintotaniqéy qa aw nātaqkwahantota.

41 Pu pam pumuy amumi pañqawu: Ya hintaqw ōviy puma Christ, David tiatniyqat pañqawwa?

42 Noqw David tutúvenit Tātawit ép nāp pañqawu: Nāpnatsviyqatuhqa Itútuyqawhقاتay aw pañqawu: Um ipútvaqéwat hāk qátuni,

43 Nu uhtuwqamuy uñ wuwúkpitoynaniqat páhsavoo.

44 Noqw ōviy David put Tútuyqawhقاتalawu, noqw pantaqw, hin pam put tiat?

45 Pahsat pu pam soh sokmuy sinmuy tūqayyuñqw, put aw nānatuwnayaqamuy amumi pañqawu:

46 Uma tutúvenlalwaqamuy amúhpé qa nāunai-

yuñwni. Ima hapi wupáyuw-si'kahkañw hínnumyaniqéy nānawakna, pu kisonaq amumi yuáatiwniqata, pu tsótsvalkiva súsmohkaqé ā-atsvewat háhlaya, pu nō-viwhqat añ súsmohkaqé qéq-nita.

47 Ima kónnanalvutuy ki-kiyamuy sowáwatotakah-kañw pu nātuwiwyuñwniqéy ōviy wūpat nānawaknañwu. Ima hapi pas pavan qaōwí-hintsaniwyani.

## 21. QALÁLNI

1 Noqw pam kwúhpukqé imuy kaháksinmuy kuwáh-tipuy sivátatañpit aqw ta-nálalwaqamuy tuwa.

2 Pu pam piw hakiy ō-kiwhqat kónnalavut pán-soqw lōqmuy sústsā' sīvatuy páhpanqw tuwa.

3 Niýqé pam pañqawu: Pas antsa nu umumi pañqawni, pas i' ōokiwhqa kónnalavu pumuy soh sokmuy amúhpé-niýqé hóyokiwtat pánsoqw pana.

4 Ima pi pay soh soyam qa-rūrumnayaqéy añqw Susō-qaltutuyqawhqt enēm ku-wáh tiput pánsoqw tañátota, noqw i' pi pas rūrumnakañw, hiýta akw qátuhqéy soh sok pánsoqw oya.

5 ¶ Noqw haqawat Susōqal-tutuyqawhqt kiyat yuáay-kuyaqé, hin pam lomáo'wat pu hihíýta kuwáhtiwhqt

akw lomásoniwhqt pañqaq-waqw, pam pañqawu:

6 Uma pu' iit aw tāyuñqw, pay nāto hisat aw pítuqw, ép pu qaháqam owat nátsvé tso-kíwkañw ákwsinqam qa sáh-pukiwni.

7 ¶ Noqw puma put tūvin-totaqé pañqaqwa: Moñwi, noqw ya hisat i' yáníwhitini, pu hisat pantiniqw, himu put súsmataqpuva tuáwi'tani?

8 Noqw pam pañqawu: Uma nāmi tunátyaltotini, nēn qa ūnatoyiniwyani, pi kāysiwh-qam nāto itúnwniy túnw-ni'kahkañw ōké' pañqaqwa-ni: Nu hapi Christ; noqw aw hapi hayínti, noqw ōviy hapi uma qa amúñkyani.

9 Nikañw ason uma nāqō-yiwuy nanápté' uma qa tsā-tsawnani, pu momñwituy a-múhpéwi hónvantotaqata. Pi pay ii yāyantaqa pas soon qa mohtini, nikañw pay nāto ha-pi qa pay so'ñwamiq pítuni.

10 Pañsat pu pam amumi pañqawu: Pay nāto híýtu-wat sinom sup híýtuywatuy sinmuy amumum nānami mām kayani, pu moñwtunat-ya sup moñwtunatyat amum nāmi mām kani.

11 Pu hāhaqé tutskwa a'nō tayáyatotani, pu tsōñösqatsi-niwtani, pu wukótuyani, pu ōñaqw himu nūnuhtsélé'way mātāqtotini, pu a'nō hiýta tuáwi'yuñqa.

12 Nikañw hapi nāto iit qa

yaniwhitiqw, puma umumi máiyuñwni, nèn inátñwaniy atsviy umuy okíwsasnani, umuy tsôtsotsvalkimi noáyani, pu siviikihut aw'i, momñwituy pu tūyqawi'yuñqamuy amútpipo uma tsámvaniwyani.

13 Noqw pam pántaqa hapi umuy umúhtuptsiwniy máhtaknayaniqat aw umúnem qenítiwmantani.

14 Paniqw òviy uma hin nénñem laváytotiniqéy qa añwu pay wūwantotaniqéy umúhunañwpéq pás yukúyani.

15 Pi nú ason umuy laváymaqamantani, pu súanwūwitoynamantani. Noqw sohsoyam umúhpèwìwyuñqam soon put átpiktotamantani, piw áñwuiyuñwni.

16 Pu umúnam umúñum, umúhpavam umúhtupkom, pu umúñaqwwim, pu umúhkwatsim umumi núkpantoté' umuy núhtumi lālayani, pu pumuy amútsviy uma haqawat so'ni.

17 Pu inátñwaniy atsviy uma sohsokmuy amúñaqw qaháhlawayani.

18 Nikañw pas soon umúh-qötöva umúhhömi suhka himuwa hoválniwni.

19 Uma nānakwhani'yuñwé' umúhtaytoynaqay tūyqawi'yuñwni.

20 ¶ Pu ason uma Jerusalemt solāwamuy akw pó-

nokiwtaqat aw yórikyé' uma nanáptani, put kíqötiwniqat aw hayiñwtiqata.

21 Pèp pu Judeat épyaqam túhtukwiva wátqani, pu ima pèp tañáwtaqam pañqw áhpiyani, pu ima añqé tútskwa-va yésqam qa pañso yuñni.

22 Pi ép hapi pu nāoyñiw-ni, hin péitaqat sohsoq án-tiniqat òviy'o.

23 Nikañw ép talōñwin-tiwhqat ép imuy nō'yiwyuñqamuy pu yōyoñnayaqamuy amuñem isòhini, ispi ép put tutskwat ép pas qaánewakw qaháhlaypini, pu imuy sinmuy amumi itsívu pitsíw-tani.

24 Pu puma sípwuvalhpit qaláyat akw wáwhiwyani, pu puma hihiytuy sinmuy amúnawit tuwíktsamiwyani. Pu Jerusalemt qanamórstiwsinmuy amúhpiy aw wukúku-tiwni, qanamórstiwsinmuy páptsiyamuy añ kúyvaniqat aqw páhsavoo.

25 ¶ Pu tāwat, mūyawuy, sötuy añ himu hiyta tuáwi'yuñwni, pu tūwaqatsit añ hihiytu sinom kānavoti'yuñwni máskatañawkañkañwo; pātuwaqatsi pu pāhoñvantotaqa a'nō sōykitani.

26 Sinom tsawiniwuy akw táqmamañuani pu tūwaqatsit añ hin hiníwmaniqat aw wūwantotaqéy akw'a, pi òva ò'qala tayáyaykuyaniq'ò.

27 Pu pahsat sinom Sinot

Tiyat öqálat pu pas pavan lolmat tálawnwaikañw òma-wuy akw pitútoqat tútwani.

28 Noqw ason iit yan hiníwmanqw, uma pahsat kwúhpukyé' kwúvaltotini, pi umuy ayo'nónakniqat pam umumi hayínni'maq'ö.

29 ¶ Pu pam pumuy amumi it hiyta ántaqat laváyit akw yuáaykuqé pañqawu: Uma nōnvospaluyit aw yórikyani, pu sohok himútskit aw'i.

30 Pumuy tsíyakyaw, uma aw yórikyé', pas pay tálá-tiniqat uma nāp navóti'yuñwu.

31 Noqw pan hapi öviy uma iit yan hiníwmaq aw yórikyé', pas pay Susöqaltutuyqawhqat moñwtunatyayaw aw pítuniqat uma navótiyuñw.

32 Pas antsa nu umumi pañqawni: pay pas soon pu'qatsivaptsiwyuñqam tütuwayaw, pay sohsoy ii yaníwhitini.

33 Ovéqatsi niqw pu tūwaqatsi tūwayani, nikañw ilávayi pas soon tūwayani.

34 ¶ Nikañw uma nānami tunátyaltotini, taq nāphisat sen uma hiyta nasáni'yuñw-niqéy pu honáqkuyit akw hōnaqíwyuñqéy, pu yép qatsit ép hiyta tunátyawyuñqéy aw sa yuki'yuñqw, umuy nāunáiyuñqw pam talōñni umumi pítuni.

35 Pi pam hūwit an sópka-

watuy sinmuy tūwaqalvoqhaqami yésqamuy amumi pituni.

36 Pāniqw öviy uma tunát-yawyuñw, nēn sūtsep nānawaknani, nēn iit yan hiníwhitiniqat añqw ayo nōñakniqéy put híykatoyniwyani, nēn Sinot Tiyat atpip añ kūyuñw.

37 Noqw pam tälö' Susöqaltutuyqawhqat kiyat ép tütutuqayna, nit mihiqw pam pañqw yámakt tükwit Olivet yan mātsiwhqat, ép qatu.

38 Pu qavónvāqw súits pay sohsoyam sinom put aw tūqayyuñwniqé Susöqaltutuyqawhqat kiyat ép put aw öki.

## 22. QALÁLNI

1 Noqw qapekénöyvut pölávikit nōviwniqat aw pitúto, pam hapi añ-ruhpaikiwhqa, yan tūnwantiwa.

2 Noqw Susöqaltutuyqawhqat awwat móhpeq momñwit niqw pu tutúvenlalwaqam hin as put nīnayaniqéy hēvi'yuñwa, puma sinmuy mám-qasyaqé öviy'o.

3 Pahsat pu Nukpana Judast, Iscariot yan piw tūnwantiwhqat, aw paki, pam imuy pakwt löq síykaitaqamuy amumum póhtoylaniwta.

4 Noqw pam áhpiyniyqé pu Susöqaltutuyqawhqat aw-



wat mohpéq momñwituy nit  
pu solāwamomñwituy amu-  
mum yuáayku, hin pam put  
aw núkpanté' pumuy amumi  
put lālayniqéyu.

5 Noqw puma háhlaytotiqé  
put sívat maqáyaniqéy aw  
pasíwnaya.

6 Noqw pam pántiniqéy  
pañqawhqe, pu qaánewakw-  
hintaqamuy sinmuy put qa  
ámumyaqw, pam put aw  
núkpanté' pumuy amumi put  
lālayniqéy qeníhēvi'ta.

7 ¶ Pahsat pu óviy qa-  
pekénöyvut pölávikit nñö-  
saniqat aw pitu, ép hapi pu  
añrúhpakiwhqat ép máña nī-  
niwñwuniqw, put aw'i.

8 Pu pam Petert nit pu  
Johnt pumuy ayátaqé amu-  
mi pañqawu: Yupavé, nēn  
uma añ-ruh̄pakiwhqat ép hin  
híntañwuqat aw itámuñēm  
híntsanni, noqw itam nñö-  
sani.

9 Noqw puma put aw pañ-  
qawu: Ya itam haqam put  
aw híntsanniqat um nāwak-  
na?

10 Noqw pam pumuy amu-  
mi pañqawu: Mé, pay uma  
kitsókimi pakiqw, pép hak  
umúhsawvani, kúysivut akw  
kúyi'kañwo, put haqami kī-  
mi pákiqw, uma pañso añkni.

11 Nēn uma ki'taqat aw  
pañqawni: I' Moñwi ūmi  
pañqawu, Ya haqam yeyés-  
pivé nu inúmi nánatuwnaya-  
qamuy amumum añ-ruh̄pa-

kiwhqat ép mañat nīniwhqat  
nösni?

12 Noqw pam tupátsvėq  
wukóah̄pavit pās hiyta pa-  
síwtaqat umuy āawnani; pė-  
pėq uma hiyta aw híntsanni.

13 Pu puma áh̄piyniýqé, hin  
pam pumuy amumi laváyti-  
qat an puma yori, niýqé pu-  
ma añ-rúhpakiwhqat ép hin  
híntañwuqat aw híntsana.

14 ¶ Noqw aw pituqw pam  
qatúptu, pu ima pakwt lõq  
síýkaitaqam ayáiwuñqam  
put ámumya.

15 Pu pam pumuy amumi  
pañqawu: Pay nu nāto qa  
kānavot, pay mohti umu-  
mum it añ-ruh̄pakiwhqat ép  
mañat nīniwhqat nösniqéy  
pas túnlaita.

16 Pi nu umumi pañqawni:  
Pay nu pas soon pāpu umu-  
mum it añqw nösni, ason pas  
Susöqaltutuyqawh̄qat moñw-  
tunatyayat ép put ántiniqat  
pāhsavoo.

17 Pu pam kuyápkuyit kwu-  
sut pu put ép kwakwhatat  
pu pañqawu: It kwusúyat  
nāhuyvaa.

18 Pi nu umumi pañqawni:  
Pay nu pas soon óvat aníw-  
niyat añqw híkwni, ason pas  
Susöqaltutuyqawh̄qat moñw-  
tunatyayat pítuniqat páh-  
savoo.

19 ¶ Pu pam pölávikit  
kwusut put ép kwakwhatat,  
pu yñoytat, put pumuy  
húylawkañw pañqawu: I' ha-

pi itóko, umúném taviwa, uma nuy u'ni'yunwniqéy ò-viy yántsakwisni.

20 Pu pumuy nösösaqw, pam kuyápkuyit piw ánti, pañqawkañwo: I' kuyápkuyi hapi iúnway umúném mún-vaniwhqat ép puhúvasiwni.

21 ¶ Nikañw mé, pay i' inú-mi nùkpanté' nuy núhtumi lālayniqat māat inumum tunösvoñat aw yanta.

22 Noqw pay pi pas antsa Sinot Tiat hin pasíwhiqat an hínma, nikañw it hakiy sinot áhpiy pam núhtumi lālayiwhqw, put eném pas isòhini.

23 Noqw pahsat pu puma nātuvintivaya, haqawa puma it yánhaqam hínitiniqata.

24 ¶ Noqw haqawa sen pumuy amuñaqw pas súspavanniqat, puma put pántaqat ép nánwuiyuñwa.

25 Noqw pam pumuy amumi pañqawu: Qanamorstiwsinmuy moñwímat pumuy amumi tutúyqawya, noqw pu ima pumuy öqálat nánvotnayaqam, lólmat hín-tsatskaqéy, pan túnwan-tiwyá.

26 Nikañw úmawat qa pányuñwni, nikañw i' umuñaqw pas súspavanniýqa pay pam tsāywaniýqat pántani, pu i' tutútsamqa tütumalaitaqat pántani.

27 Ispi ya himúwa pas pávanniq'ö, sen i' tunösvoñat

aw qátuhqa, sen i' nópni'taqa? Ya i' tunösvoñat aw qátuhqa, qa pamwa? Noqw pi nu tütumalaitaqat páñkañw umumum yanta.

28 ¶ Noqw uma hapi inúmi unáheviwyaqat añ nuy qamātapyaqamu.

29 Noqw nu hapi moñwtunatyat umuy āawna, hin Ina nuy put āawnaqat pan'i.

30 Uma imónwtunatyay ép tunösvoñat ép nōnovakahkañw pu hihikwyaniqat öviy'o; pu moñwāatsvewat añ yéskahkañw Israel-sinmuy pakwt löq síykaitasikivo sinóiwtaqamuy hin yuykúnayani.

31 ¶ Pu Tutuyqawhqa pañqawu: Simon, Simon, mé, Nukpana as umuy túnlayti, pam as umuy söhövosit an tsātsayaniqé öviy'o.

32 Nikañw pay nu uném tūvinta, úhqapevéwni qa sóhtiniqat öviy'o. Noqw ason um hisat ahoy námtöké' um úhtupkomuy öqálani.

33 Noqw pam put aw pañqawu: Tutuyqawhqa, pay nu umum sivíkimi pákiniqéy, pu mókniqéy pás mónwvasiwa.

34 Noqw pam pañqawu: Nu ūmi pañqawni Peter, pay taqákowako pu qatöqtini, ason pas um' nuy tuwi'taqéy pāyis qanákwhaqw, pu'ni.

35 ¶ Pu pam pumuy amumi pañqawu: Ura nu umuy qa

sivámomokpi'wisqamuy pu  
qa túkpuiwisqamuy pu qa  
tótsi'wisqamuy hōnaqw, ya  
uma hiyta n̄astaya? Noqw  
puma pañqaqwa: Qahíytaa.

36 Paḥsat pu pam pumuy  
amumi pañqawu: Nikañw  
pu' hapi, i' sivámomokpi'ta-  
qa put yawmani piw túkpu-  
yu; pu i' n̄asta sípwuváhpí'-  
taqa pay yūwsiy huyé' sukw  
túini.

37 Pi nu umumi pañqawni:  
Pi pay i' himu péitaqa pas  
soon n̄ato inúhpé qaántini,  
Noqw pam qaánhinwisqa-  
muy amumum póhtoylaniwa,  
ii: Pi pay himu nuy tuáwi'-  
yuñqa so'n̄waiyuñwa.

38 Noqw puma pañqaqwa:  
Tutuyqawhqa, mē, yēp lō-  
yōm sípwuváhpitu. Noqw  
pam pañqawu: Hapi.

39 ¶ Pu pam yamakt pay  
hin tuwi'taqēy ántiqé, túkwit  
Olivet aqw'a, noqw put aw  
n̄anatuwnayaqam piw put  
añkya.

40 Pu pam ép pítuḥqé pu-  
muy amumi pañqawu: Uma  
n̄anawakné' qa unáhéviwya-  
ni.

41 Pu, hak híysavohaqami  
owat tūvañwuniqw, paḥsa-  
vohaqami pam pumuy amú-  
ñaqw áhpiynit pu tamōts-  
wunuptut n̄awaknaqé

42 Pañqawu: Inaa, kurs um  
pan n̄awakné' um it kuyáp-  
kuyit inúhpiy ayo'haqami  
yúkuni, nikañw pay qa itú-

natyay an nit uhtunatyay  
ántini.

43 Noqw pép ōvēqatsit  
añqw hōñviaya put aw mā-  
taqtiqué put tu'sawni'ta.

44 Noqw pam n̄ayawhqe  
paḥsat pas pāpu qanātusi'-  
kañw n̄awakna, noqw pālaat  
pas un̄wat ántaqa tútskwami  
wukótsölta.

45 Pu pam n̄awaknaqé wu-  
núptut pu put aw n̄anatuw-  
nayaqamuy amumi pítuḥqé,  
pam pumuy qaháhlayyaqé  
ōviy tokq, pányuñqamuy tu-  
wa.

46 Niýqé pam pumuy amu-  
mi pañqawu: Ya uma hinoqw  
tōka? Uma hoñvé n̄anawak-  
nani, taq n̄āphisat sen uma  
unáhéviwyani.

47 ¶ Noqw n̄ato pam yuáa-  
taqw, pay qaánewakwhin-  
taqam añqwya, noqw i' Ju-  
das yan mātsiwhqa, pakwt  
lōq siýkaitaqamuy amú-  
ñaqwwi, pumuy amúpyevé-  
niýqé Jesust tsóhtsonaniqé  
put aw pitúto.

48 Noqw pay Jesus put aw  
pañqawu: Judas, ya um Si-  
not Tiyat aw núkpantiqé  
tsónánkit akw put núhtumi  
lālayni?

49 Noqw ima put áqlaqya-  
qam súsmataq h́intaniqat  
māmatsyaqé put aw pañ-  
qaqwa: Tutuyqawhqa, ya  
itam sípwuváhpit akw qa  
rohómtotini?

50 Noqw pumuy amúñaqw

súhkawa Susöqaltutuyqawh-qat awwat súsmoñwit tūw-kiyat wuváhtaqué put pút-vaqwwat náqvuyat ayo'tuku.

51 Noqw Jesus hu'waqué pañqawu: Hapi, pay pántani. Pu pam put náqvuyat aw tónokqé put qaláptsina.

52 Pahsat pu Jesus Susöqaltutuyqawh-qat awwat súsmomñwituy nit pu Susöqaltutuyqawh-qat kiyat ép soláwamomñwituy nit pu wūwukwmuy, put aw nánkwusagamuy amumi pañqawu: Ya uma uyínwut éhpéwi nánkwusagé ōviy sípwuváhipi'kahkañw pu moríkhoikahkañw áñqaqwya?

53 Hímupi nu nāqavo umum Susöqaltutuyqawh-qat kiyat ép hinnumqw, uma qa inumi máiyuñwa. Noqw paypi i' pu' umúhpaptsi, pu it qatālat öqálayata.

54 ¶ Pahsat pu puma put nuáyat pu put wíkkahkañw áhpiyaqué, Susöqaltutuyqawh-qat awwat súsmoñwit kiyat ép put wíkvaya. Noqw Peter yāvahaqaqw put añki.

55 Pu puma kihut íypoviyat aw nōyakiwtaqat épéq nāsavéq qōhyat pu aw sūp yēsvaqw, Peter pumuy amumum aw qatúptu.

56 Noqw pay hak tūwiki māna put qōhit áqlap qatuqw túwahqé, put aw pās tāy-numt, pu pañqawu: I' tāqa piw put ámuma.

57 Noqw pam put qanákwhaqé pañqawu: Wuhti, nu put qa tuwi'ta.

58 Pu híysavoniqw, piw suhka put túwahqé pu pañqawu: Pay um piw pumuy amúñaqwwi. Noqw Peter pañqawu: Qae, sino, nu qa pam'i.

59 Pu ahpiy pay ka tāwat sūs añqé qōñltiqhaqam, piw suhka pas qa nānahtsopkañw pañqawu: Pay pas antsa i' piw put ámuma, ōviypi i' Galilee-sino.

60 Noqw Peter pañqawu: Sino, pay nuyniqw kurspi um híñqawu. Noqw nāto pam yuáataqw pahsat pay taqákowako töqti.

61 Noqw Tutuyqawhqa námtokt Petert aw tātayi. Noqw Peter Tutuyqawh-qat laváiyat u'na, hin pam ura put aw pañqawh-qata, Nāto taqákowako qa töqtiqw, um nuy pāyis qanákwhani, ita.

62 Noqw Peter pañqw yá-makt nāvakhurúhta.

63 ¶ Noqw ima táhtaqt Jesus tūiyuñqam put aw tútsiwy, pu put wuválalwa.

64 Pu puma put pósuh-taya-qé pu put táywayat wuválalwakahkañw tūviñlalwaqé aw pañqawu: Itamuy somátsaawnā, ya hak uñ wuváhta?

65 Pu pay pas puma Susöqaltutuyqawh-qat qahíy-talal-



wakahkañw put aw hīhiñ-  
qaqwa.

66 ¶ Pu panis tālawvaqw,  
pu sinmuy amúñaq wūwu-  
yom niqw pu Susöqaltutuy-  
qawhqat awwat súsmomñwit  
niqw pu tutúvenlalwaqam  
sūmi ökiýqé pu haqam yuá-  
atotaniqé öviy tsováwtaqéy  
aw put wíkvayaqé,

67 Pañqaqwa: Ya um  
Christ? Itamuy āawnaa.  
Noqw pam pumuy amumi  
pañqawu: Pi nu umuy āaw-  
naqw, soon uma tūtuptsi-  
wani.

68 Pu as kurs nu tuwat u-  
muy tūvintaqw, soon uma  
nuy āawnayani, piw soon  
nuy mātapyani.

69 Yahpiy haqáhpīy hapi  
Sinot Tiat Susöqaltutuy-  
qawhqat öqálayat pútvaqé-  
wat qátuni.

70 Pahsat pu puma sohso-  
yam pañqaqwa: Noqw pa um  
Susöqaltutuyqawhqat Tiat?  
Noqw pam pumuy amumi  
pañqawu: Pay panta, nu  
pam'i.

71 Pu puma pañqaqwa: Ya  
hinoqw pas nāto piw hak hin  
hiyta tsokánani, pi pay itam  
put moáyat ahpiy pas nāp  
nanápta.

### 23. QALÁLNI

1 Pu sohsoyam puma qaán-  
ëwakwhintaqam hoñwat pu  
put Pilate aw wikya.

2 Niýqé pahsat pu puma

put hīhiyta tsokánayaqé pañ-  
qaqwa: Itam it aw navóti'-  
yuñqw, i' itáhsinmuy amumi  
nunúkpana, pu moñwit aw  
sivit öoyyaniqat tūmewanta,  
pam Christ, moñwiniýqéy,  
pañqawkañwo.

3 Noqw Pilate put tūvintaqé  
pañqawu: Ya um Jew-sinmuy  
moñwíam? Noqw pam put  
hu'waqé pañqawu: Pay pan-  
ta.

4 Pahsat pu Pilate Susöqal-  
tutuyqawhqat awwat súsmomñwituy nit pu sinmuy  
amumi pañqawu: Pay nu  
qahíyta it sinot aw qaánta-  
qat tuwaita.

5 Noqw pay puma pas qa  
pay nānakwhaqé pañqaqwa:  
Noqw pi i' sinmuy hin  
u'nañwnaqé sohsokmuy Jew-  
sinmuy amúnawit tūtutu-  
qaynatima, Galileet añqw  
yáynaqé yuk páhsavoo.

6 ¶ Noqw Pilate Galileet  
navótgé, sen pam Galileet  
añqw sínotniýqat, tūvinta.

7 Noqw kurs pam Herod  
híysaqhaqam aw tutuyqawh-  
qat pèp put ép sínotniýqat  
panis put navót, pay put  
Herod aw hōna, pam ép piw  
Jerusalem tū ép qatu.

8 Noqw Herod Jesust aw  
yórikqé pas háhlayti, pam  
pas hisat as put aw yórik-  
niqéy nāwaknaqé öviy'o, pam  
put hīhin navótgé öviy'o,  
niýqé hísnéntiqw as pam  
hiyta kātataypit híntiqw,

pam aw yórikniqéy wūwan-ta.

9 Paḥsat pu pam put hīhiy-ta tūvinlawu, noqw pay pam pas put qa aw hínqawu.

10 Noqw Susöqaltutuy-qawḥqat awwat súsmomñwit niqw pu tutúvenlalwaqam hónkahkañw a'nö hihin put qalomálavayta.

11 Noqw Herod niqw pu put solāwamat put qahiýtatota, niyqé put aw tutútsiwy, niyqé put pavan pas hin só-niwhqat yūwsinayat, put Pilate aw ahoy lālaya.

12 Noqw pay ép talōñva-qat ép Pilate Herod amum nākwatsta, puma as nātuw-qamniyqé öviy'o.

13 Pu Pilate Susöqaltutuy-qawḥqat awwat súsmomñwituy nit pu móhpéqyaqamuy nikañw pu sinmuy sūmi wáñ-wayqé,

14 Pu pumuy amumi pañ-qawu: Uma as it sinot, sinmuy amumi nunúkpanqat pan laváykahkañw, inumi wíkwaya, noqw mé, nu hapi umútpik it aw póḥtaqé, hin uma it laváytaqw, qaháqam put ántaqat it ép tuwa.

15 Pas qae, pu Herod piwu, pi nu umuy put aw hōna; noqw mé, kurs qahiýta mokíwuy híykaitaqat pam hinti.

16 Pay nu öviy put wuvah-pit akw sivíntoynat pay mātapni.

17 (Pam hapi nōviwhqat ép

pas pay soon qa sukw pumuy amumi mātapñwuniyqé öviy'o.)

18 Noqw puma sūsaq sáak-maqé pañqaqwa: Ayo'haqami it hintsant, Barrabbast itámumi mātavii.

19 (Pam hapi hak kitsokivé momñwituy amumi rohóm-totiqat ép nikañw pu pas tunátywkañw hakiy nīnaqéy, put ép sivíkimi tūwiwa.)

20 Noqw öviy Pilate Jesust mātapniqéy nāwaknaqé pu piw pumuy amumi yuáayku.

21 Noqw pay puma sáak-maqé pañqaqwa: Nahóyléh-tsit aw múaa, nahóyléh-tsit aw put múaa.

22 Noqw pam payísni'ma-kañw pumuy amumi pañ-qawu: Ya hinoq'ö, ya hiýta qalolmat i' hínitiqw öviy'o? Pay pi nu qahiýta mokíwut híykaitaqat it ép tuwa, pay nu öviy wuváhpit akw sivíntoynat it mātapni.

23 Noqw pay puma pas tōnay añqé hínqaqwaqé pas qa qé'iwwisa, niyqé put nahóyléh-tsit aw muíltiniqat sa nānawakna. Noqw pay pumuy nikañw pu Susöqaltutuyqawḥqat awwat súsmomñwituy tōnáam túyqawva.

24 Noqw pay pumuy hin nānawaknaqw, pántaniqat Pilate pan yuku.

25 Niyqé pam it hakiy momñwituy amumi rohóm-

totiqat ép nikañw pu pas tunátywakañw hakiy ninaqéy put ép siviíkimi tūviwhqat, pumuy amumi nóa, put puma tūnlaiyuñqw, put'a. Nikañw Jesust pam pumuy tunátyayamuy aw nóa.

26 Noqw puma put wikkahkañw áhpiyakañw puma hakiy Simont, Cyreniat añqw sinot tutskwáñahaqaw pitútoqat, nuáya, niýqé puma put nahóyléhtsit ikwiltoy-naya, pam Jesust ank put ik-wiwtaniqat öviy'o.

27 ¶ Noqw qaánèwakwhintaqam sinom put ankya, pu momóyamu, puma put enèm qaháhlaykahañw nāp nāwuváhtiwiskahañw pu tsāy-kiwisa.

28 Noqw pay Jesus pumuy amumi námtókt pañqawu: Jerusalemt añqw momóyamu, uma qa inúnèm tsāykitotat, nénnemyani, pu umúh-timuy amúnèmi.

29 Pi mè, pay nāto aw talōnvaniqat aw pituqw, ép pu pañqawani: Pas ima qatílalwaqam háhlaypit épya, pu titipka qahísat tío'yaqa, pu píqtō qahísat yōyoñnayaqa.

30 Pép pu puma túhtukwit aw pañqawani: Itámumi sáhpukuu, pu tsótsmot aw, itamuy āmaa, kitótani.

31 Ispi kurs puma iit nāto mowáiwtaqat himútskit ép hín-tiqw, ya sen lákput ép tis hín-tani?

32 Noqw piw hakim löyöm nukpanat niniwniqé put amum wíkiwa.

33 Noqw puma haqámi Calvary yan mātsiwhqat, aw öki, niýqé pép puma put nahoyléhtsit aw muáya, pu imuy núkpanatuyu, suhka put pútvaqéwat niqw pu mi'wa put súyvaqéwata.

34 Pahsat pu Jesus pañqawu: Inaa, um pumuy amumi it qé'watani, pi puma hín-tsatskaqéy qa mātsi'yuñwa. Noqw puma put yūwsiyat nāhoy o'yat pu put öviy nánvö'ya.

35 Noqw sinom añ hoñkahañw aw tāyuñwa. Noqw móhpéqyaqam piw pumuy amumum tutsiwúnañway pañqawu: Pam pētuy ayo' oya, pi nāp ayo' nātapni, kurs Christnené, Susōqaltutuy-qawhqat namóraat.

36 Noqw solāwam piw put aw tutútsiwyaqé put aw ökiýqé put sikat ovávalat mámqaya

37 Niýqé pañqawu: Kurs um Jew-sinmuy moñwíam-nèn, um nāp ayo nātapni.

38 Noqw Greek-lavayit nikañw pu Latin-lavayit nikañw pu Hebrew-lavayit añ put átsva pēniwa, yan'i: I' hapi Jew-sinmuy moñwíamu.

39 ¶ Noqw imuy núkpanatuy hāyiltiqamuy amúñaqw suhka put aw tutútsiwhiñ-qawhqué pañqawu: Kurs um

Christnén, um nāp ayo nā-tapni piw itámuyu.

40 Noqw pay mi'wa laváy-tiqé put u'nānmewaqué pañ-qawu: Puyaw um Susöqaltutuyqawh̄qat pas qa mám-qasi? Susmataq pi um pay piw an tūwiwkañwo.

41 Noqw itam pi pay a'tsip-na, itam pi itáhtumalay áh-satiyat ömáhta, noqw i' pi pas qahíyta ép qa súanti.

42 Pu pam Jesust aw pañ-qawu: Tutuyqawh̄qa, um hisat uhmoñwtunatyay aw paké' um okiw nuy qa súhtok-ni.

43 Noqw Jesus put aw pañ-qawu: Pas antsa nu ūmi pañ-qawni, pay pu', it talõñvaqat ép um inúmun haqam háh-layqatsit épni.

44 Noqw tāwat naváysikis-haqam qöníwma, noqw tū-waqatsit añ áhsupoqwhaqami qatālawva, tāwat pev'é-sikis qöníltiqat pahsavoo.

45 Noqw tāwa qatālawva, pu Susöqaltutuyqawh̄qat kiyat ép mötsápùhtsit nāsa-vaqué tsiki.

46 ¶ Pu Jesus tönay añqé a'nö tsa'lawh̄qé pañqawu: Inaa, nu uhmápqölmiq ihíkwsiy noa, kita; pu pam yan hínqawh̄t híkwsiy mā-tavi.

47 Noqw i' solāwamuy tsi-vótsikip sunatniyqamuy a-mumi moñwi hin hiníwh̄tiqat aw yórikqé, pam Susöqaltu-

tuyqawh̄qat pas híytataqé pañqawu: Pas kurs as antsa i' hak pas súantaqa sino.

48 Noqw sohsoyam sinom pép hínstsatskaqat aw tsovál-tiqam hin híyta hiníwh̄tiqat aw yórikyaqué unánwpé wu-váhtikahkañw añqw áhoyya.

49 Noqw sohsoyam put tu-wímat niqw pu ima momó-yam Galileet añqw put añk-yaqam ayánqaqw hónkah-kañw iit aw tāyuñwa.

50 ¶ Noqw mé, hak tāqa, Joseph yan mātsiwh̄qa, núhtuném híyta añ pötskwan-maqa qatu. Noqw pam hak lolma tāqa, piw súanta.

51 (I' hak pumuy pasiwni-yamuy pu tumálayamuy ép qa hu'wani'ta) pam hak Jewsinmuy kitsókiyamuy, it Arimatheat añqw sino, i' hak piw öviy Susöqaltutuyqawh̄-qat moñwtunatyayat maqáptsi'ta.

52 I' hak it Pilate áwniýqé pu put aw Jesust tokóyat túhtui.

53 Niýqé pam put háwnat pu tusáqtontsatsakwmötsa-put akw put mokáhta, nit pu tuámqölöt, owat ép qölö-tiwh̄qat, ép put tavi, pép qahísat hak taviwh̄qat pép'é.

54 Noqw ép totókaiyuñwa, noqw nasúnwintalõñvaqat aw pitúto.

55 Noqw piw momóyam Galileet añqw ökiýqam put añkya, niýqé tuámqölöt aw



yórikya, pu hin put tokóat taviwhqata.

56 Pu puma ahoy ökiyqé pu hiyta kwánwawhvaqtuqat nit pu wíykuyit kwánwawhvaqtuqat na'sastota, nit nasúnwintalönvaqat ép nāsuñwni'yuñwa, hin tutáp-tiwhqat an'i.

## 24. QALÁLNI

1 Pu öviy tsañé'sikis talöñ-wintiwqat añqw mohti talönvaqat ép pas súits talávay pay puma tūamit aw öki, hiyta kwánwawhvaqtuqat na'sastotaqéy yánkañkañwo, noqw haqawat pumuy amumuya.

2 Niýqé puma tūamit añqw owat ayo mūmaniwqat, pantaqat aw öki.

3 Noqw puma aqw yuña, nit Tutuyqawhqat Jesust tokóyat qa tutwa.

4 Noqw pantaqw, pumuy put ép kurshintotiniqw, mè, hakim löyöm tálqaqsalqat yūwsi'kañw pumuy amúqlap wunu.

5 Noqw puma tsātsawnaqé tútskwami yōko'yuñqw, puma pumuy amumi pañqawu: Ya hinoqw uma so'pumuy amúhpa qátuhqat hépnumya?

6 Pam qa yép'é, pi pam tātai. Uma u'nayani, ura pam nāto Galileet ép umumum nikañw umuy put āawnaqé

7 Pañqawhqata: Pay Sinot

Tiat qaánhinwisqamuy máp-qölmiq pas soon qa noíwni, nèn nahóylèhtsit aw mułtini pu payístalqat ép ahoy tātayni.

8 Noqw puma put laváiyat u'naya.

9 Niýqé puma tūamit añqw áhoyyaqé pu iit sohsok imuy pakwt sukw síykaitaqamuy nikañw pu sohsokmuy mí-muywatuy āawnaya.

10 Noqw i' Mary Magdalene niqw pu Joanna niqw pu Mary, it Jamest yuat, niqw mímawat momóyam pumuy amumumyaqam, imuy ayáiw-yuñqamuy iit āawnaya.

11 Noqw pumuy niqw pumuy laváyiam tuwútsèwayó, noqw puma pumuy qa tū-tuptsiwa.

12 Pahsat pu Peter wunúput pu tūamit aw wari, niýqé pam aqw motóltiqé tusáq-tontsatsakwmötsaput nāp sup óyiýqat tuwa, niýqé pam pañqw nimíwmakañw, hin pép hiníwhitiqat wūwanma.

13 ¶ Noqw mè, pay ép talönvaqat ép pumuy amúñaqw hakim löyöm kitsókit, Emmaus yan mātsiwqat, aqw'a. Pam Jerusalem tñq payhp sunat pahsahaqam tútskwatuwanit páhsaphaqamo.

14 Niýqé puma sohsok iit hiyta hiníwhitiqat nāmi yuáa-tima.

15 Noqw ōviy puma nāmi yuáatimakañw wūwanmaq, Jesus pas nāp pumuy amumi pítuhqé, pumuy amumum páhpiyò.

16 Noqw puma put qa mā-matsniqat ōviy puma pósuh-siltiqat panta.

17 Pu pam pumuy amumi pañqawu: Ya uma hiýta nā-mi pas yuáatimaqé pas qa-háhlayi?

18 Noqw suhka, Cleopas yan mātsiwhqa, put hu'waqé aw pañqawu: Puyaw pay um hak nāla Jerusalemt épniýqa, pép nāto pu'haqam hiníwhitiqat qa navóti'ta?

19 Noqw pam pumuy amumi pañqawu; Ya hiýtaa? Noqw puma put aw pañqawu: Pay it Nazaretht añqw Jesust hapi, pam hapi as Susöqaltutuyqawhqat enēm yuáata'qa, Susöqaltutuyqawhqat átpip nikañw pu sohsokmuy sinmuy amútpik tumálat pu laváyit añ a'nö öqálatniqw, put'a.

20 Pu hin ima Susöqaltutuyqawhqat awwat sús-momñwit niqw pu itáhmomñwit put mokíwuy aw tūviwniqat ōviy put núhtumi noá-yaqata, niýqé put nahóyléh-tsit aw muáya.

21 Noqw ka as sen pam hak Ísrael-sinmuy ahoy ípwaniqat itam wūwantota, noqw piw nāt it átsva pu hapi iit yaníwhitiqat ahpiy pāyis tāla.

22 Noqw pu pi piw ima haqawat itámuñaqw momóyam itámuy hin unáñwtoynaya, puma súits pay tūamit éphaqamyaqamu.

23 Niýqé puma put tokóyat qatútwaqé ahoy ökiýqé, yaw puma hónviayatuy amumi yórikyaqéy pañqawu. Noqw yaw pam qátuhqat puma yaw pumuy amumi pañqawhqat, puma tūawvaya.

24 Noqw haqawat itámuñaqw tūamit áwhaqamiya, niýqé momóymuy hin laváytaqat suan yóriky, nī-kañw put puma qatútwa.

25 Pahsat pu pam pumuy amumi pañqawu: Is uma hakim nāsta wūwni'yuñqam, Susöqaltutuyqawhqat enēm yuáatotaqamuy hin laváyto-tiqat sohsok put tūtuptionsiwaniqéy qa its pan unáñwtotiniwuqamu.

26 Puyaw pay Christ iit añ qa kānavot pu lolmat tā-lawñway aw pákini?

27 Pu pam Mosest nikañw pu sohsokmuy Susöqaltutuyqawhqat enēm yuáayku-yaqamuy amuñaqw yáynaqé sohsok qahovárstutuvénit añ put hin yuáaykuqat pam pumuy amumi nám tömna.

28 Noqw puma haqami kitsókimiyaqéy aw háyhkalaya, noqw pam pay yūmosaniqéy anti.

29 Noqw pay puma put aw ö'qalqé pañqawu: Pay um

itámum hurúhtini, taq pi pay tápkwma, pay nuwu pas hísatniqwti. Noqw pam amumum hurúhtiniqé aw paki.

30 Noqw ōviy pam pumuy amumum tunōsqatuptut pu pam pólávikit kwusut put ép háhlaytit, put yōñoytat pu pumuy put húyta.

31 Noqw pumuy pōsiam tālawva, noqw puma put mā-matsya, noqw pam pumuy amútpik tūwaya.

32 Noqw puma nāmi pañqawu: Pi ōviy pas pam añqw itámumi yuáatimaqé tutú-venyukit itámumi nám-tō-minmaqw, pas itam hin uná-nwaima, nōqa?

33 Noqw pay pañsat puma wunúptut ahoy Jerusalem t aqw'a, niyqé puma pakwt sukw siýkaitaqamuy tsováw-taqw amumi pitu, pu piw pumuy amumumyaqamuyu.

34 Noqw puma pañqawu: Pas kurs antsa Tutuyqawhqa ahoy tātayqé, Simont aw mātaqti.

35 Pu puma haqami kwilá-lataqw hin hiníwhtiqat puma pumuy āawna, pu pam pólávikit yōñoytaqéy akw māmatsniwqhata.

36 ¶ Noqw pumuy iit yuáa-totaqw Jesus pas nāp pumuy amúhsonvé wunúw-kañw pumuy amumi pañqawu: Nam uma kwákw-haiwyuñwaa.

37 Noqw puma wúhpukya-

kañw pu tsātsawnaqé, suh-pan híkwsit aw yórikyaqéy wūwaya.

38 Noqw pam pumuy amumi pañqawu: Ya uma hinoqw tsātsawna, ya hinoqw uma umúhunañwpéq nānaphin wūwantota?

39 Uma imay pu ikúkuy aw yórikyani, pi pay nuu, uma inúmi híntsatsné' nanáptani, pi hikwsi qa tokóitañwu piw qa ōqaitañwu, noqw pi nu pantaqw, uma inumi yórikyá.

40 Pu pam yan laváytit pu pumuy amumi māy pu kuh-kuy máhtakna.

41 Noqw puma pas háhlay-totiqé ōviy qatútuptsiwaqé nāto kāwuwantotaqw, pam pumuy amumi pañqawu: Ya uma qahíyta yép nōvaiyuñ-wa?

42 Noqw puma put híy-sakw pakíwhtuhpét nit pu momóspalat maqáya.

43 Noqw pam put kwusut pu pumuy amútpik put tū-moyta.

44 Pu pam amumi pañqawu: Iit laváyit hapi nu umumi yuáayku nāt ura umumuniyqéé, yan sohsoy himu Mosest tutávoyat añ nuy pēniwqhata soon qaántiniqata, pu Susōqaltutuyqawhقات enēm yuáatotaqamuy pēniyamuy añ'a, pu piw Tātawit añ péitaqata.

45 Pañsat pu pam pumuy wūwniyamuy tālawna, puma

tutúvenyukit māmatsyani-  
qat ōviy’o.

46 ¶ Nit pumuy amumi  
pañqawu: Yan hapi péita, pu  
yan hapi i’ Christ pas pay  
soon qa kānavotni pu payís-  
talqat ép mokiwuy añqw tā-  
tayni.

47 Sinom tunátyay añqw  
nánamtökyaníqat nikañw pu  
qaántiput ayo’haqami hō-  
niwníqat, íi. Pantaqa put  
nátñwaniyat añ sohsokmuy  
hiytuy sinmuy amumi yuáa-  
tiwníqat ōviy’o, Jerusalemt  
añqw hoyóyoykukañwo.

48 Noqw uma hapi iit aw  
yórikyaqamu.

49 ¶ Noqw mé, nu hapi  
Inay añqw awínit umumi tá-

vini, nikañw ōviy uma hāk  
kitsókit Jerusalemt épyani,  
ōñaqw ōqálmakiwyaniqéy  
pāhsavoo.

50 Pu pam pumuy Bethanyt  
aw pahsavo tsamt, pu māvu-  
yaltit pumuy ōqálanta.

51 Noqw nāto pam pumuy  
ōqálankañw, pumuy mātap-  
t ōmi wikiwa.

52 Noqw puma put pas  
hiytatostat, pu pas hínhaqam  
háhlaykañkañw ahoy Jeru-  
salemt awya.

53 Niýqé puma súsép Sus-  
ōqaltutuyqawhíqat kiyat ép  
hínnumya, Susōqaltutuy-  
qawhíqat tayáwinkañkañw  
háhlaylálwakañkañwo. Yan-  
tani.



# ST. JOHNT

## LOMÁTUAWIATA

### 1. QALÁLNI

1 Ayaq yáyniwhpuvêq laváyi pay'u, pu laváyi pay Susöqaltutuyqawhqat ámu-ma, pu pay laváyi Susöqaltutuyqawhqa.

2 Pay pam piw yáyniwhpuvêq Susöqaltutuyqawhqat ámuma.

3 Sohsoy himu put atsviy yukílti, pu qahimu yukíwtaqa qa put atsviy yukíwa.

4 Noqw qatsi put ép'é, pu qatsi sinmuy tálniamu.

5 Noqw tāla qatālat ép tālawva, noqw qatāla put qa nua.

6 ¶ Noqw hak sino Susöqaltutuyqawhqat aňqw ayátiwa, niýqé John, yan mātsiwa.

7 Pam hak tuáwi'taniqé pitu; Tālat tuáwi'taniqéé. Sohsoyam put átsviy tūtuptsiwaniqat öviy'o.

8 Pay qa pam páam tāla, nikaňw pam put tālat tuáwi'taniqé öviy ayátiwa.

9 ¶ I' pas antsa tāla hapi ii, i' sohsokmuy sinmuy tūwaqatsit aw ökiwtaqamuy tālawwintaqa, pam'i.

10 Pam as sinmuy amúhpé hínnuma, noqw as sinom put

atsviy yukíltoti, noqw sinom put qa tuwi'yunwa.

11 ¶ Pam as pas nāphimuy aw pitu, noqw himúmat put qa kwusúya.

12 Nikaňw híysaniýqam put kwusúyaqw, puma Susöqaltutuyqawhqat tímatniwhótiniqat aw pam pumuy öqálmaqa, imuy put túnwniyat aw túptsiwyaqamuyu.

13 Ima hapi hakim qa un-wat ahipiy tíytiwya piw qa tokot tunátyayat ahipiy'o, piw qa sinot tunátyayat ahipiy nit, Susöqaltutuyqawhqat ahipiy tíytiwya.

14 ¶ Noqw laváyi tókonihwtiqé itámuhsonvé qatúptu, nūokwat nikaňw pu pas qaátsatniýqat akw pás áhsaliwkaňwo. Noqw pam pas sūka Nay aňqw aníwhwtiqéy pan lomávitsaňwaitaqw, pántaqat lomávitsaňwayat itam aw yórikya.

15 ¶ John put tuawi'taqé tsa'lawhqé paňqawu: It hapi nu laváytiqé ura paňqawu, i' aňqw inúnkniýqa pam inuhpeniýqé pas'i, ispi pam inuhpeniýqé mohti qátuhqéé.

16 Noqw itam sohsoyam put qarūrumniyat aňqw ö-

máhtota, pu nānānūmo ō-kwalnità.

17 Pi tutavo Mosest añqw taviwa, noqw ōkwalni niqw pu pas ántsaniyqa Jesus Christ añ pitu.

18 Qahak sino hisat Susöqaltutuyqawhqat aw tā-tayi, pas sūka, Susöqaltutuyqawhqat Tíatíwtaqa, Nay átpipaq qátuhqa, pam put túnvotna.

19 Noqw Jew-sinom Susöqaltutuyqawhqat awwat mómñwituy nikañw pu Levi sinómuyatuy Jerusalemt añqw Johnt aw, Ya um haki? yan tūviñtotaniqat ōviy ayátotaqw, John yan laváyti:

20 Noqw pam súañqawhqé himuniyqéy qatúpka, nit nákwahqé pañqawu: Pay qa nu' Christ.

21 Noqw puma put tūviñtotaqé pañqawu: Noqw ya hína? Ya um Elias? Noqw pam pañqawu: Nu qa pam'i. Noqw ya um hak páam Susöqaltutuyqawhqat enēm yuáataqa? Noqw pam hu'waqé, qae, kita.

22 Pañsat puma aw pañqawu: Ya um haki? taq itam as itamuy ayátotaqamuy amumi hin tūawvayani; um hak himuniyqéy namíwuwanta?

23 Noqw pam pañqawu: Pay nu qayēsiwhpuvé yan tsa'tinumqat tōnáata: Uma

Tutuyqawhqat pōhuyat suwíptapyani, ura Susöqaltutuyqawhqat enēm yuáataqa Isaias pañqawu.

24 Noqw ima ayátiwyaqam Pharisee-sinmuy amúñaqwmimya.

25 Noqw puma put tūviñtotaqé pañqawu: Noqw hínoqw um kúyit akw tūtuvoylalawu, kurs um qa pam Christ-nikañw pu qa pam Elias-nikañw piw qa um hak pam Susöqaltutuyqawhqat enēm yuáataqa-nikañwo?

26 John pumuy hu'waqé pañqawu: Nu kuyit akw tūtuvoylalawu, nikañw umúhsonvé suhka wunuwta, put uma hakiy qa tuwí'yuñwa.

27 Pam hapi hak inúnknikañw inúhpēniyqé pam pás'i, put tótssosompiyat nu náhniqéy aw qa himuu.

28 Noqw Jordant áyuhp, Bethabarat ép, John kuyit akw tūtuvoylalawhqat, pēp i' yaníwhiti.

29 Qavónvaqw John Jesust put áwniqw túwahqé pañqawu: Kurs Susöqaltutuyqawhqat mañaat, sinmuy qaántipuyamuy ayo'haqami hín-tsanniqat, aw yórikyaa.

30 It hapi nu ura pañqawu: I' tāqa inúnkniiyqa inúhpēniyqé pam pás'i, pi pam inúhpēniyqé mohti qátuhqéé.

31 Noqw nu as put qa tuwí'ta. Noqw pay pam Israel-

sinmuy amumi mātaqtiniqw, paniqw ōviy nu kuyit akw tūtuvoylatima.

32 Noqw John tuáwi'taqé pañqawu: Nu Hikwsit hōwit ántaqat ōvēqatsit añqw háwtoqw tuwa, noqw pam put ép hurúhti.

33 Noqw nu as put qa tuwi'ta, noqw nuy kuyit akw tūtuvoylalawniqat ōviy añqw nuy táviyqa, pam inúmi pañqawu: Hakiy hapi aw Hikwsit háwtokañw ép hurúhtiqw, um tuwaqw, pam hapi Qahováriwtaqat-Hikwsit akw tūtuvoylalawhqani.

34 Noqw nu pan yori, niyqé ōviy i' Susōqaltutuyqawhقات Tiatniyqat nu navóti'ta.

35 ¶ Qavónvaqw piw John niqw pu lōyōm put aw nána-tuwnaqam hoñq,

36 Jesus pañ wāymaq w pam aw tāykañw pu pañqawu: Huvam Susōqaltutuyqawhقات mañáyat aw yórikuu.

37 Noqw puma lōyōm put aw nánatuwnaqam put laváytiqw navótqé, Jesust añki.

38 Pahsat pu Jesus nám-tōkqé pumuy añkniqw túwahqé amumi pañqawu: Ya uma hiyta hépnuma? Puma aw pañqawu: Rabi (pam hapi nám-tōkiwhqé, Moñwi, ii) Ya um haqam qatu? puma kita.

39 Pam amumi pañqawu:

Uma péwnén yórikni; noqw puma ép pítuñqé haqam qá-tuqw aw yori, niyqé ép puma put amum qatu, pay tāwa pakwútssikishaqam qóniltiqw ōviy'o.

40 Noqw ima lōyōm Johnt híñqawhqw navot pu put áñkniyqamuy amúñaqw suhka Andrew, Simon Petert túpkoata.

41 Pam molhti pas nāp pāvay Simont túwahqé aw pañqawu: Itam Messias tuwa, pam hapi nám-tōkiwhqé wíhut akw moñwasi'taqa, ii.

42 Noqw pam put Jesust aw wikva, noqw Jesus put aw tátayqé pañqawu: Um hapi Simon, it Jonat tíata, um pāpu Ciphas, yan mātsiwni, pam hapi nám-tōkiwhqé owa, ii.

43 Qavónvaqw Jesus Galileet aqw nikañw Philipt túwahqé aw pañqawu: Inúnki.

44 Noqw Philip Bethseidat añqw sino, imuy Andrewt nit pu Petert pumuy kitsókiyamuy añqó.

45 Philip Nathanaelt túwahqé aw pañqawu: Itam it hakiy Moses tutávot ép pēnaqat nikañw pu imuy Susōqaltutuyqawhقات enñem yuá-atotaqamuy hin pēnayaqat put tutwa, it Jesust Naza-reht añqwni'yqata, Josepht tíyata.

46 Noqw Nathanael put aw pañqawu: Ya sen pay Naza-

retht añqw himu núkñwani? Philip put aw pañqawu: Um inúmum awnén nāp yórikni.

47 Jesus Nathanaelt put awniqw túwahqé put pañqawu: Pas antsa Israel-sinot qa pāysoq híntsakqat aw yórik-yaa.

48 Noqw Nathanael put aw pañqawu: Ya um haqam nuy tuwí'va? Jesus hu'waqé put aw pañqawu: Nāto Philip uñ qa wánwayqw, uñ nōnvospalùyt átzipaqniqw nu uñ tuwa.

49 Nathanael hu'waqé aw pañqawu: Rabbi, um Susōqaltutuyqawh̄qat Tiata, um hapi Israel-sinmuy moñwíamu.

50 Jesus hu'waqé aw pañqawu: Paysoqpi nu ūmi pañqawh̄qé nu uñ nōnvospalùyt átzipaqniqw tuwa, nu ūmi kitaqw, ōviy um túptsiwa? Pay um nāto pas iit épniyqé pas pavan hínyuñqat aw yórikni.

51 Pu pam put aw pañqawu: Pas antsaa, pas antsa nu umumi pañqawni, yahpiy hapi uma ōvéqatsit aw hōtsit nikañw pu Susōqaltutuyqawh̄qat hōñviaymat Sinot Tiyat ép yáyvantaqamuy pu hántaqamuy aw tayuñwni.

## 2. QALÁLNI

1 Noqw payístalqw Galileet ép Canat ép tiyo mānat

amum nāmatini. Noqw Jesus yat pēp'è.

2 Noqw Jesus niqw pu put aw nānatuwnayaqam nāñuiwh̄qat aw nēmniwya.

3 Noqw pumuy ovávalat qa núhtuptsinayaqw, Jesus yat put aw pañqawu: Ima ovávalat nāstaya.

4 Jesus put aw pañqawu: Wuhti, Ya nu hiyta umum hintsaki? pay nāto itúwaniy aw qa pitu.

5 Put yat tumálà'yatuy amumi pañqawu: Pay nāphinhwat pam umumi laváytiqw, uma ántotini.

6 Noqw Jew-sinom hiyta kwánwèwakwtoté' hin put o'yañwuniqw, pan pēp navay owákuypi oyi, nānap lōlōqmuy sen pāvaykomuy wukókuypit añ ōhpokit pan tūtukwanikañkañwo.

7 Pu Jesus pumuy amumi pañqawu: Uma kuypit añ kuyit opómnayani. Noqw puma put añ tsikilaya.

8 Pu pam pumuy amumi pañqawu: Taa, uma añqw kukyat tunōsvoñat aw mōñw-iwtaqat aw kūyi'wisni; noqw puma aw kūyi'wisas.

9 Pu tunōsvoñat aw mōñw-iwtaqa kūyit ovávalaniwh̄tiqat añqw hīko, nikañw put háqamyaaqat pam qa navóti'ta, noqw pay as tumálà'yat kuyit kúkyaaqam navóti'yuñwa, niyqé tunōsvoñat aw



mónwìwtaqa möönañwìwta-qat wánwayi.

10 Niýqé put aw pañqawu: Pay pi as sohsoyam sinom mohti nukñwat ovávalat tunösvoñahtotañwu, nèn ason sinmuy pay pavan pas öö-yaqw, pu pay hiýta qaáta-qatyañwu, noqw um kurs tuwat nukñwat ovávalat pèw waránta.

11 It hapi akw kátataypit tumálat Jesus Galileet ép Canat ép yáyna, niýqé pas qa pay himuniýqéy put pán-taqat máhtakna. Noqw put aw nánatuwnayaqam put aw tütuptsiwa.

12 Yantaqat átsva pu pam Capernaumt aqw'a. Pam niqw, put yuat niqw, put túpkomat niqw, pu put aw nánatuwnayaqamu, niýqé puma pépéq pay qa wūhakis yēse.

13 ¶ Noqwañ-ruhpañwìhqa, Jew-sinmuy himúam, aw pi-tsiwta, noqw Jesus Jerusalemt aqw wūvi.

14 Niýqé pam Susöqaltutuyqawhqa kiyat ép imuy wāwakastuy, kanélmuy pu hōwiytuy húhyayaqamuy tuwa, pu sivánahoyñwantotaqamuy yésqamuyu.

15 Niýqé pu pám wíkpañw-hohyat wuváhpitat, pam soh-sokmuy pumuy Susöqaltutuyqawhqa kiyat añqw íy-poq lālayi, pu imuy kanélmuy pu wāwakastuyu, nit pu

sivánahoyñwantotaqamuy sīvayamuy wáhoknat húhyanpiyamuy takúmnata,

16 Nit hōwiytuy húhyayaqamuy amumi pañqawu: Uma imuy ayo'haqami tsám-yani, uma Inay kiyat qa húhyankitotani.

17 Noqw put aw nánatuwnayaqam u'nayaqw, ura pan péita: Uhkiy enēm qanātusi, pam nuy sowa.

18 Pañsat pu Jew-sinom laváytitiqé put aw pañqaqwa: Hiýta um súsmataqpuva hiýta-tuáwi'taqat itámumi máhtaknani? pi um iit yánt-saki.

19 Jesus hu'waqé pumuy amumi pañqawu: Uma it Susöqaltutuyqawhqa kiyat sáhpuknayani, noqw nu pāyis tālat añ put aw ahoy yúkuni.

20 Pañsat pu Jew-sinom pañqaqwa: Lōp sunat navay síykaitaqat yáhsañwuy añ i' Susöqaltutuyqawhqa kiat kitiwa, noqw ya um pāyis tālat añ put aw ahoy yúkuni-qé öviy'o?

21 Noqw pay pam tokoy Susöqaltutuyqawhqa kiyat laváyti.

22 Noqw paniqw öviy pam mokíwuy añqw tātayqw, put aw nánatuwnayaqam, pam pumuy amumi yan laváytigat u'naya, niýqé puma tútúvenyukit tütuptsiwa, pu it laváyt, Jesus laváytigata.

23 Noqw ań-rúhpakiwhqat ép nōviwhqat ép pam Jerusalemt épéqniqw, kāysiwhqam put nátnwaniyat aw tūtuptionsiwa, put hīhiyta kātataypit tumálayat aw yórikyaqéé.

24 Noqw pay Jesus qa amumi nānoa, soh sokmuy amumi navóti'taqé ōviy'o.

25 Niýqé haqawa put sinot hin āawnaniqat pam qa háqni'ta. Paypi pam sinot himu ápqölpèniqw navóti'taqéé.

### 3. QALÁLNI

1 Ura hak Pharisee-sinmuy amuñaqw tāqa, Nicodimus yan mātsiwhqā, sinónamors-tiwyaqamuy amuñaqw móhpéqniýqa qatu.

2 I' hak mihiqw Jesust aw pítuñqé aw pañqawu: Moñwi, pas um suyan Susöqaltutuyqawh qat añqw tūtutuqaynaqa pítuñqat itam navóti'yuñwa, pi soon hak kātataypit un híntsakqat híntsakniq'ö, hal pas Susöqaltutuyqawh qat put ámumniqw saa.

3 Jesus hu'waqé put aw pañqawu: Pas antsaa, pas antsaa nu ūmi pañqawni: Haqáwa qa piw tíytiwé' soon Susöqaltutuyqawh qat mónwtunatyayat aw yórikni.

4 Nicodimus put aw pañqawu: Ya hin sen sino wúynikañw piw tíytiwni? ya sen pam hin pas pu' piw yuy tipkayat aqw paké, pu tíytiwni?

5 Jesus pañqawu: Pas antsaa, pas antsaa nu ūmi pañqawni, haqawa kuyit nikañw pu piw Hikwsit qa akw tíytiwhqā pas soon Susöqaltutuyqawh qat moñwtunatyayat aw pákini.

6 Tokot ahipiy tíytiwhqā tókoniñwu, pu Hikwsit ahipiy tíytiwhqā híkwsiniñwu.

7 Pas uma soon qapas pas pu piw tíytiwyaniqat, nu ūmi pañqawh qat, ép um qapas pas hín wūwani.

8 Hūkañw haqami hūhuknik pañsoq hūhukñwu, noqw um sōykitaqw as navótnwu, nikañw pam haqaqw nikañw pu haqáminiýqat um qa mātsi'tañwu. Noqw pan hapi piw ima Hikwsit ahipiy tíytiwyaqam hínyuñwa.

9 Nicodimus hu'waqé put aw pañqawu: Noqw hin ii himu pasíwtani?

10 Jesus hu'waqé put aw pañqawu: Ya um Israel-sinmuy ép tūtutuqaynaqa nikañw iit qa navóti'ta?

11 Pas antsaa, pas antsaa nu ūmi pañqawni: Itam hiyta navóti'yuñqéy put yuáatota, pu hiyta aw yórikyaqéy put tuáwi'yuñwa. Noqw uma itáhtuawiy qa ömáhtota.

12 Kurs nu tūwaqatsit ép hiyta hínyuñqat umuy āawnaqw, uma qa tūtuptsiwé', puyaw tis nuy övé hiyta hínyuñqat umuy āawnaqw, hin uma tūtuptsiwani?

13 Noqw qahak hisat ōmi qatsit aw wūvi, pas aṇqw háwhqa saa. I' Sinot Tiat, ōvēqatsit épniýqa.

14 Noqw ura Moses qayēsiwhpuvēhaqam tsūat ōmi hōlōlaqw, pan hapi i' Sinot Tiat pas soon ōmi qa hōlōl-tini.

15 Noqw nāphaqawa aw túptsiwhqa qa hoválniwht qaso'taqat qatsit himúivani.

16 Pi Susōqaltutuyqawhqa sinmuy amumi pas unánwai-taqē ōviy pas putsa ti'taqéy tavi, nāphaqawa aw túptsiwhqa qa hoválniwht qatsit qaso'taqat himúivaniq'ō.

17 Pi Susōqaltutuyqawhqa Tiat sinmuy qahínwat yukúnaniqat ōviy pam put amumi tavi, pi sinom put aṇ ayo' nōñakniqat ōviy'ō.

18 Put aw túptsiwhqa hapi qahínwat yukúniwta, nīkañw i' put aw qa túptsiwhqa hapi pay hinwat yukúniwta, pi pam pas Susōqaltutuyqawh-qat pas nāp sūkw Tiyat nát-ñwaniyat aw qa túptsiwhqé paniq'ō.

19 Noqw it akw puma hin yukúniwya, i' tāla it tūwa-qatsit aw pitu, noqw sinom tuwat qatālatwat it tālat épniýqé pas nānawakna, pumuy híntsakpiam qalólmaniq'ō.

20 Pi nāphaqawa qalólmat híntsakmaqa tālat aw pas qa súhtaquēwniñwu, niýqé hín-

tsakpiat qa núansaniwniqat ōviy tālat qa áwniñwu.

21 Nīkañw i' pas ántsaniý-qat híntsakqa, tumálaat Susōqaltutuyqawh-qat ép pa-síwhitiqéy mātāqtiniqat ōviy pam tālat áwniñwu.

22 Iit yāyantaqat atsva pu Jesus niqw pu put aw nānatuwnayaqam tútskwat Jude-at aqwyā, noqw pépéq pam pumuy amumum qatúkañw kuyit akw tūtuvoylalawu.

23 Noqw Salimt áhaýp, Ænont ép piw John kuyit akw tūtuvoylalawu, pép a'nō pāhu niqw ōviy'ō. Noqw puma put aw ōkiýqé pu kuyit akw tuvoylatoti.

24 Pay John nāto sivíkimi qa tūviwhq ōviy'ō.

25 Noqw pahsat pay ōviy Johnt aw nānatuwnayaqam Jew-sinmuy amumum it hiýta kwáñwèwakwlalwiwh-qat ép nāñwuiyuñwa.

26 Noqw puma Johnt aw ōkiýqé aw pañqawā: Moñ-wi, ura it Jordant yúpqöyvé umumniýqat ura um hin yuá-aykuqw, mè, pam kuyit akw tūtuvoylalawu, noqw sohso-yam put aw ōkiwta.

27 John laváytiqé pu pañ-qawu: Pas soon hak sino qa ōvēqatsit aṇqw hiýta ma-kíwkañw put kwúsuni.

28 Pi uma nāp inumi navó-ti'yuñqw, ura nu pañqawu: Pay qa nu Christ, nīkañw nu put ápyevé ayátiwhqa.

29 Pi kwusí'taqa hapi möö-nañwniñwu, nikañw möönañwuy kwātsiat wunúwkañw put aw tūqayté' pas pavan háhlaytiñwu, möönañwuy tónáyat ép'è. Paniqw òviy i' iháhlaypi pas hin híntaniqéy anta.

30 Pay pám pas soon qapas pas pávantini, nikañw nú pay pas soon qa pélvotini.

31 ¶ Pi i' òñaqw pítuñqa sohsokmuy amútsvèq yanta, i' tūwaqatsit añqwniýqa tūwaqatsit añqwniýqaniñwu, niýqé tūwaqatsit añqwniýqéy panhaqam yuáatañwu. I' òvèqatsit añqw pítuñqa sohsokmuy amútsvèq yanta.

32 Niýqé hiýta pam aw yórikkañw pu navótqé put pam yuáata, noqw qahak put tuáwiyat himuu.

33 Put tuáwiyat kwúsuhqa hapi put akw Susöqaltutuyqawñqat pas qaátsaniyqat pañqawu.

34 Pi Susöqaltutuyqawñqa it hakiy ayátaqw, pam Susöqaltutuyqawñqat laváiyat yuáata, pi Susöqaltutuyqawñqa Hikwsit pas qa tuwánit put maki'taq'ò.

35 Pi Naat Tiy aw unánwaita niýqé sohsok hiýta put mápqölmíq noa.

36 Haqawa Susöqaltutuyqawñqat Tiyat aw túptsiwhqa hapi qaso'taqat qatsit himúita, pu haqawa Susöqaltutuyqawñqat Tiyat aw qa

túptsiwhqa soon qatsit aw yórikni, nikañw Susöqaltutuyqawñqat itsívuat hapi put ép hurúiwta.

#### 4. QALÁLNI

1 Noqw Jesus Johnt épniýqé wūhaqniýqamuy suñwáhtakañw pu kuyit akw tuvóylataqat Pharisee-sinom nanáptaqat, Tutuyqawñqa navótqé, paniqw òviy

2 (Paypi as Jesus qa nāp kuyit akw tūtuvoylalawu, pay put aw nānatuwnayaqamya.)

3 Pam Judeat mātapt pu piw Galileet aqw'a.

4 Niýqé pam pas pay kurs-hin qa Samariat anni.

5 Pahsat pu pam òviy Samariat ép wúhkokitsokit, Cychar yan mātsiwhqat, aw pitu. It tútskwat ura Jacob tiyótiy Josepht máqahqat áhayhpniýqat, put aw'i.

6 ¶ Noqw Jacobt pátñiat pép'è. Noqw òviy Jesus kwilálataqé mñhuiqé pay pankañw pátñivè qatuptu, noqw tāwa naváysikishaqam qóníwma.

7 Noqw hak Samáriat ép wuhti kúytoqé pitu. Noqw Jesus put aw pañqawu: Nuy híkwnaa.

8 (Put aw nānatuwnayaqam kitsókimihaqami tūnōstuiwisqw òviy'o.)

9 Pahsat pu Samariat ép wuhti put aw pañqawu: Ya



hintaqw ōviy um Jew-sino nikañw inúmi hikwtūvinla-wu, nuy Samariat ép wuhti-niq'ō? Pi Jew-sinom Samaria-sinmuy qa amúmun hín-tsatskaqw ōviy'o.

10 Jesus hu'waqé put aw pañqawu: Pas as um Susöqaltutuyqawhqa kuwáhtipuyat tuwi'kañw pu hakiy ūmi, Nuy híkwnaa, kítañqat, tuwi'té', soon as qa um put aw put tūvintani, noqw soon as pam un kuyit tāytaqat qa máqani.

11 Wuhti put aw pañqawu: Tutuyqawhqa, noqw pi um híytakw kúyniqéy nāstaa, noqwpí pátñi hinurs hōtsi. Noqw ya um haqam put kúyit tāytaqatniyqé ōviy'o?

12 Ya um itanay Jacobt, itamuy it pátñit máqahqat, épniyqé hak pas pávanniýqa? Pam ura pas nāp put añqw híhiko, pu put tímatu, noqw pu hiýtu pókmatu.

13 Jesus hu'waqé put aw pañqawu: Pay haqawa it pāhūt añqw hikwqa, piw pānaqmokmantani.

14 ¶ Nikañw haqawat nu it kuyit maqaqw, put añqw hikwqa, soon hisat pānaqmokni, nikañw it kuyit nu put maqaqw, pam put ápqōlpé pāhu nōñantaqaniwh-té' qaso'taqat qatsit aw nōnantani.

15 Wuhti put aw pañqawu: Tutuyqawhqa, um it kuyit

nuy maqaqw, nu qa pānaqmokni, piw nu qa añqw péw kúytomantani.

16 Jesus aw pañqawu: Yupa, um uñpuwsuñway wíktōni, noqw uma añqwni.

17 Wuhti hu'waqé pu pañqawu: Nu nāsta púwsuñwaita. Jesus put aw pañqawu: Pas um súañqawhqe, Nu nāsta púwsuñwaita, kita.

18 Pi as um tsívtōniyqamuy púwsuñwta, noqw it um pu himúitaqw pam qa uñpuwsuñwa, put um súañqawu.

19 Wuhti put aw pañqawu: Tutuyqawhqa, pi kurs um hak Susöqaltutuyqawhqa enēm yuáataqa.

20 Itánam pi it tūkwit ép qatsiy añ okíwhtiwiisa, noqw úmuyniqw pi Jerusalemt ép sinom qatsit añ okíwlalwani.

21 Jesus put aw pañqawu: Wuhti, um nuy túptsiwni, pay nāto uma qa it tūkwit épyat, piw qa Jerusalemt ép Inay pas híýtaikahkañw aw okíwlalwaniqat aw pitúto.

22 Uma hiýta aw nāwakinwiskahkañw put híýtaniqw qa tuwi'yuñwa, itam hiýta aw nāwakinwisqéy tuwi'yuñwa. Ispi ayo'nōñakiwniqa Jew-sinmuy amúhpiyniq'ō.

23 Nikañw pas antsa nāwakinwisqam hikwsit nikañw pu pas ántsaniyqat añ Inay aw nāwakinwisniqat tuwánit aw pitútokañw pay aw pi-tsíwta. Pi Ina pányuñqa-

muy, put pas híytaikahkañw aw okíwlalwaqamuy hēvi'ta.

24 Susöqaltutuyqawhqa Hikwsi, noqw put pas híy-taikahkañw aw okíwlalwaqam pas soon qa hikwsit ányakahkañw pu pas ántsai-kahkañwyamantani.

25 Wuhti put aw pañqawu: Pay nu Massiahst, Christ yan túnwantiwhqat, pítuniqat navóti'ta. Ason pam hak pité' pam itamuy sohok hiy-ta āawnani.

26 Jesus put aw pañqawu: Pay nú ūmi yuáataqa pam'i.

27 Noqw nāto pumuy yuáataqw put aw nánatuwnayaqam öki, niyqé pam wuhtit amum yuáataqw pas kāwuwaya, nikañw qahaqawa pañqawu: Ya um hiyta put tūvinlawu, pu piw, ya um hinoqw put amum yuáata? kita.

28 Noqw wuhti pahsat wí-kóroy mātapt pu kitsókimi-niyqé pu sinmuy amumi pañqawu:

29 Kurs huvam péwyé' it hakiy sinot, sohok hiyta nuy hínitqat, nuy āawnaqat aw yórikyaa, ya sen qa i' Christ?

30 Pahsat puma hitsóki-ñaqw nõnakqé put aw öki.

31 Noqw put aqwhaqami-niqw áhkwayñap put aw nánatuwnayaqam put aw ö'qalyaqé pañqaqwa: Nösaa, Moñwi!

32 Noqw pam pumuy amumi pañqawu: Pay nu hiyta nõsniqéy nõvaita, put uma qa tuwi'yuñwa.

33 Paniqw put aw nánatuwnayaqam nānami pañqaqwa: Ya sen pay hak enēm nõvai-va?

34 Jesus pumuy amumi pañqawu: Pay nu nuy añqw táviyqat tunátyayat hínma-kañw pu put tumálayat yú-kuniqéy, put nu nõsiwhqaita.

35 Ya uma qa yan hiñqaqwa, pay nāto nālöqmuy mū-muyawhtuy ép pu nátwani tsoválaniwni, kitota? Mè, nu umumi pañqawni: Uma kwuhpukyé' úysonva yórik-yani, pi pay pás qötsaiwyuñ-qé as tsáqniwyaniqéy aw ökiwiñwa.

36 Noqw i' tsáhqantaqa áh-salawñwu, niyqé qatsit qa-so'taqat aw aníwnit tsoválan-tañwu. Noqw i' úyqa niqw pu i' tsáhqaga puma nāma háh-laytiniqat öviy'o.

37 Noqw yép hapi pu yan yuáatiwhqa suanta, Suhka úylawhqa pu suhka tsáhqan-ta, ii.

38 Nu umuy haqam qa tumáltotaqat aw umuy hōna, uma tsáhqantotaniqat öviy'o. Pay pētu tumálto-taqw, uma pumuy tumálaya-muy aw yuña.

39 Noqw kāysiwhqam Sa-mariat ép sinom pēp ki-tsókiwé ki'yuñqam put aw

tūtuṭsiwa, wuḥtit laváyi-yat átsviy'ó. Pam ura pañqawu: Pas sohok hiyta nuy hínthiqat pam nuy āawna.

40 ¶ Noqw ōviy Samariat ép sinom put aw ōkiyqé, pam amumum hurúhtiniqat put aw nānawakna. Noqw pam pēp lōs tāwat aṇ qatu.

41 Noqw piw nāt kāysiwh-qam put aw tūtuṭsiwa, nāplaváyi-yat ép'è.

42 Niýqé wuḥtit aw pañqawu: Pu hapi itam tūtuṭsiwa, qa uhlayayiy átsviy'ó, pi itam pas nāp aw tūqay-yuñqé ōviy'ó. Niýqé pas suyan i' hak Christniýqat itam nanápta, hak sinmuy ayo'óyaniqa.

43 Noqw aḥpiy lōs talqw pam pañqw áḥpiyniýqé Galileet aqw'a.

44 Pi Susōqaltutuyqawh-qat enēm yuáataqa nāp túts-kway ép qakáptsitiwñwugat, Jesus nāp pañqawh-qé ōviy'ó.

45 Noqw pam Galileet ép pituqw, Galileet ép sinom put pās tavíya, puma Jeru-salemt épéq nōviwh-qat ép pam sohok hiyta hínthiqat aw yórikyaqé ōviy'ó. Puma núhtum nōviwh-qat épéqyaqé ōviy'ó.

46 ¶ Noqw ōviy Jesus Galileet ép Canat aw piw pitu, pēp ura pam kūyit ovávalat yuku. Noqw hakiy moñwit kiyat ép sinóiwta-qat tiyótiat Capernaumt ép tūtuya.

47 Noqw Jesus Judeat añqw Galileet ép pítuḥ-qat pam navótqé, pu pam put aqw'a, niýqé pam aqw hāwé' tiyótiyat qaláptsinaniqat pam put aw nāwakna, pam mók-niqéy aqw pitsiwtaw ōviy'ó.

48 Paḥsat pu Jesus put aw pañqawu: Pas uma hiyta hiyta-tuáwi'yun-qat nikañw pu hihiyta kātataypit aw qa yórikyé' uma soon tūtup-tsiwani.

49 Noqw moñwit kiyat ép sinóiwtaqa put aw pañqawu: Tutuyqawh-qat, um nāto itiy qa mokqw, aqw háwni.

50 Jesus put aw pañqawu: Yupa, pay uḥtiyóti qatu. Noqw pam sino laváyit, Jesus put aw laváytiqat, túptsiwh-qé pu áḥpiy'ó.

51 Noqw pam aqw háwtoqw, put tumálāymat put áhsawvayaqé aw pañqawu: Pay uḥtiyoti qatu.

52 Paḥsat pu, hísatniqwh-qam pam añqwtiqat, pam pumuy tūviñta. Noqw puma put aw pañqawu: Pay tāvok tāwat tsané'sikis qóniwmawq pam mukíhoya.

53 Paḥsat pu naat navóta, ura paḥsat Jesus pañqawh-qata, Pay uḥtiyoti qatu. Niýqé pam nāp túptsiwa pu put kiyat ép sohsoyam kivi-tu.

54 It hapi akw pu Jesus lōs kātataypit tumálta, Judeat añqw Galileet aw pítut'a.

## 5. QALÁLNI

1 It ahpiy pantaqw imuy Jewsinmuy hínsakpiyamuy it nōviwhqat aw pitu, noqw Jesús Jerusalemt aqw ōmiq'a.

2 Noqw Jerusalemt ép kanélhōtsiwat áqlap patúphaiwta, pam imuy Hebrewsinmuy amúhkwa Bethesda, yan mātsiwa, niyqé tsivótsikivo tōhōōita.

3 Noqw yañ it añ qaáne-wakwhintaqam tūtuyyaqam wáōkiwyuñwa, ima qapóstalyaqamu, qayáktaqamu, pu lākiwyuñqamu, pāhut poníníy-kuniqat ōviy maqáptsi'yuñwa.

4 Pi hoñviaya haqé qaláwmaq wāmiq hāwē' put poníníykinanwuniqw ōviy'o. Noqw pāhut poníníykuqw, haqawa aqw mohti pákiyqa nāphiyta tūtuyé' put qaláptuñwu.

5 Noqw hak tāqa sunat pakwt nānal síykaitaqat yáhsanwuy añ hiyta tūtuyqa pép qatu.

6 Noqw Jesus put wáōkiwtaqw túwahqé, navóti'taqw pam hísat pantaqw, pam put aw pañqawu: Ya um qaláptuniqéy nāwakna?

7 Noqw tūtuyqa hu'waqé put aw pañqawu: Tutuyqawhqa, pay pāhut poníníykuqw, hak nuy aqw pánanigat nu nastaa, pi nāto nuy aw hóytaqw pay piw súhka móhti aqw pákiñwu.

8 Jesus put aw pañqawu: Wunúptut úhahpay ōmáhtat, nákwusu.

9 Noqw pahsat pay pam tāqa qaláptsiniwa niyqé pu áhpay ōmáhtat nakwsu. Noqw ép talōñvaqat ép nasúnwintalōñniwta.

10 Noqw paniqw ōviy Jewsinom put qaláptuqat aw pañqaqwa: I' hapi nasúnwintalōñni, um úhahpay kinúmniniqw pam qasúanta.

11 Pam hu'waqé amumi pañqawu: Pay i' nuy qaláptsinaqa, pam inumi pañqawu; Uhahpay ōmáhtat nakwsuu.

12 Pahsat puma put tūviñtotaqé pañqaqwa: Ya hak pam sino, ūmi páñqawhqé, Uhahpay ōmáhtat nákwusu, kita?

13 Noqw i' qaláptuqa put hákiyniqw qatuwi'ta, pay Jesus pañqw áhpiyniqw ōviy'o, pép sinom kástaqw ōviy'o.

14 Ahpiy pañtaqw, Jesus put Susōqaltutuyqawhqat kiyat épniqw túwahqé aw pañqawu: Mè, um hapi qaláptu, um pāpu qahihta ép qaántini, taq nāphisat himu tis pas qalolma ūmi pituni.

15 Noqw pam tāqa áhpiyniyqé, kurs Jesus put qaláptsinaqat Jewsinmuy amumi pañqawu.

16 Noqw paniqw ōviy Jewsinom Jesust okíwsahsanya, niyqé put nīnayanigéy tunát-



yawyuñwa, pam iit nasún-wintalönvaqat ép hínthiqw öviy'o.

17 Noqw Jesus pumuy amumi pañqawu: Pay Ina yuk páhsavo nāto tumálaita, noqw nu tumálaita.

18 Pahsat öviy Jew-sinom put nīnayaniqéy pu pas tunátyaltoti, pam qa nasún-wintalönnit sa qahíytatat, piw Susöqaltutuyqawhqa put Náatniyqat páñqawhqe, pas Susöqaltutuyqawhqa amum yántaqéy páñsoqw nā-tsokaqw paniqw öviy'o.

19 Pahsat pu Jesus laváytigé pumuy amumi pañqawu: Pas antsaa, pas antsa nu umumi pañqawni: Pas Tiat soon hiyta nāp náhpīy hín-tsakni, pas Naat hiyta hín-tsawq aw tāyté' put sa hín-tsakni, hiyta páam hintsawq put piw páam Tiat án hín-tsakñwu.

20 Pi Naat Tiy aw unán-waita niyqé sohok hiyta nāp hín-tsakqéy put aw matáminma, niyqé nat páam put aw iit épniyqé tumálat pávanyaqat máhtaknani, noqw uma kátayunñwi.

21 Pi Naat so'pumuy tātayinmakanw qatsíhuytimaqw, pan piw Tiat hakiy tātaynaniqéy nāwakné' pántsannwu.

22 Pi Naat hakiy qahínwat yukúnañwu, pi pam put sohok pántaqat Tiy aw nóah-qéé.

23 Hin puma Nayat káptsi'-yúnqéy pan as sohsoyam Tiyat káptsi'yunñwiq'ö. Haqáwa Tiyat qa káptsi'taqahapi Nayat, put ayátaqat, qa káptsi'ta.

24 Pas antsaa, pas antsa nu umumi pañqawni: Haqawa ilávayiy navótkañw pu nuy ayátaqat aw túptsiwhqa pay qatsit qaso'taqat himúita, niyqé soon pam núhtumi póhtiwniqat ép hin yukúniwni, nikañw pam mokíwuy añqw qatsit aw yámakiwta.

25 Pas antsaa, pas antsa nu umumi pañqawni: So'pum Susöqaltutuyqawhqa Tiyat tónáyat nanáptaniqat aw pitútokañw pay aw pitsíwta. Noqw ima nanáptaqam yésni.

26 Pi Naat pas nāp náhpé qatsit himúitaqé pan pam piw Tiy pas nāp nahqé qatsit himúitaniqat maqa.

27 Niyqé núhtumi póhtiwniqat ép pam hin yúkuniqat aw pam put piw öqálmaqa, pi pam Sinot Tiat niqw öviy'o.

28 ¶ Uma it ép qapas pas hín wūwayani, pi pay nāto sohsoyam tūamit añ tañáwtaqam put tónáyat nanáptaniqat aw pitúto.

29 Noqw puma pañqw nöñakni; ima lolmat tumáltoqam, qatsit aw ahoy yés-vani; noqw pu ima qalolmat

tumáltotaqam, máspiwyaniqèy aw ahoy yésvani.

30 Pas nu kurshin hiýta nāp hín-tsakni, hin nu navóte' pan nu hiýta ép hin yúkuñwu, noqw i' hin iyúki pas sú-antañwu, pi nu qa nāp itú-natyay mamáviskanw, Inay nuy añqw ayátaqat tunát-yayat mamávisq'ō.

31 Kurs nu nāp nātuawi'ta-niqw, pay pam itúawi qaán-tsani.

32 Pay pas piw suhka nuy tuáwi'ta, noqw pam nuy hin tuáwi'taqw, pam súantaqat nu navóti'ta.

33 ¶ Uma Johnt aw tūayátota, noqw pam pas qaátsat-niýqat tuáwi'ta.

34 Nikañw pay nu sinot hin nuy tuáwiyat qa hín-tsaki, nikañw pay uma ayo' nōñakniqat ōviy nu iit laváyti.

35 Pam as ura pas uwíwita-qa-nikañw pu pas tálawnwaitaqa tāla, noqw uma híysavo put tálawniyat ép háhlayyaniqèy su'qawyuñwa.

36 Nikañw Johnt tuáwiyat épniýqé pas pávanniýqa nuy tuáwi'ta, pi hihíyta tumálat nu yúkuniqat ōviy put Ina nuy máqaqw, put tumálat nu híntsaqw, pay pam Ina nuy añqw táviýqat tuáwi'ta.

37 Noqw Ina, nuy añqw táviýqa, pam nāp nuy tuáwi'-

ta. Uma qahísat put tōnýat nanápta, piw hin sōniwhqat aw yórikya.

38 Pu uma put laváiyat umúpqōlpé qa húsni'yuñwa, ōviypi it pam añqw táviqw, put uma qa aw tūtuptsiwa.

39 ¶ Uma qahovárstutuve-nit añ hépyani pi uma put ép qaso'taqat qatsit himúiyuñqèy wūwantota, noqw pi pāvam nuy tuáwi'yuñwa.

40 Noqw uma inúmiyé' qatsit kwusúyaniqèy qa nānawakna.

41 Nu qa sinmuy amuñaqw tayáwinpit híntsaki.

42 Nikañw nu umumi navóti'taqw uma Susōqaltutuyqawhqat añqw awunáñwat nāpqōlpé nāstaya.

43 Nu Inay túnwniyat añ pitu, noqw uma nuy qa kwusúya, ason sukw pas nāp tuñwniy añ pituqw put uma soon qa kwusúyani.

44 Ya sen hin uma tūtuptsiwani nānāñaqw nātayawinpit ōmálalwaqamu, niýqé tayáwinpit pas Susōqaltutuyqawhqat sa añqwniýqat qa tunátyawyuñqamu?

45 Nu Inay aw umuy qasúanyuñqat lálvayniqat qa pan uma wūwantotani, pi pay suhka umuy pántsaki, i' Moses, put aw uma taqa'nañwaiyuñqw, pam'i.

46 Pi as uma Mosest tūtuptsiwé' soon uma nuy qa tūtuptsiwani, pi pam núy pēna.

47 Nikañw kurs uma put pēniyat qa tūtuptsiwé', pu-yaw sen hin uma ilávayiy tūtuptsiwani?

## 6. QALÁLNI

1 Iit aḥpiy pantaqw Jesus Galileet ép wúhkovatuphat aṇqé ayoqwat yama, pay it Tiberiast ép wúhkovatuphat aṇqéé.

2 Noqw pas qaánewakwhintaqam put aṇkya, pam imuy tūtuyyaqamuy amúhpa kātataypit tumáltaqw aw yórikyaqé ōviy'o.

3 Noqw Jesus tūkwimiq wupqé, put aw nánatuwnayaqamuy amumum pépéq qatu.

4 Noqw aṇ-ruhpakihqat, imuy Jew-sinmuy nōviwhqamuy, aw háyhkawta.

5 Noqw Jesus yórikqé qaánewakwhintaqamuy put aw ōkiqw túwahqé pam Philipt aw pañqawu: Ya sen itam haqam pólávikit tuíyaqw, ima nōnösani?

6 Noqw pay pam put aw hin hépqé ōviy kita. Paypi as pam hínitiniqéy nāp navóti'taqé ōviy'o.

7 Philip put aw pañqawu: Pakwútsikip sunat dinariont akw pólávikit tuíwhqw hikispi násèw sohsoyam hiñsakw ōmáhtotaniqw pam amúmi qahímuu.

8 Noqw súhka put aw nána-tuwnaqa Andrew, it Simon

Petert túpkoat, put aw pañqawu:

9 Yép as hak tiyóhya tsívot sōhōvos-vōlaviki'ta, pu lōq-muy pākiwhituyu, noqw pu-yaw i' qaánewakwhintaqamuy amumi hímuu?

10 Pu Jesus pañqawu: Uma sinmuy yésvanayani. Noqw pép a'nō tūsaqa. Noqw ōviy sinom yésva, niýqé tsivó-tsikip sōmorit pahsa'haqam-ya.

11 Pu Jesus pólávikit ōmáhta, niýqé pu pam put ép háhlaytit pu put aw náan-tuwnayaqamuy amumi put oyaqw pu puma yésqamuy amúhpa put o'ya, pu pākiwhituy piw pan yuku, hiy-sa'haqam puma put nāna-waknaqw páhsaa.

12 Pu pumuy döyaqw pam put aw nánatuwnayaqamuy amumi pañqawu: Uma yónoyvut ákwsinwqat tsoválayani noqw qahimu hoválniwni.

13 Noqw ōviy puma it tsivot sōhōvos-vōlavikit aṇqw yōnoyvut tsoválayaqé, pakwt lōq siýkáitaqat yuñápsivut aṇ opómnaya, imuy nōnōsaqamuy ákwsinwnayaqat, put'a.

14 Noqw ōviy puma sinom Jesus kātataypit tumáltaqw aw yórikyaqé pañqaqwa: Pay pas antsa i' pám hak Susōqaltutuyqawhqat eñem yuáataqa tūwaqatsit aw pítuniqa.

15 ¶ Noqw òviy puma put awyè' pas òqálay akw put mónwtotaniqat Jesus māmatsqé, pay pam nāla piw pañqw tūkwimiqaqamii.

16 Noqw tápkíqw put aw nánatuwnayaqam wūhkova-tuphamiq hanqé,

17 Pu pākihut aqw yuña, nit pu wūhkovatuphat añqé Capernaumt aqwyá, noqw pay pas qatālawva, noqw Jesus pumuy amumi qa pitu.

18 Noqw wūhkovatupha wúnwnuptu, a'nö hūhuqw òviy'o.

19 Noqw òviy puma pāhut kwétstiwisqé sunat tsivot sen pakwt síykaitaqat tuwánit páhsavohaqam pāvaqé hóh-yokat, puma Jesust pāvaqé wāymakañw pākihut aw háyhkalni'maqw tutwa, niy-qé tsātsawna.

20 Noqw pay pam pumuy amumi pañqawu: Pay nuu, uma qa tsawíniwyuñwni.

21 Pahsat puma su'qaw-kañkañw put pākihut akw panáya, noqw pahsat pay pākihu pumuy haqami tuts-kwat aqw hoyóyototaqat aqw pitu.

22 ¶ Qavónvaqw ima sinom wūhkovatuphat ayáqwat hoñqam, ura pépéq qahímu pākihuniqw, put u'naya, pay put aw nánatuwnayaqam it aqw yuñqw, pam saa, pu piw Jesus pumuy qa amumum pākihut aqw paki,

noqw pay puma ura nánalt ahipiya.

23 (Noqw paypi as Tiberiast añqw pēhu pākihu, ura puma haqam, Tutuyqawhqa pólávikit ép háhlaytiqw pu put nōñösaqat, áhayhpo öki.)

24 Noqw òviy ima sinom Jesust nikañw pu put aw nánatuwnayaqamuy pép qa tūtwaqé, puma pākihut aqw yuñkt pu Capernaumt ép öki, Jesust hépnumyaqéé.

25 Niýqé puma wūhkovatuphat yúpqöyvèq put tūt-waqé aw pañqaqwa: Moñwi, ya um hisat péqw pitu?

26 Jesus pumuy hu'waqé amumi pañqawu: Pas antsa, pas antsa nu umumi pañqawni, pay uma kātataypit aw yórikyaqé qa pániqw òviy nuy hépnumya, pi uma pólávikit nōñösaqé, ööyaqé, paniq'ö.

27 Uma nōsiwhqat súlawh-tiñwuqat, qa put òviy tumálayuñwt, it nōsiwhqat qaso'taqat qatsit aw wíwtaqat òviyani. Put hapi Sinot Tiat umuy máqani, pi put hapi Susöqaltutuyqawhqa, put Naat, tuvoylata.

28 Noqw puma put aw pañqaqwa: Ya itam hiyta hín-toté' Susöqaltutuyqawhqat tumálayat tumáltotani?

29 Jesus hu'waqé pumuy amumi pañqawu: I' hapi Susöqaltutuyqawhqat tumálaata, pam hakiy añqw táviy-



qat aw uma tūtuptionsiwaniqw, pam'i.

30 Pu puma put aw pañqawa: Noqw ya um hiyta hiyta-tuáwi'taqat máhtak-naqw, itam aw yórikyé' un tūtuptionsiwani? Ya hiyta um tumálaita?

31 Itánam qayēsiwhpuvé it mannat nōnōsa, pi ura pan péita, Pam pumuy ōñaqw nōsiwhqat nópna.

32 Paḥsat pu Jesus pumuy amumi pañqawu: Pas antsa, pas antsa nu umumi pañqawni, pay Moses ōvéqatsit aṇqw pólávikit, qa put umuy maqa, nikañw pi Ina umuy pas antsa pólavikit ōvéqatsit aṇqw maqa.

33 Pi i' hak ōvéqatsit aṇqw háwhqa, sinmuy qatsihuytaniqa, pam hapi Susōqaltutuyqawhqa pólávikiaata.

34 Paḥsat pu puma put aw pañqawa: Tutuyqawhqa um sústép itamuy it pólávikit húylawni.

35 Noqw Jesus amumi pañqawu: Nu hapi pólávikit akw yēsiwhqat pam'i, inúminiýqa soon tsōnmokni pu inumi túptsiwhqa soon hisat pānaqmokni.

36 Nikañw nu umumi pañqawu: Uma as inumi yórik-yakahkañw qa tūtuptionsiwa.

37 Hakimuy Ina inumi noaqw, puma sohsoyam inúmiyani, pu inúminiýqat pas nu soon ayo'haqami tūvani.

38 Pi nu qa nāp itúnatyay híntsakniqé ōviy ōvéqatsit aṇqw hāwi, nikañw nu nuy aṇqw táviýqat tunátyayat híntsakniqéy ōviy'o.

39 Noqw i' hapi Inay nuy ayátaqat tunátyaata, pam sohsokmuy nuy máqahqat, nu qahimuwat kwayht nuhtuñk talōñvaqat ép put piw ahoy tātaynaniqat, ii.

40 Noqw i' hapi nuy aṇqw táviýqat tunátyaata, yan sohsoyam Tiyat aw yórikya-kahkañw pu aw tūtuptionsiwaqam qaso'taqat qatsit himúiyuñwni, noqw nu put nuhtuñk talōñvaqat ép ahoy tātaynani.

41 Paḥsat pu Jew-sinom qayan unánway put yuáaykuya, pam, Nu hapi pólávik i ōñaqw pitu, kitaqw ōviy'o.

42 Niýqé puma pañqawa: Ya qa i' Jesus, Josepht tíatniqw, put itam nayat pu yuyat pumuy tuwi'yuñqw, pam'i? Noqw ya hintaqw ōviy pam pañqawlawu, Nu ōvéqatsit aṇqw hāwi?

43 Noqw Jesus paniqw ōviy laváytiqé amumi pañqawu: Uma qa nānahpa qaán umúhunañway híñqawwani.

44 Soon hak sino inúmini, hal pas Ina, nuy aṇqw taviýqa, put láñaknaqw, pam saa; noqw nu put nuhtuñk talōñvaqat ép ahoy tātaynani.

45 Pi ura Susōqaltutuyqawhqa enēm yuáatotaqam

pan pēni'yunwa: Noqw puma sohsoyam Susöqaltutuy-qawhqat ahpiy tutúqayyani; paniqw öviy pas sóhsoyam Inay añqw nanáptakañw pu tuwi'vayaqam inúmi ökiwta.

46 Paypi as qahak hisat Inay aw yori, pas i' Susöqaltutuyqawhqat añqwniýqa pam sa Inay aw yori.

47 Pas antsa, pas antsa nu umumi pañqawni: Inumi túptsiwhqa hapi qaso'taqat qatsit himúita.

48 Nu hapi it pölávikit akw yēsiwhqat, pam'i.

49 Pay umúnam as qayē-siwhpuvé it mannat nönösa, nit qa yēse.

50 I' hapi pöláviki övéqatsit añqw háwhqa, it hak añqw nösé' qa mókmantaní'ö.

51 Nu hapi táytaqa pöláviki, övéqatsit añqw háwhqa, it haqawa pölávikit añqw nösqa pas sutsép qátuni, noqw it pölávikit nu túmkaniqw, pam hapi itóko, put hapi nu sinmuy yésniqat öviy távini.

52 Noqw öviy Jew-sinom nánwuiyunqé pañqaqwa: Ya sen hín i' tokoy itámuy nóp-nani?

53 Pahsat pu Jesus pumuy amumi pañqawu: Pas antsa, pas antsa nu umumi pañqawni: pas uma Sinot Tiyat tokóyat qa nönösakañw pu put unwáyat qa

híkwyé' uma umúpqölpé qatsit nástayani.

54 Itókoy nöskañw pu iúnway hikwqa hapi qaso'taqat qatsit himúita, noqw nu put nuhtunk talónvaqat ép ahoy tātaynani.

55 Pi itóko pas antsa nös-siwhqa pu iúnwa pas antsa himu hihikwaqa.

56 I' hak itókoy nöskañw pu iúnway hikwqa inúhpé hurúiwta, noqw nu put ép'é.

57 Pi Ina qátuhqa nuy añqw taviqw, pu nu Inay atsviy qátuqw, öviy pán piw i' nuy nösqa, pam pas inúts-viy qatuni.

58 I' hapi pam pöláviki övéqatsit añqw háwhqa; umúnam it mannat nönösat pay qa yésqw, qa pánwata, it pölávikit añqw nösqa pas sutsép qátuni.

59 Noqw pam Capernaumt ép tsótsvalkivé tütutuqay-nakañw iit laváyti.

60 ¶ Noqw öviy kãysiwhqam put aw nánatuwnayaqam it nanáptaqué pañqaqwa: Pas i' laváyi anáhaa, ya sen hak it navótni?

61 Noqw pay put aw nánatuwnayaqam it ép qaán unánway hínqaqwaqw, Jesus nápqölpe navóti'taqé pumuy amumi pañqawu: Ya i' yántaqa umuy unánwmokna?

62 Noqw tis ka Sinot Tiat övéqatsit ép ura qátuhqéy aw

wúptoqw uma tutwé', sen hín totini?

63 Pi Hikwsi hiýta tātay-nañwu, toko qahiýta ápi. Iit laváyit nu umumi laváytiqw, pam Hikwsi pu qatsi.

64 Nikañw pay uma haqawat qa tūtuptsiwa. Paypi Jesus yáynit añaqaw pay hakímuy qa tūtuptsiwaqamuy tuwímuitaqé öviy'o, pu hak put aw núkpanté' nuhtumi lálayniqata.

65 Pu pam pañqawu: Paniqw öviy nu umumi pañqawu, pas soon hak inúmini-qata, pas pántaqa, Inay añaqaw put hakiy aw noíwhqw, pamsaniqata, nu umumi kita.

66 Noqw páhpiy-haqáhpuy pay put aw nánatuwnayaqam kāysiwhqam áhoyya, niýqé pāpu put qa amum hínnunya.

67 ¶ Pahsat pu Jesus imuy pakwt lōq síykaitaqamuy amumi pañqawu: Ya uma piw áhpiyani?

68 Pahsat pu Simon Peter put aw pañqawu: Tutuyqawhqa, ya itam hakiy aw yántotini? pi um laváyit akw sutsépyesiwhqat laváyit'a.

69 Noqw itam tūtuptsiwaqé um pam hak Christ it Susöqaltutuyqawhqat qátuhqat Tiatniýqat itam pās nātuptsiwnaya.

70 Jesus amumi pañqawu: Ya qa nu umuy pakwt lōq síykaitaqamuy namórsta?

Noqw uma haqawa núkpana.

71 Noqw pam Judas Iscariot, it Simont tiyat, put pañqawhqe kita, pi pam hapi nāto put aw núkpanté' nuhtumi lálayniq'o, imuy pakwt lōq síykaitaqamuy amúñaqwvi-nikañwo.

## 7. QALÁLNI

1 Iit áhpiy pu Jesus pāpu Galileet ép hínnuma, pam pāpu qa Judeat ép hínnunniqé öviy'o, pi Jew-sinom put nīnayaniqéy tunátyal-totiqw; páníq'o.

2 Noqw taqátskitiwhqat put ép nōviwhqat ép imuy Jewsinmuy híntsakpiyamuy aw pitsíwta.

3 Noqw öviy put túpkomat put aw pañqawu: Um áhpiyni nēn Judeat aqwni, noqw ūmi nánatuwnayaqam tumálat uñ híntsakqat aw nuhtum yórikyani.

4 Qahaq pi hak nanáuyvė hiýta híntsakkañw nātuwiwniqéy nāwakna, kurs um iit híntsaké' um sinmuy amumi nāmahtaknani.

5 Pay put túpkomat piw put aw qa tūtuptsiwaqé öviy'o.

6 Pahsat pu Jesus pumuy amumi pañqawu: Pay nāto itúwaniy qa aw pitu, nāwuspi umúhtuwaniy aw sutsép pitsíwta.

7 Pi yép qatsit áhpiy tu-

nátyat hínwisqam soon umumi itsívuiwyuñwni, nikañw inúmi puma pas itsívuiwyuñwa. Pi nu put yuáataqé put hínsakpiat qalólmatniyqat pañqawlawh'ö.

8 Pay pi uma it nōviwhqat aqwyani, pay nu nāto it nōviwhqat qa aqwni, pay nāto itúwaniy aw qapas pas pās pítuq'ö.

9 Yan pam pumuy amumi laváytit, pay hāk Galileet ép qatu.

10 ¶ Noqw pay put túpkomat aqw ōmiqhaqamiyaqw, pahsat pu pam tuwat nōviwhqat aqw'a, nikañw pay qa súsmataqpuvaa, pay hihin nanáuyvée.

11 Noqw ōviy Jew-sinom nōviwhqat épéq put hépnumyaqé pañqaqwa: Ya pam háqamo?

12 Noqw pay sinom put pas qayán unánñway a'nō put hínqaqwa; pi haqáwat pañqaqwa: Pas pam hak lólma tāqa, noqw pētu pañqaqwa, Qae, pi pam sinmuy amumi nunúkpna.

13 Nikañw pay qahaqáwa pas súsmataqpuva put pañqawu, Jew-sinmuy mámqasyaqé ōviy'o.

14 ¶ Noqw nōviwhqat nāsavahaqé qaláwmaq Jesus Susöqaltutuyqawh'at kiyat aqwniyqé pu tütutuqayna.

15 Noqw Jew-sinom hin kurs wūwayaqé pañqaqwa:

Ya hin i' hak qahísat tutúqaykañw tutúvenit tuwi'ta?

16 Jesus pumuy amumi laváytiqé pañqawu: Pay itútuqaypi qa ihímu, pi pay nuy añqw táviyqat pam himúata.

17 Pay nāphaqawa put tunátyayat hínmaniqéy súhtakèwniyqa pam hapi tutúqaypit navótni, sen pam Susöqaltutuyqawh'at añqwniyqata, sen pay nu nāp nāhpiy yuáataqata.

18 Pi nāp nāhpiyniyqat yuáataqa nēñem tayáwinpit hēvi'tañwu, nikañw i' hak put añqw pēw táviyqat tayáwniwniqat tunátyawtaqa pam hapi pas qaátsa, noqw put ép qasúantaqa qaháqamo.

19 Puyaw uma qa Mosest áhpiy tutávot himúiyuñwa, noqw qahaqáwa uma put an hinma? Ya hinoqw uma nuy nīnayaniqéy ányuñwa?

20 Noqw sinom hu'wayaqé pañqaqwa: Um Nukpanat akw tūyqawiwa. Ya hak uñ nīnaniqéy anta?

21 Jesus hu'waqé pumuy amumi pañqawu: Nu sūkw tumáltaqw uma sohsoyam kātaiyuñwa.

22 Pī paniqw ōviy Moses umuy poñótkituvoylat maqa, (pay as pam qa Mosest áhpiy pántaq'ö, nikañw ímuy námuyatuy amúhpiyò) noqw uma nasúnwinta-



lönnit ép hakiy poñótkuyañ-wu.

23 Noqw kurs Mosest tu-távoat káptsitiwniqat öviy uma nasúnwintalönnit ép hakiy poñótkuyañwuniqw, ya paysoq pi nu nasúnwintalönnit ép hakiy pás qaláptsinaqw, öviy uma inúmi tu'-qawyuñwa?

24 Uma hiyta hin mátaqtiqw qa put pay áhpiy hin yukúyamantani, nikañw uma pas súan hiyta ép hin yukúyamantani.

25 Pahsat pu ima haqawat Jerusalemt ép ki'yuñqam pañqaqwa: Puyaw qa it puma ninayaniqéy tunátyawyuñwa?

26 Noqw mé, pam qa túhtuskañw yuáataqw puma qa aw hiñqaqwa. Ya sen pas pay móhpéqyaqam it pas antsa Christniýqat pas antsa pan mātsi'yuñwa?

27 Nikañw pi itam it tāqat háqaqwniqw navóti'yuñwa, nikañw pi Christ pituqw qahak put háqaqwniýqat navóti'tani.

28 Pahsat pu Jesus Susöqaltutuyqawñqat kiyat ép tūtutuqaynakañw tsa'lawñqé pañqawu: Uma nuy tuwi'-kahkañw pu nuy haqaqwniýqat navóti'yuñwa, noqw nu qa nanápunañw pitu, nikañw i' nuy añqw táviýqa pam pas ántsaniýqa, put hakiy uma qa tuwi'yuñwa.

29 Nikañw nú put tuwi'ta, pi nu put añqwniýqéé, noqw pam nuy añqw tavi.

30 Pahsat pu puma put nuáyaniqéy ántoti, noqw pay qahak put aw máita, nāto put tuwáníyat aw qa pituqw öviy'o.

31 Noqw pay sinmuy amúñaqw kāysiwhqam put aw tūtuptsiwaqé pañqaqwa: Ya sen Christ pité' it tāqat tumálayat kātataypit épniýqé hóyokiwtāqat tumáltani?

32 Noqw Pharisee-sinom sinmuy put yāyan sútpikvaqé hiñqaqwaqw nanápta, niýqé ima Pharisee-sinom niqw pu Susöqaltutuyqawñqat awwat súsmomñwit hónviaymuy put nuáyaniqat öviy aw hōnaya.

33 Pahsat pu Jesus pumuy amumi pañqawu: Pay nu nāto híysavo umumum yantat, pu nu, nuy añqw táviýqat awni.

34 Uma as nuy hépyani nikañw soon uma nuy tútwan, pu nuy haqáminiqw kurs-hin uma pánsoyani.

35 Pahsat pu Jew-sinom nānami pañqaqwa: Ya sen i' haqáminiqw itam it qa tútwan? Ya sen i' imuy qanamórstiwsinmuy amúhpa áhtsawaliwtaqamuy amuminen pu qanamórstiwsinmuy tutúqaynani?

36 Ya sen i' hiñqawñqé pañqawu: Uma as nuy hépya-

nikañw soon nuy tútwani, pu piw, nuy haqáminiqw soon uma pañsoyani?

37 ¶ Noqw núhtuñk talõñvaqat, it nōviwhqat wukótalõñniyat, ép Jesus wunúptut pu tsa'lawhíqé pañqawu: Pay haqawa pānaqmokqa inūminēn hikwni.

38 Inūmi túptsiwhqat put ponónaqw kūyi tāytaqa mūmunañwt munni, tutúvenyukit hin laváytíqat pan'i.

39 Nikañw pam Hikwsit, ima put aw tútuptsiwaqam kwusúyaniqat, put pañqawhíqé kita, pay nāto Qahováritaq-Hikwsi núhtumi qa tavíwhwq ōviy'o, nāto Jesus lolmat tālawñwat qa pitsāntoyniwhq'ō.

40 ¶ Paniqw ōviy sinmuy amúñaqw kāysiwhqam it laváyit nanáptaqé pañqaqwa: Pay kurs pas i' pam hak Susōqaltutuyqawhíqat enēm yuáataniqa.

41 Noqw pētu pañqaqwa: Pay i' pas pam Christ. Pu haqawat pañqaqwa: Ya Christ Galileet añqw pítuni?

42 Puyaw tutúvenyuki qa pañqawu, ura Christ David póshumiyat áhpiy pítuni, niyqé Bethlelemt añqwni, pép David qátuñwuqat, pañqw?

43 Noqw ōviy sinom put ép nātsikya.

44 Noqw puma haqawat as

put soon qa nuáyani, noqw pay qahak put aw máita.

45 Pañsat pu ima hónvia'yat Susōqaltutuyqawhíqat awwat súsmomñwituy amuminikañw pu Pharisee-sinmuy amumi ōki, noqw puma pumuy amumi pañqaqwa: Ya uma hinoqw put qa wík-vaya?

46 Noqw hónvia'yat pañqaqwa: Pas qahísat hak it sinot an yuáata.

47 Pañsat pu Pharisee-sinom pumuy amumi pañqaqwa: Noqw ya uma núhtum ūnatoti?

48 Puyaw móhpéqyaqamuy amúñaqw haqáwat, sēn Pharisee-sinmuy amúñaqw haqáwat, put aw tútup-tsiwa?

49 Noqw pi ima sinom tutávot qa tuwi'yuñqam qalólmaw noíwyuñwa.

50 Noqw Nicodimus (i' ura mihíq Jesust aw pítuhqa) pumuy amúñaqwvi, pumuy amumi pañqawu:

51 Puyaw itáhtutavo hakiy nāto qa aw tūqayt pu hiýta híntsakqat qa navot, páy hinwat yukúnañwu?

52 Puma laváytotiqé put aw pañqaqwa: Puyaw um piw Galileet añqō? Añ hēvaa, nēn um navótni, pi soon Galileet añqw hak Susōqaltutuyqawhíqat enēm yuáataqaniñwu.

53 Noqw sohsoyam nānap kíkíy añqé'ya.

## 8. QALÁLNI

1 Noqw Jesus tūkwit Olivet aqw'a.

2 Pu súits talávay pam piw Susöqaltutuyqawh̄qat kiyat aw paki, noqw sohsoyam sinom put aw öki, noqw pam qatúptut pu pumuy tutúqayna.

3 Noqw tutúvenlalwaqam niqw pu Pharisee-sinom put aw hakiy wuhtit, tokot uúyínwkañw núansaniwh̄qat wíkvaya. Niýqé puma put nāsavéq tavíyat,

4 Pu puma put aw pañqaqwa: Moñwi, i' wuhti nat pas tokot uúyínwkañw núansa-niwa.

5 Noqw pántsakqa tatátupwaniwmataniqat Moses itámumi tutápta, noqw uñniqw híntani?

6 Noqw pay puma put aw hin hépyaqé öviy kitóta, puma hin put hiýta tsokánayaniqé öviy'o. Noqw pay Jesus motóltit pu malátsiy akw tútskwava penta, qa navótgéy pan'i.

7 Noqw öviy puma put pas tūvinlalwaqw, pu pam kwuhpukt amumi pañqawu: Paypi umúñaqw haqawa qaántiput nástaniýqa put aw mohti owat tūvani.

8 Pu piw pam motóltit tútskwava pēnta.

9 Noqw puma put nanáptaqé pu súnvoti'kañkañw súskat pañqw nõñanta, sú-

wukoqw añqw hoyóyoyku-yakahkañw núhtuñkniýqat aqw páhsavoya. Noqw Jesus nāla ákwsinwa, pu wuhti nāsavéq wunúwtaqa.

10 Noqw Jesus kwúhpukqé wuhtit sa túwahqé put aw pañqawu: Wuhti, ya ima uñ hin tsokánayaqam haqámiya? Ya qahak uñ tūva?

11 Noqw pam pañqawu: Pay qahák'i, Tutuyqawh̄qa. Noqw Jesus put aw pañqawu: Pay nu piw uñ qa tūva. Yupa, um pāpu qahíýta ép qaántini.

12 ¶ Páhsat pu piw Jesus amumi pañqawu: Nu hapi sinmuy tālaamu, inúñk hinmaqa it qatālat qa añ hínmani, nīkañw pam qatsit tālayat himúitani.

13 Paniqw öviy Pharisee-sinom put aw pañqaqwa: Pay um nāp nātuawi'ta, uh-tuáwi qasúanta.

14 Jesus hu'waqé pumuy amumi pañqawu: Paypi nāmahin as nu nāp nātuawi'taqw, pay itúawi súanta, pi nu haqaqw pítuñqéy pu haqáminiýqéy navóti'ta. Noqw pi uma nuy haqaqw pítuñqat nikañw pu nuy haqáminiýqat qa navóti'yuñwa.

15 Uma tokot áhpiy hiýta aw hin umúhwuwniy akw hin yúykuya, nu qahakiy hinwat yúykuna.

16 Pu nāmahin kurs nu as

hakiy iwúwniy ahpiy hin yukúnaniqw, pam hin iyúki pas súantani, pi nu qa nālaniq'ö, nikañw nu' niqw pu Ina, nuy añqw táviyqa, pam piwu.

17 Noqw pay ura löqmuy tuáwiam súantañwuqat umúhtutavoy añ piw péita.

18 Nu suhka nāp nātuawi'taqa, noqw pu Ina, nuy añqw táviyqa, nuy hákiy-niyqat piw tuáwi'ta.

19 Pahsat puma put aw pañqaqwa: Ya haqam Unaa? Jesus pañqawu: Uma nuy qa tuwi'yuñwa, piw Inayu; pi as uma nuy tuwi'yuñwé' soon as uma piw Inay qa tuwi'yuñwni.

20 Noqw iit laváyit Jesus sivátatañpivé yuáayku, Sus-öqaltutuyqawh'qat kiyat ép tütutuqaynakañwo. Noqw qahak put aw máita, nāto put tuwániyat qa aw pí-tuq'ö.

21 Pahsat pu Jesus piw amumi pañqawu: Nu haqámini'yqéy aqwni, noqw uma as nuy hépyani, nikañw uma umúhqaántipuy añ so'ni. Nuy haqáminiqw, kurshin uma pañsoyani.

22 Pahsat pu Jew-sinom pañqaqwa: Ya sen pam nāninaniqé öviy pañqawu, Nuy haqáminiqw, kurshin uma pañsoyani?

23 Pu pam amumi pañqawu: Uma átkaqwya, nu ö-

naq'ö, uma it qatsit áhpiya, nu qa it qatsit áhpiy'o.

24 Paniqw öviy uma umúhqaántipuy añ so'niqat nu umumi pañqawu. Pi uma nuy pámninyqat qa tütup-tsiwé', uma umuhqaántipuy añ so'ni.

25 Pahsat puma put aw pañqaqwa: Ya um hak'i? Noqw Jesus amumi pañqawu: Pay nu áñqawq umuy áwintaqéy, pam'i.

26 Pay nu as níytiwtaqat ép umuy hin laváyitini, pu umúmiq hiñqawni, nikañw pay nuy añqw táviyqa pas qaátsa, noqw nu put añqw hiy'ta navótqé put nu sinmuy amumi yuáata.

27 Noqw pam Nay pumuy amumi laváytiqat puma qa māmatsya.

28 Pahsat pu Jesus pumuy amumi pañqawu: Pay ason uma Sinot Tiyat ömi hölölayé', pēp pu uma nuy pámninyqat nanáptani, pu nu qa nāp nahpiy híntsakqata, nikañw Ina nuy hin táwtoyaqw, pan nu iit yuáataqata.

29 Noqw i' nuy añqw táviyqa inúmuma. Ina nuy qa náltavi, pi nu sutsépsa hiy'ta put unáñvéyaqat híntsaq'ö.

30 Noqw pam yan laváytiqw kāysiwhqam put aw tūtuptsiwa.

31 Pahsat pu Jesus imuy Jew-sinmuy, put aw túptsiwyaqamuy, amumi pañ-



qawu: Uma ilávayiy an hín-wisè' pèp pu uma pas antsa inumi nánatuwnayaqamyani.

32 Nèn uma pas ántsaniyqat navóti'yuñqw, i' pas ántsaniyqa umuy qénívo óyani.

33 Puma put hu'wayaqé aw pañqawwa: Itam Abrahamt póshumimatu, niyqé qahísat hakiy aw tūwikiwyuñwa, noqw hínraqw òviy um pañqawu, Uma qénívo oyíwyani?

34 Jesus hu'wayaqé amumi pañqawu: Pas antsaa, pas antsa nu umumi pañqawni, pay nāphaqawa qaántsakqa hapi qaántiput tūwikipatniñwu.

35 Noqw tūwiki qa sūtsep kīvé qátuñwu, pi Tiat sutsép pèp qátuñwu.

36 Noqw òviy kurs Tiat umuy qénívo óyaqw, uma pas antsa qénívéyani.

37 Paypi as uma Abrahamt póshumimatniqw nu navóti'ta, nikañw pi uma nuy nīnaniyqéy tunátyawyuñwa, pi ilávayi qahaqam umúhpe qéníptsiwtaqw òviy'o.

38 Nu Inay hiyta híntsaqw aw yórikqé put yuáata, noqw uma tuwat umúnay hiyta hintiqw aw yórrikyaqé put híntsatska.

39 Puma hu'wayaqé put aw pañqawwa: I' Abraham itánaa. Jesus pumuy amumi pañqawu: Pay as uma

Abrahamt tímatnèn, soon as uma qa Abrahamt híntsakpiyat híntsàtskani.

40 Nikañw tuwat uma soq nuy nīnaniyqéy tunátyawyuñwa, it sinot, pas ántsaniyqat umumi pañqawhqata, put nu Susöqaltutuyqawhqat añqw navótqat, put'a. It Abraham qa pánti.

41 Uma umúnay híntsakpiyat híntsatska. Pahsat puma put aw pañqawwa: Itam túsakpatsit qa áhpiy tíytiwya, itam sūkw náiyuñwa, Susöqaltutuyqawhqata.

42 Jesus pumuy amumi pañqawu: Pi as Susöqaltutuyqawhqata umúnayniqw soon as uma inúmi qa unánwaiyuñwani, pi nu Susöqaltutuyqawhqat añqw yámakkañw pu put añqw pitu. Piw nu qa nanápuñw añq'ö, nikañw pam nuy añqw tavi.

43 Ya uma hinoqw ilávayiy qa māmatsya? Ispi kurs uma hin ilávayiy nanáptaniqéé.

44 Uma umúnay Nukpanat áhpiyvitu, niyqé uma umúnay túnlayiyat híntsatskaniqéy nānawakna. Pam yāniwhpuñahaqaw sinómahka, pu pas ántsaniyqat ép qa hurúiwta, pi pas ántsaniyqa put ép sūlawniq'ö. Pam atsáté' nāphimuy yuáaykuñwu, pi pam a'nó atsa, pu átsat náata.

45 Noqw páysoqpi nu umumi pas ántsaniyqat laváy-

tiqw, òviy uma nuy qa tū-  
tuṭṭsiwa.

46 Ya haqawa uma nuy  
qaántiqat nuy túṭṭsiwnani?  
Noqw kurs nu hiyta pas  
qaátsat laváytiqw, ya uma  
hinoqw nuy qa tūtuṭṭsiwa?

47 I' Susöqaltutuyqawhqat  
áhpiyniýqa Susöqaltutuy-  
qawhqat laváiyat navót-  
ñwu, noqw paniqw òviy uma  
put qa nanápta, pi uma qa  
Susöqaltutuyqawhqat áhpi-  
yaqé òviy'o.

48 Paḥsat pu Jew-sinom  
laváytotiqé put aw pañqaw-  
wa: Noqw pay um Samariat  
añqw síno, niýqé Nūkpanat  
akw áhsaliwta.

49 Jesus hu'waqé pañqawu:  
Nu Nukpanat ñastaa, nī-  
kañw nu Inay káṭṭsi'ta,  
noqw uma nuy qa káṭṭsi'-  
yuñwa.

50 Nikañw nu káṭṭsitiwni-  
qéy qa put tunátyawta, nī-  
kañw suhka put inúnem tu-  
nátyawkañw pu put ép yu-  
ki'ma.

51 Pas antsaa, pas antsa nu  
umumi pañqawni: Ilávaiy  
an hínmaqa pas soon mo-  
kíwuy aw yórikni.

52 Paḥsat pu Jew-sinom put  
aw pañqawwa: Pu' hapi itam  
uñ [N]ukpanat himúitaqw  
pas suyan māmatsya. Abra-  
ham mōki pu piw ima Susö-  
qaltutuyqawhqat enēm yuáa-  
totaqamu, noqw piw um pañ-  
qawu: Ilávaiy an hinmaqa,

pas soon mokíwuy añqw yú-  
kuni.

53 Ya um itánay Abraham  
mokqat épniýqé pas hak pá-  
vanniýqa? Pu ima Susöqal-  
tutuyqawhqat enēm yuáato-  
taqam qa yēse. Ya um hak  
hímuniýqéy namíwuwanta?

54 Jesus hu'waqé pañqawu:  
Pay pi kurs nu as nāp  
nākapsilawhqw, pay pam  
qahímuni, noqw pi Ina nuy  
káṭṭsilawu: noqw pam ha-  
pi Umúhsusöqaltutuyqawh-  
qaniýqat uma pañqawwa.

55 Nikañw uma put qa tu-  
wi'yuñwa, noqw pi nu put  
tuwi'ta, niýqé kurs nu put  
qa ṭuwi'taqéy pañqawé', nu  
umun a'nō átsani. Noqw pi  
nu put tuwi'ta, pu nu put  
laváiyat an hinma.

56 Umúna Abraham iqá-  
tsiy aw yórikniqé kwáñwto-  
ya, niýqé pam yórikqé pas  
háhlayi.

57 Paḥsat pu Jew-sinom put  
aw pañqawwa: Pay nāto um  
qa lõp sunat pakwt síýkaita-  
qat yáhsañwni'kañw, ya pay  
um Abrahamt aw yóri?

58 Jesus pumuy amumi  
pañqawu: Pas antsaa, pas  
antsa nu umumi pañqawni,  
pay nāto Abraham qahá-  
qamniqw, pay nuu.

59 Paḥsat pu puma put ta-  
tátupyaniqé owat ömáhtota,  
noqw pay Jesus naúytat pu  
Susöqaltutuyqawhqat kiyat  
añqw yama, pumuy amúh-

sosonaqw hínmakeñw pan pañqw áhpiy'o.

### 9. QALÁLNI

1 Noqw Jesus pañ haqámi-nikañw hakiy tíytiwhpuy añqaqw qapóstalqat aw tā-tayi.

2 Noqw put aw nánatuw-nayaqam put tūvintotaqé aw pañqaqwa: Tutuyqawhqa, ya hak qaántiqw ōviy i' qapós-talkañw tíytiwa, sen íi, sen naat yuat pumaa?

3 Pu Jesus pañqawu: Pay qa i' hiyta ép qaánti, piw qa naat yuat pumaa, nikañw pay Susöqaltutuyqawhqaqat tumálaat it ép mātaqtiniqw ōviy paniqw i' yanta.

4 Pay nu hakiy nuy pēw táviyqat tumálayat pas soon qa tumálaitani, nāt tālō'-niq'ō, pi pay nāto míhikni, noqw soon hak pañsat tumálaitañwu.

5 Pay nu nāt híysavohaqam it tūwaqatsit ép yánumqé, nu sinmuy amumi tāla.

6 Pu pam yan laváytit pu tútskwami töha, nit pu töha-kiy akw tsöqatat put qapós-talqat pósvaqé lélwi.

7 Pu pam put aw pañqawu: Yupa, um ayo patúphat Siloamt aw posímavaqtatoni, (pam hapi námtoikiwhqé hōniwa, ii). Noqw ōviy pam áwniýqé pu posímavaqta, niýqé táykañw ahoy pitu.

8 Noqw ōviy put kishwa-

mat niqw pu ima haqawat put qapóstalñwuniqw aw yórstotaqé pañqaqwa: Ya qa i' ura as háqam qatúkañw hiyta tūnlaitañwu?

9 Haqawat pañqaqwa: Pay i' pam'i. Noqw pētu pañqaqwa: Pay i' put anta. Noqw pam pañqawu: Pay nu pam'i.

10 Noqw ōviy puma put aw pañqaqwa: Noqw hin úhposi tālawva?

11 Pam hu'waqé pañqawu: Pay hak sino, Jesus yan mātsiwhqa, tsöqátat pu put ivósvaqé lelwit, pu inumi pañqawu: Um patuphat Siloamt awnēn posímavaqtani. Noqw nu áwniýqé posímavaqtaqé pu nu ivósiy tālawna.

12 Pañsat puma put aw pañqaqwa: Ya pam háqamo? Noqw pam Pañqawu: Pii.

13 Pu puma put qapóstalñwuqat Pharisee-sinmuy amumi wíkyá.

14 Noqw nasúnwintalōñ-niwtat ép Jesus tsöqatat put pōsiyat tālawna.

15 Pañsat pu Pharisee-sinom tuwat, hin pam pōsiy tālawnaqat put tūvintota. Noqw pam pumuy amumi pañqawu: Pay pam ivósiy ańqé tsöqat lélwi, noqw nu posímavaqtaqé ivósiy tālawna.

16 Pañsat ōviy Haqáwat Pharisee-sinom pañqaqwa:

Pay i' sino qa Susöqaltutuy-qawh̄qat añq'ö, öviy pi nasünwintalönnit aw qa tunát-yawma. Noq pētu pañqawwa: Ya sen hin tis qaánhinmaqa sino yan kätataypit híntsakni? Noqw oviy puma nátsikya.

17 Pu puma qapóstalqat aw piw pañqawwa: Ya úhposiy tälawnaqa unñiqw hák hímuu? Noqw pam pañqawwu: Pay pam hak Susöqaltutuyqawh̄qat enēm yuáataqa.

18 Noqw pay Jew-sinom put qapóstalñwunikañw pōsiy tälawnaqat qa tūtup-tsiwaqé, pas put pōsiy tälawnaqat náyat nikañw pu yúyat pumuy wánwayaqé pu tūtuptsiwa.

19 Niýqé puma pumuy tūvintotaqé pañqawwa: Ya i' umúhti qapóstalkañw tíy-tiw̄h̄qat uma pañqawwu, noqw ya hin pam pántañwunikañw pu tälát táyta?

20 Put náat niqw pu yuat puma pumuy hu'waqé pañqawwu: Pay i' itáhtiyñiqw itam navóti'ta, pu i' qapóstalkañw tiýtiw̄h̄qata,

21 Nikañw hin pam pu' tälát táytaqw, itam qa navóti'ta; piw hak put pōsiyat tälawnaqw itam qa navóti'ta, pi wūyoq'a, uma tūvintotani, pam pi nēnēm hin laváyti.

22 Noqw put náat niqw pu yuat puma Jew-sinmuy

mámqasqé öviy yan laváyti; pi Jew-sinom hakiy put Christniýqat páñqawh̄qat tsótsvalkit añqw ayo' tūvanyaniqéy pay pasíwni'yuñqw öviy'o.

23 Noqw paniqw öviy put naat niqw pu yuat puma pañqawwu: Pam wūyoq'a, uma tūvintotani.

24 Pahsat pu piw öviy puma it sinot qapóstalñwuqat wánwayyaqé aw pañqawwa: Um Susöqaltutuyqawh̄qat tayáwnani, pi i' sino qaánhinmaqaniqw itam navóti'yuñwa.

25 Pam laváytiqé pañqawwu: Pay sen pi as pam qaánhinmaqa sen pay qa pántaqw, nu put qa navóti'ta, nikañw pay nu ura as qapóstalñwunít put póstalqéy, it sūkw nu pas suyan navóti'ta.

26 Pu piw puma put aw pañqawwa: Ya pam un hín-tsana? Ya hin pam uhposiy tälawna?

27 Pam pumuy hu'waqé pañqawwu: Paypi nu umuy āawna, noqw uma qa nanápta. Ya hinoqw uma piw nāt put nanáptaniqéy nānawakna? Ya uma piw tuwat put aw nānatuwnayaqamyaniqé öviy'o?

28 Pahsat puma put aw nānaphin híñqawwaqé pañqawwu: Umpi put aw nānatuwnaqa, itam pi Mosest aw nānatuwnayaqamya.



29 Pi Susöqaltutuyqawhqa Mosest aw yuáataqat itam navóti'yunwa. Noqw i' pi pay hak tuwat háqaqwpiniqw itam qa navóti'yunwa.

30 Sino hu'waqé pumuy amumi pañqawu: Isùti pas as uma put háqaqwniqw qa navóti'yunqw, piw pam ivósiy tálawna!

31 Noqw pi itam navóti'yunqw Susöqaltutuyqawhqa qaánhinwisqamuy qa navótnwu, nikañw pay nāphak sino Susöqaltutuyqawhqa káptsi'kañw put tunátyayat híntsaqw, put pam navótnwu.

32 Hisat qatsit yáyniwhqw, pañqaqw qahisat hak haqam hakiy qapóstalkañw tiýtiwhqat pōsiyat tálawnaqat pam pantaqa nanáptiwa.

33 Pi as i' sino qa Susöqaltutuyqawhqa anqwnén, soon hiýta híntsakni.

34 Puma laváytotiqé put aw pañqaqwa: Pay pi um pas sohsoy qaāantipu sa tiýtiwkañw, puyaw um itamuy tutúqaynani? Niýqé puma put ayo' tūvaya.

35 Noqw put tūvayaqat Jesus navóta, niýqé pam put túwahqé aw pañqawu: Ya um Susöqaltutuyqawhqa Tiýat aw túptsiwa?

36 Pam hu'waqé pañqawu: Ya hak pam'i, Tutuyqawhqa, noqw nu aw túptsiwni?

37 Noqw Jesus put aw pañ-

qawu: Pay um aw yori, noqw pay pam umum yuáata.

38 Pu pam pañqawu: Tutuyqawhqa, nu túptsiwa. Niýqé pam put pas híytata.

39 Pu Jesus pañqawu: Nu hin yukíltiniqat ōviy it tūwaqatsit aw pitu, ima qatāyunqam póstalawvayaniq'ō, pu ima tāyunqam qapóstalawvayaniqat ōviy'o.

40 Noqw haqáwat Pharisee-sinom put ámumyaqam iit nanáptaqué put aw pañqaqwa: Ya itam piw qapóstalya?

41 Jesus pumuy amumi pañqawu: Pay as uma qapóstalyé' soon uma qaántiput himúiyunwni, noqw pi uma, Itam póstalya, kitótaqw, ōviy umúhqaantipu qa súlawiwa.

## 10. QALÁLNI

1 Pas antsa, pas antsa nu umumi pañqawni: I' qa hötsiwhpa kanélkimi pakit, pay háqé'wat aqw wúpqa, pam hapi uyínwuniñwu pu tūtusoqnawhkilawhqaniñwu.

2 Nikañw i' hötsiwhpa pákiýqa pam hapi kanélmuy amumi tunátyawtaqaniñwu.

3 Put aw i' hötsiwat aw tunátyawtaqa hōtañwu, noqw kanēlom' put tōnáyat nanáptañwu, noqw pam nāp kanēlvokmuy túnwniyamuy akw wánwayñwu, nēn pumuy pañqw haqami tsámñwu.

4 Pu pam nāp pókmuy

nōñakné' pu amúpyevè hín-mañwu, noqw kanēlom put añkyañwu, puma put tōnáyat tuwi'yuñwuniyqé òviy'o.

5 Nikañw puma hakiy pas alōñōt qa añkyat, put añqw wátqañwu, pi puma a'lōñtuy tōnáyamuy qa tuwi'yuñwuniyqé òviy'o.

6 It hiyta-antaqat laváyit Jesus pumuy amumi yuáayku, noqw pam hiyta pumuy amumi laváytigat puma qa māmatsya.

7 Pahsat pu Jesus piw amumi pañqawu: Pas antsa, pas antsa nu umumi pañqawni, Nu hapi kanēlmuy hōtsíwaamu.

8 Sohsoyam hakim inúpyevè òkiyqam hapi uúyiw-tu pu tūtusoqnawhkilalwaqamu, noqw kanēlom pumuy qa nanápta.

9 Nu hapi hōtsíwa; inúhpa pákiyqa, pam hapi ayo yámakni, nèn pam aw papkíkañw pu piw añqw yáymakkañw tūsaqat tuwáinumni.

10 Pi uyíñwu ūuyniksa pítuñwu pu nīnaniksaa pu hoválaniksaa; nu pumuy qatsit himúiyuñwniqat òviy pitu, pu put pas qa rūrum-nayaniqat òviy'o.

11 Nu hapi lolma kanēlmuy amumi tunátyawtaqa. Lolma kanēlmuy amumi tunátyawtaqa kanēlmuy amunēm qatsiy táviñwu.

12 Nikañw i' hiyta òviy lālayqa, pay kanēlmuy amumi qatunátyawtaqaniqw, pay kanēlom qa pókmatniqw, pam kwéwuy añqwniqw tuwé' kanēlmuy mātapt pu wāyañwu, noqw kwéwu pumuy núatañwu nèn kanēlmuy tátslaknañwu.

13 I' hiyta òviy lālayqa wāyañwu, pam pi pay hiyta òviy lālayñwu, niyqé kanēlmuy qa hin wūwantañwu.

14 Nu hapi lolma kanēlmuy amumi tunátyawtaqa, niyqé nu ikánelvokmuy tuwímuita, pu ima ivókom nuy tuwi'yuñwa.

15 Hinhaqam Ina nuy tuwi'taqw, pan nu piw Inay tuwi'ta, noqw nu kanēlmuy amunēm iqátsiy távini.

16 Pu piw nāto nu pētuy kanēlvokmuitaqw, puma qa it kanéloit épya, pumuy nu soon piw qa tsámvani, noqw puma itōnay nanáptaman-tani, noqw sūp kanēlom tōnawtani, noqw sūka amumi tunátyawtaqani.

17 Yaniqw òviy Ina inúmi unánwaita, nu iqátsiy tavé' put ahoy kwúsuniniqw, pániq'ō.

18 Soon hak put nuy nāwhkini, pay nu nāp put távini, nu put táviniqéy aw òqála, pu piw ahoy kwúsuniqéy nu aw òqála, yan nu it Inay añqw ayátiwa.

19 Paniqw òviy iit laváyit

ép piw pay Jew-sinom nātsi-ki.

20 Noqw kāysiwhqam pañ-qaqwa: Pam Nukpanat akw áhsaliwtaqé pas qanavóti'-numa. Ya uma hinoqw aw tūqayyuñwa?

21 Noqw pētu pañqaqwa: Pi Nukpanat akw áhsaliwtaqa qa yan yuáatañwu, ya sen nukpana qapóstalyaqa-muy pōsiyamuy tālawnani?

22 ¶ Noqw hiyta aw hiyta-awwíwhitotaqéy ép nōviwhqat Jerusalemt épéq hín-tsatska, noqw tōmōö.

23 Noqw Jesus Susōqaltutuyqawhقات kiyat ép Solomont tōhööyat añ wáynuma.

24 Pañsat pu Jew-sinom put aw tsováltiqé put aw pañ-qaqwa: Puyaw híysavohaqam itam ūmi hin kurs wūwantotani? Kurs pas pay um Christnén, um itamuy suyan āawnani.

25 Jesus amumi pañqawu. Pay nu umuy āawna, noqw uma qa tūtuptsiwa. It tuma-lat nu Inay túnwniyat aw yánkañw híntsaqw, pāvam nuy hákiniyqat tuáwi'ta.

26 Noqw uma qa tūtuptsiwa; ispi uma qa ikánelvokmuy amúñaqvwimyaqé ō-viy'o, ura nu umumi pañqawu.

27 Ikánelvohkom itōnay na-náptañwu, noqw nu pumuy tuwímuita, noqw puma inúnkyañwu.

28 Noqw nu pumuy qaso'-taqat qatsit húylawu, noqw puma soon hoválniwani, piw soon hak pumuy imáqöl-ñaqw tusóqipwani.

29 Ina, pumuy nuy máqah-qa, sohókumuy amúhpéníyqé pas a'nöö, noqw qahak pumuy Inay mápqölñaqw tusóqipwaniqéy aw öqála.

30 Pay nu' niqw pu Ina, itam sūkaa.

31 Pañsat pu Jew-sinom put tatátupyaniqé piw owat ömáhtota.

32 Jesus laváytiqé amumi pañqawu: Nu níytiwtaqat lolmat tumálat Inay añqw umumi máhtakna. Noqw ya hiytawat put tumálat ép uma nuy tatátupyani?

33 Jew-sinom put aw pañ-qaqwa: Pay itam lolmat tumálat, qa put ép uñ tatátupyani, nikañw pi um Susōqaltutuyqawhقات qahíytataqw, put ép'é. Pu um sino nikañw nāsusōqaltutuyqawhقاتataqw, paniq'ö.

34 Jesus hu'waqé amumi pañqawu: Puyaw umúhtutavoy ép qa pan péita, Nu pañqawu, uma tutuyqawhqa pumaya, yan'i?

35 Noqw kurs pam pumuy hakimuy amumi Susōqaltutuyqawhقات laváiyat pituqw, puma tutuyqawhqa púma'yaqat pañqawhqw, noqw tutúvenyuki pas soon alōñtini;

36 Ya uma it, hakiy Naat pas nāp sūpwatakañw pu tūwaqatsit aw put táviyqat, pañqaqwa, Um Susöqaltutuyqawhqat qahíytata, kitóta, paysoq pi nu pañqawhqé, nu Susöqaltutuyqawhqat Tiata, nu kitaqw öviy'o?

37 Paypi nuy qa Inay tumálayat híntsaqw, uma nuy qa tūtuptsiwani.

38 Nikañw kurs nu pay put híntsaqw, pay nāmahin uma nuy qa tūtuptsiwakahkañw, uma it hīhiyta tumálat tūtuptsiwani, nēn Ina inúhpēniqw pu nu put épniyqat uma nanáptakahkañw tūtuptsiwani.

39 Paniqw öviy puma put nuáyaniqéy piw ántoti.

40 ¶ Noqw pay pam pumuy māyamuy añqw ayo' yá-makqé pu Jordant yúpqöyvé, ura haqam John móhti kūyit akw tūtuvoylalawhqw, pam piw pánsóo, niyqé pépéq hurúhti.

41 Noqw kāysiwhqam put aw ökiyqé pañqaqwa: Pay John qahíyta kātataypit hinti, nikañw John it hin laváytiquw sohsoy anta.

42 Noqw kāysiwhqam pépéq put aw tūtuptsiwa.

## 11. QALÁLNI

1 Noqw hak tāqa, Lazarus yan mātsiwhqa, tūtuya. Pam hak Bethanyt añqw sino, imuy Maryt nikañw pu put

qöqayat Marthat, pumuy kitsókiyamuy añq'ö.

2 (I' hapi Mary ura kwá-nwawhvaqtuqat wiýkuyit akw Tutuyqawhqat lelwit pu hōmiy akw put kukyat añ hōnaqw, it túpkoat Lazarus tūtuya.)

3 Paniqw öviy put qöqamat put aw tūayataqé pañqawu: Tutuyqawhqa, mé, i' awùhunañwa tūtuya.

4 Noqw Jesus put navótqé pu pañqawu: Pay pam mokniqéy qapániqw it tūtuya, nikañw pay Susöqaltutuyqahwqa káptsitiwniqat öviy'o, noqw Susöqaltutuyqawhqat Tiat put akw tayáwniwni.

5 Noqw Jesus Marthat aw unánwaita, pu put túpkoayat nikañw pu Lazarust aw'i.

6 Noqw öviy pam put tūtuyqat navótqé pam haqam qátuhqéy ép lōs tāwanawit qatu.

7 Pañsat it añk pu pam put aw nánatuwnayaqamuy amumi pañqawu: Tuma piw Judeat aqwya.

8 Put aw nánatuwnayaqam put aw pañqaqwa: Moñwi, pi Jew-sinom nāto pūnat pu un tatátupyaniqéy ántoti; noqw ya um piw pay awni?

9 Jesus hu'waqé pañqawu: Puyaw talōnvaqat ép tāwa qa pakwt lōq síykaitasikis qōniltiñwu? Pay nāphaqawa tālō' wáynumqa, pam hapi



qa wíwakñwu, pi pam it qa-tsít aw tálát tuwáitañwuniy-qéé.

10 Nikañw haqawa mihíq wáynumqa, pam hapi wíwakñwu, pi put ép tála súlawniñwuniq'ö.

11 Iit pam laváyti, nit it añk pu pam pumuy amumi pañqawu: Itáhkwaſi Lazarus pūwi, noqw pay nu aqwnén put pūwiwuy añqw tātaynani.

12 Pañsat pu put aw nána-tuwnayaqam put aw pañqawu: Tutuyqawñqa, pay pi pam pūwé' soon qa öqáwh-tani.

13 Noqw Jesus put mok-qat pañqawu, noqw suhpan pay pam put púwqé nāsuñw-ni'taqat pañqawñqat puma wūwaya.

14 Pañsat pu Jesus pumuy amumi pas súsmataq pañqawu: Lazarus moki.

15 Noqw nu qa épéniyqé, put ép nu umúñém háhlayi, uma tūtuptsiwaniqat öviy'ö. Noqw paypi itam áqw-yani.

16 Pañsat pu Thomas, Didymus yan mātsiwhqa, suñwamuy amumi pañqawu: Itam piw áqwyani, nén itam ámum so'ni.

17 Pañsat pu Jesus pépéq pituqw, pay kurs pam āmil-tiqé nālös tálñi'ta.

18 Noqw Bethany Jerusa-lemt áhaýpo, pakwt tsivot

síykaitasikip tútskwatuwa-nit pañsaphaqamo.

19 Noqw kāysiwhqam Jew-sinom Marthat nikañw pu Maryt pumuy amumi öki, pumuy túpkoyamuy ép pumuy qaháhlapyiamuy ép amumi unáñwtapyaniqéé.

20 Pañsat pu Martha Jesust áñqwniýqat navótqé pu put áhsawvato, noqw pay Mary kive qatu.

21 Pañsat pu Martha Jesust aw pañqawu: Tutuyqawñqa, pay as uñ yépniqw soon itúpkö mokni.

22 Noqw pay pi nu navóti'taqw, nāmahinpi yantaqw, pay um Susöqaltutuyqawñ-qat aw hiýta tūviñtaqw, pay Susöqaltutuyqawñqa soon uñ put qa máqani.

23 Jesus put aw pañqawu: Pay uñtupko piw ahoy tātayni.

24 Martha put aw pañqawu: Pay pi núhtuñk talónvaqat ép ahoy yésvaniwniqat ép pam piw ahoy tātayniqat nu navóti'ta.

25 Jesus put aw pañqawu: Nu hapi ahoy yésvaniwniqa pu qatsi, inúmi túptsiwhqa, nāmahin as mókkañw pay pam qátuni.

26 Pu nāphaqawa qátuhqa inúmi túptsiwhqa, pas soon hisat mokni. Ya um it túptsiwa?

27 Pam put aw pañqawu: Owi, Tutuyqawñqa, Pay um

Christ Susöqaltutuyqawh̄qat  
Tiat tūwaqatsit aw pītuni-  
qaniȳqat nu tūptsiwa.

28 Noqw pam yan laváytit  
pu áhpiyniýqéy tūpkoy  
Maryt nanáuyvè wañwayi,  
niýqé pañqawu: Moñwi pitu,  
niýqé uñ wañwaylawu.

29 Noqw pam panis put  
navot pam suñwnuptut put  
aw'i.

30 Noqw Jesus nāto kitsó-  
kimi qa pitu, niýqé haqam  
Martha put áhsawvaqw, pèp  
nātoo.

31 Noqw ōviy Jew-sinom  
áhpavè put ámumyakah-  
kañw put aw unánwtavi'-  
yunaqam Maryt suñwnuptut  
pu yámakmaq̄w tutwaqé  
añkya, pañqawkahkañwo:  
Pam tūamit aw'i, pèp pák-  
mumuyniqé ōviy'o.

32 Pahsat pu Mary Jesust  
háqamniqw aw pītut put tú-  
wahqé kúkmiq munukt, put  
aw pañqawu: Tutuyqawh̄qa,  
pas as uñ yépniqw itúpko  
soon mokni.

33 Noqw ōviy Jesus put  
pákmumuyqat tuwákañw  
pu Jew-sinom, put amum  
ōkiȳqam piw tsāykitaqw tú-  
wahqé, pam hikwsiy añ  
ōkwavakqé hin unánwti.

34 Niýqé pañqawu: Ya uma  
haqam put taviya? Noqw pu-  
ma put aw pañqawu: Tu-  
tuyqawh̄qa, péwnèn yórikuu!

35 Jesus paklawu.

36 Pahsat pu Jew-sinom

pañqawu: Mè kurs pas aw  
unánwaita.

37 Noqw puma haqawat  
pañqawu: Ya sen i' qapós-  
talqat pōsiyat tálawnaqa  
soon hinwat yúkuqw, i' as  
qa mokni?

38 Noqw ōviy Jesus piw  
nápqōlpé ōkwavakiwkañw  
tūamit aw pitu. Noqw pam  
tuhsō, noqw owa atsvè qātsi.

39 Jesus pañqawu: Uma  
owat ayo' taviyani. Martha,  
it mokqat qōqaat, put aw  
pañqawu: Tutuyqawh̄qa,  
pay pi soon pam qa hovaq-  
tuni, pi pam pay nālos ta-  
lōñni'ta.

40 Jesus put aw pañqawu:  
Puyaw um ura tūptsiwè' ura  
um . Susöqaltutuyqawh̄qat  
lolmat tálawnwayat aw yó-  
rikniqat nu ūmi qa pañqawu?

41 Pu pahsat puma mokput  
haqam qátsqat añqw ayo'  
owat taviya. Noqw Jesus  
ōmiq tātayt pu pañqawu:  
Inaa, kwakwhay um nuy  
navóta.

42 Paypi as um sutsép nuy  
navótnwuqat nu navóti'ta,  
noqw pay pi sinmuy yañ hoñq  
ōviy nu it pañqawu; um nuy  
pèw taviȳqat puma tūtup-  
tsiwaniqat ōviy'o.

43 Pu pam yan hiñqawh̄t,  
pu pahsat a'nō pañqawu:  
Lazarus, yámakuu!

44 Noqw i' ura mokqa, pam  
yama, māat niqw pu kukat  
másmomokpit akw mōkiw-

taqw pánkañwo, pu tǎywaat hōhōnpit akw mōkiwta. Noqw Jesus pumuy amumi pañqawu: Uma ñahyat put mātapyani.

45 ¶ Pahsat pu kāysiwhqam Jew-sinom, Maryt aw ōkiyqam, Jesus hīhiyta hīntiqw aw tātayaqé put aw tūtup-tsiwa.

46 Noqw pay haqáwat Pharisee-sinmuy amúmiyaqé pu hīhiyta Jesus hīntiqat pumuy āawnaya.

47 ¶ Pahsat pu Susōqaltutuyqawhqat awwat sús-momñwit niqw pu Pharisee-sinom yuáatotaniqé tsovál-totiqé pañqaqwa: Ya sen itam hīntotini, pi i' sino niy-tiwtat kātataypit hintsaki?

48 Pi itam put pántaqat matávi'yunqw, soon qa solhsoyam put aw tūtuptsiwani, noqw Rome añqw sinom ōké' itáhqēniy níkañw pu itámuy sinmuy haqami hīntsatsnani.

49 Noqw pay pumuy amúñaqw haqáwa, Caiphas yan mātsiwhqa, put yáhsañwuy ép Susōqaltutuyqawhqat awwat mōñwíwtaqé, pumuy amumi pañqawu: Pas uma qahíyta navóti'yunwa.

50 Piw yan sūka sino sinmuy amunēm mokqw pu solhsoyam sūp sinóiwtaqam qa hoválniwyaníqw, pam itámunēm lomáhintaniqat uma qa aw wūwaya.

51 Noqw pay pam it qa nāp

náhpíy yuáayku, níkañw pam put yáhsañwuy ép Susōqaltutuyqawhqat awwat sús-moñwiniyqé Jesus pumuy sūp sinóiwtaqamuy amúnēm mokniqat pam añwu pay laváyti.

52 Pu qa pumuy sa sūp sinóiwtaqamuy amúnēm nit, pam Susōqaltutuyqawhqat tímuyatuy añqé áhtsavalíwtaqamuy sūmi tsoválaniqat ōviy'o.

53 Noqw ōviy páhpíy pu puma put nīnayaniqéy nánawinya.

54 Noqw ōviy Jesus pāpu qasúsmataq Jew-sinmuy amúhpa hinnumt pañqw qayēsiwhput áqlavohaqami wúhkokitsokit, Ephraim yan mātsiwhqat aqw'a, niyqé pēpēq pam put aw nánatuwnayaqamuy amumum hurúhti.

55 Noqw Jew-sinmuy hín-tsakpiam, añ-ruhpakíwhqa, pítíwta, noqw kāysiwhqam tútskwava kíiyunqam nāto añ-ruhpakíwhqat qa aw pituqw, pay Jerusalemt aqwya, nākwanhèwakwtotaniqé ōvov'o.

56 Pahsat pu puma Jesust hépyaqé pu Susōqaltutuyqawhqat kiyat ép hónkañkañw nānami pañqaqwa: Ya uma hin wūwantota, Ya sen pam qa añqwni, it nōviwhqat aw'i?

57 Noqw pay ima Susōqaltutuyqawhqat awwat sús-

momñwit niqw pu Pharisee-sinom tutáptotaqé kurs hak put háqamniqw tuwáité' pañqawniqat pañqaqwa, puma put nuáyaniqé òviy'o.

## 12. QALÁLNI

1 Pahsat pu añ-ruhþakiwhqat aw naváysikis tálát pētiqw, Jesus Bethanyt ép pitu, pēp Lazarus, ura mokqa qatu, put ura Jesus mokiwuy añqw tātaynaqw, pam'i.

2 Noqw pēp puma put enēm tápkíqw nōvatota, noqw Martha nōpni'ta noqw Lazarus nuhtum put amum tunōsqatu.

3 Pahsat pu Mary sūp putut kwanwáwhvaqtuqat tusáqwiykuyit súsnukñwat a'nō híýkaitaqat kwusut pu put akw Jesust kukyát lelwi, nit pu hōmiy akw put kúkyat añ hōna. Noqw kive kwanwáwhvaqtuqat wíýkuyit hoválanwat tūyqawva.

4 Pahsat pu suhka put aw nánatuwnaqa Judas Iscariot, Simont tiat, put aw núk-pantē put nuhtumi lālayniqa, pañqawu:

5 Ya hinoqw nāpi i' kwanwáwhvaqtuqa wíýkuyi qa pakwt tsivot síýkaitasikip sunat dinariont òviy huyíwhqé pu oókiwsinmuy amumi qa noíwa?

6 Noqw pay pi pam oókiwsinmuy oókwatuwhqé qapániqw kita, nikañw pi pam

uyínwu nikañw pu sivámo-mokpit aw tunátyawtaqé, híýta pañsoqw tañátiwhqat kinúmñwuniýqé òviy'o.

7 Noqw òviy Jesus pañqawu: Pay uma qa aw hinqaqwani, pi pay nu hisat āmil-tiniqat aw pam it waráni'ta.

8 Pi oókiwsinmuy uma sutsēp oyi'yuñwa, nikañw nuy uma qa sutsēp tavi'yuñwni.

9 Noqw òviy kāysiwhqam Jew-sinom put pēp qátuqw navóti'yuñwa niýqé puma ép ōki, qa it Jesust sa òviyat it Lazarust, ura pam mokíwuy añqw ahoy tātaynaqw, put aw tātayyaniqé piw òviy'o.

10 Noqw pay Susöqaltutuyqawhقات awwat súsmomñwit Lazarust enañ nīnayaniqéy laváyta.

11 Pi put átsviy kāysiwhqam Jew-sinom lásyaraqé Jesust aw tūtuptsiwaqw òviy'o.

12 ¶ Qavónvaqw qaánēwakwhintaqam sinom nōviwhqat ép ōkiýqam Jesust Jerusalemt áwniýqat nanáptaqé,

13 Pu palm-tsotskit nántaqayat ōmáhtotat pu put áhsawvawisa, niýqé pañqaqwa: Nam ayo' nōñakiwniqa aníwhiti, Tutuyqawhqa Israel-sinmuy moñwíam, Tutuyqawhقات tuñwniyat añ pítuñqa pas háhlaypit ép'è!

14 Noqw Jesus moróhyat



túwahqé pu aqw wūvi. Pi ura pan péita:

15 Um qa tsawíniwtani Ziont mántiata, mé, uhmoñ-wi mōrot tiyat akw tsokíw-kañw ūmii.

16 Noqw put aw nánatuw-nayaqam iit as mohti qa mā-matsya, nikañw Jesus lolmat pitsánwaivaqw pahsat pu puma yan pam péitaqat u'na-ya, pu puma put yan hín-tsatsnaqéyu.

17 Noqw sinom put ámum-yaqw, ura pam Lazarust tūamit añqw wañwayqé pu mokiñwuy añqw tātaynaqw, puma it navóti'yuñwa.

18 Noqw yaniqw ōviy piw sinom put áhsawvaya, pam kātataypit tumáltaqat puma nanáptaqué ōviy'o.

19 Noqw Pharisee-sinom paniqw ōviy nānami pañ-qaqwa: Mé, uma qa tūañ-wuinumya, pi sohsoyam si-nom put añkya.

20 ¶ Noqw haqawat Greek-sinom nōviwhqat ép okíwlal-waniqé nuhtum ōki.

21 Niýqé ima ōviy Philipt, Galileet ép Bethsaidat añqw sinot, aw ōkiýqé put aw pañqaqwa: Itanaa, itam as Jesust aw yórikyaniqéy nā-nawakna.

22 Philip Andrewt áwniýqé āawna, noqw pu piw Andrew niqw pu Philip puma Jesust āawna.

23 Noqw Jesus hu'waqé a-

mumi pañqawu: Sinot Tiat lolmat pitsánwaivaniqat hapi aw pitu.

24 Pas antsa, pas antsa nu umumi pañqawni, pas sōhō-vosi tútskwami qa póhsé' pu qa mōké' pam sutsép sūka-niñwu, nikañw pam mōké' pu pam an'ō nátkotañwu.

25 Haqawa qatsiy aw unáñ-waitaqa hapi put kwáyhni, pu haqawa yép it qatsit ép qatsiy aw qa súhtaquéwniýqa hapi put qaso'taqat qatsit aw himúitani.

26 Haqawa inúnēm hín-tsakniqa inúnkni, nēn nuy haqáminiýw itúmalàya piw pépni. Pu hakiy inúnēm híntsakqat put Ina tayáwna-ni.

27 Pu' hapi itāytoynaqa hin unañwti, noqw ya sen nu hiñqawni? Inaa, um nuy it tuwánit añqw ayo' távini. Noqw pay pi nu yaniqw it tuwánit aw pitu.

28 Inaa, um uhtuñwniy lol-mat pitsánwtoynani! Pahsat pu ōvéqatsit añqw hakiy tōnáat pañqawu: Pay nu put lolmat pitsánwtoyna, niýqé pay nu nāt piw put lolmat pitsánwtoynani.

29 Noqw ōviy sinom pép hoñqam put nanáptaqué, ú-mukqat pañqaqwa, noqw ha-qáwat pañqaqwa: Taq pi Susōqaltutuyqawh̄qat hōñ-viayaat put aw yuáayku.

30 Jesus laváytiqé pañqa-

wu: Pay qa inúnēm i' tōna töqti, pay umúnēmi.

31 Pu' hapi yēp qatsit ēp tunátyayat hínwisqamuy amúnēm hin yukíwma, pu' hapi yēp qatsit aw moñwi tūviwni.

32 Noqw nuu, ason nu' tūwaqatsit añqw ōmi hōlōltē' nu sohsokmuy nāmi lāñaknani.

33 Noqw pam hin mókniqēy put pañqawhqē kita.

34 Noqw sinom put aw laváytotiqē pañqaqwa: Pi Christ sutsēp qátuníqat itam tutávot añqw nanápta, noqw ya um hinoqw pañqawhqē, Sinot Tiat kurshin qa hōlōltiníqat pañqawu? Ya i' Sinot Tiat hak hímuu?

35 Pahsat pu Jesus pumuy amumi pañqawu: Pay híysavo nāto tāla umumum yántani, nāt uma tālat himúiyuñwé' kwilálatotani, noqw qatāla umuy qa wíykini; taq qatálpuva kwilálataga haqáminiýqēy qa navóti'tañwu.

36 Nāt uma tālat himúiyuñwé' uma tālat aw tūtuptsiwani, nēn uma tālat tímatni. Yan iit Jesus laváytit pu áhpiyniýqē pumuy amútpik nātupka.

37 Noqw pay as nāmahin pam pumuy amútpik níytiwtaqat kātataypit tumáltaqw puma put aw qa tūtuptsiwa.

38 Susōqaltutuyqawhqat e-

nēm yuáataqa Isaia hin laváytiqw, put ántiniqw ōviy'o. Pam ura yan laváyti: Tutuyqawhqā, ya hak itáh-tuawiy túptsiwa, puyaw hakiy aw Tutuyqawhqat māt mātaqti?

39 Yaniqw ōviy puma kurs-hin tūtuptsiwani, paypi Isaia ura píw pañqawhqw ōviy'o:

40 Pam pumuy pōsiyamuy qatālawna, pu pumuy unáñwayamuy anáhaata; puma pōsiy akw qatútwakahkañw pu unáñway akw qa māmatsyē' pu qa ahoy nánamtōkyaqw, nu pumuy qa qaláptsinaniqw ōviy'o.

41 Iit Isaias put laváyti ura hisat pam put lolmat pitsáñwayat aw yórikqē pu yuáaykuqēē.

42 Noqw pay nāmahin as yántaqw, pay súsmohpēqyaqamuy amuñaqw piw kāysiwhqam put aw tūtuptsiwa, nikañw Pharisee-sinmuy amútsviy puma put qa pañqaqwa, hakton sen puma tsótsvalkit añqw máspiwyaniqē ōviy'o.

43 Puma Susōqaltutuyqawhqat añqw tayáwinpit ēpniýqē sinmuy amuñqw tayáwinpit pas háhlayaqē ōviy'o.

44 Noqw Jesus tsa'lawhqē pañqawu: Inúmi túptsiwhqā hapi qa inúmi túptsiwñwu, nikañw nuy añqw táviýqat áwniñwu.

45 Pu inumi tāytaqa hapi nuy aṇqw tāviyqat aw tāyta.

46 Nu sinmuy amumi tāla pitu, nāphaqawa inumi tūptsiwhqa qatālat ēp qa hurúwtaniqw ōviy'o.

47 Pu kurs nāphaqawa ilāvayiy navótkañw qa tūptsiwhqw, nu put qahinwat yukúnañwu, pi nu sinmuy hinyukúnaniqéy qapániqw pitu, pi nu sinmuy ayo' óyaniqé ōviy pitu.

48 Nuy qanákwhakañw pu ilāvayiy qa ōmáhtaqa, pút hinyukúnaniqat pay himúita, pay it laváyit nu laváytiqw, pam put núhtunk talónvaqat ēp hin yukúnani.

49 Pi nu qa nāp nahpiy yuáayku. Pi Ina, nuy aṇqw tāviyqa, pam nuy hiyta laváyitiniqat pu hiyta yuáaykuniqat nāp inumi tutápta.

50 Noqw nu navóti'taqw put tutávoat qaso'taqa qatsi, paniqw ōviy nu sohsok hiyta yuáaykuqé, hin Ina inumi laváytiqw, pan nu put yuáayku.

### 13. QALALNI

1 Noqw aṇ-ruhpaqiwhqat ēp nōviwhqat nāto aw qa pituqw, Jesus yép it qátsit aṇqw Nay aw áhpiyniqéy navóti'taqé, put himúmat yép qatsit épyaqamuy amumi pam unáñwaitaqé, pam so'ñwamiqhaqami pumuy amumi unáñwaita.

2 ¶ Noqw tapkiqw nōñosaqw Judas Iscariot, Simont tiat, put aw núkpañté' núhtumi lālayniqat, Nukpana put pan unáñwtoyaqw,

3 Jesus navóti'taqw Naat sohsok hiyta put mápqölmiq noaqw, pu pam Susöqaltutuyqawhقات aṇqw pitúkañw pu pam Susöqaltutuyqawhقات áwniyqé,

4 Pam tunösvoñat aṇqw wunúptut pu yūwsiy qalávo oya, nit pu höhöñpit kwusut put kwéwhita.

5 Nit tsaqáptat aqw kuyt pu pañsat put aw nánatuwnayaqamuy kúkyamuy pāhomtiwa, nit pu höhöñpit kwéwtaqéy akw put aṇ hönta.

6 Pu pam Simon Petert aw pitu, noqw Peter put aw pañqawu: Tutuyqawhqa, ya pas pay úm ikúkuy pāhomni?

7 Jesus hu'waqé put aw pañqawu: Pay nuy hiyta híntsaqw um pu' qa mātsi'ta, nikañw ason pay um soon qa māmatsni.

8 Peter put aw pañqawu: Pay um pas soon ikúkuy pāhomni. Jesus put aw pañqawu: Pay nuy uñ qa pāhomqw, um soon hiyta ēp inúmunni.

9 Simon Peter put aw pañqawu: Tutuyqawhqa, pay turs qa ikúkuy sa nit imay nikañw pu iqötöy piwu.

10 Jesus put aw pañqawu:

Pay i' pāhomìwhqa pāpu qapas pāhomìwhit pay kúh-kuy sa pāhomni, pi pay soh-  
sovik kwánwèwayniyqéé. Noqw uma kwánwèwayomu, nikañw qa sóhsoyamu.

11 Pi pay hak put aw núpanté' put núhtumi lālayniqat pam navóti'taqé öviy'o. Paniqw öviy pam pañqawu: Uma qa sohsoyam kwánwèwayomu.

12 Pu öviy pam pumuy kúkyamuy pāhomt pu yūwsiy añ pakit piw qatúptut pu amumi pañqawu: Ya nu umuy híntsanqat uma māmatsya?

13 Uma nuy moñwiniyqat pañqawkahkañw pu nuy Tutuyqawhqaniyqata, niyqé uma súañqaqwa, pi nu pam'i.

14 Noqw kurs nu Umúhtutuyqawhqa nikañw pu Umúhmoñwi umúhkukuy pāhomqw, uma tis as soon qa umúhkukuy nānahoy nāvahomnayani.

15 Pi nu umuy hínyaniqat, umumi máhtakna, hin nu umuy yukúnaqw, pan uma hínwisniqata.

16 Pas antsaa, pas antsa nu umumi pañqawni: Pay tūwiki tutuyqawhqay épniyqé qa pavan pásniñwu, pu i' ayátiwhqa put ayátaqat épniyqé qa pavan pásniñwu.

17 Kurs uma iit navóti'yuñwé' uma háhlayani, put an hínwiséé.

18 Nu qa sohsokmuy umuy laváyti, pay nu hakimuy namórstaqéy tuwímuita. Noqw pay pi tutúvenyukit ántiniqw, öviy i' inúmun pólávikit tūmoytaqa inumi potsátsayku.

19 Noqw nu pu' umuy áawna nāto qa pántiq'ö, hisat put pantiqw, nu hak pamniyqat uma tūtuptionsaniqat öviy'o.

20 Pas antsaa, pas antsa nu umumi pañqawni: Nuy haqawat ayátaqat kwúsuhqa hapi nuy kwúsuni, pu nuy kwúsuhqa hapi nuy añqw táviyqat kwúsuni.

21 ¶ Yan Jesus laváytit pu hikwsiy añ hin unánwtiqé pu hin navótiy laváytiqé pañqawu: Pas antsaa, pas antsa nu umumi pañqawni, pay umúñaqwhaqawa inúminúkpanté' nuy núhtumi lālayni.

22 Pahsat pu put aw nānatuwnayaqam nānahpa yórikya haqawat pi pam pañqawhqw öviy'o.

23 Noqw haqawa put aw nānatuwnaqa pép Jesust aw moñaqw táhtsikiwta, put hakiy aw Jesus unánwaita.

24 Noqw öviy hakiy pam pañqawhqat pam put tūviñtaniqat Simon Peter put aw māmasa.

25 Pu öviy pam, it Jesust tawítsqayat aw táhtsikiwkañw put aw pañqawu: Tutuyqawhqa, ya hak'i?



26 Jesus hu'waqé pañqawu: Pay nu nōvat móroknat put hakiy nópnaqw, pam hapini. Pu pam nōvat móroknat put Judas Iscariot, it Simont tiat, maqa.

27 Pu pam pantiqw, pañsat Nukpana put ápqölmi paki. Noqw pañsat pu Jesus put aw pañqawu: Um hiýta hín-tsakqéy itsni.

28 Noqw qahaqáwa tunōs-voñat ép qátuhqa, hinoqw pam put aw kítañqat, mā-matsi.

29 Pi Judas sivámomokpit tavi'taqw, paniqw Jesus put aw pañqawñqat haqawat wūwaya, Um itamuy nōwiwñqat ép hiýta hín totiniqat túini, kítañqata, pu sen pi pam oókiwsinmuy hiýta húytaniqat pañqawñqata.

30 Pu pam nōvat mórokput sowat pu pay pañsat yamakma. Noqw míhikiwta.

31 Noqw ōviy put yámakmaqw, pu Jesus pañqawu: Pu' hapi Sinot Tiat lolmat pitsáñwtoyniwa, noqw Susöqaltutuyqawñqata put ép lolmat pitsáñwtoyniwa.

32 Noqw kurs Susöqaltutuyqawñqata put ép lolmat pitsáñwaivé', pay Susöqaltutuyqawñqata soon qa tuwat nahpé put lolmat pitsáñwtoynani, niýqé soon qa pay put lolmat pitsáñwtoynani.

33 Tsatsáyhohyamu, nu híysavo nāto umumum yán-

tani, uma as nuy hépyani; noqw ura nu Jew-sinmuy amumi pañqawñqé: Nuy haqáminiqw soon uma pañsoyani, ura nu kita; niýqé ōviy nu pu piw umumi pañqawu.

34 Púhut nu umumi tutap-ta: Uma nānami unáñwaiyuñwni, hin nu umumi unáñwaitaqw, pan uma piw nānami unáñwaiyuñwni.

35 Umuy nānami unáñwaiyuñqw, it akw hapi umuy inumi nánatuwnayaqamuy-niýqat sohsoyam nanáptani.

36 ¶ Simon Peter put aw pañqawu: Tutuyqawñqata, ya um haqámii? Jesus hu'waqé put aw pañqawu: Pay nuy haqáminiqw kurshin um pu inúnkni, nikañw pay ason um soon qa inúnkni.

37 Peter put aw pañqawu: Tutuyqawñqata, ya hinoqw nu kurshin pay pu' unékni? Pay nu pas iqátsiy uném távini.

38 Jesus hu'waqé aw pañqawu: Haw um inúném uhqatsiy távini! Pas antsa, pas antsa nu ūmi pañqawni: Pay pas um pāyis nuy qatuwi'taqéy pañqawñqw, pu taqá-kowako töqtini.

#### 14. QALÁLNI

1 Uma qahin unánwaiyuñwni, uma Susöqaltutuyqawñqat aw túptsiwni'yuñwa, uma piw inumi túptsiwni'yuñwni.

2 Inay kiyat ép yeyéspi wū-haq'a, pi as qa pantaqw, soon nu umuy qa āawnani. Nu umuñēm qēnítato.

3 Pu nu áhpiynén umuñēm qēnité' nu piw añqwni nén umuy nāmi ökínani, noqw nuy háqamniqw pēp piw úmayani.

4 Pu nuy haqámini qw uma navóti'yuñwa, pu aqw pöhut uma tuwi'yuñwa.

5 Thomas put aw pañqawu: Tutuyqawhqa, uñ haqámini qw itam qa navóti'yuñwa, noqw ya sen hin itam aqw pöhut tuwi'yuñwni?

6 Jesus put aw pañqawu: Nu hapi pöhu, pu pas ántsaniyqa, pu qátsi. Soon hak Inay awni, pas inúhpanén saa.

7 Pi as uma nuy tuwi'yuñwé' soon as uma piw Inay qa tuwi'yuñwni. Noqw yáhpiy haqáhpiy hapi pāpu uma put tuwi'yuñwa, niyqé aw yórikya.

8 Philip put aw pañqawu: Tutuyqawhqa, um itámumi Unay máhtaknaqw itam tūtuqayyani.

9 Jesus put aw pañqawu: Ya nu pas wūyavo umumumniqw um nuy nāto qa tuwi'ta, Philip? Pi pay inúmi yórikqa Inay aw yori. Noqw ya hinoqw um, Itamumi Unay máhtaknaa, kita?

10 Ya nu Inay épniqw pu Ina inúhpeniyqat um qatúp-

tsiwa? It laváyit nu umumi yuáaykuqé put nu qa nāhpiyniyqat yuáayku, pi Ina, inúhpé qatuhqa, pam tumálat híntsaki.

11 Uma nuy Inay épniqw pu Ina inúhpeniyqat tūtup-tsiwani. Kurs uma qa pántotínik, uma tumálat ahpiy inumi túptsiwyani.

12 Pas antsa, pas antsa nu umumi pañqawni: I' inúmi túptsiwhqa it híhiyta tumálat nu híntsakqat piw híntsakni, pu iit épniyqé pas pávanyaqat pam híntsakni, pi nu Inay áwni qw öviy'o.

13 Pu nāphiyta öviy uma inátñwaniy aw yánkahkañw tūviñtotaqw, put nu pántimantani, noqw Ina Tiy ép pas híytaalawiwni.

14 Kurs uma nāphiyta öviy itúñwniy aw yánkahkañw tūviñtotaqw, nu pántimantani.

15 Kurs uma inúmi unáñwaiyuñwé' uma itútavoy an híñwisni.

16 Pu nu Inay aw nāwaknani, noqw pam umumi piw sukwat tu'sawni'taqat távini, pam sútsep umumum yántaniqat öviy'o.

17 It pas ántsaniyqat Hikw-sita, put ima tūwaqatsit tūnátyayat híñwisqam kurs-hin kwusúyani, ispi puma put qa tuwáiyuñqéé, piw qa tuwi'yuñwa, nikañw uma put tuwi'yuñwa, pi pam umu-

mum qátuq'ö; niyqé nāto pam umúpqölpéni.

18 Pay nu soon umuy nánlvutani, pay nu umúmini.

19 Nāto híysavoniqw pay tūwaqatsit tunátyayat hínwisqam inúmi qa yórikyani, nīkañw uma inumi yórikyani. Pi nuy qátuqw öviy piw uma yēsni.

20 Ason put talōñvaqat ép pu uma nuy Inay épniyqat nanáptani, pu uma inúhpéyaqw pu nu umúhpéniyqata.

21 Itútavoy oyi'kañw an hinmaqa, pam hapi inúmi unánwaitani, pu inumi unánwaitaqat aw Ina unánwaitani, pu nú put aw unánwaitani, nēn put aw nāmahtaknani.

22 Judas (qa Iscariot) put aw pañqawu: Tutuyqawhqa, ya hintaqw öviy um itámu-mi nāmahtaknat, imuy tūwaqatsit tunátyayat hínwisqamuy qa pumuy amumi nāmahtaknani?

23 Jesus hu'waqé put aw pañqawu: Kurs haqawa inúmi unánwaité' pam hapi ilávaiy an hínmani, noqw Ina put aw unánwaitani, noqw itam put áwnēn put amum ki'vani.

24 Inúmi qa unánwaitaqa hapi ilávaiy qa an hinma. Noqw uma it laváyit nanáptaqw, pam qa ihímu, nīkañw pam nuy añqw táviyqat, Inay himúata.

25 Noqw nu umumi iit yuáayku nāto umumumniyqéé.

26 Nīkañw tu'sawni'taqa, i' Qahováriwtaqa-Hikwsi, put Ina itúnwniy añ añqw táviniaqat, pam ason umuy sohsok hiyta tutúwnani nēn sohsok hiyta umuy ahoy u'nanani, nāphiyta nuy umumi laváytiqat put'a.

27 It kwakwhat nu umumi mātavi, ikwákwhay nu umuy maqa, tūwaqatsit tunátyayat hínwisqam hin hiyta túmqayañwuniqw, qa pan nu umuy maqa. Uma qahin unánwaiyuñwni piw umúh-unanwa qa tsawíniwyuñwni.

28 Uma nanáptaqw, ura nu umumi pañqawu: Nu áhpiy-ni, nit pu nu piw umúmini. Pi as uma inúmi unánwaiyuñwé' soon as uma qa háhlaytotini, nu, Nu Inay awni, kítañqat ép'é, pi Ina inúhpéniyqé pas pavani.

29 Noqw nu hapi nāto qa pañwñtiqw, páy umuy āaw-na, ason pantiqw pu uma tūtuptionsiwanqw öviy'o.

30 Yahpiy haqahpiy nu pāpu soon umumi pas yuáatani, pi yép qatsit aw moñwi añqwniqw qahimu inúhpéhaqam put súépninqw öviy'o.

31 Noqw pay pi nu Inay aw unánwaitaqat sinom nanáptaniqw pu Ina inumi hin tútáptaqw, öviy nu pan hinma. Hoñvaa, itam yañqw áhpiyani.

## 15. QALÁLNI

1 Nu hapi pas qaátsa ováu-yi, noqw pu Ina hapi aw tu-nátyawtaqa.

2 Hiýtawat inúhpiy hóhtakiwtaqat qahiýta himúivañwuqat pam ayo' tūvañwu, pu hiýtawat aníwnañwuqat, wūhaq aníwnaniqw, ōviy pam put añ pápsiñwu.

3 Noqw uma hapi it laváyit, nuy umumi laváytiqat, akw kwáñwèwayomu.

4 Uma inúhpe hurúwyuñwni, pu nu umúhpeni, pi ováu-yit áhpiy hóhtakiwtaqa pas soon nāpnatsviy hiýta himúivañwu, pas kopōlvuy aw wíwté' sa pam himúivañwu. Noqw pay uma soon put épniýqé núknwat híntotini, pay uma pas inúhpe hurúwyuñwé' sayani.

5 Nu hapi ováu-yi, noqw uma hapi ahpiy hóhtakiwyuñqamu. Haqawa inúhpe huruhti qw pu nut pút áp-qōlpēniqw, pam hapi a'nō himúivañwu; Pi uma qa i-nútsviyē' kurshin mōñwvas-yani.

6 Inúhpe qa hurúiwtaqa hóhtakiwtaqat an tūviwñwu nēn lakñwu, noqw sinom put tsoválayé' pu put qōhit aqw wáhóknayañwu noqw pam úwikñwu.

7 Kurs uma inúhpe hurúiw-yuñqw pu ilávayiy umúhpe hurúhti qw, uma hiýta nā-nawakné' put tūviñtotaqw

pam umumi ántsaniñwmanta-ni.

8 Uma pas pavan himúiva-yaqw, it akw pu Ina lolmat pitsánwaivani, noqw pán ha-pi uma inumi nānatuwnaya-qamyani.

9 Hinhaqam Ina inumi unāñwaitaqw pán nu umumi unāñwaita, uma umumi iú-nañway pút añ hínwisni.

10 Kurs uma itútavoy añ hínwisé' uma hapi umumi iúnañway ép hurúwyuñwni. Hin nu Inay tutávoyat an hínmaqé pu put inumi unāñ-wayat ép hurúiwtaqw, pan'i.

11 I' iháhlaiy pi umúhpe hurúhtiniqat ōviy nikañw pu umúhhañlaiy pi pas pasíwta-niqat ōviy nu iit umumi la-váyti.

12 I' hapi itútavo, Uma nā-nami unāñwaiyuñwni, hinha-qam nuy umumi unāñwaita-qat, pan'i.

13 Pas awunāñwat ahpiy sino kwatsmuy amuñēm qa-tsiy távininiqw, qahak it ép hōyokiwtaqat pas pavan núhtumi unāñwaita.

14 Uma hapi ikwátsimyani, nuy umumi hin tutáptaqat an hínwiséé.

15 ¶ Yahpiy haqáhpiy hapi nu pāpu umuy tūtuwiktuy-niýqat qa pan umuy tuñwan-ta, pi tūwikit tutuyqawñqaat híntsaqw, pam put qa navó-ti'tañwuniq'ō, nikañw uma ikwátsimyaqat, pan nu umuy



tunwa; pi nu sohok hiyta Inay anqw navotqey umuy aawnaqé öviy'o.

16 Qa uma hapi nuy namorstota, pi nu umuy namorsta, niyqé umuy awwiwhita uma aníwni'wisniqat öviy'o, noqw umúhaníwni qa hínitini. Noqw nāphiyta öviy uma Inay aw itúnwniy aw yánkahkañw tūvintotaqw, pam umuy put máqamantani.

17 Noqw umuy hapi nānami unánwaiyuñwniqat öviy nu umumi iit tutápta.

18 ¶ Kurs tūwaqatsit tunátyayat hínwisqam umumi qayán unánwaiyuñqw, pay ura puma inumi mohti qayán unánwaiyuñqat uma navóti'yuñwni.

19 Pi as uma tūwaqatsit tunátyayat hínwisqamyaqw, soon as put hínwisqam nāphimuy amumi qa unánwaiyuñwni; noqw pi uma tūwaqatsit tunátyayat qahínwisqamyaqw, pay nu umuy tūwaqatsit tunátyayat hinwisqamuy amúñaqw namorstaqw, paniqw öviy tūwaqatsit tunátyayat hínwisqam umumi qa súhtaquëwya.

20 Ura nu umumi laváytiquw, uma put u'ni'yuñwni, ura tūwiki tutuyqawhqay épniyqé qa pavan pásniñwu, kurs puma nuy okíwsasné' pay soon piw umuy qa okíwsasnani, kurs puma ilá-

vayiy an hínwisé' pay soon piw puma umúhlavayiy qa an hínwisni.

21 Nikañw pay itúnwniy atsviy puma sohok iit yan umuy hínatsatsnani, pi puma it, nuy anqw táviyqat, qa tūwi'yuñqé öviy'o.

22 Pi as nu qa pité' pumuy amumi qa yuáaykuqw, pay puma qaántiput nāstayani, nikañw pay puma pu kurs hiyta akw qaántipuy enēm qénítotani.

23 Pay inumi qayán unánwaitaqa hapi piw Inay aw qayán unánwaitañwu.

24 Pi as nu pumuy amúhsonvé tumálat, qahakiy tumátipuyat ántaqat qatumaítaqw, pay puma as qaántiput nāstayani, noqw pay pi as aw yórikyakahkañw inúmi nikañw pu Inay aw qayan unánwaiyuñwà.

25 Noqw pay pi laváyit pumuy tutávoyamuy ép péitaqat ántiniqw öviy yáníwhiti: Qahíntiquw puma inúmi qayan unánwaiyuñwa, it'a.

26 Nikañw ason i' tu'sawni'taqa pité' pam nuy tuáwi'tani, put nu Inay anqw umumi távini, it Hikwsit pas ántsaniyqat, Inay anqw yámakiwtaqata.

27 Pu uma piw ason tuáwi'yuñwni, pi uma móhtiñahaqaqw inúmun hínumyaqéé.

## 16. QALÁLNI

1 Umuy qahin unáñwtotiniqat òviy nu umumi iit yuáayku.

2 Nāto puma umuy tsōtsōtsvalkiñaqw máspayani, owi, hikis pi pas umuy nīnaqa Susōqaltutuyqawh̄qat eñēm tumáltaqéy wūwantamantanīqat nāto aw pitúto.

3 Noqw paypi puma Inay nikañw pu nuy qa tuwī-yuñqé òviy umuy yántsatsnani.

4 Nikañw pay ason hisat aw pituqw, ura nu umuy put āawnaqat uma u'nayaniqat òviy nu umumi iit yuáayku, nikañw pay nu móhtihaq umumi iit qa yuáayku, pi nu umumumniyqé òviy'o.

5 Nikañw pu' nu nuy añqw táviyqat aw'i, noqw qa haqawa uma nuy tūvīntaqé pañqawu: Ya um haqamii?

6 Noqw paypi nu umumi iit yuáaykuqw òviy qaháhlaypi umúhunañway túyqawva.

7 ¶ Noqw pay nāmahinpi as yantaqw, pay nu umumi pas súañqawni: Pas nuy áhpiyniqw pam umúñēm pas núkñwani, pi nuy qa áhpiyniqw, tu'sawni'taqa soon umumi pituni, nikañw nu áhpiynén pú nu put umumi távini.

8 Pu ason pam pité' tūwaqatsit tunátyayat hínwisqamuy pas navótnani, it qaántiput ép'è, pu súantaqat ép'è, pu hin-yukíltiqat ép'è.

9 It qaántiput ép'è, pi puma inúmi qa tūtuptionsiwaqw òviy'o.

10 It súantaqat ép'è, pi nu Inay áwniqw, uma pāpu inúmi qa tāyunwniqw òviy'o.

11 It hin-yukíltiniqat ép'è, pi it qatsit aw moñwi pay hin-yukúniwh̄qw òviy'o.

12 ¶ Pas nu as nāto níytiwtaqat hiyta umumi yuáaykunīqw, pay uma kurshin nāto pu' put soh̄sok òmáhtotani.

13 Nikañw ason pam Hikwsi pas ántsaniyqa pité', pam umuy soh̄sok ántsaniyqat māmattstotoynani, pi pam qa nāpnahpiyniyqat yuáataniqéè, nikañw ason hiyta pam navóté' put yuáaykuni, pu pam umuy hīhiyta nātoyaniqat āawnani.

14 Pam ason nuy lolmat añ máhtaknani, pi pam ason ihímuy añqw òmáhtat, put umuy āawnani.

15 Hiyta Ina himúitaqw, pam soh̄soy ihímu, paniqw òviy nu pañqawu: pam ason ihímuy añqw òmáhtat, put umuy āawnaniqata.

16 ¶ Híysavonīqw pay uma inumi qa yórikyani, pu piw pay híysavonīqw uma inumi yórikyani, pi nu Inay áwniqw òviy'o.

17 Pañsat pu put aw nānatuwnayaqam haqáwat nānahpa pañqawu: Ya hiyta itámumi pañqawh̄qé pañqawu: Híysavonīqw pay uma

inumi qa yórikyani, pu piw pay híysavoniqw uma inumi yórikyani, pu Nu Inay áwniqw öviy'ö, kita?

18 Paniqw öviy puma pañqawa: Ya hiyta pam pañqawhqe, pay híysavoniq'ö, kita? Itam hiyta pañqawh-qat qa māmatsya.

19 Noqw puma as put tūvin-totaniqey nānawaknaqw pay Jesus navóti'taqe, pumuy amumi pañqawu: Ya nuy umumi, pay híysavoniqw uma inumi qa yórikyani, pu piw pay híysavoniqw uma inumi yórikyani, kí-tahqat, uma it nātuvinlal-wa?

20 Pas antsa, pas antsa nu umumi pañqawni, pay uma tsāykitani pu pas qaháhlaysāykitani, nikañw yep qatsit tunátyayat hínwisqam háhlayyani, noqw uma qaháhlayani, nikañw umúhqa-halaypi háhlaypiniwhitini.

21 Wuhti tūtuyné' qaháhlayñwu, ispi tuwāniyat aqw pítuñwuniqw öviy'ö, nikañw panis pam tíyte' pay kánavotpiy pāpu qa u'ni'tañwu, sino tūwaqatsit aw pítuqw, put ep háhlaytiñwuniyqée.

22 Noqw pan hapi öviy uma pu qaháhlaya, nikañw pay nu nāto piw umumi yórikni, noqw umúhunañwa háhlaytotini, pu umúhha-halaypi soon hak umuy náwhkini.

23 Pu put talónvaqat ep

uma inumi qahihta tūvinlal-wani. Pas antsa, pas antsa nu umumi pañqawni: Uma inátñwaniy aw yánkahkañw nāphihta öviy Inay aw tūvin-totaqw, pam umuy put má-qamantani.

24 Yúkhaqami páhsavo uma inátñwaniy añ qa hiyta öviy tūvin-tota. Uma tūvin-totani nēn uma ömáhtotani, noqw umúhha-halaypi pasíw-tani.

25 Iit yāyantaqat pay nu hīhihta akw umuy āwinta, nikañw hisat aw pítuqw, pep pu nu soon pāpu umumi hīhihta akw yuáatani, nikañw nu umuy Inay pas sús-mataq āawnani.

26 Put talónvaqat ep uma inátñwaniy aw yánkahkañw tūvinlalwani. Noqw pay nu umuhēm Inay aw tūvinlaw-niqey qa pañqawu.

27 Pi Ina pas nāp umumi unāñwaitaqw öviy'ö, ispi uma inumi unāñwaiyūñ'ö, niyqe nuy Susöqaltutuy-qawh-qat añqw nákwuqat uma tūtuptsiwaq'ö.

28 Nu Inay añqw nakwsu, niyqe tūwaqatsit aw pitu, pu piw nu tūwaqatsit mātapt Inay aw'i.

29 Noqw put aw nánatuw-nayaqam put aw pañqawa: Mē, pu hapi um sús-mataq-puva yuáayku, niyqe pāpu qahihta akw laváyti.

30 Pu hapi itam uñ pas solh-

sok hiyta navóti'taqat pas qa pëvewnaya, niyqé uñ hakiy hiyta tüvinlawniqat um qa háqni'ta. It akw pu itam uñ Susöqaltutuyqawh̄qat añqw pëw nákw suqat tütuptsiwa.

31 Jesus pumuy amumi laváytiqué pañqawu: Ya uma pu tütuptsiwa?

32 Mé, pay uma tátslaké' umúhkikiy áñqé'yé' nuy nálmatapyaníqat aw pitúto, owi, niyqé pay aw pitsíwta; noqw pay námahinpi paníwh̄tiqw, pay nu qa nālani, pi Ina inúmunniqw öviy'o.

33 Iit yāyantaqat nu umumi yuáayku, uma inúhpé kwákwhaiwyuñwniqat öviy'o. Tūwaqatsit ép uma kānanvotyani, nikañw uma su'qawyuñwni, nu hapi yép qatsit áñwuta.

## 17. QALÁLNI

1 Iit Jesus laváytit pu övëqatsit aqw tātayt pu pañqawu: Inaa, aw hapi pitu, um Uhti lolmat pitsáñwtoynani, pu Uhti tuwat uñ lolmat pitsáñwtoynani.

2 Pi pay um soh̄sokmuy sinmuy amumi put öqálmaqa, yan híysa'niyqamuy um put aw nóaqw, pam pumuy qaso'taqat qatsit húytaniq'ö.

3 Noqw i' hapi qatsi qaso'taq, puma uñ tuwi'vayani, uñ pas sūkw pas qaátsat Susöqaltutuyqawh̄qata, piw

Jesus Christ uñ hakiy añqw táviyqat, í yántaqa.

4 Nu tūwaqatsit ép uñ lolmat pitsáñwtoyna, it tumálat um nuy tumálmaqaqw, nu hapi put yuku.

5 Noqw taa, Inaa, nu umum yántaniqat pút um nuy lolmat pitsáñwtoynani, nāt ura tūwaqatsit qaháqamniqw nu umum yánkañw lolmat pitsáñwat pitsáñwaitañwni, put'a.

6 Imuy sinmuy um sinmuy amúñaqw inúmi nóaqw, pumuy amumi nu uhnátñwaniy máhtakna, puma as ulh̄himumya, noqw um pumuy nuy máqa, noqw puma ulh̄laváyi an hínwisa.

7 Noqw hapi soh̄sok hiyta um nuy máqah̄qat, ūñaqyaqat puma nanápta,

8 Pi it laváyit um inúmi noaqw, nu amumi put noa. Noqw puma put ömáhtota, niyqé nu ūñaqw yámakqat puma pas suyan nanápta, niyqé um nuy añqw táviyqat puma tütuptsiwa.

9 Nu pumuy amunēm nāwakna, nu tūwaqatsit tunát-yayat hínwisqamuy qa pumuy amunēm nāwakna, nīkañw imuy hakímuy um nuy maqaqw pumuy nu amúnēmi, pi puma ulh̄himumyaq'ö.

10 Pu soh̄soyam ihímum ulh̄himumya, pu soh̄soyam ulh̄himum ihímumya nowq



nu pumuy amúhpé lolmat pitsánwaiva.

11 Noqw nu hapi pāpu qa tūwaqatsit ép'è, nikañw ima tūwaqatsit épya, noqw nu ūmii. Qahováriwtaqa Inaa, um imuy hakímuy inumi nóahqéy pumuy um pas nāp úhnatñwaniy añ oyi'tani, noqw puma sūkayani, itámun'i.

12 Nāto nu tūwaqatsit ép pumuy amumumniýqé nu pumuy uhnatñwaniy añ oyi'ta. Imuy hakímuy um nuy maqaqw, nu pumuy pās oyi'ta, noqw qa himúwa haqámii, pay i' hoválantiwhqat tiat pam saa, it tutúvenyukit ántiniqw ōviy'o.

13 Noqw nu hapi ūmii, noqw nu tūwaqatsit ép iit yuáayku, puma nápqölpé iháhlaiy piy pās pasiwyuñwniqw ōviy'o.

14 Nu uhlayáiy pumuy amumi no'a, noqw tūwaqatsit tunátyayat hínwisqam pumuy amumi qayán unáñwaiyuñwa, puma tūwaqatsit tunátyayat qa ép sinóiw-yuñqw ōviy'o, nu tūwaqatsit tunátyayat ép qa sinóiw-taqw, pan'i.

15 Um pumuy tūwaqatsit añqw ayo' ípwaniqat nu qa pan tūvinlawu, nikañw um pumuy pas qalólmāt añqw ayo' oyi'taniqat, put'a.

16 Puma tūwaqatsit tunát-yayat qa ép sinóiw-yuñwa,

nu' tūwaqatsit tunátyayat qa ép sinóiw-taqw pan'i.

17 Um uhhimuy pas antsaniýqat akw pumuy súpwaitani. Uhlayáiy pas antsaniýqat.

18 Um nuy sinmuy amumi ayátaqw, nu ōviy túwat pumuy sinmuy amumi ayáta.

19 Niýqé nu pumuy amúts-viy nāsupwaita, puma piw pas ántsaniýqat akw súp-waiwyuñwniqat ōviy'o.

20 Pu nu qa imuy sa amunēm tūvinlawu, nikañw nu imuy pumuy laváiyamuy ahpiy inúmi túptsiwyaniqamuy piw pumuy amúnēm'i.

21 Puma sohsoyam pay sūkayaniqat ōviy'o. Um Ina inúhpéniquw pu nu uhpéniquw, pan'i; noqw puma piw itamuhpé sūkayani, noqw tūwaqatsit tunátyayat hínwisqam uñ nuy añqw táviýqat tútuptsiwani.

22 Pu it lolmat pitsánwat um nuy maqaqw, put nu pumuy maqa, puma sūkayaniqat ōviy'o, itámuy sūkaniýqat pan'i.

23 Nu pumuy amúhpéniquw pu um inúhpéé. Noqw puma sūkw ép pas pās pasiwyuñwni, noqw tūwaqatsit tunátyayat hínwisqam um nuy añqw táviýqat nanáptani, pu um hínhaqam inumi pas unáñwaitaqéy pán amumi unáñwaitaqata.

24 Inaa, imuy hakimuy um

nuy maqaqw puma nuy ha-  
qamniqw pēp inúmumyani-  
qat nu nāwakna, nēn it lol-  
mat pitsānwat um nuy má-  
qahqat, puma aw tāyūnwai,  
pi um nāto tūwaqatsit qa  
yáyniwhq pay inumi uná-  
ñwaita.

25 Súantaqa Inaa, tūwa-  
qatsit tunátyayat hínwisqam  
uñ qa tuwí'yūnwa, nikañw  
nu uñ tuwí'ta, noqw ima um  
nuy añqw táviyqat navóti'-  
yūnwa.

26 Noqw nu uñnatñwaniy  
pumuy navótna, niyqé nu  
put túnvotnani, noqw it  
awunānwat akw um inúmi  
unánñwaitaqw, pam pumuy  
amúhpeni, pu nu pumuy  
amúhpeni.

### 18. QALÁLNI

1 Jesus iit laváytit pu pam  
put aw nánatuwnayaqamuy  
amumum mūnat Cidront  
yúpqöymii, pēp ūyiniqw pañ-  
so pam paki, pu put aw ná-  
natuwnayaqamu.

2 ¶ Noqw Judas, put aw  
núkpantiqé nuhtumi lālayqa,  
piw put tuwáita, pay Jesus  
put aw nanátuwnayaqamuy  
amumum piēp pánsoniñwu-  
niqw öviy'o.

3 Noqw öviy Judas sumí-  
tsovaltotiqaqamuy nikañw pu  
Susöqaltutuyqawhقات awwat  
súsmomñwituy amúñaqw ni-  
kañw pu Pharisee-sinmuy  
amúñaqw hönvia'yatuy ma-

kíwhit pu pumuy wíyqöhi'-  
yūnqamuy nikañw pu hiyta  
pālaiyūnqamuy nikañw pu  
tunípi'yūnqamuy tsámkañw  
pañsoo.

4 Noqw öviy Jesus sóhsok  
hiyta añ hin hínsanniwniqéy  
navóti'taqé, amumi nákw-  
suqé pu amumi pañqawu: Ya  
uma hakiy hépnumya?

5 Puma hu'wayaqé pañ-  
qaqwa: Pay Jesust, Naza-  
reht añqwniýqata. Jesus pu-  
muy amumi pañqawu: Nu  
pam'i. Noqw i' Judas, put aw  
núkpantiqé núhtumi lālayqa,  
piw pumuy amumum wu-  
núwta.

6 Noqw öviy panis pam pu-  
muy amumi, nu pam'i, ki-  
taqw, pahsat pay puma áhoy-  
wat hóhyokat tútskwami mu-  
númtoti.

7 Pahsat pu piw pam pu-  
muy tūviñtaqé pañqawu: Ya  
uma hakiy hépnumya? Noqw  
puma pañqaqwa: Pay Jesust  
Nazareht añqwniýqata.

8 Jesus laváytiqé pañqawu:  
Paypi nu pamniyqéy umu-  
mi pañqawu; noqw öviy kurs  
uma nuy hépnumyé', pay  
uma imúy qa hínsatsna-  
ni.

9 It laváyit pam laváytiqat  
ántiniqw öviy'o: Imuy haki-  
muy um inúmi noaqw, nu  
qahíytawat kwahi, it'a.

10 Pahsat pu Simon Peter  
síp wuváhi' taqé put hórók-  
nat pu Susöqaltutuyqawhقات

awwat súsmonwit tūwikipyat wuváh̄taqé put pútvaqwat náqvuyat ayo' tuku. Noqw i' hak tūwiki, Malchus yan mātsiwa.

11 Paḥsat pu Jesus Petert aw pañqawu: Uḥsipwuváh̄piy tūkpuyat aqw panaa. Puyaw Ina nuy kuyápkuyit maqaqw, nu put qa hikwni?

12 ¶ Paḥsat pu sumítsovawtaqam niqw pu solāwamonwi niqw pu Jew-sinmuy hónviaymat Jesust nuáyaqé pu put somya.

13 Nit pu put Annast aw moḥti wíkyā. Pam put yáh̄sañwuy ép Susöqaltutuyqawḥqat awwat súsmonwiwtaqat, Caiphast nōmayat náatniqw öviy'o.

14 Noqw i' Caiphās hapi Jew-sinmuy amumi ura pañqawḥqé, pay ura sūka sino sinmuy amunēm mokq, pam lolmaniqata.

15 ¶ Noqw Simon Peter Jesust añki, noqw pu piw mi' suḥka put aw nánatuwnaqa, pamwa Susöqaltutuyqawḥqat awwat súsmonwit tuwíata, niyqé pamwa Jesust amum Susöqaltutuyqawḥqat awwat súsmonwit kiyat aw paki.

16 Nikañw Peter pay iypaq hötsíwhpéq wunúwta; paḥsat pu mi'wa put aw nánatuwnaqa Susöqaltutuyqawḥqat awwat súsmonwit tuwíat,

yámakqé, mānat hötsíwat aw tunátyawtaqat aw yuáaykuqé pu Petert pana.

17 Paḥsat pu māna, hötsíwat aw tunátyawtaqa, Petert aw pañqawu: Ya qa um piw it sinot aw nánatuwnaqa? Noqw pam pañqawu: Nu qa pam'i.

18 Noqw tūtuwikt niqw pu hónvia'yat iyóhootniqw öviy tövúmsit hovéyelayaqé pép aw hónkahkañw nāmukintota. Noqw Peter pumuy amumum wunúwkañw nāmukinta.

19 ¶ Paḥsat pu Susöqaltutuyqawḥqat awwat súsmonwi Jesust put aw nánatuwnayaqamuy put tūviñta, pu put tutúqaypiyata.

20 Jesus hu'waqé aw pañqawu: Nu súsматаqpuva sinmuy amumi yuáata, nu sútsép tsótsvalkivé nikañw pu Susöqaltutuyqawḥqat kiyat ép tūtutuqayna; pañso Jewsinom sutsep tsótsvala, niyqé nu qamātaqpuvé qahiýta yuáayku.

21 Ya um hinoqw núy tūviñlawu, pi um imuy inumi tūqayyuñqamuy hiýta nuy yuáaykuqattūviñtanikañwo; pi mé, puma nuy hiýta laváytigat navóti'yuñwa.

22 Noqw pam yan laváytigat suḥka hónviaya áqlap wunúwtaqa mápqölöy akw Jesust wuváh̄ta pañqawkañwo: Ya um pánhaqam

Susöqaltutuyqawh̄qat awwat súsmoñwit aw laváyitini?

23 Jesus put aw pañqawu: Kurs nuy qalólm̄at laváyit̄iqw, um put pántaqat máhtaknani, pu kurs pay súant̄aqatniqw, ya um hinoqw nuy wuváhta?

24 Noqw Annas put sómiwtaqat Susöqaltutuyqawh̄qat awwat súsmoñwit Cai-phast aw hōna.

25 Noqw Simon Peter wunúwkañw nāmukinta, noqw òviy puma put aw pañqawa: Ya qa um piw put aw nánatuwnaqa? Pam qanákwah̄qé pu pañqawu: Nu qa pam'i.

26 Haqawa Susöqaltutuyqawh̄qat awwat súsmoñwit tūwikiat, it hakiy Peter náqvuyat túkuh̄qat añqwvi, pañqawu: Puyaw nu qa uñ úysonvè put ámunniqw uñ tuwa?

27 Pahsat pu Peter piw qanákwha, noqw pahsat pay taqákowako töqt̄i.

28 ¶ Pahsat pu puma Cai-phast añqw Jesust haqami pavásiwh̄kimi wikya, noqw súitsi, nit pay puma nāp pavásiwh̄kimi qa yuña, qa nātuyoyèwakwtotaniqé òviy'o, taq puma añ-ruh̄pak̄iwh̄qat ép nōñösaniqé òviy'o.

29 Pahsat pu Pilate amumi yámakqé pu pañqawu: Ya uma hiyta it éhp̄ewi yánva-ya?

30 Puma hu'wayaqé put aw pañqawa: Pay pi as it sinot qa núkpanatniqw, soon itam it ūmi noáyani.

31 Pahsat pu Pilate pumuy amumi pañqawu: Uma wík-yani nēn uma umúhtutavoy ah̄piy put hinwat yukúnayani. Noqw òviy Jew-sinom put aw pañqawa: Pay itam hakiy nīnayan̄iqéy put ép qa hu'waniwyuñwa.

32 It Jesust laváyiyat ánt̄iniqw òviy'o, ura pam laváytiqé hin mokniqéy pañqawh̄qat, put'a.

33 Pahsat pu Pilate piw pavásiwh̄kimi pákiyqé pu Jesust wánwayqé put aw pañqawu: Ya um Jew-sinmuy moñwíam?

34 Jesus hu'waqé put aw pañqawu: Ya pay um pas nāp it laváyti, sen pay hakim nuy uñ āawnaya?

35 Pilate hu'waqé pañqawu: Ya nu Jew-sino? Pi nāp uh-sinom niqw pu Susöqaltutuyqawh̄qat awwat súsmomñwit uñ inúmi noáya. Ya um hiyta hinti?

36 Jesus hu'waqé pañqawu: Pay imónwtunatya qa it qatsit ah̄piy'o, pi as imónwtunatya it qatsit ah̄piyniqw, soon as itúmalà'yam qa rohómtotini, noqw nu Jew-sinmuy amumi qa noíwni; noqw pay pi imónwtunatya qa yánq'ö.

37 Paniqw òviy Pilate put



aw pañqawu: Noqw um moñwi? Jesus hu'waqé pañqawu: Pay panta, um súañqawu. Pi nu yániqw tíytiwa, niyqé nu it hiyta pas qaátsatniyqat tuáwi'taniqé öviy it qatsit aw pitu. Sohsoyam pas qaátsatyaqam itöney nanáptañwu.

38 Pilate put aw pañqawu: Ya himu pas qaátsa? Pam kitat pu piw Jew-sinmuy amumi yámaqé pu amumi pañqawu: Pay nu qahihta it aw qaántaqat tuwáita.

39 ¶ Noqw pay pi añ-rúh-pakiwhqat ép nu umumi sukw mätapñwuqat uma pan tuwi'yuñwa. Noqw sen pi nu öviy Jew-sinmuy moñwíyamuy umumi mätapniqat uma nānawakna?

40 Pahsat pu puma sohsoyam piw kwánokmaqé pañqaqwa: Pay qa itni, pay Barabbastni. Noqw i' Barabbas hapi hak hiyta tütusognawhkilawhqa.

## 19. QALÁLNI

1 Pahsat pu öviy Pilate Jesust núahqé pu put wuváhpit akw wuváhta.

2 Noqw solāwam kūtat kwitétotaqé wíykat yukúyat pu put pút qötösomtoynaya, nit pu paláskwawsat put usíytoynaya.

3 Niýqé pañqaqwa: Öqáwmañwu, Jew-sinmuy moñwíam! niýqé puma may akw put wuválalwa.

4 ¶ Pu öviy Pilate piw yámaqé amumi pañqawu: Taa nu it umumi hórokna, nu qaháqam it ép hiyta qaántaqat tuwáitaqat uma nanáptaniqat öviy'o.

5 Noqw öviy Jesus kūtat wíykaiwtaqat akw qötösom-iwkañw pu paláskwawsat úskañw pañqw yama. [Noqw Pilate pumuy amumi pañqawu: It sinot aw yórikyaa!

6 Noqw öviy Susöqaltutuyqawhqat awwat súsmomñwit niqw pu hóhoñviayam put aw yórikyaqé'sáakmaqé pañqaqwa: Nahóylèhtsit aw múaa, nahóylèhtsit aw múaa! Noqw Pilate pumuy amumi pañqawu: Pi uma wikyé' put nahóylèhtsit aw muáyani, pi nu qahihta put aw qaántaqat tuwáita.

7 Noqw Jew-sinom laváyto-tiqé pañqaqwa: Itam tutávoiyuñwa, noqw itáhtutavoyniqw pam as soon qa mokni, pi pam Susöqaltutuyqawhqat Tíatniyqéy pán nātsokanaqé öviy'o.

8 Noqw öviy Pilate it laváyit navóttqé pahsat pu pas tsáwna.

9 Niýqé pu pavásiwhkimi piw pakit pu Jesust aw pañqawu: Ya um hak haqaq'ö? Noqw Jesus put aw qahiñqawu.

10 Pahsat pu Pilate put aw pañqawu: Ya um inumi pas qa híñqawni? Ya nu un

mātapniqéy aw öqálanikañw pu uñ nahóylèhtsit aw múa-niqéy aw öqálaniyqat um qa navóti'ta?

11 Jesus hu'waqé pañqawu: Pay as öqála qa òñaqw ūmi noíwhqw, soon um inumi öqálani. Pi yaniqw òviy i', nuy ūmi nóahqa pavan pas qaánti.

12 Noqw pahpiy pu Pilate put mātapniqéy tunátyawta, noqw pay Jew-sinom sáak-maqé pañqaqwa: Kurs um it sinot mātavé' pay um qa moñwit kwātsiatni, pi nā-moñwlawhqa moñwit éhpéwi híngawñwu.

13 Noqw òviy Pilate it navótqé pu Jesust iypo hórók-na, nit pu haqam átsvewat ép qatúkañw hakiy hin yukúnañwuqéy ép qatúptu, haqam owákantupha, yan māt-siwhqat ép'é. Nikañw Hebrew laváyit áñniyqé Gabatha, yan'i.

14 ¶ Noqw añ-rúhpakiwhqat ép totókaiyuñwa, noqw tāwa naváysikishaqam qöníwma. Noqw pam Jew-sinmuy amumi pañqawu: Umúhmoñwiw aw tátayaa!

15 Noqw pay puma sáak-maqé pañqaqwa: Ayo'haqami híntsanaa, ayo'haqami híntsanaa, nahóylèhtsit aw múaa! Noqw Pilate amumi pañqawu: Ya nu umúhmoñ-wiy nahóylèhtsit aw múani? Noqw Susöqaltutuyqawhqat

awwat súsmomñwit hu'wa-yaqé pañqaqwa: Itam qahákiy moñwi'yuñwa, pas moñwit saa.

16 ¶ Pahsat pu òviy pam put pumuy amumi mātavi, nahóylèhtsit aw muíwniqat òviy'o. Noqw puma Jesust nuáyat pu put ahpiy wíkyá.

17 Pu pam nahóylèhtsiy ikwiwkañw haqami másqötsomo, yan māt-siwhqat aw'i. Pam Hebrew laváyit añ Golgátha, yan māt-siwa.

18 Pèp puma put nahóylèhtsit aw muáya, hakímuy löqmuy énaña, nánikaqéé, noqw Jesus pumuy amúh-tsavéé.

19 Noqw Pilate piw hin pēnaqé pu put nahóylèhtsit ép tsóka. Noqw yan péita: Jesus Nazaretht añqwniyqa, Jew-sinmuy moñwíamu.

20 Noqw pam Hebrew laváyit añ péita, pu Greek laváyit nit pu Latin laváyit añ'a. Noqw haqam Jesus nahóylèhtsit ép hāyiwtaqw pam wúhkokitsokit áhayp-niqw, òviy kāysiwhqam Jew-sinom it péitaqat añ tuñwáya.

21 Pahsat pu Jew-sinmuy amúñaqw Susöqaltutuy-qawhqat awwat súsmomñwit Pilate aw pañqaqwa: Jew-sinmuy moñwíamu, qa yán um pēnat, Nu hapi Jew-sinmuy moñwíamu, pam kí-tahqat um pēnani.

22 Pilate hu'waqé pañqawu: Paypi nu hiyta pēnaqé, nu pēna.

23 Pahsat pu solāwam Jesust nahóyléhtsit aw muáyaqé pu put yūwsiyat ömáhtotat pu put nālövo o'ya, solāwamuy nāhuyvanaya, pu put usímniyata. Noqw usímini qa tūhiwtaqé áhsupoqhaqami pōqniwta.

24 Noqw öviy puma nānami pañqaqwa: Itam qa tsikayat put öviy nanávö'yani, mātaqpi haqawat pam himúatni, kitóta. Kurs hapi tutúvenyukit ántiniqw öviy'o. Pam pañqawu: Puma iyūwsiy nāhuyvaqé pu iúsínniy öviy nanávö'ya, it'a. Paniqw öviy solāwam iit yántoti.

25 Noqw pēp Jesust nahóyléhtsiyat áqlap put yuat wunúwta, noqw pu put yuyat túpkoat Mary, it Cleopast nōmaata, noqw pu Mary Magdalene.

26 Pu öviy Jesus yuy tuwákañw pu it put aw nānatuwnaqat, aw-unañway áqlap wúnuhqat túwahqé, pu yuy aw pañqawu: Wuhti, uhtiý tuwaa!

27 Pu pahsat pam put aw nānatuwnaqat aw pañqawu: Unuy tuwaa! Noqw pahpiy pam put aw nānatuwnaqa put nāpkíy aw wíki.

28 Yantaqat atsva pu Jesus sohók hiyta yukíltiqw na-

vóti'taqé, tutúvenyukit ántiniqw, pu pañqawu: Nu pānaqmoki.

29 Noqw pēp kúysivut añqw ovávala sika kūyiwta, noqw puma hiyta söyátkoitaqat ovávalat sikat akw tséhi-kwéknayat hisopt épēq söñnayat pu put pút moámi itaya.

30 Pu öviy Jesus ovávalat sikat kwusut pu pañqawu: Yukílti. Nit pu yókoltit pu hikwsiy mātavi.

31 ¶ Noqw nasúnwintalön-nit ép tokóam nahóyléhtsit qa ép pányuñwniqw, pi ép totókaniqw pu piw pam nasúnwintalönni pas hímuniqw, öviy pumuy hokáam qōqhitotiqw puma haqami hín-tsaniwyaniqat Jew-sinom Pilate aw nānawakna.

32 Pahsat pu solāwam ökiýqé móhti'maqat nikañw pu mítwat, put amum nahóyléhtsit aw muíwtaqamuy hokáyamuy qōqhitota.

33 Nikañw puma Jesust aw ökiýqé pay kurs pam mokqw, pay puma put hokáyat qa qōhiknaya.

34 Noqw pay suhka solāwa lánsay akw put súsñaqw sōýkwiknaqw, pahsat pay unwa kūyit enañ pañqw nōña.

35 Noqw i' it aw yórikqa navóti'ta, noqw put tuáwiat pas ántsaa, noqw pam pas qa atsátaqéy navóti'ta, umuy tūtuptsiwaniqw öviy'o.

36 Pi kurs hapi tutúven-yukit ántiniqw, öviy ii ya-níwhiti. Pam pañqawu: Qahimuwa put öqaat qöhi-kiwni.

37 Pu piw sútské' tutúven-yukit añ pañqawu: Puma ason it hakiy söykwiknaya-qéy aw yórikyani.

38 ¶ Iit yantaqat átsva pu Arimatheat añqw Joseph, as Jesust aw nánatuwnaqa, nī-kañw Jew-sinmuy mámqas-qéy öviy pay nanáuyvé pán-taqa, pam Jesust tokóyat ha-qami híntsanniqéy öviy Pi-late aw maqáptsita, noqw Pilate put nakwhana. Noqw öviy pam pítuhqé pu Jesust tokóyat yáwma.

39 Noqw pu piw i' Nico-dimus, ura móhtihaqam míhikiwtaqw Jesust aw pí-tuhqa, pam it Myrrht nit pu Aloest namíqriwtaqat tsivót-sikip sunat putut páhsaha-qam kimákañw pitu.

40 Pu öviy puma Jesust to-kóyat kwúsuhqé pu tusáq-tontsatsakwmötsaput akw put hiyta kwánwawhvatuat enañ mokáhta, hin Jew-sinom hakiy másyūwsinayañ-wuniqw, pan'i.

41 Noqw haqam pam na-hóyléhtsit ép hāyiltiqat ép ūyi, noqw pēp ūyit ép puhú-tuamqölö, pēp nāto qahisat hak taviwhqw, pántaqa.

42 Noqw Jew-sinom totó-kaiyunqw öviy puma pēp

Jesust taviya, pam tuámqölö háypniqw öviy'o.

## 20. QALÁLNI

1 Pu tsañ'sikis talöñwin-tiwhqat añqw súsmohti ta-löñvaqat ép Mary Magda-lene súits talávay, nāto qa-talq, tūamit aw'i, niyqé owat tūamit añqw ayo' taviwtaqat tuwa.

2 Niyqé pahsat pu pam wa-rikqé pu Simon Petert nit pu mitwat put aw nánatuwna-qat, put aw Jesus unánwaita-qat, pumuy amumi pitu niy-qé amumi pañqawu: Kurs puma Tutuyqawhqw tūamit añqw hóroknaya, niyqé itá-muyniqw kurspi haqami put taviya.

3 Pu öviy Peter mítwat put aw nánatuwnaqa amum tūa-mit aw'i, niyqé aw pitu.

4 Noqw öviy puma nāma aw wari, noqw mi'wa put aw ná-natuwnaqa Petert éhpéqtaqé pay mohti tūamit aw pitu.

5 Niyqé pam motóltiqé áh-sonmiq tātayi, niyqé tusáq-tontsatsakwmötsaput óyiý-qat tuwa; nit pay pam qa aqw paki.

6 Pahsat pu Simon Peter put añk pituhqé pu tūamit aqw paki, niyqé tusaqton-tsatsakwmötsaput óyiýqat tuwa.

7 Pu it höhönpit as akw put qötöat mōkiwtaqw, pay pam tusáqton-tsatsakwmötsaput qa



amum qátskañw pas nāp sup haqam nāla mupípitagata.

8 Pahsat pu ōviy mi'wa put aw nánatuwnaqa mohti tūamit aw pítuhqa, tuwat aqw paki, niyqé tuwat yori, niyqé tuptsiwa.

9 Nāto puma tutúvenyukit qa mātsi'taqé ōviy'o. Yan pam pas kurshin mokíwuy añqw qa tātayniqat put'a.

10 Pahsat pu put aw nánatuwnaqam ahoy kiy aw'i.

11 ¶ Noqw pay Mary tūamit iypaq wunúwkañw pákmumuya, pu ōviy pam pákmumuykañw motóltiqé pu tūamit áhsomiq yori.

12 Niyqé lōqmuy hōñviaya-tuy qōtsat yūwsi'kañw qatuqw pam tuwa. Haqé' Jesust tokóat as qátsqat pēp suhka qōtōvēqniqw pu mi'wa kúkvēq'a.

13 Noqw puma put aw pañqawu: Wuhti, ya um hinoqw pákmumuya? Noqw pam amumi pañqawu: Ispi puma Itútuyqawhqw kurs haqami hínsatsnaqw, nu haqam put tavíyaqat qa navóti'taqé ōviy'o.

14 Yan pam laváytit pu ahoy námtōkkañw Jesust pēp wunuwtaqat tuwa, nikañw put Jesustniqw pam qa mā-matsi.

15 Jesus put aw pañqawu: Wuhti, ya um hinoqw pákmumuya? Ya um hakiy hēpnuma? Noqw pam put ūyit

tumálaitaqatniyqat wūwaqé aw pañqawu: Tutuyqawhqa, kurs úm put haqami hín-tsané' um haqam put táviy-qéy nuy āawnani, noqw nú put haqami hínsanni.

16 Jesus put aw pañqawu: Mary. Noqw pam námtōkit pu put aw pañqawu: Rabboni, pam hapi, Moñwi, i'-niyqé pam'i.

17 Jesus put aw pañqawu: Um qa inumi tónokni, taq nu nāto Inay aw qa wūvi, nīkañw um itúpkomuy ámuminen pu amumi pañqawni; Nu Inay nikañw pu Umúnay aw wúpni, pu Isúsōqaltutuy-qawhqw nikañw pu Umúhsusōqaltutuyqawhqw aw'i.

18 Mary Magdalene Tutuyqawhqw aw yórikqé put aw nánatuwnayaqamuy amumi tūawva, pu pam put aw iit laváytiqata.

19 ¶ Noqw pay ēp talōñvaqat ēp it tsañé'sikis talōñwintiwqhqw amuñaqw mohti talōñniwtaqat ēp tapkiqw put aw nánatuwnayaqam Jew-sinmuy māmqasyaqé tsováwtaqw, hōtsíwħpa uh-tsiwyuñqw, Jesus pítuhqé amúhsonvé wunúwkañw pañqawu: Nam uma kwákw-haiwyuñwaa!

20 Pu pam amumi yan laváytit pu amumi māy máhtakna, pu súskaqéwat tókoyu. Pahsat pu put aw nánatuwnayaqam háhlayto-

ti, Tutuyqawh̄qat aw yórik-  
yaqéè.

21 Paḥsat pu piw Jesus  
amumi paṇqawu: Nam uma  
kwákwhaiwyuñwaa! Pay Ina  
hin nuy ayátaqw, nu pán  
umuy ayáta.

22 Pu yan pam laváytit pu  
amumi hikwsu, nit pu paṇ-  
qawu: Uma Qahovariwta-  
qat-Hikwsit kwusúyani.

23 Nāphaqawat qaántipu-  
yat uma ayo'haqami yukú-  
yaqw, pam put aw pánta-  
mantani, pu nāphaqawat  
qaántipuyat uma nuáyaqw,  
pam núíwtamantani.

24 ¶ Nikañw i' Thomas  
imuy pakwt lōq síykaitaqa-  
muy amúñaqwwi, Didymus  
yan mātsiwh̄qa, pam qa a-  
mumumniqw Jesus pitu.

25 Noqw ōviy mímawat put  
aw nánatuwnayaqam put aw  
paṇqaqwa: Itam Tutuy-  
qawh̄qat aw yórikya. Noqw  
pam amumi paṇqawu: Pay  
nu pas māyat ép muáh̄pit  
akw péivaqat aw qa yórik-  
kañw pu imálatsiy akw put  
aqw qa híntsankañw, pu put  
sútskaqéwat tokóyat aqw  
imay qa pané', pas nu soon  
túptsiwni.

26 Pu aḥpiy nanálsikis talq  
put aw nánatuwnayaqam  
piw áhpavè tsováwta. Noqw  
Thomas pumuy amumuma,  
noqw paḥsat Jesus pitu, uúts-  
pit úhtsi'yun̄q'ō, niyqé a-  
múhsonvé wunúwkañw paṇ-

qawu: Nam uma kwákwhai-  
wyuñwaa!

27 Paḥsat pu pam Thomast  
aw paṇqawu: Péw uhmala-  
tsiy itat imay aw yórikuu, pu  
péw uhm̄ay itat isútskaqé-  
watniyqat aqw panaa, pu um  
qapēvēwnakañw túptsiwni'-  
tani.

28 Pu Thomas laváytiqé  
put aw paṇqawu: Itútuy-  
qawh̄qa pu Isúsōqaltutuy-  
qawh̄qa!

29 Jesus put aw paṇqawu:  
Thomas, paypi um inumi  
yórikqé ōviy túptsiwa. Pas  
ima inúmi qa yórikyakañ-  
kañw tūtuptsiwaqam pas  
háhl̄aypit épya.

30 ¶ Pu paypas níytiwtaqat  
súsmataqpuva hiȳta tuáwi'-  
yun̄qat Jesus put aw nána-  
tuwnayaqamuy amumumni-  
kañw tumáltaqw, pam it tu-  
túvenit ép qa péiyuñwa.

31 Nikañw ii yāyantaqa pē-  
niwa, uma Jesust it Christ-  
niyqat it Susōqaltutuyqawh̄-  
qat tíatniyqat tūtuptsiwa-  
niq'ō. Pu uma tūtuptsiwé'  
put nátnwaniyat añ qatsit  
himúivayaniq'ō.

## 21. QALÁLNI

1 Iit yāyantaqat atsva pu  
Jesus wúhkovatuphat, Ti-  
berias yan mātsiwh̄qat, ép  
put aw nánatuwnayaqamuy  
amumi piw nāmahtakna,  
niyqé yanwat amumi nāmahtakna.

2 Ima Simon Peter niqw pu Thomas, Didymus yan tūn-wantiwhqa niqw pu Nathanael, Galileet ép Canat añqw-niýqa niqw pu Zebedeet ti-yótimat niqw pu put aw nánatuwnaqam löyömu, ima haqam sūpya.

3 ¶ Simon Peter pumuy amumi pañqawu: Nu pakíw-maqto. Pay itam úmumyani, puma put aw kitóta. Puma páhpiyaqé pu pākihut aqw pahsat pay yuñá, nit ép mihiqw puma qahiýta kwísna-ya.

4 Nikañw qavónvaqw talávay Jesus pāhut kalávèq wunu, noqw put aw náratuwnayaqam put Jesustniqw qa māmatsya.

5 ¶ Pahsat pu Jesus pumuy amumi pañqawu: Tsātsayomu, ya uma qahiýta nōvaiyuñwa? Qaé, puma put aw kitóta.

6 ¶ Pu pam amumi pañqawu: Uma pākihut pútvaqé-wat umúhtutsayay tūvayani, nèn uma tútwani. Noqw puma pántotiqé pu qa kātóti, pāvakiwhituy qaáne-wakwhintaqamuy íntotaqé öviy'o.

7 Paniqw öviy it, put aw nánatuwnaqat aw Jesus un-áñwaitaqw, pam Petert aw pañqawu: Taq pi Tutuy-qawhqa. Noqw Simon Peter put Tutuyqawhqañiýqat navótgé pu pakíwmaqnap-

nay añ paki, pam qa yūwsi'-taqé öviy'o, nit pu wúhkova-tuphamiq nātuva.

8 Noqw mímawat put aw nánatuwnayaqam híysakw-hoyat pākihut akwyakah-kañw tutsáyat ép pāvakiwhituy íniwyuñqamuy lölökin-kañkañw öki. Puma tuts-kwat añqw qa yápyaqw öviy'o. [Pay pakwútssikip sunat] tsövit aw pahsavo mā-tuwanit páhsaphaqamiya.

9 Niýqé öviy puma panis tútskwami ökiýqé puma pép tövut hovéyeliwtaqat tutwa, pu pāvakiwhit añ öyiýqata, pu pölávikita.

10 Jesus pumuy amumi pañqawu: Uma pāvakiwhituy pu' kwísnayaqéy añqw péw kiwísni.

11 Simon Peter áwniýqé pu tutsáyat ép hóhoskaytuy pāvakiwhituy óhpokiwtatqat tútskwami lölökinta, tsañé'-sikip sunat nikañw pakwt páykomuy síykaitaqamuyu. Noqw nāmahin as qaáne-wakwhintaqamuyñiqw tutsáya qa tsiki.

12 ¶ Jesus pumuy amumi pañqawu: Huvam péwyé' nönösaa! Noqw soon himúwa put aw nánatuwnaqa put tūvinté', Um hak'i, aw kitani; pi puma put Tutuy-qawhqañiýqat navóti'yuñqé öviy'o.

13 Pu pahsat Jesus amúmi-niýqé pu pölávikit kwusut pu

pumuy put húyta, pu pāva-kiwhtuy piw anti.

14 It akw hapi pu Jesus put aw nánatuwnayaqamuy amumi pāyis nāmahtakna, mokíwuy aṇqw tātayt'a.

15 ¶ Pu ōviy pumuy nōnōsaqw, Jesus Simon Petert aw paṇqawu: Simon, Jonast tiata, ya um imuy amúhpēniyqé inúmi pas unánwaita? Noqw pam put aw paṇqawu: Owí, Tutuyqawhqa, pay nu ūmi unánwaitaqw, um navóti'ta. Pam put aw paṇqawu: Imámñatuy nópni'taa.

16 Pu lösáimakanw piw pam put aw paṇqawu: Simon, Jonast tiata, ya um inúmi pas unánwaita? Pam put aw paṇqawu: Owí Tutuyqawhqa, pay nu ūmi unánwaitaqw, um navóti'ta. Pam put aw paṇqawu: Ikánelvokmuy amumi tunát-yawtaa.

17 Pu pam payísni'makaṇw put aw paṇqawu: Simon Jonast tiata, ya um inumi unánwaita? Noqw Peter pas qaháhlayti, pam put aw, Ya um inúmi unánwaita, pāyis kitaqw ōviy'o. Noqw pam put aw paṇqawu: Tutuyqawhqa, um solhok hiyta navóti'ta, pay nu ūmi unánwaitaqw, um navóti'ta. Jesus put aw paṇqawu: Ikánelvokmuy nópni'taa.

18 ¶ Pas antsa, pas antsa

nu ūmi paṇqawni: Pay um tsáyniyqé hiyta kwéwhtat pu haqami unánwte' um pánsohaqaminiṇwu, nīkaṇw pay ason um wuyóhte' um uhmáy hóhtaknani, noqw pu sulhka uṇ kwéwhtoynani, nit pu uṇ haqami qanāwaknaqat paṇso uṇ wikni.

19 Noqw pam hīntaqat mokíwuy akw Susōqaltutuyqawhqaqat tayáwnaniqat pam paṇqawhqaqé kita. Pu pam yan laváytit put aw paṇqawu: Inúnki.

20 ¶ Peter námtökgé it, put aw nánatuwnaqat aw Jesus unánwaitaqw, pam aṅkniqw tuwa. Pam hapi ura tápkniqw nōnovaqw put tawítsqayat aw táhtsikiwtaqé pu paṇqawu: Tutuyqawhqa, ya hak ūmi núkpante' uṇ núhtumi lālayni?

21 Peter put túwahqé, Jesus aw paṇqawu: Tutuyqawhqa, noqw i' tuwat hīntini?

22 Jesus put aw paṇqawu: Pay pi pas nuy pítuniqat aw páhsavo pam qátuniqat nuy nāwaknaniqw, ya um put híntsanni? Um inúnkni.

23 Paḥsat pu i' yan laváyi nānatupkomuy amúhpa yuáatiwa, pam put aw nánatuwnaqa qa mókniqat, ii. Noqw pi Jesus put aw qa paṇqawu: Pam qa mokni, qa kita. Nīkaṇw, Paypi pas nuy pítuniqat aw páhsavo pam qátu-



niqat nuy nāwaknaniqw, ya  
um put híntsanni? kita.

24 I' hapi put aw nánatuw-  
naqa iit tuáwi'ta, niyqé iit  
pēna. Noqw itam navóti'-  
yuñqw, put tuáwiat pas qa-  
átsa.

270

25 Pu piw pay as pēhut  
níytiwtaqat Jesus tumálta,  
noqw ka as pam sohsoy pē-  
niltiniqw, pas ka hikis tūwa-  
qatsi soon tutúvenit pēniw-  
niqat aw áptsiwtani. Pas  
paynam ókiw ántaa.













